





233 / 308.  
319 392  
3867

69

~~11~~

11

~~Ma 1010~~

D. 6. 44

~~VIII 60 20~~

14-1. w l.

~~Ma 1010~~

~~Ma 1010~~



# R E S P O N C E

DES VRAYS CATHOLIQUES

FRANÇOIS, A' L'AVERTIS-

sement des Catholiques Anglois,

pour l'exclusion du Roy de

Nauarre de la Couronne

de France.



*Descourrant les calomnies, suppositions, & ruses contenues es Declarations, & Apologies du Roy de Nauarre, & des heretiques, & autres librets faits contre le Roy, son Edit de la Reunion, ses bons subiets les Catholiques, & la Religion Catholique, Apostolique & Romaine.*

*Bibliothèque de Marie Transpontine*


I E R E M I E. 2.

Passiez iusques aux Isles de Cethin, & voyez & enuoyez en Cedar, & considerez diligemment & voyez si on y fait le mesme, si la gent a changé ses Dieux, qui neantmoins ne sont point Dieux, mais mon peuple a changé sa gloire en vn Idole. O vous Cieux soyez esbahis sur ce: & vous portes des Cieux soyez-en grandement desolees, dit le Seigneur.

2. Corinth. 6.

*Ne vous submettez point au ioug  
des infideles.*

*Traduict du Latin.*



M. D. LXXXVIII.

SOMMAIRE DV LIVRE EN  
QUATRE POINCTS.

- 1 L'ambition du Roy de Nauarre & son animosité contre la religion Catholique & l'estat 5.
- 2 L'vnion & ligue des Catholiques est le remede souverain contre l'heresie 77.
- 3 Ligue contre l'heresie est de l'intention & commandement du Roy 120.
- 4 Le Roy de Nauarre est inhabile de la couronne par tous droicts voyes & manieres 147.

---

LIBELS DIFFAMATOIRES  
CONFVTEZ EN CE LIVRE.

- 1 *Aduertissement quel party l'on doit choisir Imprimé à Montauban.*
- 2 *Amignisard.*
- 3 *Apologie Catholique par Belloy.*
- 4 *Declaration du Roy de Nauarre.*
- 5 *Francogallie.*
- 6 *Declaration & protestation du Roy de Nauarre, & du Prince de Condé.*
- 7 *Exposition sur la declaration du Duc de Mayenne.*
- 8 *Remonstrance aux trois Estats sur la guerre de la Ligue.*
- 9 *Lettre d'un gentilhomme soy disant Catholique pour responce aux calomnies d'un pretendu Anglois par Mornay.*
- 10 *Responce aux declarations de messieurs de Guise.*
- 11 *Le veritable sur la Sainte Ligue.*
- 12 *Opposition du Roy de Nauarre & du Prince de Condé contre l'excommunication du Pape.*
- 13 *Coppie de lettre du discours qui se passa au Cabinet du Roy de N. en l'an 1584.*
- 14 *Briefue responce de soy disant Catholique François à l'Apologie des ligueurs soy disant Cathol. vnns ensemble.*

# RESPONCE DES VRAYS

*Catholiques François, à l'Aduertissement des  
Catholiques Anglois, pour l'exclusion du Roy  
de Nauarre de la Couronne de France.*

BIBLIOT. J. N.  
REC. A.  
VITTORIO EMANUELE

**N**Ous ne pouuons prendre qu'en tres bon-  
ne part, le bon office que vous faites à  
nous tous Catholiques François, par vo-  
stre non moins prудét que sage & Chrestien Aduertissement. Et comme vous parlez de noz mal-  
heurs, non cōme clerics d'armes: mais comme sen-  
tans & experimentans tous les iours la pesanteur  
de la tyrānie de l'Heretie la plus cruelle & insup-  
portable qui fut onques: aussi nous recognoissons  
tresbien, que vous estes iuges competans de ceste  
matiere, & que vous ne nous conseillez chose, qui  
ne soit iuste, veritable, vtile, & tres necessaire, nō  
seulement pour la conseruation de la cognoissan-  
ce de ce vray Dieu Trin & vn, & de la manuten-  
tion de son Eglise & religiō en nostre païs de Frā-  
ce, mais aussi pour le bien, repos & prosperité de  
ce royaume, auquel est coniointe la tution & de-  
fence des biens, honneurs, & vies de tous les Ca-  
tholiques. Nous vous pouuons tesmoigner, qu'il  
n'y a bon Catholique François, qui ne veuille se  
signer & souscrire tres-volontiers de son propre  
sang au bon aduis & conseil que vous dōnez. C'e-  
stoit chose, pour ne vous dissimuler point, à la-  
quelle nous estiōs desia resolu, de mourir plustost  
tous en vn mōceau de cent mille morts, que d'en-  
durer q̄ le Roy de Nauarre, chef de la plus factieu-  
se secte, & du plus detestable party d'heretiques,

qui fut iamais, paruienne où il abbaye tant, c'est à  
 ſçauoir qu'il puiſſe nous commander iamais ſouz  
 ce doux & ſouuerain nom de Roy de France, qui  
 eſt cōioinct & vny d'une liaiſon inſeparable avec  
 ce ſingulier & precieux tiltre & ſurnom de tres-  
 chreſtien, duquel il s'eſt rendu indigne & incapa-  
 ble. D'une choſe vous voulōs nous bien aduiſer, q̃  
 tout ainſi que voſtre eſcrit a eſté le premier, qui à  
 bouche ouuerte & à viſage deſcouuert l'a fait co-  
 gnoiſtre au monde tel qu'il eſt, & nous a préſenté  
 les remedes, deſquels nous deuons vſer contre tāt  
 de maux, dāgers & mal-heurs, dont nous ſommes  
 menacez par ſon moyen, ſi Dieu n'a pitié de nous:  
 auſſi nous n'auōs point apperceu, que noſtre Hu-  
 guenot (qui ne veut dire autre choſe en noſtre lā-  
 gue qu'Heretique factieux & rebelle) ſe ſoit plus  
 ſenti piqué & atteint au viſ, ny qu'il ſoit par cōſe-  
 quēt entré en plus grande meſdiſance & furie, que  
 voyāt voſtre liuret imprimé par tant de fois, & en  
 ſi diuers lieux, leu & receu generalemēt parmy les  
 catholiques és Eſcholes, Palais, & toutes aſſēblees  
 avec merueilleux applaudiſſemēt, voire meſme de  
 la plus part de ceux, que vous appelez Politiques  
 & Machiaueliſtes, leſquels, encor qu'ils n'ayēt au-  
 tre ſentimēt que de la chair & du ſang, & des cho-  
 ſes preſentes, ont neantmoins reconnu n'auoir ia-  
 mais penſé de ſi pres à l'importāce, que c'eſt pour  
 l'eſtat du royaume, le repos & tranquillité de ceſte  
 vie, que de ſe ſouz-mettre à vn Prince Heretique.

Et par ce que l'Hugenot ſemoit par tout, pour  
 toute deſence, que ce que vous parliez des inten-  
 tiōs & qualitez, qui ſont au Roy de Nauarre & en  
 ſon hereſie, ce n'eſtoient qu'iniures & calomnies,

& que fondans l'vniõ & la ligue des Catholiques pour vn remede & precaution, vous n'estiez que seditieux: & la iustificiant de l'auctorité & approbation du Roy vous n'estiez qu'imposteurs: & concluans à l'exclusion dudit Sieur de la Courõne de France, vous vous monstrez vrays Anglois, c'est à dire naturels & anciens ennemis de la maison de France, & de la paix & repos de cest estat, Nous auons pensé ne vous pouuoir rendre la pareille en meilleure occasion, qu'en reuanchant vostre nom & reputatiõ de ces vilains tiltres de calūniateurs, seditieux, imposteurs & noz ennemis iurez: & à ces fins deposer à tous ceux qui viuēt, & à leur posterité ce que nous pouuons sçauoir en ce fait de plus certaine science, que vous ne pouuez, & neantmoins conformemēt à ce que vous en auez dit & publié, protestās deuāt Dieu & ses Anges de ne dire rien que nous n'ayons veu, ou ne sçachions tres-bien & si certainemēt, que si nous en auïõs à deposer en iugement & avec serment, attestās sur ce la propre consciēce du Roy de Nauarre & des Huguenots, qui ont eu aucune part és affaires & faits, que nous reciterõs. Et nous auõs entrepris ceste besõgne, bien que ce soit avec vn stille rude & compilé de plusieurs mains & testes, d'autant plus volontiers que ledit Roy en sa Declaration atteste & coniure les Catholiques de tesmoigner ce, qu'ils sentent & sçauēt en leurs consciences de luy & de ses deportemens: & que sans vouloir attendre nostre audition pour l'asseurāce qu'il auoit qu'elle ne pouuoit estre cõforme à ses intendies, il auoit par vne gentille façon, & à la maniere du Prestre Martin (cõme nous disons cõmunement)

*Argument  
du liure en  
4. poincts.*

*Le Roy de  
N. vent que  
les Catho-  
liques disēt  
qu'il est hõ  
me de bien.*

qui se respond foy-mefme, fuppose noltre nom & faict dresser au nom des catholiques François, des Aduertiffemens, Apologies, responces & autres discours, oultre ses declaratiōs, & plusieurs liurets faicts n'a-gueres par luy ou les fiens, le tout au grand defauantage de la verité, de l'honneur de Dieu, de la piete du Roy, de la syncere intention des Catholiques, de la manutentiō de la Religion Catholique, Apostolique, & Romaine, & du bien de ce Royaume, lesquels il nous a semblé ne deuoit laisser plus longuement sans quelque responce. Cōbien que ce qui a esté forgé en noltre nom, porte avec foy son defadueu si manifeste, que nous ne pouuons point penser, que chacun ne recognoisse aisément la supposition & fauceté par le seul langage plein de calomnies, d'erreurs & de propositions heretiques : & que tout ensemble il n'admire la grādeur & force de la verité de la Religion Catholique, de voir qu'il faille que ceux mesmes, qui y sont contraires renient par escrit leur foy, & empruntent le nom & masque de Catholique, pour se rendre plus croyables, tant ils se recognoissent descriez & hays du monde.

Que le Roy de Nauarre n'aye iamais eu autre fin & but, que s'impatroniser de cest Estat & de la Couronne de ce Royaume par diuers moyens, pretextes & pretentions, sans se soucier de l'une ou l'autre Religion, sinon entant qu'elle luy pouuoit seruir à ceste fin : tout le cours de sa vie, ses actions & deportemens en font tres-bonne preuue, à qui les veut considerer.

Deslors qu'il se sentit honoré de ce tiltre de Roy de Nauarre, qui fut par le decez de sa mere,

l'an 1572. y trouuant plus de fumee & de vét, que de prinse & de verité, il fut si affriandé à vn meilleur morceau, qu'il s'imagina deuoir tendre à celui de la France, qu'il oyoit dire auoir esté occasion, que ses predecesseurs du costé de la mere, auoient esté despoüillez en effect de celui de Nauarre, ou de la plus grand part, & aussi que ses ancestres du costé du pere auoient tousiours pretendu de ce Royaume de France leur appartient, comme Charles de Bourbon, qui mourut à Rome, contre le grand Roy François, & n'a-gueres le feu Prince de Condé, tesmoin les monnoyes d'argent, avec ceste inscription LOYS XIII. ROY DE FRANCE, representees au Louure en assemblee generale par ce grand Connestable de Montmorécy le 7.iour d'Octobre, 1567. à vne heure apres midy.

*1. point de l'ambition du Roy de N. & animosité contre la Religion Catholique.*

Il n'eut point faute de bons Conseillers, pour le pousser & entretenir en ceste intétion. Il auoit cest insigne ennemy de la France l'Admiral de Chastillon, qui à la faueur dudit Sieur Roy, que ie ne dic à son adueu, dressa incontinct ceste malheureuse coniuration, pour laquelle repousser, aduint la iournee Saint Barthelemy, & l'executiō iudiciaire de Briquemaur & Cauaignes, ainsi que tesmoignent les Declarations du Roy faites deslors & depuis. Voyant le party heretique affoibly par ceste saignee, & tant debile, qu'il ne le pourroit esleuer, où il aspiroit, se resolut de faire du Catholique. Et neantmoins pour colorer sa reduction, & oster l'opinion, que ce fut pour iamais n'auoir eu de conscience, & auoit passé outre, ains au contraire, qu'on pensast que ce

changement vint d'en-haut, & par la force de la  
 seule verité, qu'il cognoissoit refider chez les Ca-  
 tholiques, il voulut biẽ que ce fut apres auoir estẽ  
 longuement par plusieurs iours instruit & Cate-  
 chisẽ par ces grãds Theologiens de Maldonat, de  
 sainct Germain, & saincte Foy, desquels les deux  
 derniers sont à presẽt Euesques de Paris, & de Ne-  
 uers. Il les choisit luy mesme, le premier pour estre  
 Iesuiste & Espagnol, & lecteur ordinaire en Theo-  
 logie à Paris, le second vn des principaux du corps  
 de la Facultẽ de Theologie de Paris, l'autre pour  
 estre le Predicateur de la Cour, & bien-aimẽ du  
 Roy: par ce qu'il voyoit qu'ils luy pourroient ser-  
 uir de trõpette de sa conuersion. veritable es plus  
 grandes cõpagnies dedans & dehors le Royaume.  
 Dont il deuroit auoir honte de demander instru-  
 ction, ou se plaindre qu'on la luy a refusee. Au lĩ  
 Dieu sçait comme depuis son abiuration & pro-  
 fession de foy, il ne se pouuoit saouler de publier  
 le contentement, qu'il sentoit en foy mesme d'e-  
 stre en l'Eglise Catholique, & cõme il dechiffroit  
 appertemẽt la malice & ruse des Ministres & des  
 Huguenots. De son propre mouuement il ordon-  
 na incontinent, que tous ceux qui estoient cou-  
 chez en l'Estat de sa maison, fussent Catholiques:  
 il fit pour ses paĩs de Nauarre & Bearn vn sembla-  
 ble Edit, que le Roy auoit fait pour la re vnion de  
 ses subiects à l'Eglise Catholique. Et pour tenir la  
 main à l'execution, il enuoye pour Gouverneur &  
 Lieutenant general le Sieur de Gramon: de pesche  
 vers le Pape Gregoire 13. gens expres pour demã-  
 der son absolutiõ, & rehabilitatiõ & biẽ tost apres  
 le Sieur de Duras, pour luy rẽdre l'obedience de sa

*Hippocri-  
 sie du Roy  
 de Nauar.*



part. Brief, il n'oblie artifice quelconque pour paroistre & acquerir reputation parmy les Catholiques, iusques à se rendre si officieux & priué enuers ceux de Guise, qu'il voyoit auoir acquis le cœur & l'affection des François & de sa Maiesté, qu'il sembloit que ce ne fut qu'un corps & vne ame de luy & du Sieur de Guise.

Ce pendant il ne perd pas tēps pour son dessein. Il bande par plusieurs fois le frere contre le frere, & remplit la Cour de diuisions, mescontentemēs factions, & coniurations, disant parmy ses confidens, qu'il mesleroit tellement les cartes, que le ieu luy demeureroit, ou que au pis, estant employé à les demesler, il auroit bon moien de iouer à son aduantage au Roy despouillé. Toutesfois la prouidence de Dieu en disposa autrement, & rompit tout autant de fois ses menées. Il eust bon besoin de la clemence de noz Roys & de la debonnaireté de la Royne mere, qui fut si grāde en son endroit, qu'ils se contenterent des belles promesses & sermens, qu'il leur feit d'estre à iamais tres-obeissant subiect & fils.

*Meschans  
desseins de  
R. de N.*

Neantmoins l'on sçait cōme ayant persuadé feu Mōsieur, frere du Roy de se separer de leurs Maiestez & prendre la protectiō de l'heresie Caluiniēne avec promesse de le suiure incontinent, quelle contremine il luy procuroit en Cour souz couleur de zele Catholique: afin de l'exclurre de son rāg & s'y maintenir seul. L'on sçait cōme en mesme tēps il affectoit infinimēt l'amitié des Princes Catholiques. Et pour les induire & gagner mieux à exclurre Monsieur, & deposseder le Roy, il fit imprimer tant de meschans liures diffamatoires cōtre sa

Majesté & son Altesse, & entre autres le Reueille-  
 matin, par lequel il conuoit le sieur de Guyse à  
 manger dans la pōle de la Royauté avec flatetie,  
 qu'il meritoit mieux que tout autre la Coutōne:  
 qu'elle luy appartenoit & que tous auoiēt les ieux  
 iettez sur luy, pour luy obeir & le recognoistre. Il  
 pensoit auoir contracté vne si estroite amitié avec  
 ces Meilleurs de Guise, & les imaginoit si fort liez  
 à soy, qu'il pensoit qu'ils seroiēt de la patrie: toute-  
 fois il experimēta au bon du fait leur bōté, & la fi-  
 delité, qu'ils ont à cest estat, & qu'ils ont tousiours  
 porté à leur Roy & légitime & naturel, & singu-  
 lierement aux Majestez du Roy & de la Roine vi-  
 uāts: tellemēt que se voiant desnié il conçeut vne  
 hayne mortelle cōtr'eux: & sentant que la fumee  
 en venoit desia iusques au nez du Roy, cōme de-  
 sesperé, souz pretexte d'aller à l'assemblée, il se de-  
 partit de la Cour, & se reietta entre les bras des hu-  
 guenots, s'imaginant (tant la conscience l'accusoit  
 & comme il print pour ses excuses) que s'il ne fut  
 party ce iour mesme, que leurs Maiestez le vou-  
 loient mal traitet & enuoyer à la Bastille. Et d'ail-  
 leurs pour l'horreur qu'il auoit de sō entreprinse,  
 il n'osa s'approcher de l'armée de Mōsieur, ains ti-  
 ra droit vers la Xainctōge avec le peu de gēs, qu'il  
 peut ramasser. Il n'auoit pas intention de l'execu-  
 ter si tost iusques lors qu'il verroit les affaires du  
 Roy aller plus mal, cōme il esperoit qu'il aduien-  
 droit par le moyen de l'armée de Monsieur. Mais  
 s'apparceuant qu'iceluy commençoit d'auoir  
 grand mescontentemēt & regret de s'estre iamais  
 engaigé parmy ce party d'huguenots incompati-  
 bles & turbulents, & qu'il cognoissoit auili que

le conseil que le Roy de Nauarre luy en auoit donné, ne tédoit que pour se preualoir de sa despouille & affin de l'exclurre de la Couronne à l'occasion de la protection des heretiques & que de faict la paix s'en alloit cōme faite, il se resolut de l'essayer sur le point qu'il iugeoit que sa mine faisant faux feu, il auoit le moyen de se rédre chef dudit party & de la grande armee qu'ils auoient sur piedz composée de troupes Françoises & estrangeres, en leur baillant pour seureté de sa reduction l'iniure faite au Roy & à l'estat. Tellemēt que iugeāt auoir perdu toute esperance prochaine de la Couronne par voye de la Religion Catholique, & que ceux de Guyse & les Catholiques ne valoient rien au mestier des rebelles, il se resolut de tēter à paruenir à son but tant desiré par le moyen du party Heretique. Et affin qu'il luy tombast en main au plustot, il seme tant de diuisions & deffiances parmy les troupes Huguenottes contre Monsieur, & leur imprima si bien qu'il les vouloit trōper, que voila Monsieur le Prince de Condé qui refuse d'accompagner Monsieur dans Bourges, pour crainte de sa personne, disoit-il. Et se venant ioindre au Roy de Nauarre, il ne cessa iusques à ce qu'il luy eust soustraiēt tous ceux de ce party. S'il auoit estē vehemēt à faire du bon & zélé Catholique, il feist pour lors de l'Huguenot enraigé, tant par ses executiōs militaires, que par ses propos ordinaires, mesdisant à pleine bouche du Pape, des Euesques, des Ecclesiastiques, du Roy, de la Royne mere, de la Royne sa femme, & de tous les saintes exercices de l'Eglise Catholique, & singulierement de la sainte Messe, qu'il appelloit communement

& parmy ses repas la paillardie : dont il acquist en peu de temps telle creance parmy ces gens, que le voila, qui cōmēce à s'intituler à la fin de l'an 1576. le Chef & protecteur des Eglises Reformees.

Nous ne vous dirons point avec qu'elle couuerture il commença pour lors à tramer & faire la guerre par surprinse de villes & places fortes & autres voyes qui leur sont ordinaires: comme aussi en l'an 1580. & luy & le Prince de Condé par la prinse de la Fere, forçerent le Roy, & leurs propres Eglises (ainsi les appellent-ils) à reprendre les armes, au mesme temps qu'ils faignoient ne penser que a plâter les choux de feu Admiral de Chastillon, & qu'ils asseuroient d'auantage & leurs Maiestez & ses Gouverneurs & Lieutenans generaux & ses bons subiects de ne vouloir que maintenir la paix & viure souz le benefice de l'Edict de Pacification : seulement ie prieray icy tous lecteurs se despouiller de toute passion, & vouloir iuger de ce faiēt avec la mesme sincerité qu'ils feroient s'il touchoit vn Prince estranger & incogneu.

*Le Roy de  
N se sert de  
la Religiō,  
pour par-  
uenir à la  
Couronne  
de France.*

Premierement, ne cognoissez vous pas, que c'est vn Prince qui n'a aucune Religiō, & qui ne se sert de la Catholique & de la Huguenotte, que pour amorcer & hameçon de sō ambitiō à la Royauté selon les occasions du temps? Auoir cōtinué quatre ans en demōstration & professiō assidue & publique de Catholique fēme & constant lors qu'il auoit & l'aage & l'entendement, & la volōté & le pouuoir de remuer des plus grandes entreprinſes du monde, lors qu'il à eu (si la force eust cōtrainct sa consciēce) dix mil moyens de s'oster de la Cour,

se retirer à la Rochelle, Nauarreins, Montauban, Bergerac, ou autres deses villes & places fortes, de declarer à cest heure qu'en son cœur il ne fut oncques Catholique, & que ce qu'il dissimuloit n'estoit que par force, & pour le subiet qu'il auoit de iuste crainte? Est-il possible, qu'il se trouue gens de si facile creance? ou bien, est-il possible de pouuoir persuader au monde, qu'une si grande, libre, & longue dissimulation, en chose de telle importance, que le salut de foy, & d'une milliad de personnes puisse couuer en vne bonne ame, & craignât Dieu? Est-il possible que s'il croioit vn Dieu, & que la Religion Huguenotte fut sainte, & d'institution diuine qu'il eut faict tant de demonstrations contraires à ce par l'espace de tant de temps, sans quelque prostation, bien que, secrette de sa force, deuant notaire & tesmoins, ainsi qu'il s'observe en moindre chose? Qu'il n'eust depuis tesmoigné par quelques pleurs & penitence de saint Pierre le regret, qu'il auoit de l'auoir publicquement renoncee & abiuree si long temps? Qu'il ne se fut retenu de mesdire lors si souuent des Pretendus reformez, & de leur Religion, mais le dire de son Ministre Marmet est veritable? Que tout homme qui dissimule sa Religion, est au grand chemin de l'Atheisme, & qu'il fera grand miracle, continuant quelque eemps, s'il ne tombe bien tost en ce gouffre la.

Se peut il imaginer qu'un cœur de Prince & genereux se veuille ou puisse excuser d'une crainte si basse & digne d'un valet & esclaue cōme parle le-dit Marmet, mēsmes où il va de renyer Dieu & sa foy, & qu'il ose declarer apertemēt que ce qu'il en

à fait, n'a pas esté par ignorāce ou autre infirmité, comme s'excusoit S. Pol, mais que de sens rassis & de tout son bon iugement il à renoncé publicquement Iesus Christ, & à abiuré sa foy & religion par l'espace de tant de temps: cōbien qu'il ne doutat aucunement deslors (comme il dit) que son salut ne gist en elle seule? De dire qu'il n'aye peu en si long temps par iuste crainte recouurer sa volōté (ce sont ses mots) puis qu'il ne falloit pour s'en exempter que sortir des faux-bourgs de Paris, & faire le mesme qu'il feit en l'an 1576. craignoit il alors de sortir, ou bien ne le pouuoit-il pas aussi seuremēt, que depuis, luy qui alloit & loing & pres pour ses plaisirs, avec autant de liberté & pouuoir que le Roy mesme eust sçeu faire? N'y pouuoit-il pas aller aussi bien pour la liberté de sa consciēce, pour sa Religion, pour l'honneur de son Dieu s'il en eust eu? Ne pouuoit-il pas aller aussi tost à la Rochelle qu'aux frontieres de Chāpagne visiter le Duc de Guyse? Apres le siege de deuant leué, ne pouuoit-il point en vn salut s'y enfermer & y estre aussi seurement qu'il se vante y estre à cest-heure? N'est-ce pas à la verité se mocquer du monde, que de nous vouloir faire passer ces fatiboles pour iustes raisons? & en chose de telle cōsequēce, le seul long temps de quatre ans n'est-il pas suffisant par toute dispositiō de droit, pour dementir ceste pretendue crainte & contraincte, outre la cognoissāce que nous tous François auons de la liberté & puissance qu'il auoit en Cour?

Quelle foy peut-on auoir à riē qu'il dise ou face iamais, puis qu'il s'aduoue si librement vn si grād dissimulateur & feint, que ie ne die Hipocrite? Qui

croira qu'il puisse estre ouuert & entier en l'édroit des Catholiques, puis qu'il se declare si double envers Dieu? Est-ce le moyē de guerir par telle dissimulation la deffiance que nous auons de luy? Cela mesmes qu'il à renōcé publiquement si lōg temps sa Religion, aussi licentieusement que seroit tout Athee, n'est-il pas suffisant pour l'exclurre & dechasser non seulement de la Couronne de France, mais aussi de toute charge publique? Car, disoit tresbien Constantius pere de ce grand Cōstantin, lors qu'il chassa de son seruice, & retrancha de l'Estat de sa maison, ceux qui auoient renié la Religion Chrestienne, pour la consideration ou crainte de l'ordonnance qu'il en auoit fait pour les esprouuer, Comment garderont ceux là la foy & fidelité à l'Empereur & aux hommes, qui ne l'ont pas gardee à Dieu? conformemēt à ce que nous lisons que les Iuifs dirent au Roy Ptolomee, Que ceux là ne seroient iamais fidelles à leur Roy, qui auoiet quitté leur Religiõ, en māgeant choses defendues par icelle. Et c'est aussi pourquoy l'Empereur Leon le Grād, enuiron l'an 466. (nous disons ou entendons tousiours cest enuiron durant les 600. ans premiers de nostre Seigneur par ce) pour le dire vne fois pour toutes (qu'il n'y à guere, ou du tout point, de certitude au calcul des ans de nostre Sauueur durant ce temps là, en quelque chose que ce soit) ne voulut point resigner n'y fier l'Empire à Zenon son gendre, d'autant qu'il auoit varié en la Religion, & estoit soubçonné d'Herésie, mais par son exclusion le bailla à son nepueu Leō fils de Zenon, qui n'auoit point changé, & estoit bon Catholique. Les Chrestiens ne pouuans

endurer (dit Zonare) vn Empereur heretique, ont declaré ne vouloir pour s<sup>o</sup> successeur autre qui ne fut Cathol. assure, ayans, à ceste occasion preferé à l'electi<sup>o</sup>n de l'Empire ledit Le<sup>o</sup> le Gr<sup>ad</sup> à Aspar le Patrice, qui y pretendoit c<sup>o</sup>me estât des principaux Seigneurs, mais neantmoins Arrien, & aussi rompu la nominati<sup>o</sup>n que ledit Le<sup>o</sup> auoit fait vne fois du fils dudit Aspar aussi Heretiq. pour Cesar & son successeur, avec requeste speciale qu'il luy pleut de ne nommer autre pour successeur qui ne fut Cathol.

Aussi sommes nous bien resolz d'attendre autres quatre ans & plus, lors que le Roy de Nauarre retournera à faire du Catholique, ou que qu'il nous voudra assurer de quelque chose moindre, deuant que nous y fier. Car s'il à rompu sa foy à dieu & aux hommes tât de tēps, que ne fera il aux hommes seuls, & où il n'y va que de la terre? si en mesme faict il se vante nous auoir trompez tât de temps, il nous aduertit h<sup>o</sup> nestemēt d'y prēdre garde vn autre fois de plus pres, & de ne nous arrester pas à ses premieres Messes & demonstrations de Catholique, ce que ie ne dis pas sans cause. Car il sēble à certains pretenduz Politiques, qui sont vrais Atheistes de Religion, & Catholiques de fiction, que poueu qu'ils luy conseillent d'ouyr vne chetive Messe ( ie suis contrains vser de leurs vilains & prophanes mots, affin que celuy ou ceux de quelque grandeur qu'ils soient qui en sont les auteurs, sçachent qu'on le remarque ) qu'il suffit. C'est aussi sa vieille & accoustumee respōce, Que s'il ne tient que à cela qu'il ne soit Roy de France, qu'il y ira bien tost, & que pourueu qu'il soit en ces termes & hors de tāt de deffiances, qui le tyrannisent



tyrannisent à present, qu'il ne manquera point de bonne mine, & mauuais ieu. Mais nous pensons bien qu'il n'a pas oublié la repliche que luy faisoit sur ce, ce grād Prince & de memoire immortelle feu Monsieur de Montpésier (il est croyable par esprit de prophetie) qu'il y arriueroit lors trop tard, & que les Catholiques ne s'y fieroient pas: outre que l'Eglise ne participera iamais à vne dissimulation & hypocrisie si apparente, scandaleuse, & preiudiciable. Tellement que le Sieur de Roquelaure est mal appointé de la gageure qu'il a faict avec Monsieur Marmet, d'auoir mis sa teste, que si tost qu'on aura ouy dire en Couët, que le Roy de Nauarre aura ouy vne Messe, on verra en vn instant toute la Frâce accourir pour luy offrir ses forces, ses richesses & tous ses moyens, pour en disposer comme bon luy semblera. Il monstre bien n'auoir iamais bien penetré iusques aux fons des cœurs & zele ardent des Catholiques, ou qu'il les tient pour grands idiots, de ne sçauoir vser de la mesme prudence au faict de Dieu, qu'ils feroient en la moindre chose.

Au lieu toutefois que c'est là le fondemēt de la deffiance des Catholiques, pour mōstrer qu'il est relaps, & dequoy il se deuoit purger premieremēt: il le passe sous dissimulatiō, & par ces beaux mots d'orateur, Que la refutation en seroit friuole. Car les Catholiques pretendent qu'il a esté cōceu par le sainct Baptisme dans le ventre de l'Eglise Catholique, Apostolique & Romaine, & tenu sur les fons baptismalles par le Cardinal de Bourbō son oncle, qu'il y a esté esleué & nourry iusques à l'an 1561 (auquel temps la Royne sa mere a declaré elle

*Que le R.  
de N. est  
relaps.*

*Les Papes  
Empereurs  
& Rois  
sont priuez  
de leurs di-  
gnitez  
pour estre  
Heretiques  
relaps.*

mesme par sa declaration publice, auoit cōmençé d'embrasser ces nouuelles opinions ) qu'ayant at- teint l'aage de discretion, il a fait profession de la religion Catholique, & abiuré solemnellement toute heresie: que depuis s'estant declaré Hugue- not, il ne peut euitier le crime & les peines des re- cheuts & relaps, qui ont ce priuilege d'auoir lieu & prinse sur les Roys & Empereurs, voire mesmes sur les Papes, pour empescher tāt leur promotiō, que causer leur depositiō. Mais voulez vous veoir comme il est mal-conseillé: pour euitier d'estre dit Relaps, ils fōt qu'il se descric soy mesme de la plus insigne & extreme hypocrisie & perfidie en Reli- gion, qui se lise iamais, & pire qu'une manifeste irreligion & atheisme, disant qu'il n'estoit Catho- lique de fiction durant ces quatre ans. Et neant- moins ne voyent-ils pas bien que cela ne luy peut seruir d'aucune defence, tant pour ce que ce vice est inexcusable en vn Prince (dit Marinet) q̄ d'au- tant qu'il n'importe s'il a esté Catholique, ou s'il a faict demonstration apparēte de Cathol. par ce que comme les hōmes ne peuuent iuger du dedās du cœur, ains seulement de ce qu'ils voyēt, & qui apparoiſt au dehors, comme diēt l'Eſcriture, aussi Dieu n'exige point des hōmes meilleur iugemēt, que selon ce qui apparoiſt. Partāt il fuffit, pour e- stre tenu relaps, qu'il aye esté baptizé & fait Chre- stien à la Catholique, qu'il aye fait vne fois abiur- ation apparente de l'heresie, & depuis demon- stration & profetsion externe de Catholique, & qu'à present il soit retourné à son erreur: loinct (dit le Seigneur) Qui nie Dieu deuant les hōmes, le nie & deuant Dieu, & tout à faict.

*Les quali-  
tez d'un  
relaps.*

S'est-il seruy du point de sa propre conscience, & pretendue religion, pour l'exécution de son ambition comme d'une estriuiere à tous poincts? Il n'est pas merueille si à la faueur des Picoueurs, Sacquemans, & des boute-feux de Ministres il n'en a pas fait moins des consciences de ces pauvres gens de la nouvelle opinion. C'est la cause que mesmes contre la resolution de leurs Eglises/qu'ils appellent)il a entrepris si souvent la guerre, forgeant à son plaisir des occasions de deffiance contre le Roy & les Catholiques, & promettant à ces pauvres gens de ville & de communautéz, qui se laissent aller aux apparences & belles parolles, qu'il auoit le moyen de les faire iouir de l'exercice libre de leur religion en tous lieux, & en mesme esgalité, que les Catholiques.

Il n'estoit au commencement question que de la liberté de conscience, se contentans de n'estre recherchez ou forcez en leur creance & religion. L'ambition a produit en leur endroit l'opinion, non seulement de la liberté, mais de la necessité de l'exercice public en tous lieux. Et voilà le beau fondement de leurs guerres: & faut cōfesser que de ce seul point comme du cheual de Troye, sont sorties toutes les miseres & calamitez, qui ont continué depuis l'Edict de Iuillet 1560. qui defendoit l'exercice libre de leur pretendue Religion.

Surquoy nous priōs tous ceux, qui se sont separez de l'Eglise, ouurir les yeux, & recognoistre cōme l'on se iouē biē gayemēt de leurs consciences, vies, fortunes, & biēs, & que c'est où l'ō abbaye, &

*Les Hugue-  
nots n'ont  
raison de  
poursuivre  
par armes  
l'exercice  
public de  
leur Reli-  
gion.*

non pas au salut de leurs ames. Ne voyent-ils pas que ceux, qui se disent porter les armes pour le seul zele de Religión, & de l'exercice d'icelle, n'assistent à leurs Presches & prieres comme point: ains qu'ils s'en moquent les premiers, & montrent par effect qu'ils sont poussez d'autres ambition & dessein, que de la satisfactiõ de leur conscience, & qu'ils tendent par leurs autres choses, qu'ils estiment plus? Aussi, si les articles de leur Foy sont veritables, que leur est tant de besoin l'exercice public, qu'ils ne s'en puissent bié passer, & se sauuer sans cela? Ils disent qu'ils sont tres-assurez qu'ils ont tousiours esté depuis les Apostres, bien que inuisibles & inconneuz au monde: que ce soit leur Eglise, qui est celle des esleuz (disent-ils) s'est tousiours bien maintenue cachee & inuisible, c'est à dire, sans exercice public & moins visible. Ils se font (disent-ils) sauuez seuremēt depuis 1500. & tāt d'ans. Par ce moyē la parolle de Dieu, & la verité de la Foy & de la Religion s'est tousiours bien conseruee sans cest exercice. Quelle reuelation ont ils receu en nos iours au contraire, que ceste voye ne leur pouuoit plus seruir, & que ceste leur Eglise ne pouuoit plus desormais subsister, si elle n'estoit visible, & apparente, tout de mesme que celle des Catholiques?

Ne tiennēt-ils point pour fondemēt de leur Religion, qu'ils sont sanctifiez dés le ventre de leur mere par la foy de leurs parens, & suiuant la promesse faicte à Abraham, que c'est la Foy seule, qui les iustifie & sauue? Ne disent-ils point que la Foy est vn don, qui prouient directement de Dieu, & que c'est par la seule inspiration speciale & parti-

culiere du saint Esprit, qu'ils croient, qu'ils entendent & sont instruits au sens de la parole de Dieu, & de son Escripiture sainte, outre que de soy elle est toute claire & intelligible au pied de la lettre? N'est-ce pas leur creance, qu'ils ne tiennent point leur Foy par le moyé des hommes, des Ministres, ou de leurs Presches: que les Sacremens de Baptisme, & de la Cene, ne sôt que signes, marques, & marreaux & nullement efficaces & necessaires à salut? Et que les oraisons & prieres publiques ne sont point de plus grâde vertu & merite, que les secrettes & celles de chambre ou cabinet? Si donc sans les Presches, sans l'usage des Sacramens, sans les prieres publiques, & sans Ministres, ils ont la Foy, & peuuent faire leur salut, & avec cela iouir de leurs biens & d'une entiere paix, & profond repos sous l'obeissance, bien-veüllance & protection du Roy leur souuerain Seigneur, ne sont-ils pas bien pauures & miserables de laisser le certain pour l'incertain, & perdre l'os pour l'ombre, de se rendre subiects à continuelles guerres, & à tant de contributions, pillages fouldes, perte de biens, & vies, perte de l'honneur de leurs femmes & filles, & autres miseres que la guerre apporte avec soy, pour la pretention seule de l'exercice public, duquel ils se peuuent bien passer, & qu'ils ne tiennent point pour necessaires à leur salut? Ne sont-ils pas bien desnaturez contre leur chair & leur sang, & ennemis de leur patrie, de la deschirer de telle façõ par des guerres intestines & cruelles, sans necessité quelconque, à leur propre creance?

Ne sont-ils pas bié aveuglez de choisir, ou se soumettre à la protection du Roy de Nauarre, qui est

en effect se departir entieremēt de l'obeissance du Roy & le constituer Roy sur eux, ainsi que le feu Roy Charles appelloit l'Admiral de Coligny *le Roy de l'Edict de l'annier*, sans aucune esperance d'y pouuoir rien gagner, qui soit necessaire pour leur salut, & avec l'experiēce certaine de tant d'annees que la poursuite de leur exercice public n'est que la ruine des meilleures maisons & familles d'entr'eux mesmes, que ce beau masque de Religion n'est qu'une espee de pautot, pour les endormir, cependāt qu'on leur coupe leur bourse & la gorge? Que ce n'est que la dissipation de cest estat? qu'un seminaire eternal de diuision? qu'un manteau des passions & ambitions de leurs chefs? que la matiere & entretien des troubles? qu'une mine contre la Royauté? que le germe & le pied de la guerre? qu'une iuste occasion de des fiance & ialousie d'estat, finablement vne chose du tout impossible d'establir en France? Et neantmoins ils sont si hardis que d'escire que cest exercice est de l'ordonnance mesme des Estatz generaux de ce Royaume, chose qui est du tout controuuee, & dont ny clergé, ny noblesse ny tiers estat n'a oncques ouy parler en telles assemblees.

Ne sont-ils pas biē inhumains puis qu'il est question de conseruer le repos, les biens, la vie, & l'ame de tāt de milliers de personnes, qui se pourrōt perdre, & se sōt perdus sur ceste querelle d'exercice public nō necessaire pour leur regard, des'y formaliser & s'y ahurter si opiniaistrement de la façō? N'est-ce pas tēter Dieu, que de se mettre en si euident peril & dāger de la vie à son esciēt pour chose, dont ils se peuuēt biē passer, puis que leurs pre-

decesseurs en ceste Religion, si tant est qu'elle aye  
iamais esté, ont esté de l'Eglise des esleuz sans au-  
cun exercice public, non pas mesme visible? Ne se  
contentent-ils pas de paruenir à ce haut degré? Y  
en y a-il de plus supreme esleuë, si ce n'est celuy  
de ce haut & puissant Lucifer? Est-il possible qu'ils  
portent enuie à la grandeur & maiesté de ce grãd  
Seigneur? Est-ce pourquoy ils se rendent si grãds  
imitateurs de ses actions? Ne voyent-ils pas bien  
que tel exercice public leur nuit pl<sup>9</sup>, qu'il ne profi-  
te, ne fut ce, qu'il est cause, qu'aduenant la guerre,  
comme le R. de N. l'a faict renaistre à tout pro-  
pos, ils sont contraincts en faire abiuration, aussi  
publiquement qu'ils en ont faict professiõ, & par-  
tāt s'il leur gaigne des ames d'un costé (qui est fort  
peu Dieu mercy depuis quelques annees) il leur  
en perd bien par telles abiurations beaucoup da-  
uantage: ou viuantes en repos sans tel exercice, ils  
pourroient tenir telle foy, qu'ils voudroient, &  
estre sauuez, cõme leurs esleuz, sans estre en dan-  
ger d'estre recherchez?

N'est-il pas bon que le R. de N. pour sembler  
pretendre iustemēt l'exercice public en France, il  
sçait tres-biē alleguer, que les Roys n'ont aucune  
puissance sur les consciences, & que le vray moyē  
de maintenir leur estat en paix, c'est de permettre  
que leurs subiects viuēt en liberté de cõscience &  
d'exercice de leur Religion: & toutesfois quand  
les Catholiques de Bearn le requierēt de leur ren-  
dre la liberté du seruice & office diuin, il les charge  
d'estre seditieux, & se deffēd qu'un Roy est en ter-  
re le vicaire de Dieu pour le faire recognoistre par  
ses subiects, & les faire viure en sa pure Religion

B iiij



telle qu'il dit estre la sienne, autrement que Dieu demàdéra de ses mains les ames qui periròt. Mais quand il luy fut proposé de la part du Roy & des Estatz de Bloys qu'il poursuiuoit en Frâce ce que en son propre faict il mōstroit nē iuger point raisonnable, & s'il trouueroit bon que ses subiects Catholiques de Bearu luy feissent la guerre pour mesme occasion, il les pria par sa responce de ne luy imputer point l'extermination du diuin seruice, & que c'estoit vn acte de sa feu mere, mais que au contraire il auoit volenté de donner tout contentemēt en cela ausdits Catholiques, & qu'il y auoit desia commencé & bien fort aduancé par certaines ordonnances prouisionnelles, attendāt sa presēce audit pays, pour pouuoir parfaire l'œuure (ce sont les propres mots de sa responce) mais ç'a esté sans aucun effect, ayant tres-biē sçeu pratiquer les Estatz finis, le prouerbe de ses voisins, *Agua passada, Maria inganada.*

Il se plaint de violence, de cruauté, & tyrannie contre le Roy à l'occasiō de l'Edit dernier de Iuillet pour la reuñiō en vne mesme loy. Y eust-il iamais ordonnāce qui méritast mieux le nom d'edit de pacificatiō que celui-là? Voire y eust-il iamais Edict de paix, que celui-là & semblables? Car si la guerre ne nous viēt que de la diuersité de religiō, si vñiō & paix n'est qu'une mesme chose, Edit de la reuñion n'est-ce pas autāt que Edict de paix redoublée & parfaite? D'auantage y eust-il iamais Edict plus iuste ou doux cōtre telles gēs, ou qu'ils se conuertissēt ou qu'ils vuidēt en iouissāt de tous leurs biens avec terme de six mois, suffisant pour dōner ordre à leurs affaires? Que demàdoit Moysē



à Pharaon sinon qu'il permist au peuple de Dieu de sortir pour aller sacrifier? Se lit il ny de Iustiniã le Grand ny d'autre Empereur qu'ils ayent iamais accordé aux Heretiques plus grand terme, que de 3. moys pour se recognoistre ou vider? Si on les vouloit contraindre absolument de renoncer à leurs opinions & faire profession de la Religion Catholique, ils pourroient crier qu'on les force en leur conscience, mais puis qu'on leur donne choix & liberté d'aller seruir Dieu à leur mode ailleurs avec tous leurs moyens, comment se peuuent ils excuser? Moins le R. de N. qui les à poussés à ce? Auoir prins les armes au cōtraire n'est ce pas annoncer la guerre au Roy & à l'Estat bien clairement? Comment peuuent ils pallier que voulant viure a leur façon & demeurer maugré luy en son Royaume, ce ne soit faire vn cōtre-carre à la Royauté? N'est ce pas directemēt contre le commandement du Sauueur? Qu'estans persecute en vn lieu ou ville, qu'on aille en vne autre? N'est ce pas rebattre pour son plaisir & rebellion & non pour Dieu ny pour la conscience ou Religio? A on iamais leu ou ouy dire, que le subiect doie resister par armes a son Roy sur le commandement qu'il luy fait de vider son Royaume pour quelque occasion que ce soit? Car puis qu'il n'y va que de la police, du regime temporel, polirique & ciuil, & des biens, enquoy ils ont tant de fois escrit, Que la puissance ou cōmandement du Roy s'estend de la part de Dieu en toute souueraineté, s'ils luy fōt la guerre en cela, que pourroiet plus faire les vrais rebelles & criminels de leze maiesté? Et parrant cōment pēsēt ils pouuoir eiter iustemēt ces beaux

riltres , si aller en Allemaigne , Angleterre ou ail-  
 leurs hors le Royaume , n'est contre l'honneur de  
 Dieu , & qu'on soit obligé sous peine de peché  
 mortel d'obeir au Roy en tout ce qui n'est point  
 contre Dieu? Qui est ce incensé qui doute que le  
 R. de N. & les Huguenots s'opposants à tel com-  
 mandement par armes n'encourent le pur crime  
 de rebellion & de leze maiesté au premier chef?  
 Puis que le Roy est par dessus nous , & est nostre  
 maistre, ne peut il pas vser ce , qui est à nous & est  
 moins q nous? Ne peut-il pas vser de & de nos vies  
 & de nos biens, & nous commander toute chose,  
 à laquelle Dieu ne soit point offensé? Or nous en-  
 joignant de sortir du Royaume nous commāde il  
 de blasphemer ou des-honorer Dieu? Qui est ce-  
 luy qui aye esté iamais si mal aprins qu'il luy parlāt  
 il ne luy offre sa vie & ses biens non par honnesté-  
 té, mais par deuoir? S'il en abuse, la cognoissance  
 n'en appartient qu'à Dieu seul. Ne sont ce pas les  
 propres mots de leur Apologie Que nous deuons  
 au Roy & aux Princes de sa maison ( ceste additiō  
 est nouuelle) & à eux seuls nos qualité , nos biens  
 & nostre propre vie, nō pas de courtoisie ou d'hō-  
 nesteté seulement, mais par le tres-expres commā-  
 dement de Dieu, qui en a chargé nos consciences?  
 Si nous ne sommes obligez à obeir au Roy nous  
 commandant d'aller en Allemaigne , ou tel autre  
 lieu: à plus forte raison le Capitaine ou soldat, lors  
 que le Roy luy cōmandera d'exposer sa vie au dā-  
 ger de la breche, & à forcer vne barriquade, n'au-  
 ra il pas bonne excuse de refuser & desobeir au  
 Roy? ce qui seroit chose trop ridicule.

O Seigneur Dieu pardōnez à ce pauvre peuple

qui est seduit; & lequel ne vous ayant point voulu obeir, vous l'avez rendu serf & esclaue de celuy, qui n'a aucun droit sur luy, & qui ne cherche que de se reuestir & agrandir par sa despouille & pauvreté. Conuertissez-le, Seigneur, à vous, & domptez aussi tellement le gros cœur du R. de N. qu'il apprenne à n'abuser point de vostre Saint Nom, & se couvrir à tort de vostre honneur & seruice, duquel il ne pourroit monstrier aucune charge n'y vocation: qu'il cesse de viure & s'enyrer du sang François, tant des Catholiques, que ceux de son party.

Mais comparons, ie vous prie, la condition de nos Huguenots, & de l'Edict du Roy à la miserable seruitude des pauvres Catholiques de vostre pays d'Angleterre, & aux Edicts cruels de vostre Elisabet, que ie ne die Iesabel, & voyons qui a plus d'occasion de se plaindre.

Le Roy chasse hors le Royaume les Ministres dans vn mois avec permission de pouuoir emporter & iouir de tous leurs deniers & biens tât meubles qu'immeubles.

Vostre Royne chasse hors des terres de son obeissance, dās 40. iours de la datte de son Edict, avec la perte de tous leurs biens, tous les Prestres, Religieux, Diacres, & autres personnes Ecclesiastiques, de quelque ordre, & qualité qu'ils soient. S'ils sont malades, & que sans euident peril, ils n'y puissent satisfaire, seront tenuz le signifier, & en asseurer par serment l'Euesque & deux officiers de la Iustice: lesquels leur pourront permettre d'y demeurer sous bõne caution iusques à cent liures Angloises pour le moins, à la char-

*Comparaisõ  
de l'Edict  
du Roy de  
France a-  
uecl'Edict  
de la Roy-  
ne d'An-  
gleterre.  
Ordonnã-  
ce de la  
Royne  
d'Angle-  
terre.*

ge d'estre obeissans à la Royne, & se comporter en paix, moyennant que le terme n'excede six mois.

Leur defend d'y pouuoir retourner, sur peine d'estre atteincts du crime de leze Maisté, & mis à mort suiuant les rigueurs & loix dudiect crime.

Ordonne d'auantage, que quiconque soit, parent ou autres, qui les recepuera, recelera, ou aidera en façon quelconque dans ces termes, qu'il sera condamné de felonnie, & puny de mesme supplice que les criminels & conuaincus de larcin ou de meurtre.

Et quiconque (soit pere, fils, mary, femme, ou autre, voire mesmes Prince, ou Pair du Royaume) les aidera hors lesdites terres de sa domination d'aucuns deniers, soit par forme d'aumône, ou autrement, & qui tiendra la main qu'ils recoiuent aucun secours, soit par lettre de change, ou autre voye & artifice, sera infame, & perdra tous ses biens, tant meubles que immeubles, & sera mis en perpetuelle prison.

Enioinct à tous & chacuns, qui sçauront qu'il y aye en ses terres aucune personne Ecclesiastique, d'en aduertir le Magistrat dans 12. iours, & à faute de ce, qu'ils seront emprisonnez, & condamnez en grosses amendes, desquelles la Royne retient la cognoissance à soy.

Le Roy veut que ceux de la nouvelle opinion fassent Profession de la Foy, qu'ils ont promis en leur Baptême, ou qu'ils vuident après six mois, retirant la cōmodité & iouissance de leurs biens; & avec liberté d'aller en quelque pays estranger, quel qu'il soit, pour viure à leur guise & mode,

avec liberté d'exercer leur Religion.

Vostre Royne, veut que aucun de ses subiects ne puisse viure en ses terres, qui n'aye faict deuant l'Euesque & deux Officiers de la Iustice les sermens, professions, & submissions portez par l'Edict faict à son aduenement à la Couronne, contenant l'abiuration de la Religion Cathol. Apóst. & Rom. (en laquelle la Royne & la plus part d'eux ont esté baptisez, & promis la Foy Catholique à Dieu) & profession de viure selon la Religio reformee, & de recognoistre la Royne le chef-de l'Eglise: & obeir à ses ordonnances faictes & à faire sur le faict de la Religion, sur peine de priuation de tous leurs biens, & de prisons perpetuelles, & tous ceux qui les aideront, de quelque qualité qu'ils soient, soit Prince ou Pair du Royaume, d'argent, ou autres moyens, soit dedans ou dehors le Royaume punis comme dessus.

*Ordonnã-  
ce de la  
Royne  
d'Angli-  
terre contre  
les Catho-  
leques, qui  
ne sont Ec-  
clesiasti-  
ques.*

Defend à tous ses subiects de ne pouuoir sortir ne enuoyer leurs enfans ou seruiteurs hors les terres de son obeissance, sans speciale licence à ces fins signee de sa Maiesté, ou de la main de quatre Conseillers de son Conseil priué, sauf aux mariniers pour passer seulement, & aux marchans qui trafiquêt en terre ferme, sur peine de cent libures de leur monnoye pour chacune contrauention.

Cōmande que tous ceux qui sont aux pays estrangers n'y pussent aller à la Messe, ou faire aucun exercice de leur Religion, ains ayêt à retourner pour abiurer la Religio. Catho. sur peine d'estre conuaincuz du crime de leze Maiesté, & punis

comme tels.

Le Roy veut que celuy qui aura abiuré son here-  
sie, iouisse de mesme liberté que ses autres subiets.  
Vostre Royne veut & ordonne, que celuy, qui au-  
ra abiuré, ne puisse s'aprocher du lieu, ou sera sa  
personne de dix mil par l'espace de dix ans, sans  
expresse licēce de sa maiesté signee de sa propre  
main, sur peine d'estre priué de l'effect de sa sub-  
mission & abiuration, & partant d'estre con-  
damné à mort, & à la perte de tous ses biens.

Veut que s'il faut dehâter leurs Eglises, il paye 66.  
escus pour chacun moys, qu'il aura failly.

O Royaume de Iesus Christ! ô Royaume de Sa-  
than! ô Edict de Paix! ô Edict de trouble: ô ordon-  
nance de reünion! ô ordonnāce de schisme! ô Loy  
Chrestienne! ô loy Scithique! ô humanité Fran-  
çoise! ô cruauté Angloise! ô clemence vrayement  
Royalle! ô feuerité vrayement Gothicque! ô dou-  
ceur Catholique! ô raige Heretique! ô liberté euā-  
gelique! ô seruitude Heretique! ô prouidēce royale!  
ô police tyrannique! ô charité Chrestienne, qui  
vise au bien d'autrui! ô faulce charité, qui ne cer-  
chez que la substance d'autrui! ô amour de vraye  
pasteur, ô traictement de vray larron & mercenai-  
re: ô discipline Ecclesiastique, ô inquisition An-  
gloise, pire sans comparaison que l'Espagnolle! ô  
patience Apostolique! ô rebelliō & fureur Hugue-  
notique.

Peut on penser, imaginer, ou se forger rien si de-  
plorable, que l'estat d'un Catholique Anglois. Car  
s'il en veut sortir, il est retenu, s'il en eschappe tous  
ses biēs sōt cōfiskés & sa memoire dānce, s'il veut  
vjure à soy & en sa maison, il ne luy est pas permis.

Il faut qu'il choisiste ou d'aller en prison, ou d'aller au Presche. S'il oyt la Messe en cachettes, s'il se cōfesse à vn Prestre, voire hors le païs de sō obeissance, c'est crime de leze majesté, s'il parle, s'il cognoit ou à veu vn homme d'Eglise, fut-ce son fils, son frere, ou autre parent, & ne l'a trahy, & deceulé, il faut, que du coing de l'Angleterre il soit admené à la Royne, & puny à sa discretion: s'il le receoit en sa maison, ou luy faict quelque ausmōne dedans ou dehors le Royaume, il est mené au supplice: s'il abiure la foy de Iesus Christ, & faict les submissions en ce cas requises, & que la Royne aille par son Royaume, & vers sa maison, il faut qu'il là quicte, & s'en retire dix mil loing durant dix ans (celuy la merite bien de perdre la vie, qui a perdu son ame) & de plus il demeure incapable de tous offices & charge durant dix ans.

Finaleme[n]t y a-il rien de plus Barbare, ny Turquesque, & toutes fois ridicule, qu'il faut que le Catholique iure & promette d'obeir aux ordōnāces de sa Majesté tant faictes qu'à faire sur le faict de la Religio[n]. Car par la ils monstrēt, que la Religio[n] d'Angleterre n'est pas biē encore acheuee & posée au point, qu'ils pretendēt, & outre qu'ils s'obligēt de changer de religion toutes les fois, qu'il plaira à la Royne ou à ses successeurs de la chāger, cōme desia vostre Angleterre chose inouye & infame, à chāgé de Religio[n] en moins de 30. ans quatre fois. Ce qui est si impertinet, impie, & absurde, que chose qu'on sçauroit pēser. Et neātmoins il n'y a riē si certain & ordinaire en toutes les sectes que l'incertitude, l'incōstāce & variatiō en leurs opiniōs tes-

moins ce que auoit coustume de dire George Duc de Saxe, Qu'il sçauoit bié ce que croioyēt les Euāgeliques & Lutheriēs en ceste annee: mais qu'il ne pouuoir sçauoir ce qu'ils croyroiet l'annee apres. Tesmoing aussi les assēblees & conferences si frequentes des Lutheriens & Calvinistes, & mesmes celle qu'ils disent auoir esté recerchee n'aguieres par Segur du R. de N. pour rabiller de nouueau leur foy & doctrine & l'accommoder ensemble.

O François heureux, ô Anglois miserable: ô Royaume beniet, qui es commandé par vn Roy Catholique, ô Royaume maudict, qui es commandé par vn Heretique: ô benitz de Dieu ceux qui peuvent cognoistre leur heur, ô maudicts du diable ceux qui tournent leur heur en malheur, ô sages, qui font leur profit des perils & aux despens de leurs voisins, ô stupides, qui ne les apprehendent: ô prudens, qui les preuiennent, ô sots qui en sont accables: ô trois & quatre fois heureux les Catholiques François, s'ils sçauēt recognoistre & remercier la bonté de Dieu en ce, que par les peines & chastiemens de leurs voisins il les aduertist de ce qu'ils doiuent craindre & faire, pour preuenir & euitier semblable malheur, & avec qu'elle diligēce & Roys & subiects doiuent s'armer de p̄seruatif contre la peste de l'heresie qui est si dommageable & perniciose. O trois & quatre fois malheureux les François, qui ne sçauent recongnoistre & remercier Dieu de la grace, qu'il leur faict d'auoir vn Roy si tres-Chrestien, deuot Catholique & debonnaire. Combien ils sont tenus, & doiuent estre soigneux de luy obeir & complaire, & de prier Dieu pour sa prosperité, tres-longue vie, &  
heureuse



eureuse lignee! O si voz pauvres Cath. Anglois, qui pleurent & gemissent tous les iours soubz la tyrannie de ceste lesabel, & qui sont si fort bourlelez & tourmentez, & en leurs consciéces, & en leurs biens, pouuoient iouyr de ceste felicité, cōbien en deuendroient ils meilleurs, que nous ne sommes! Ne baiseroient-ils pas la terre, ou le Roy marcheroit? Quels vœuz, quels souhaits, quelles prieres & supplications ne feroient ils pour luy? O bon Dieu, s'ils auoient le moyen que nous auons, de se preseruer de tel mal-heur, que n'y emploieroient-ils, veu que nous voyons qu'à grandes troupes ils ne doutent point se precipiter en tous les plus cruels tourmens du monde, pour tacher d'obtenir la liberté de leurs consciences, & l'vsage de leur Religion.

Nous auons bien voulu représenter la captiuité des Catholiques, soubz l'heresie Caluinienne, par l'exemple de vostre pays d'Angleterre, non qu'ils recoiuent en Bearn meilleur traictement: mais par ce que les Edits de vostre Royne sont plus publiez & congneuz d'un chacun, que ceux de la feu R. de N. & de son fils en son pays par lesquels, outre toutes les precedentes peines, est porté és articles 1. 2. 3. & 8. que chacun, de quelque estat, sexe, & condition qu'il soit, fera la profession de Foy selon la forme prescrite & dressée par la feuë Royne: Que quiconque n'obeyra aux remonstrances & censures des Consistoires, Colloques & Synodes, qu'il soit viuement poursuiuy par les Magistrats, & bāny pour trois ans, sans qu'il y puisse iamais r'entrer qu'il n'aye premie rement satisfait à l'Eglise, au iuge-

*Ordonnāce  
de la Roy-  
de de N. cō-  
tre les Ca-  
tholiques  
Biarnois.*

mēt du Synode national pour la faute par luy cō-  
mise: Que tous ceux qui ne se trouuerōt en chacu-  
ne des assemblées de l'Eglise pour estre instruits,  
seront condamnez pour la premiere fois, s'ils sont  
pauvres, à cinq sols d'amende & les riches à dix: &  
pour la seconde, à cent sols d'amende les pauvres,  
& les riches à dix liures, & pour la troisieme fois à  
prison pour le tēps qu'il sera aduisé par les Magi-  
strats, ou à plus grāde peine, s'il apparoiſt d'obſti-  
natiō: Que celuy qui aura laissé passer le terme de  
vne Cene sans y participer, qu'il soit banny pour  
demy an par les Iuges & Officiers.

Mais pour ne sortir si tost de la consideratiō de  
l'exceſſiue & insupportable seruitude des Catho-  
liques souz l'Heretic, & singulieremēt souz celle  
de Calvin en Angleterre, Bearn, & autres lieux de  
la Frāce, combien qu'elle ne s'accorde pas de tous  
points à elle mesme en tous ces lieux, si ce n'est en  
la persecution contre les Catholiques.

Il n'y a Roy, ne Nation si barbare, en laquelle  
les Catholiques, par vne speciale faueur, priuile-  
ge, & prerogatiue de Dieu, qui en ce & par eux se  
veut faire recognoistre leur bon Pere, & Seigneur  
de toutes nations, n'ayent eu, & n'ayent encor li-  
berté d'auoir des Eglises, & de seruir à Dieu selon  
les loix & formes de leur religion. Mais n'est-ce  
pas chose deplorable, qu'en Angleterre, Bearn,  
& ailleurs, où ceste paillarde d'heresie Calvinique  
est maistresse, il est denié à la femme legitime de  
s'approcher de son espoux, & n'est permis aux Ca-  
tholiques de pouuoir auoir vn seul lieu, auquel ils  
se puissent assembler, pour vaquer au seruice de  
Dieu, conformément à la parole de Dieu, receuē

*Les Calui-  
nistes s'estā  
résus mas  
sires trait-  
sēt piremēt  
les Catholi-  
ques que les  
Turcs & /  
Idolâtres.*

de tous, en tous temps, & en tous lieux, & selon l'vſance des Princes & peuples Chreſtiens, eſpandus par tout le monde, eux qui ont cy deuât poſſedé & tenu le tout, & qui ont baſty pour eux & pour leurs ſucceſſeurs, non au ſang ſeulement, mais en meſme Foy, tant de beaux hoſpitaux, Temples, Eglifes, & maiſons.

N'eſt-ce pas choſe digne de pleurs & de cōpaſſion, que puis que les Iuiſs, les Turcs, & Payens ne peuuent eſtre cōtraincts & forcez ny par droit diuin ou naturel, ny par le droit de gens, de renoncer leur religion, & d'en receuoir vn autre, de laquelle ny eux ny leurs peres n'ōt fait aucune promeſſe & profeſſion, que les ſeuls Catholiques, cōtre tout droit diuin & humain, voire cōtre la doctrine des Proteſtans & Lutheriens d'Allemagne, ſoient non ſeulement priuez & ſpoliez des choſes qui leur appartiennent, comme à Chreſtiens & Catholiques, mais auſſi qu'ils ſoient contraincts par pluſieurs voyes de rigueur & de violence, de receuoir les ceremonies, les formes, & la religiō, laquelle il eſt certain que ny eux, ny leurs peres, ny leurs anceſtres n'ont iamais receu, moins approuuē ou autorisē: ains au cōtraire tous enſemble l'ont combattue, y ont renoncee & abiuree des leur Bapteſme par paroles expreſſes & claires, promettans à Dieu & à ſon Eglise de croire & ſe maintenir pour touſiours en la Foy & culte de l'Eglise Catholique, de laquelle eſtoit miniſtre & officier celuy qui les a baptizez, & lequel a ſtipulé d'eux ceſte creance de ſa part, & l'abiuratiō qu'ils ont faiēt au diable, & à toute ſecte & opiniō à ce cōtraire.

*Le ſeul Catholique  
forcé en ſa  
religion.*

*Les Catho-  
liques ont  
exercice li-  
bre de leur  
religion en  
sous les  
lieux qui ne  
sont com-  
munez par  
les Calni-  
nistes.*

N'est-ce pas chose intolérable à tous autres Catholiques Anglois & François, que iectés les yeux aux estats, Republiques, villes, & nations estrangeres, où les Heretiques ont bonne part, cōme en Allemaigne, Suede, Poloigne, Boheme, aux Suisses, & autres, nous ne voyons que parmy tant de sectes & changemēs de Religion, le Catholique, qui estoit premier le maistre du pays, aye esté iamaïs contraint d'abiurer sa Foy, & faire professiō d'une autre: ains au contraire, qu'il n'aye, si ce n'est en ceste-cy, ou en celle-là, pour le moins en quelque autre Paroisse, ou ville voisine moiē de iouyr librement de l'exercice de sa Religion? Et cela nō seulement en ces pays de la Chrestienté, mais biē encores en toutes les Prouinces & lieux subiects au Turc, au Persien, au Scythē, & au plus barbare Prince, Roy & Empereur du mōde, ie dis mesme anciennement sous les Empereurs de l'heresie Arriēne, tesmoing ce que nous lisons en l'histoire Ecclesiastique de Constantius & Valens: Et il ne nous est pas permis, soit en Angleterre, Bearn, & es villes ou lieux occupez en Frāce par le R. de N. d'auoir aucū exercice public, ne priué en nos maisons, ny hors leur domination, non pas mesmes dans les prisons en secret, combien que les plus grands persecuteurs des Chrestiens l'ayent bien permis à nos anciens Peres les Apostres, Martyrs & Confesseurs, ainsi que les liures de saint Cyprien, saint Athanase, & autres nous font foy.

Et neantmoins avec toutes les vexations & oppressiōs, qui est le Catholique des terres de Bearn, ou d'Angleterre, qui ait iamaïs appellé son Prince Tyran, (combien qu'il le puisse iustement) cōme

nos Heretiques font le Roy à l'occasion de son Edit de la Revnió? Qui est le Catholique d'entre eux, qui ait iamais pensé à vne milliade d'iniures, calónies & mesdisances, dont les Huguenots ont chargé nostre bon Roy, ses freres & mere, & les Princes? Où s'ont les liures diffamatoires qu'ils ont escrit & publié contre le respect & reueréce, que naturellement ils doiuent à leur Roy & Royne, & aux Princes? non toutesfois au R. de N. & Prince de Códé. Car ils en sont nō seulement deschargez de droit diuin & canonique, & par les Bulles des Papes, mais il leur est defendu & interdict à peine d'excommunicatió, & enioinct de les tenir comme gēs excommuniez & declarez membres de Sathan, ennemis de Dieu & de son peuple, & priuez de toute autorité & dominatió, qui nous seruira en passant de responce, s'ils trouuēt estrange, que nous soyons cōtraincts de parler icy d'eux avec si peu d'honneur. Par ce qu'estans Catholiques, & recognoissans l'ordre estably de Dieu en l'Eglise (en laquelle sa Saincteté tient lieu de chef externe & visible, & de iuge competant de semblables matieres, & qu'il les a declarez heretiques priuez de leurs grades & prerogatiues, & du serment de fidelité de leurs subiects) nous ne pouuons, selon nos consciéces, apres ces declaratió, que les detester, les tenir pour personnes priuées, & pour Anatheme, à l'exéple de Iesus Christ, qui ne doutoit point d'appeller le Roy Herodes Renaüd, & des anciens Chrestiens contre leurs Seigneurs heretiques.

Le R. de N. fait bien tout ce qu'il peut & par paroles & par escrit pour penser faire acroire au

*Ce que le  
R. de N. en  
téd quand  
il dit n'en  
vouloir que  
à ceux de la  
Ligue.*

monde qu'il n'en veut que a ceux de la maison de Guyse, & autres, qui ont esté, dit-il, de la Ligue, mais qu'il est bon & assuré amy des autres Catholiques. Toutesfois il ne trouue pas beaucoup de gens, qui ne l'entendent. Car desia l'on est accoustumé & apprins, que selon les termes de son Callepin & iargon ordinaire d'entr'eux, parlant des Guyzards, ils entendent parler du Roy & de la maison de Vallois, & souz le nom de ceux de la Ligue des Catholiques bons seruiteurs du Roy & amateurs de Dieu plus que de toute autre chose, & lesquels ont du sens & du cœur pour ne se vouloir laisser tromper. Et ce qui verifie tres-bié ceste interpretatiō, c'est qu'on ne voit point aucun des autres Catholiques mieux traité qu'es guerres passées: ains toutes extorsions, cruautéz & pilleries redoublées sur eux: & que l'on sçait bien aussi d'ailleurs comme dès le commencement de ces remuemens ils fauorisent & recherchent l'amitié de tous ceux de la Ligue: & euxmesme publiēt qu'ils sont maintenant apres a s'accommoder avec les Sieurs de Guyse. Si leur intētion est, que ce soit au preiudice de la personne du Roy, des Seigneurs principaux, & de l'estat, nous nous en remettons à ce que sa Majesté en pense: mais nous nous asseurons bien qu'ils ne gagnerōt rien enuers les Princes, pour ce regard. Toutesfois cela sert pour cōuaincre leur imposture en ce, qu'ils chargent en leur Apologie ceux de Guyse d'auoir voulu pratiquer les Eglises, pour estre chefs de ceux de la religion pretendue, chose esloignée de toute apparence de verité, & qu'ils sçauent bien en leur conscience estre tout au contraire.

Il fai& grand cas par la Declaratiõ du bon traitement qu'il dit que ceux d'Agen, tant Catholiques que du Clergé y ont receu durant la residẽce en icelles: mais il eust mieux valu pour son honneur n'en parler du tout poinr. Car à ce que nous ont rapporté les mesmes sieurs qu'il appelle à tesmoings, il n'a pas tenu à luy ne aux cõmandemẽs qu'il en a fait souuent, que les Eglises ne soient allees à bas, & que le seruice diuin n'y ait esté du tout supprimé: mais on le doit imputer à l'autorité de monsieur de Montpensier, qui les recõmande avec le Prescheur, si chaudement au gouverneur & au R. de N. & aussi à la continuelle instance, que le feu Sieur de Foix deputé par le Roy vers luy en fist souuent de iour & de nuict, pour empescher l'execution, quãt il voyoit qu'on vouloit commẽcer a y mettre la main. Et si neãtmoins deslors que ledit sieur R. de N. s'insinua dans ladite ville, pour l'occuper, qui fut en temps de paix sous couleur d'y venir iouër au tripot, il auoit promis le matin avec grands & horribles sermens adiurant sa principauté & son Baptême aux Officiers & Iurats, qu'il n'y innoueroit aucunes choses moins y mettroit-il garnison. Toutesfois voila l'apres-disnee quatre compagnies de gẽs de pied qui entrent à la file: lesquelles furent bien tost apres redoublées. Je veux bien taire, ce que vous signifiez par vostre Aduertissement, combien d'honnestes familles il réplist de deshonneurs, & cõme tous les habitans furent rançonnez d'aussi grands emprunts nõ restituables, que s'ils fussent esté de bone conqueste: le Conuent des Iacobins ruyné, sauf ce qu'il reserua pour citadelle: les Eglises pil-

*Comportemẽts du R. de N. envers ceux d'Agen.*

*Infidelité & perfidie du R. de N.*

lees: tous les Catholiques iettez, bannis, & chassez, la Damoiselle qu'il rauist ceste nuit du bal dressé par Madame la Princesse, auquel aduint l'extinction des châdelles & flambeaux, dont vous parlez, morte de regret.

*Le R. de N. à tasché d'oster la Religio Catholique en Nauarre.*  
 Il veut prouuer sa future douceur enuers les Catholiques, & qu'il n'a garde de les troubler en leurs biens, & moins au faict de leur conſciēce & Religion, de ce qu'il n'a rien faict pis cōtre la Religion Catholique en Nauarre, que sa mere. Elle fist tout son possible, pour l'y abolir. Et de sa part il n'y a riē oublié. Mais & l'un & l'autre y a trouué vn Sieur de Luxe, & vne noblesse si forte, & tout le peuple si Catholique, si ennemy de chāgemēt, & si interessē avec le cōmerce de l'Espagnol, qu'ō nous assure, que ces deux Ministres, qu'il dict y estre, n'ont pas ensemble 40. auditeurs: tellement que l'impuissance, & la crainte d'y deuenir Roy des cheures ou des vaches, ou bien d'en estre du tout despouillé par son voisin, cōme il en est long temps a de la principale partie de ce Roiaume, est la vraye cause de ceste douceur, ou pour mieux dire de la conseruation de la Religion Catholique en ce pays là.

*Excuse impertinente du R. de N. sur ce qu'il a faict en Bearn cōtre la Rel. Cath.*  
 De couurir ou reietter le faict de l'abolitiō de la Religion Catholique en Bearn, sur sa mere, laquelle en assemblee generale des Estats y establī la religion pretendue, sans que pource il s'en ensuiuiſt plainte ausdits estats: Qu'il y auroit enuoié apres la S. Barthelemy le sieur de Mieussent expriez pour y remettre la Catholique, mais que ses Estats se seroient resolus au contraire, nous laissons à iuger à vn chacun, cōbien ce faict est pertinēt, quād bien



il seroit veritable: Et toutesfois personne ne s'est  
 osé plaindre: donc c'est chose irreuocable: Les he-  
 retiques (qui seuls assistēt & sōt receuz aux estats)  
 n'y ont voulu cōsentir: doncques les Catholiques  
 n'ont point occasion de se plaindre du R. de N.  
 Car qui ne veoit, que cela seul dōne plus de moyē  
 & de iuste argument de remarquer sa dissimulatiō  
 & hayne inteltine contre la Catholique, de faire  
 semblāt de la vouloir fauotiser, & toutesfois s'ar-  
 rester tout à coup sur l'execution & au bon du  
 faiēt, sans y vouloir apporter l'autoritē & le re-  
 mede requis, & qui est en sa main, & lequel il sçait  
 tres-biē trouuer & practiquer pour installer l'he-  
 resie en France en despit des Catholiques & du  
 Roy. Nous seriōs trop longs & ennueux si nous  
 vouliōs representer le progres, les ruses & cruau-  
 tez, dont sa feu mere vsa, pour en chasser le diuin  
 seruice & la religion Catholique, selon que nous  
 auons aprins par actes authentiques & par gens  
 qui sōt allez fraischemēt exprez sur les lieux, pour  
 nous en instruire. Il y faudroit vn gros liure sur  
 ce. Peut estre que ce sera quelque fois. Nous dirōs  
 seulement, comme depuis l'an 1561. que sa mere se  
 donna à ceste heresie, iusques en l'an 1569. elle a  
 faiēt plusieurs ordonnances dattees de Pau, de la  
 Rochelle, de S. Melsāt, de Paris & d'ailleurs, pour  
 installer ses predicants en sappant & desarçonnāt  
 peu a peu les Ecclesiastiques, toutesfois c'estoit  
 sans les chasser entierement, mais tendant à ce,  
 qu'ils y fassēt des tēples & reuenus Ecclesiastiques  
 esgalement & en bons freres & amis. Que les vns  
 apres les autres feroient à certaines heures leur  
 exercice dans les Temples: puis apres fut ordōné

qu'aduenât la mort des Ecclesiastiques, il ne seroit point pourueu à leur place, mais le reuenue du benefice saisi pour estre employé à la nourriture des Ministres & des pauures. Or il n'a esté iamais, que les Euesques d'Oleron, voire celuy de Lescar, avec les Abbez, Chapitres, Prieurez, Archiprestres, & autres du Clergé, conioinctement avec les Barôs & autres de la Noblesse, & le Scindic du pays appellé de Pratro, ne s'y soient opposez sur la publication & execution, fort vertueusement, & tant que la violence leur à peu donner de liberté.

*Massacre  
des catho-  
liques en  
Bearn.*

Aduenant l'an 1569. que Montgômeryeust faict à sang froid par commandemēt, comme il disoit, de ladite Dame, la panderie & le carnage des Catholiques, que chacun sçait, de tous estats, & singulierement de la Noblesse, & qu'il eust donné par ses cruautez la fuitte à tous les Chrestiens bôs Catholiques, elle installa (bien que contre les formes ordinaires) des nouveaux Officiers, qui estoient de sa pretenduë religion, tout par tout, tāt au Parlement qu'au Seneschal, & es villes & communautez. Tellemēt que cest ordre tenant par la conduite de ce truant & cruel Baron d'Arros, que elle y meir pour son Lieutenant general, iusques à ce qu'elle fut reuenue de la Rochelle, qui fust en l'an 1571. elle fist assembler tous ses Estats, qu'ils appellēt generaux, apres la tenuë desquels elle publia ses Ordonnāces en date du 26. Nouēb. 1571. sur le reſtabliſſement entier du Roiaume de Iesus Christ, en son pays ſouuerain de Bearn (c'est leur tiltre) ou elle dit, que c'est à la requeste desdits Estats: & touteſois le R. de N. ſemble auoir plus de conſcience en ce faict, diſant qu'elle les feiſt en

Assemblée generale des Estats. Il n'ose pas dire à leur requête, mais seulement souz leur plainte, & nous croyons qu'il a troussé son propos de ceste façon ambiguë, par ce qu'il sçait bien que les Catholiques n'ont pas oublié la memoire de l'instâte poursuite, que plusieurs Gentilshommes & singulierement le Scindic general de ce pays, nommé Leugie, a faict en Court deslors & depuis long temps apres enuers le feu Roy, comme le vray & naturel Seigneur de leur pays, & le protecteur de la Chrestienté, pour se plaindre & protester contre telles Ordonnances, comme estans formellement contre la volonté du pays, & establies par force & voye de faict.

C'est par ces Ordonnances & de ce iour là, que la religion Catholique a esté entierement abolie en Bearn par Loy publique. Or en ces Estats derniers il n'y auoit aucun du Clergé, qu'un pauvre idiot l'Abbé du Luc, heretique neantmoins, que les y feirent entrer pour consentir pour tout le Clergé, de l'Estat de la Noblesse, qui est composée de dix Barons, quatre Ruf-barons, & de plusieurs autres Gentilshommes, qui y doibuent assister suiuant les anciens roolles, il n'en y auoit en tout, que neuf, le reste estoient Consuls & Jurats, tous heretiques deputez de leurs compagnons, y presidant le Baron d'Arros. Je vous prie quelle forme d'Estats generaux voila, & s'il y a apparence quelconque que leur consentement, quand il y en auroit aucun, puisse ou doibue preiudicier à l'Eglise Catholique, ny aux Catholiques Bearnois, soit Ecclesiastiques ou autres, ny à l'Estat general de ce pays là? Que c'est, pour parler pro-

prement, la seule auctorité, violence, & ruse de la Roine sa mere, qui doit estre appelée en ce cas, assemblée generale des Estats.

*Le Clergé  
d'Angle-  
terre s'est  
opposé à l'a-  
bolition de  
la Relig.  
Cathol.*

Vostre Roine d'Angleterre faict vn grand bouclier de semblable raison prinse pour l'abolitiō de la religiō Catholique, de l'autorité d'une assemblée generale de ses Estats, que vous appelez Parlemēt, mais encores en celle-là, les Archeuesques, Euesques, & les deputez du Clergé y furēt appelez, & s'y trouuerēt: Et vos hystoires tesmoignent, comme ils s'y opposerent fort genereusemēt à ce, qui y feust conclud à la pluralité de voix cōcertee & pratquee par vostre Royne. Et encor pour le iourd'huy les Ministres & les Euesques de l'heresie y tiennent la place des Ecclesiastiques: mais en Bearn ce sont des Estats tronques, n'y ayāt aucun de l'Eglise, soit Catholique soit pretenduë.

*Ils estoient  
aussi aduer-  
tu sous  
main de s'y  
opposer.*

Et de mettre en auant, que depuis lesdites Ordonnances de sa mere il ne s'y est comparu personne, qui aye requis le reestablissement de la Religion Catholique, ains que les Estats assemblez n'ont voulu executer ses commandements faicts sur ce, pour estre le peuple mutin, & le nōbre des Catholiques petit. Il nous pardonnera, s'il luy plaist, si nous luy osons dire que ce sōt toutes suppositions, sauf la correction. Car il ne s'y est point parlé, moins y a-il eu contradiction, que de ses seuls officiers de son Parlement, qui estans tous factieux heretiques, ne voulurent publier le premier Edict, qu'il auoit enuoié par le Sieur de Gramont, ny l'autre qu'il dict y auoir enuoié par le Sieur de Micussent. Et quant au nombre des Catholiques, la verité est, qu'il y en a cent pour vn

Huguenot: Et de dire qu'il leur a offert de remettre ladite Religion, son pauvre Musnier, qui fut deféré à Pau par le Secretaire du Pin, & lequel depuis a esté si fort tormété, pour auoir ouy la Messe de la Royne de Nauarre, du derriere la porte, pourroit porter bon tesmoignage du contraire. Tous ces dites aussi ne sont qu'inuentions menongeres, & artifices controuuez à plaisir.

Mais quand tout cela seroit vray, qu'est ce qu'il a, qui puisse seruir de iuste cause d'empescher, s'il auoit volonté fixe & ferme de donner contentement & repos aux consciences des Catholiques? Y en a-il si peu en Bearn, que d'heretiques en Nauarre? Ne leur peut-il pas laisser ou assigner avec effect, vn ou deux lieux, où ils puissent faire le diuin seruice, comme il faict aux autres, s'il n'estoit contraire & ennemy de leur Religion? La prescription des ordonnances de sa mere, qui n'est que de neuf mois auant la S. Barthelemy de l'an 1572. est elle si considerable? Le respect qu'il seinct porter en ce cas à sa memoire & à ses loix, l'ont ils empesché de les moderer pour le bien de la Religion, ayant tollu, comme il dit, les armes contre les Catholiques. n'allans point aux Temples? Mais qui est bié important, a il craint de les frauder en la plus part de ses autres articles, singulierement en ce, qui concerne la perceptiõ, manienient, & distribution du reuenu des Ecclesiastiques? Elle auoit ordonné, qu'il seroit administré & leué par le conseil Ecclesiastique, & le Thresorier ou Diacre general, qui seroient esleuz & deputez; chacun an. par l'Eglise au Synode national, applicable à l'entretènement des Mini-

*Le R. de N.  
n'a voulu  
remettre la  
religiõ Ca-  
tholique en  
Bearn.*

*Quel respect porte le R. de N. à sa mere.*

stres de 300.liures de pension pour les mariez, & de 260.pour les autres,& le reste employé pour les pauvres tant honteux mandians, qu'escoliers. Et de ce seul point il en a cassé desdites Ordōnances vingt & vn article de 77. qu'il y en a en tout. Au cōtraire & preiudice desquels il s'est saisi desdits biens,& iceux vnīs à son domaine, en ayant priuē l'Eglise & du droict de propriété, & de l'vsufruit, & despouillē entierement les Synodes, Ministres & Diacres de ceste autorité, cognoissance, & dispensation. Il obserue tres-bien la volonté de sa mere en ce, qui faiēt contre les Catholiques, pour les laisser exilēz ou priuēz de l'vsage de leur religion, parce que c'est chose qu'il n'a pas moins au cœur, & qu'il ne leur porte pas moindre haine & inimitié: mais en ce qui cōcerne sa propre religiō, & la discipline de leur pretenduē Eglise, pour la nourriture des pauvres & de ses Ministres, il oublie toute reuerence & respect enuers elle.

*Iusques à quoy se sert le Roy de N. des Catholiques.*

C'est la charge expresse, qui par effect l'ō re cognoist qu'il auoit baillé audit sieurs de Mieussent. Car il ne s'en est pas si tost seruy en cela l'an 1575. qu'il luy a osté biē tost apres ceste charge de Lieutenant, pour la bailler à vn Huguenot, qui la tient pour le iourd'huy. En quoy la ruyne n'est pas petite, ny à mespriser, pour entendre à quelle fin il se sert des Catholiques, & iusques a quoy il reuert sa mere. Il veut induire les ministres à lascher prise & à laisser à l'amiable la iouissance & manieement des biens Ecclesiastiques à ses Receueurs & Officiers. Il enuoie à ces fins apres que le Sieur de gramōt eut esté si miserablemēt & proditoiremēt traité, cōme chacun sçait, par son cōmādement,

n Lieutenant general Catholique ( à la charge  
 toutesfois de ne faire aucun acte de sa religiō dās  
 e pays, & de mettre sa cōsciēce en lequestre pour  
 quelque temps & iusques à l'euenement de son  
 essein,) pour mettre par la, la peur dās le vêtre de  
 es pauvres gens d'estre perdus, & à la veille de se  
 voir bannis & chassez par le reſtabliſſement des  
 atholiques: Et cependant il leur fait remonſtrer  
 autre part, que l'vnion des biens Eccleſiaſtiques  
 ſon domaine eſt leur ſauue-garde, & vne aſſeu-  
 rance perpetuelle pour ne veoir iamais les benefi-  
 ciers remis en Bearn : d'autant qu'il ne pourroit  
 tre mieux engaigé & acharné contr'eux & la re-  
 giō Catholique, que ſ'il eſtoit vne fois intereſſé  
 à leur deſpouille, & qu'il ſentit de la perte & di-  
 minution de ſon reuenu par leur reſtitution. C'eſt  
 a cauſe trappe avec laq̃lle ces pauvres Miniſtres,  
 i trompēt tout le monde, ont eſté trompez eux  
 eſmes ayant miſerablemēt trahy, vendu, & liuré  
 glife, le bien des pauvres, & le domaine de le-  
 s Chriſt. Ils ne ſont pas à ſ'en repentir : leurs ef-  
 ts en font foy, & les plainctes qu'ils font tous  
 iours de la peine & deſpence qu'il leur con-  
 ent faire toutes les fois, qu'il faut eſtre payez de  
 rs penſions, les fraiz de la pourſuitte leur reue-  
 nt bien ſouuent, diſent-ils, plus que le tout ne  
 ut, outre que les indignitez que les Threſoriers  
 receueurs leur font endurer à la pourſuitte &  
 icitatiō. Que cependāt ils voyent que ces biēs,  
 i ſont deſtinez pour les vrais pauvres & le ſer-  
 re de la Religion, ſont employez à la ſoulde de  
 garniſon des Nauarreins & à ie ne ſçay quoy de  
 , qui eſt mieux teu qu'eſcrit: mais que de la nor-

*Miniſtres  
 de Bearn  
 trōpez par  
 le Roy de  
 Nauarre.*

riture des pauures, il ne s'y en parle plus, qu'autant que chacun y veut donner du sien volontairemēt & par aumosne: encores disent ils que de six mille liures, qui restoiēt emploiez pour l'entretènement de 30. pauures escoliers orphelins dans le College d'Orthez, & de 50. autres, qui alloiēt parmy les vniuersitez à 100. liures de pension par an, que l'on a entierement supprimé cest article n'a guerres, & qu'on a deduiēt à chacun Ministre sur sa pension 50. liures par forme de decime, subuentiō ou autrement, & le tout souz pretexte de la leuee des Reistres contre la France.

*Sacrilege  
du Roy de  
Navarre.*

Il ne faut pas penser aussi, que ce soit vn si petit cas de ce qu'il s'est approprié non seulement le reuenue, mais les fonds des biens Ecclesiastiques de Bearn. Car y a-il eu iamais Roy Chrestien, Prince ou autre, qui aye osé maintenir & quereler, qu'à luy & à ses Officiers, & nō à l'Eglise, appartenoit de gouuerner & dispenser les biens d'icelle, leuer ses rentes, & disposer des facultez d'icelle à sa volonté? Si les Catholiques & les Prestres ne sont de la vraye Eglise, il croit que ses Ministres en sont. Que ne leur laisse-il donc & à son Eglise pretenduë de Christ manier & cōduire l'economie des biens donnez & appartenans à l'Eglise, suyuant le formulaire des Actes des Apostres, & la pratique de tous les siècles? Se lit-il q aucun Empereur ou autre ayāt osté aux Euesques & Ecclesiastiques Catholiques le maniement de l'Eglise se les soit oncques appropriez: ains qu'il ne les aye laissez à la dispositiō des Euesques & autres Ministres de son Eglise pretenduë reformee? Se lit-il Prince si sacrilege, cruel vsurpateur, ou ty-

ran



an, qui se soit attribué les biens dediez au seruice  
 e sa religion? Voire ne lit-on pas, que plusieurs  
 rinces & infidelles & fidelles ont esté si religieux  
 n cest endroit, qu'ils ont faiët conscience & ont  
 timé vn pur & naïf sacrilege de s'appliquer les  
 choses, qui auoient esté vne fois consacrees à l'or-  
 ement & seruice de quelque religiō que ce fust,  
 ien que contraire à la leur? Constantin, les enfans, *Sacrilege,*  
 alentinian, Theodose, & autres n'ont-ils pas *s'appro-*  
 issé & transporté à l'Eglise & à sa disposition les *prier les*  
 iens qui appartenoint, & estoient employez au *biens de-*  
 seruice des faux Dieux & de l'idolatrie? Clouis *diez à la*  
 mesme deuant qu'il fust Chrestien, n'empeschoit *religion.*  
 point que les soldats ne prinsēt rien à l'Eglise?  
 t ne lisons nous pas, qu'il faisoit rendre ius-  
 ues à vn Calice? Nabugodonosor mesmes ce  
 rand tyran, s'appropriā-il les riches vaisseaux,  
 u'il print au Temple de Ierusalem? Et au cōtrai-  
 ne les destina-il pas au seruice de sa religion?  
 ompee pillā-il les richesses dudit Temple, quand  
 se fust rendu maistre de Ierusalem? Et plusieurs  
 rinces n'ont-ils pas griefuement puny ceux, qui  
 approprioint les biens dediez à religion? S'il y  
 n à eu des persecuteurs du peuple de Dieu, & de  
 Eglise, qui les ayent apres remis en la liberté de  
 eur religion, ont-ils pas non seulement restitué  
 e, que leur auoit esté prins: mais ne leur ont-ils  
 as donné beaucoup d'auantage? tesmoins Ci-  
 us, Darius, Artaxerxes & autres? Ce qu'ils n'eus-  
 ent faiët, si ce n'eust esté vne Foy generale & na-  
 urelle de tout le mōde, que par tout droiët diuin  
 & humain les choses diuines & sacrees ne sont  
 oint biēs de personne, qui les puisse posseder, cō-

me parle le Jurisconsulte. Et la creance des Chrestiens n'a-elle pas tousiours esté, que l'Eglise est la vraye & legitime dame & maistresse, & en propriété & en vsufruit des biens donnez ou acquis à Dieu, & pour son seruice seul : qu'elle seule peut non seulement permuter ou aliener le fons & la propriété, selon l'occurrence des necessitez, & cōseruatiō d'elle mesme, mais aussi qu'elle seule peut iouir & dispenser de tous les fruits d'iceux? Si toutesfois le R. de N. a passé outre par dessus tous ces exemples & considerations : s'il a incorporé à son domaine le fonds des dixmes & autres biens de l'Eglise : s'il dispose des fruits, comme il luy plaist, & que l'on ne peut posseder à aucun iuste tiltre, la despouille par violence du legitime possesseur & propriétaire, peut on dissimuler ou nier aucunement qu'il ne soit plus d'agereux à l'Eglise Catholique, & plus redoutable aux Euesques & au Clergé, qu'autre quelconque Prince, qui aye iamais poursuiuy l'Eglise? Il ne se peut couvrir du fait de sa mere en ce cas: tout au contraire, elle a defendu par ses Ordonnances, qu'autres n'eussent la dispē- sation de ces biens que leur Eglise, & qu'iceux ne fussent employez qu'aux pauvres, à l'entretene- ment des Ministres & œuures pies, selon l'ordon- nance du Conseil Ecclesiastique. Et d'autant que elle assure en ses ordonnances, qu'elles sont fai- ctes & dressees selon l'expresse parole de Dieu, y contreuenant, il monstre mespriser non seulemēt sa mere, mais Dieu mesmes & sa parole.

Les Catholiques cognoissent par tout cela, que ce n'est pas le respect de sa mere, & moins encor la consideration des Estatz, qui le meine; ains

*Le Roy de  
N. pire que  
tout autre  
sacrilege.*

eulement l'auarice & cupidité de iouir des biens  
 Ecclesiastiques, apres ceste haine contre eux, &  
 leur Religion, & la craincte qu'il a qu'il ne faille  
 faire restitution. Qui est vne des raisons & prin-  
 cipales causes, que la Religion Catholique, &  
 les Ecclesiastiques ne sont remis en Bearn. Et  
 sur ce iugent les Prelatz, & ceux du Clergé de  
 France, quelle misericorde & bon traictement  
 ils peuuent & doiuent attendre de sa Royauté, si  
 une fois il se voit les coudees franches, pour pou-  
 uoir leuer le masque: puis qu'il les tient pour Mi-  
 nistres de Sathan, ennemis iurez de luy, de sa fa-  
 ction & de son heresie: & qu'il despouille & trai-  
 cte si rudement & pauurement celle, qu'il croit  
 estre l'Eglise de Dieu, & ceux qu'il pense estre les  
 vrais Ministres enuoyez de luy. Heureux (dict le  
 Poëte) qui se fait sage aux despens d'autrui. Que  
 les temporiseurs, qui poursuiuent en tout cas  
 conuersion exterieure telle quelle, pensent s'ils  
 n'ont doüment auoir aucune esperance, & si huma-  
 nement il ne seroit pas le plus sot Prince du mon-  
 de de les croire. Ils luy donnent promesse, & il  
 l'assure d'estre receu Roy avec son heresie, voi-  
 le (dit-il) par les plus grands Catholiques, & par  
 ce moyen qu'il se pourra rendre maistre peu à peu  
 de toutes les forces du Royaume: desquelles s'e-  
 tant impatrony, il luy sera aisé de se saisir & iouir  
 des biens du Clergé (comme en Bearn) qu'ils font  
 valloir plus de cinq cens millions. Et par conse-  
 quent, le voila le plus riche Monarque que tous  
 les autres Chrestiens ensemble, où se faisant Catho-  
 lique, il perd ceste grande expectatiue, & se rend  
 sans moyen de se maintenir, qu'à la Loy ou plaisir

*Pourquoy  
 la Religion  
 n'est remise  
 en Bearn.*

*Aduertis-  
 sement au  
 Clergé de  
 France.*

*N'esperer  
 que le R.  
 de N. soit  
 Cath.*

d'autrui. Et lon ne doit point penser que ce luy soit vne conception, ou imagination nouuelle: car les plus familières sçauent combien ce propos luy plaist & comme bien souuent il exagere la grandeur d'un Roy de Frâce, qui auroit les biés du Clergé vnis à son domaine.

*La Roynie d'Angleterre monique que le R. de N.* Vous ne pouuez dire le mesme de vostre Roine: parce qu'elle n'a voulu iamais s'entremettre ny tirer vn soul des biens Ecclesiastiques, mais a laissé le temporel aux Seigneurs du lieu, & les dismes à ses Euesques & Ministres. Et ce qui nous faict penser qui la retient plus en la mauuaise volonté contre les Ecclesiastiques & l'Eglise, est d'autant que selon les loix des Catholiques elle est fille naturelle & bastarde, le mariage de sa mere ayant esté iugé par le Pape & les Vniuersitez illicite & nul, & crainet que les Ecclesiastiques & Catholiques estans vne fois remis avec la religion, elle ne soit bien tost depossedee, & vne autre mise en sa place, ce qu'elle ne voudroit pour tous les biens de Paradis. En quoy vous voyez comme le pauvre peuple est abusé, & facile à deceuoir, croyât qu'en vostre Royné & le R. de N. il n'y a que le seul zeile de salut qui les pousse contre la religion Catholique, combien que ce soit en effect la seule auarice, ambition & vengeance.

Ceux qui sçauent que cest que de ces pensions, qu'il se vante faire payer ordinairement aux Euesques d'Acqs & Oleron, & autres Prelats & Ecclesiastiques, ne se peuuent tenir de rire, de ce q pour faute de bones defences, il recourt à ces bayes. Car premierement pour le regard de l'Euesque d'Acqs, nous sçauons tres-bien qu'il s'en est présenté par

long temps plusieurs requestes au Cōseil du Roy,  
fin qu'il pleust à sa Maïesté luy faire faire raison  
& à son chapitre, contre les Officiers du R. de N.  
& ce conseil Ecclesiastique, qui auoi. nt occupé,  
& occupoient certaines dixmes, qui estoient des  
dependances de son Euesché, & de son chapitre,  
tuez en Bearn, cōtre la pratique des Princes voi-  
ns, & le droit des gens, qui ne permet point  
d'aucun retienne ou o. donne des biés de celuy,  
qui ne luy est point subiect. Ce que le Roy d'Es-  
paigne mesmes obserue tous les iours tant euuers  
es Catholiques, que se R. de N. & les Huguenots.  
Nous sçauons aussi que le Roy ayāt renuoyé cest  
faire à la Royne Mere, lors qu'elle alla en Guyē-  
ne pour la Conference de Nerac, elle fit tant que  
le R. de N. manda à ses Officiers, de le payer, où le  
laisser iouir pour l'aduenir: & pour le passé nous  
ne sçauons pas bien quel appoinctemēt il y mist:  
mais il est bien vray que lesdicts Officiers n'y ont  
rien voulu auoir esgard. Tellement que ledit  
Roy tant pour euiter la consequence, que pour  
desir qu'il auoit de gratifier ledit Euesque  
d'Acqs (lequel fist plusieurs voyagers vers luy à  
grands fraiz pour cela, & qu'ils auoiēt, autres ne-  
gociations ensemble) luy fist payer de ses deniers  
par son Thresorier (ce qu'il appelle pension) cinq  
cents escus pour vne annee, & il se peut dire vne  
fois pour toutes: car depuis il n'en a rien receu,  
moins a-il peu iouir des dixmes & reuenus qu'il  
auoit en Bearn, cōme les plaintes qui en continuēt  
au Cōseil du Roy le monstrent assez. Iugez quelle  
raison le R. de N. peut faire aux autres Prelats (qu'il  
garde biē de nommer, de peur de se mesprēdre)

*Le Roy, de  
N. occupe  
les biens de  
l'Euesque  
d'Acqs.*

*Il viole le  
droit cō-  
mun obser-  
né en tou-  
tes nations.*

& quelle verité il y a en toutes ses declarations.

*L' Euesque  
d'Oleron  
mal payé.*

Il peut estre qu'il a continué par fois quelque pension à l'Euesque d'Oleron : mais ce n'est pas à raison de ses benefices siz audict pays, ains seulement en recompense de ses longs seruices, & pour les mesmes gaiges qu'ils auoit estant son ancien Chancelier, duquel il fut priué, pour la seule cause de religion. Lesquels toutesfois ne luy furēt pas si tost payez en l'an 1583. en pleine paix, que les Huguenots de Bearn ne les luy vinsent voller de nuit en sa maison de Maulcon, qui est membre de son Euesché aux frontieres de Frâce vers Bearn, & Nauarre, s'as qu'il en aye esté faict aucune iustice, bien que les coupables fussent assez cogneuz, & que ce grand President & Conseiller d'Etat le Sieur de Bellicure en fist grand instance, comme estant vne vollerie, ou acte d'hostilité, faict à vn subiect du Roy, & en ses terres : qui fut cause que ledict Euesque fut cōtraint quitter son troupeau, & se retirer de là du tout. Si ç'a esté cognoissant qu'il ne failloit plus parler de gaiges ou pension, & que cest attentat ne venoit que pour la faire cesser, nous nous en remettons à ce qui en est : il nous suffit que chacun cognoisse que le R. de Nauarre se couure en ce d'un sac mouillé, & qu'en tout cas, il cōfesse auoir luy mesmes depossédé les Ecclesiastiques tant de son pays que de France, de la propriété & de l'vsufruit de leurs terres, droits, dixmes, & possessions, & auoir changé en aucuns leur reuenu en pēsion, c'est à dire, de les auoir rendus médians pensionnaires, de legitimes propriétaires, & vsufructiers, qu'ils estoient & sont. Voyent les Ecclesiastiques s'ils ont enuie de deuenir en tel

*Le Roy de  
N. confesse  
impudem-  
mēt le tort  
qu'il faict  
aux Eccle-  
siastiques.*

stat.

Il prend grand auantage de ce qu'il ne procede point en Bearn contre les Catholiques par punitions corporelles, morts, bruslemens, & tourmés: mais il nous semble que si Ciceron auoit à y resoudre, qu'il ne luy pourroit faire plus propre response, que celle qu'il fist à Antonius, qui luy reprochoit semblables bons traictemens: c'est à sçauoir, Que ce dire seroit fort propre aux voleurs & assassins de forests, lesquels reprochent & imputent à grand grace & faueur aux passans, l'ame qu'ils ne leur peuuent oster, pourueu qu'ils ne les tuent & se contentent de leurs deniers & substances. Il n'est pas dit, que pour estre tenu ennemy des Cathol. il les faille tous bourreler, tuer, ou exiler: car nous lisons bien de Bajazet second Empereur des Turcs, & ennemy capital des Chrestiens, qu'il se moquoit de ce grand Ferdinád Roy d'Espagne de ce que pour vn Prince si sage & si prudēt, comme il estoit, il bannissoit les Iuifs, & Sarrazins de ses terres, veu, disoit-il, que la grandeur des Roys ne consiste, & les Royaumes ne s'augmentent & enrichissent, que de la multitude des hommes. Et les Empereurs qui ont plus nuy à l'Eglise, ce sont ceux, qui ont moins tourmenté les Chrestiens en leur personne, comme nous lisons.

Nous ne pouuons entēdre ce qu'il veut dire, qu'il a des Catholiques, qui exercēt des offices notables & en Bearn, & aupres sa personne. Biē sçauons nous que ny le President Reuignan, qui est le premier en son Parlement de Pau, ny de Marqua, qui estoit le secōd President, ny le Fresche iuge d'Or-

*Repr. che  
du Roy de  
N. aux Ca-  
thol. de  
quelle per-  
sonne est  
digne.*

*Idem Sal-  
uianus li.  
8. de pro-  
uid.*

*Comment  
le R. de N.  
se sert des  
Cath.*

*Il ne reçoit  
aucun Of-  
ficier de lu-  
stice qui  
n'abiure la  
Rel. Cath.*

*Aliquādo  
si Catholi-  
cos tace-  
tes videāt,  
quiescunt,  
et muti a-  
mici sunt,  
loquentib.  
aduersan-  
tur.*

*Foy des  
Rois Bar-  
bares.*

thez, ny autres plusieurs (au nom desquels nous pardonnons volontiers) n'ont peu iamais estre receuz ou remis en leurs Estatx, de son cosentemēt, durant 14. ou 15. ans, qu'ils n'ayent fait la protestation ordinaire contre la Messe, & ce avec la profession de la Foy Caluiniēne, ordonnee par la feu Royne. Nous sçauōs aussi, que le Sieur de Mieus- sent a esté osté de son gouuernement de Bearn, & n'a gueres des offices honnorables, qu'il auoit en la maison, pour n'auoir voulu renoncer Dieu, & la religion Catholique. Il peut estre qu'il aime & se sert par fois de quelques Catholiques: car cōme remarque tres-bien Saint Gregoire, la façon des Seigneurs & Princes heretiques est, Que par fois ils laissent en repos les Cathol. qui se taisent, & sont amis des muets, & ennemis de ceux qui parlent. Il peut estre, que pour vn temps, & en petites choses, il leur garde la foy: mais c'est à la façon des Roys & natiōs Barbares, desquels Fabius Maximus parlant du Roy Syphax, & des Numidiens, aduertissoit Scipion de se prendre garde, disant que leur coustume est de garder la foy en petites choses, afin de faire bien assseurer les gens en leur loyauté, pour apres la rompre à leur grand profit, quand ils verront auoir le moyen & l'ocasion de les ruiner du tout. Il peut estre qu'au faict des armes & des Capitaines, il se serue pour vn tēps de quelque Catholique, cōme font les oyseleurs de leurs apeaux & cheueches pour en piper & attirer d'autres, ou bien pour en veoir plustost le bout, comme nous lisons que Constantius fit son Lieutenant general és Gaules Iuliā, afin que les hazards de la guerre l'emportassent plustost. Encores



n'est ce pas grand fauteur fait à la religion Cathol.  
 que d'honorer les Catho. pour les employer aux  
 dangers de la vie, contre leur propre religion, & de  
 s'en servir de rōdache ou fascine, pour establir ou  
 maintenir l'heresie, ruiner les Eligses, & commet- *Aueugle-*  
 tre tous les actes, que pourroyent faire ceux, qui *ment des*  
 sont sans Dieu, & sans religion & notammēt d'e- *Cath. por-*  
 stre priuez de tout exercice de leur religion, dans *tans les ar-*  
 Montauban, Bergerac, Sainte Foy, la Rochelle, & *mes pour le*  
 autres lieux, où ils se tiēēt ordinairēmēt à sa suite, *R. de N.,*  
 & en fin d'estre asseurez de ne rester en vie avec *contre leur*  
 leur religion, lors qu'il aura fait mourir les autres, *vie & re-*  
 & n'en rapporter autre recōpense, que ce tilre in- *ligion.*  
 fame d'Atheiste, comme il les nomme souuent, se *Le Catho,*  
 fondant sur ce que ils ne monstrent aucune affe- *qui n'aze-*  
 ctiō à la cōseruation de leur religion, comme ils *le est, A-*  
 seroient, s'ils en auoient, conformēmēt au dire des *thoiste.*  
 anciens Peres, que l'amour de Dieu ne se peut  
 moins cacher, & n'est moins violent, que l'amour  
 deshoneste, ains beaucoup plus grand, comme  
 on voit par experience, que nulle passion peut  
 estre plus grande, que celle, qui vient de la religiō,  
 bonne ou mauuaise. Le Roy se sert bien des Rei-  
 tres & Suisses heretiques, ce n'est pas grand argu-  
 ment au contraire, qu'il ne hayssē bien fort leur  
 religiō, & ne face tout ce qu'il peut pour l'exter-  
 miner. Et si le R. de N. n'a point de plus grandes  
 preuues de son affection enuers les Catholiques,  
 considerez, ie vous prie, par son propre dire, quel  
 il est, & sera en leur endroiēt. Il eust beaucoup  
 mieux faict de s'en taire du tout, & de se tenir sur  
 les propositions generalles, ou bien confesser li-  
 brement à pleine bouche, comme il l'a au cœur,

qu'on ne doit pas trouuer estrange, si estât huguenot, & ennemy des Catholiques, il leur r  d les effets proportionnez & conformes    son intenti   & au venin de s   heresie, suyuant ce que dit S. Augustin. Que les Rois & Empereurs est  s en erreur, donnent les loix pour leur erreur contre la verit   comme ils veulent : & comme disoit Theodoric Roy heretique des Gots escriuant au Senat Romain: Il est plus ays   que le cours de nature, man- que, que de faire qu'un Prince puisse former l'estat de la Republique autre, qu'il n'est luy melmes: ou bi   dire ce, que les Ministres luy ont appris: Qu'il faut qu'un Roy soit zelateur de la cause de Dieu & ennemy mortel de ses ennemis, du regne de Sathan, & du siecle de l'Antichrist.

Car en ce qu'il dit ou  rir son c  ur    tout le m  - de pour descouurir ce grand secret, Qu'il croit que pourueu que le fonds de bonne conscience (ce sont ses mots) soit en vn subiect; que la diuersit   de religions n'empesche point, qu'il ne puisse estre fidelle    son Seigneur, il monstre n'auoir i  - mais est   bien catechis   & instruit en sa propre religion: car cela n'est pas compatible, ains du tout contraire aux articles de sa Confession de Foy (de laquelle il n'est pas croiable, qu'il se vueille despar- tir si facilement &    si b   march  ) & laquelle toutes- fois porte, que nous s  mes tous inutiles    tout bien, & enclins    tout mal, sans la grace speciale de Dieu, & que icelle ne se donne que par foy, & que ce qui n'est selon la foy est pech   & contre la bonne conscience: partant celuy, qui n'a point bonne foy, & qui tient vne mauuaise Religion ne peut auoir bonne conscience. S'ils croient que

*Facile est  
errare na-  
turam qu    
dissimilem  
sui Prin-  
ceps possit  
Remp. for-  
mare.*

*Nulle bon-  
ne consci  -  
ce sans foy.*

es Catholiques tiennent vne mauuaise foy & religion & qu'ils font par consequēt inspirez & commandez par Sathan: commēt peut il croire qu'il y aye en eux le fonds de bōne cōscience, & par consequēt qu'ils puissent estre fideles & bōs seruiteurs? Le dire de Hierocles estāt tref indubitable, Que la religion est la guide de toutes vertus & bonnes actions. Ce qui seruira aussi de respōce à la proposition de leurs Cathol. supposez qu'il vaut mieus auoir pour Roy vn bon Huguenot craignāt Dieu comme si l'on pouuoit auoir la crainte de Dieu sans foy & sans la vraye religiō & sans Dieu mesmes nō plus que de voir la clarté sans Soleil qu'un mauuais Catholique. Ceste pipprie n'est elle pas palpable, & tref grossiere, & qui ne peut donner aux Catho. que plus grande apprehensiō de desiance & craincte du R. de N.

*Autorité  
de la Reli-  
gion.*

*La douceur  
des hereti-  
ques est à  
craindre.*

Ne te laisse point tromper (dit tref-bien Sainct Chrysostome) à l'Heretique par ses belles paroles & declarations de biēueillance: mais au cōtraire tu le dois auoir d'autāt plus en hayne, de cela mesmes, qu'il faict semblant de douceur & māsuetude enuers toy. C'est le propre des Heretiques, dict S. Irenée, de cōduire en captiuité & seruitude par vne belle & frauduleuse apparece, ceux, qui ne les ont point experimētez, & lesquels ne les cognoissent à cause de leur couuerture & vestemēt de brebis. Euitez la lāgue venimeuse du Diable (dit S. Cypriē) qui est dès le commencement du mōde trompeur & mensonger: il mēt pour tromper: il fait du doux pour nuire: il promet des biens pour dōner du mal: il assure la vie pour tuer: il ne parle que de la paix & du repos, afin qu'o ny puisse paruenir il fait

» bon & respond de l'Eglise, combien que tout ce  
 » qu'il faict ne tende sinon à ce que celuy qui luy  
 » adioutera foy en soit entieremēt excluz. Nous re-  
 » courons volontiers à ces Peres, comme à ceux qui  
 sont exprez, en ceste matiere, combien que nostre  
 intētiō ne soit pas de la limiter au point de Theo-  
 logie. Ne pouuant toutesfois que blasmer grāde-  
 ment l'abuz de ce temps, auquel chacun presume  
 estre sçauant, & donner iugement au faict des ma-  
 ladies de l'ame & singulieremēt de celle, qui est si  
 difficile à descouurir & remedier, comme est l'he-  
 resie. Laquelle ils veulēt penser, comme si c'estoit  
 vn petit accez de fiebure : ou en celles du corps,  
 voire iusques à la moindre il n'y a aucun, qui ne  
 s'en rapporte à ceux qui font profession ordinaire  
 de la science & art de medecine.

*Abus du  
 siecle.*

Il semble que la conscience du R. de N. l'aye  
 accusé qu'on prendroit de ces iustifications si mal  
 colorees & peintes plus d'occasion de soubçon,  
 que de seurté. Car pour preuenir, il s'ingere d'at-  
 tester à tout propos Dieu & la France. Il faict de  
 grands sermens espouuantables avec execrations,  
 appellant l'ire & malediction de Dieu sur soy, s'il a  
 iamais conceu rien de mal contre le Roy, contre  
 son Estat, & contre ses subiects de toutes quali-  
 tez & de quelque religion, qu'ils soyent. En quoy  
 il s'est imaginé de pouuoir par la esblouir les  
 yeux des plus gens des bien & craignant Dieu.  
 Toutesfois ceux qui voyent plus cler, & qui  
 cognoissent le naturel, la liuree & parure d'un  
 insigne coniurateur, ou d'un bien ruzé Hereti-  
 que, le iugent d'autant plus dangereux en l'une  
 & l'autre, que ce sont des façons trop fardees &

*Sermons du  
 R. de N.  
 quelz.*

nouyes à nos anciens Roys S. Charlemaigne, saint  
 Roys, & autres. Et que ils ſçauent que au contraire  
 c'eſt l'ordinaire des Catilinaires de ſe penſer cou-  
 rir par tels ſermés execrables: & que la diuiſe cõ-  
 mune des Heretiques eſt celle, que dit S. Auguſtin  
 des Donatiſtes qu'il faut iurer, ſe pariurer & mêtir  
 tout à fait avec grands ſermens, deuant que cõfeſ-  
 ſer la verité, dire ſa penſee, & deſcouvrir le ſecret.  
 Quoy eſt conformé le dire de ceſt ancien Lace-  
 demonien Liſander, Qu'il faut tromper les enfans  
 avec des oſſelets & les hommes avec les iuremés.

*Diuiſe cõ-  
 mune des  
 heretiques.*

*Iura periur-  
 ra, ſecretũ  
 proderenõ  
 li.*

Nous aurions trop à faire à diſcourir par le me-  
 u toutes ſes actions & deportemens hoſtilles, &  
 qui ne peuuent prouenir que d'ambition & d'vne  
 engeance & inimitié mortelle contre les Catho-  
 liques & l'Egliſe: Mais nous nous contenterons de  
 toucher en gros, & en general ce, qui peut ſeruir  
 aux Catholiques pour faire iugement de ce, qu'ils  
 doiuent eſperer de luy, pour la conſeruation de  
 leur religion & de la liberté de leur conſcience.  
 Du reſte nous ne nous en donnons pas beaucoup  
 de peine, pourueu que nous ne perdions point  
 Dieu, & que ſon amour nous commãde ſur tout.  
 Auſſi pour ce qui touche particulièrement l'eſtat  
 nous nous en remettons au liure qu'on dit en eſtre  
 ſur la preſſe. Il ne faut icy que en paſſant ſe ſouue-  
 nir des plainctes que ceux de la ville de Cahors en-  
 firent au Roy lors de l'entree du R. de N. en icel-  
 le, faiſant mention d vn grand nombre de filles &  
 femmes violees; de toutes les maiſons pillées &  
 brõlees au ſac, de dixſept Eglifes entieremẽt rui-  
 nees & razees, des monumẽts & ſepultures ſouil-  
 lees, & des oſſemẽts iettez au vent & à l'air, des ca-

*Cruantez  
 du R. de N.  
 à Cahors  
 & ailleurs.*

*Apophteg.  
me du R.  
de N.*

lices, chasses, & reliques fondues & changees en la vaisselle du seruice ordinaire de sa maison (pis que ce sacrilege Nabuchodonozor n'eut voulu faire) avec son beau & ordinaire Apophregme ( que les Ministres loient tant) prononcé pour consolatio & responce des plainctes & remonstrances, que les pauvres Ecclesiastiques captifs & prisonniers luy faisoient, Qu'il voudroit que tous les Prestres & Moynes fussent morts. Il ne faut aussi que se représenter les assassins faicts de sang froid par son commandement & aduenu en la ville de Tartas, contre Chambre son Lieutenant general de là. en la ville du Mont de Marsan contre de Fos vn des principaux de ladiète ville, & Orthes Recepueur des decimes d'Aite, qui renoyent le cœur des Catholiques à leur deuotion, ladiète ville prise par luy en temps de paix par escalade, pillée, rauagee & saccagee: En Bourdellois contre les deux freres la Fitte estās attaquez en leur maison, parce qu'ils auoient quitté son party, & s'estoient rendus Catholiques, avec armes descouuertes & deux pieces de canon en plaine paix, à la veüe de la Chambre de Paris lors seant à Agen, forcez de se rendre sur sa foy, & neantmoins à l'instant daguez en faueur de Fauas.

*Nul si en-  
nemy de la  
Reli. Cat.  
que le R.  
de N.*

Voulez vous veoir en vn mot combien il est ennemy des Catholiques & de la religion Chrestienne? Se lira il iamais chose si impie, & qui puisse tāt offenser les oreilles des Chrestiens, que Prince ou Seigneur quelcōque, qui aye porté tiltre de Chrestien, quelque meschāt Heretique & ennemy des Catholiques, qu'il ayt esté, aye ordōné ou permis, qu'en hayne, opprobre & derision des Catholi-

ques & des saintes armes & sacré signal de la Chrestienté, les Gibetz soiét este faits en figure de croix au lieu de potences ou postaux comme il se veoit tous les iours practiqué au pays de Bearn. Ce que nous auons trouué si estrange, que nous auons eu beaucoup de peine de le croire, deuant qu'il nous esté certifié par plusieurs digne de foy, qui l'ont eu souuent. Et l'on sçait au contraire les grandes prohibitions de Constantin le Grand sur ce, & cō-  
 tien ce signe de Croix à esté en honneur & reue-  
 nance par toute la Chrestienté, & en tous siecles.

D'auantage qui a commandé & procuré les demolitions & bruslemens de tant d'Eglises, notamment en la Guyenne, que le R. de N? Ne sçait il point, que au iugement naturel & commun sentiment de tous les peuples, gens & nations, il n'y a action, qui puisse tesmoigner vne si grande inimitié & passion, que la destruction des Eglises, Temples & Autels, ne qui soit plus imprimé naturellement à vn chacun que la deffence d'iceux suyuant l'ancien dire: Qu'il ny auoit plus iuste guerre, que celle, qui se faisoit pour les Autels? Ne luy a on pas souuent representé l'histoire de ces Anciēs Grecs, lesquels estans liguez ensemble contre les Barbares, qui auoiét destruiets leurs Temples, firent vn serment solennel, qu'ils ne les reedifieroient iamais en mesmes places: affin que les remarquez & estants des ruynes d'iceux seruissent de memoire perpetuelle à la posterité de la malice, inhumanité, cruauté & inimitié de ceux qui les auoient demolis: & afin aussi, dict Isocrates, d'admonnester leurs successeurs d'auoir vne haine mortelle & perpetuelle deffiance contre tels sacrileges.

*Gibbets en  
Bearn en  
signe de  
croix.*

*Notable  
fait des  
Grecs contre les  
demolisseurs  
de leurs  
Temples.*

*Le R. de  
N. demo.  
lisseur des  
Eglises.*

Ne se souuient il pas comme notammēt lors de la cōference du Fleix il luy fut remonstré souuēt, que telles demolitions d'Eglises, qui se cōtinuoïēt deslors par son ordonnance (suyuant ses lettres missiues, & patentes qui furent lors surprinses) és villes de Lettoure, l'Isle Iordan, Perigueux, & autres principales de celle qu'il tenoit en la Guyenne, luy seroient imputees à iamais à cruauté, inhumanité, & inimitié mortelle cōtre l'Eglise Catholique, & ne seruiroient que de Seminaire & iuste cause de haine perpetuelle de tous les Catholiques contre luy & sa memoire? Et d'aussi legitime exclusion de la succession du Royaume de Frâce, que vn seul de tels excez cōmis en la ville de Vitry (dictē depuis le bruslé) cuida couster au Roy Lois le ieune sa deposition, sans pleurs & grande penitence, qu'il en rendit: la plus part des François soustenās avec le Côte Tibaud, Que celuy la ne pouuoit estre Roy, qui estoit impie au Temples: d'autant, disoient ils, comme escrit Paule Emilie, qu'ils ne pouuoient euiteŕ d'estre ennemis ou d'icelluy ou du ciel, auquel ils faisoient la guerre par telle voye. Ne se souuient il pas de ce, qui luy fut dict pour lors en la presence de feu Monsieur, qu'il se faisoit trop de tort d'adiouer tels actes, veu qu'ils auoïēt esté trouuez si Barbares & inhumains mesmēmēt parmy tous les troubles passez, que iamais le feu Prince de Condé ny ce grand Scythe & ennemy des Catholiques le feu Admiral de Chastillon ne voulut adiouer les auoir commandez: ains les desnioit totalement les reiectant sur la licence effreneē du soldat: Au contraire le R. de N. se vantoit & faisoit sa gloire desdictes demolitions.

Et



Et encores il fait veoir tous les iours de ses fenestres de Nerac à chacun, qui le va visiter, les bastimens faicts de la ruyne des Eglises, l'Eglise principale du lieu si entierement razee, qu'il n'y en a aucune marque, que de la place, & du seul clochier, que Dieu par sa prouidēce semble luy a faict laisser pour tesmoignage à laposterité de son impietē & irreligion, & comme luy dit vn iour quelque honneste homme, pour presage, aduertissemēt & tourment perpetuel de son exclusiō du Roiaume de France, d'autant (disoit-il) que l'entrēe & receptiō es Eglises est le seul passage de nos Rois pour entrer & estre receuz aux Palais Royaux, & que ruynāt les Eglises, c'estoit vrayemēt se boucher le chemin de la Royauté tres-Chrestienne: car puis (comme disoit S. Athanase contre Constantius) qu'estant reuestu du Christianisme, il violē les saints lieux, il destruiēt les Eglises, & en chasse les prestres, qui oseroit iamais pretendre ou esperer vous luy vn bon temps, pour les Chrestiens? ou qui oseroit nier qu'il n'apporast en l'Eglise Catholique vne violence & persecution si grande & mortueuse, qu'il n'en fut iamais veude pareille, voire telle qu'autre que le fils d'iniquité ne pourroit ou voudroit faire?

Finablement nous demādōs icy à tous ceux, qui ont quelque iugemēt, sil n'est ennemy des Catholiques & de leur religiō, y en eust il iamais aucun? Que pourroit faire le diable, sil pouuoit prendre chair humaine & qu'il vint en persōne pour establir quelque heresie abominable, ou faulse religiō & oster la Catholique que le R. de N. ne face contre les Catholiques & leur religion? Pourroit

on se declarer ennemy des Catholiques par actiōs & voyes plus hostilles & rusees, que celles, dont vse ledit Roy: qui ne feist, comme l'on dit, iamaïs bien à Catholique, que pensant mal-faire? Qu'on lise & obserue les œuures & comportemens d'Arriens, Donatistes & autres telles racailles d'heretiques, vaisseaux & membres de Sathan, si l'on y recognoistra aucune differēce d'avec ceux du R. de N? N'est-ce pas l'enseignemēt du Sauueur, qu'on cognoit les heretiques & l'heresie par leurs fruičs & actiōs, qui sont semblables à celles de leur grand Pere Sathan, ce vieux mēteur & meurtrier. Ne pouuons nous pas dire aussi iustement de luy ce que S. Athanale reprochoit sur la demolition des Eglises & autres semblables actes contre Cōstantius? Qu'à oublié l'Empereur, dit-il, à faire qui ne soit propre à l'Antechrist? ou bien que pourra cestuy-cy, quand il sera venu commettre & perpetrer de pis? Qui osera donc appeller Constantius Chrestien, & non plustost l'image de l'Antechrist?

*Vn compete-  
tueur ma-  
nifeste du  
roiaume ne  
pourroit fai-  
re pis que le  
R. de N.*

Qu'on nous die aussi, que pourroit plus faire le plus ambitieux cōpetiteur à descouuert & profez de la courōne, que ce que fait le R. de N? Pourroit-il prédre pl<sup>us</sup> beau chemin que de se faire chef d'une partie des sujets? Les entretenir en desfiāces, pœurs, & troubles, cōtre leur Souuerain & legitime Roy? Pourroit-il mieux les y entretenir, les desbāder & diuiser du Roy, & leur dōner cœur de l'entreprēdre, & de se hazarder en tous les dāgers de la poursuite: que (à l'exēple des anciens ambitieux de Royaumes & tyrans) les faisant viure, les poussant & maintenāt en nouueauté & diuersité

de religion, & de celle mesmement, qui sappe & mine le pied & de la couronne, & de l'Estat, & de la religiō du Roy, & de l'authorité de ceux, de qui il se peut plus seruir? & en fin de la part de Dieu leur faire artificieusement promettre & les asseurer de la vie eternelle, pour recōpense de leur rebellio, reuolte, & perte des biens & de la vie? Pour acheuer ce propos, dictes nous, ie vous prie, & pensez y bien, qu'eust sceu faire, ou que pourroit faire le R. de N. de plus qu'il ne faict, quand mesmes il se declareroit ouuertement estre ennemy des Cath. & auoir ceste intention, que d'enleuer au Roy sa courōne & son sceptre, & priver les Catholiques de l'vsage de leur religion? A-il oublié aucun mal, que la guerre & que l'heresie puissent apporter? Qui l'a empesché, s'il eust eu l'ame pacifique envers c'est estat, & les Cath. & s'il n'a rien fait que pour ne vouloir laisser passer le cousteau dans la gorge (cōme ils disent) de se retirer doucement de la presse & de se tenir avec la bōne grace du Roy, & benediction de tous ordres, & avec toute securité de sa personne en son pays de Bearn, pour ne se mesler, que des affaires de ses subiects, comme fait sagement son ayeul, & est bien-seant à tout Prince, qui se dit souuerain? Ou au contraire il a affecté de se rēdre partie & chef de part, au lieu de tenir la place de Prince, de se conseruer à pouuoir estre à souhait de tous pere cōmun ou iuge souuerain. Et si pouuoit cependant estre le moyenneur de la paix & l'arbitre de l'vn & l'autre party. De l'vn pat la grādeur de son autorité, & de l'autre par le moyē de ses gratifications. La qualité de Prince, qui l'oblige à vne plus grande obeyssance

& estroictē fidelité enuers le Roy, & à vne plus si-  
 gnalee douceur & rare humanité enuers les hō-  
 mes, le peut-elle authoriser à offencer les Catho-  
 liques, ou à seulement s'ingerer aux affaires du  
 Roiaume contre la volonté de sa Majesté, qui ne  
 peut & ne doit estre forcée a prendre conseil & se  
 seruir de l'un plus que de l'autre, mesme de celuy,  
 qui est contraire à sa religion? Est-il imaginable  
 que le zele de la gloire de Dieu & le feu d'amour  
 enuers sa religion & à faire valoir Paradis l'aye  
 poussé, ou qui l'en puisse excuser ou dispenser? La  
 cōformité & correspōdance de sa bōne vie peut-  
 elle cōporter vne si fauorable & sainte interpre-  
 tation de son intention? Et quand il se pourroit,  
 youdroit-il receuoir sēblable defēce pour iustifi-  
 catiō de l'Espagnol, ou du Lorrain, ou biē d'autre  
 Prince, quel qu'il soit, qui entreprēdroit le mesme  
 pour le zele de sa religiō sans l'authorité & appro-  
 batiō du Roy, encor q̄ ce fut pour celle-là mesme  
 de sa Majesté? Est-ce la vocatiō de Dieu, & aucun  
 commandement, qu'il en aye de sa part non plus  
 que du Roy, qui en soit cause cōme il est necessari-  
 re en tel cas? S'il ne veut ouyr la reproche prinse  
 de l'Euāgile, Qui t'a cōstitué iuge ou mis en ceste  
 charge? Si contre toutes ces raisons il a tasché si  
 souuēt s'entremettre des affaires du Roy, & de ses  
 subiects, voire iusques à luy donner & au Royau-  
 me par les armes la loy, & troubler la paix & tran-  
 quillité, quel plus honnestē sens peut-on donner  
 à son dessein & à tant d'effets facieux sanglants  
 & tragiques que d'ambition à la courōne, que de  
 pure tyrannie & de haine intestine cōtre le Roy,  
 les Catholiq. & leur religion? Y a-il artifice d'o-

rareur, ou subtilité de Philosophe, qui puisse des-  
 guiser ceste ratiocination? Combien de gens ont  
 rapporté iustement des anciens à moindre occa-  
 sion que luy, le nom de Tyran, de fleaux de Dieu,  
 de rebelle, de persecuteur de l'Eglise, d'ennemy de *Titres con-*  
 Dieu, & de proditeur de sa patrie, d'Antechrist & *uenables a*  
 l'Athee? Si c'estoit l'amour de Dieu & le zeile de *R. de N.*  
 la religion (comme il semble à aucun qu'il soit au  
 Prince de Condé) qui le pouffast à ce qu'il faict, &  
 refuser d'estre Catholique, il seroit aucunement  
 supportable, & digne plustost de commiseration  
 que de hayne. Et s'il y auoit esperance, que se re- *Raison in-*  
 mettant Cath. ce seroit avec verité & effect, mais *fallible que*  
 ses actions & propos enfilez & prins ensemble *il ne fault*  
 vne cōtinuelle fuite ou a part, tesmoignēt tant *esperer au-*  
 tout le cōtraire à tout le monde, que l'ō n'en sçau- *cun biē du*  
 roit riē esperer iamais: ains au cōtraire, l'ō ne peut *R. de N.*  
 que y recongnoistre quelque secret iugement de  
 Dieu pour ses pechez & les nostres: Et par cōse-  
 quent l'on ne peut que le redouter en toutes fa-  
 çons, comme ne restant aucun lien ou moyen en-  
 tre les hōmes, par lequel, disoit l'ancien Poëte, on  
 puisse arrester ou s'asseurer d'un Prothee, qui chā-  
 ge à tout propos & de visage & de contenāce, &  
 qu'il n'est point croyable, qu'estant accoustumé à  
 offencer les particuliers, il puisse bien faire au pu-  
 blic par la raison de ce Tyran de Thessalie, qui di-  
 soit. Que celuy, qui fait tort en detail, ne peut faire  
 tort en gros.

Son Apologeticaire de Belloy s'eschauffe fort  
 pour monstrier que c'est vn argument infallible &  
 sans respōce, que le R. de N. est fort religieux en-  
 vers Dieu, & le moins ambitieux, qui se puisse pē-

ser puis que quelque grande piece du mōde qui se  
ptefère à luy, & quelque hazard humain, qu'il ait  
apparēce de craindre en la cōservation de ce grād  
Royaume, il ptefere sa religion & la craincte de  
Dieu à tout cela. Nous aurīōs à dire beaucoup de  
choses sur cecy, mais par ce qu'il faudroit esuāter  
pluseurs negotiations sur ce, qu'il est bon toutes.

*Responce à  
l'argument  
infaillible  
sur la reli-  
gion du R.  
de N.*

fois qu'elles demeurerēt pour encore secretes, nous  
nous contenterons d'aduertir les gens de biē que  
ce qui le retient en l'apparence de ceste religion,  
& en quoy consiste tout son refus, ne gist pas en la  
crainte de Dieu, ny en ses scrupules de conscience  
(cela est trop grossier pour ceux, qui sçauent du  
monde) ains seulement aux moyēs de seureté, qu'il  
ne peut trouuer assez à son goust, tant le crime de  
rebellion & le malefice est accōpaignē (disent les  
anciens) de timidité & deffiance perpetuelle. Du  
Ferrier ne luy a-il pas appris Que se faire Cath.  
n'est ny son reculement ny son aduancement à la  
royauté, ny sa seureté enuers le Roy & les Cath? Si  
ses raisons sont veritables ou nō, c'est autre chose:  
toutesfois s'il les croit vrayes, cōme il semble qu'il  
y est confirmē & resolu, nous faut-il vendte des  
coquilles, & abbreuer le monde de ces argumēs  
plus specieux & populaires, qu'accompagnez de  
verité? Croyōs fermemēt que ce n'est pas le zele,  
qu'il a d'estre martyr, qui le retiēt en ceste heresie:  
c'est qu'il craint perdre son party & n'estre gueres  
assuré en l'autre. Et tant s'en faut que cela le ius-  
tifie d'impietē & d'ambition, que c'est ce qui le  
faict paroistre l'un & l'autre plus euidentement.

Ayant donc tāt de preuues infaillibles de la na-  
ture de son heresie, de son ambition, animosité &

persecution contre la religion Cath. est-ce se for-  
ger (comme ils disent) des pœurs friuoles, & trepi-  
lations du R. de N. & de l'heresie, qu'il a prins à  
cœur, en affection & protectiō, que de predire &  
iuger de l'aduenir par l'experience du passé? & selō  
les effects & operatiōs ordinaires & naturelles de  
l'heresie & de ses promoteurs, enuers nos majeurs  
& voisins? En craindre le mesme pour nostre re-  
gard, n'est-ce pas la plus certaine Astrologie iudi-  
ciaire & (beaucoup plus asseuré Almanach que ce-  
uy, qu'il a faict imprimer à la Rochelle souz le  
nom de Rizzacaza cōtre les Princes & Estats Ca-  
thol.) qui soit, dit Ciceron, pour preuoir & predi-  
re avec certitude l'aduenir, que le rapport & la cō-  
sideration du passé en mesme cas? N'est-ce par  
pourquoy les Grecs appelloient l'homme par vn  
nom composé, dit Platon, qui emporte preuoyā-  
ce, pour monstrer qu'il n'y a rien plus propre à sa  
nature que de preuoir à ses affaires? Quand bien  
seroit possible que le R. de N. n'eust aucune fini-  
re volonté contre les Cath. pour le present, qui  
vous peut asseurer, quelle ne luy puisse reuenir &  
croistre tant, qu'il sera possédé & agité par la tres-  
estilente & mortelle furie de l'heresie, ennemie  
de la verité, de tout bien, & des Cath. Et si  
tant estoit, comme il est, que le R. de N. fut desia si  
mal animé contre nostre religion & l'Estat de ce  
royaume, seroit-il tēps d'y pourueoir pour lors,  
que le mal seroit enraciné? N'est-ce pas le dire des  
anciens qu'il ne faut pas aymer pour esprouuer,  
mais qu'il faut esprouuer pour aimer? Cōbien de  
englots ferions nous lors d'auoir esté surprins à  
trappe, & de nous estre laissez tromper, pippet

*Pourquoy  
le R. de N.  
de peustestre  
qu ennemy  
de la Frâce  
& des Cat.*

& endormir si miserablemēt? Bref si les opinions particulieres de Caluin sont heresies, si les heresies sont des inspiratiōs & opinions du diable, si ceux qui les embrassent sont les enfans, ses feaux & biē-aymez, possédez & commandez par luy: si le R. de N. est tel avec les Huguenots, selon la foy des Catholiques, en peuuent ils attendre que les effects proportionnez à la malignité du Diable & au naturel de l'heresie de ses fidelles enfans & bons subjects? Quiconque en doute, doute si l'Escriture sainte est veritable, & par vne cōsequence infallible, il nie, que le Dieu des Chrestiens soit le vray Dieu: ô parole scandaleuse, ô conclusion infame, ô abisme de tout malheur!

*Capitaines  
du R. de N.  
& saints  
protecteurs  
de la religio  
Hugueno-  
tique.*

Peut-il donc trouuer estrāge, que les vrais François & Cathol. le prennent pour leur marteau ou fleau, pour leur persecuteur particulier & ennemy public & conjuré de leur Roy, Nation, Religion & Estat? Qui prend & pille les villes du Roy, que le R. de N? De qui sont (comme disoit le Roy Agrippa aux Iuifs rebelles) les villes qu'il saccage que du Roy? Qui vole ses finances & ses reuenus que le R. de N? A qui autre appartient les tailles qu'à la Majesté? Qui couue foment, autorise, & se laisse cōduire & cōmāder par ces tygres & prodiges en cruauté de Beaupre, des Diguieres, Dau-dou, le Melon, Fontraille, Terride, Fauas, Floyrac, Clermōt de Buffy, Tanus, le Merle, Lauernay, Sauaillan, les Casses, & tāt d'autres qui sont les bourreaux de l'Estat, & lesquels sōt les mareschaux de la foy Pretendūe, que le R. de N? Qui a empesché tant de fois le cours de la iustice, pour l'impunité de ces monstres de nature, lesquels nul ne peut



douter estre inspirez & guidez par l'ennemy du  
 gère humain, que le R. de N. qui a tousiours fait  
 son propre de leurs crimes? N'est-ce pas la verifi-  
 cation de ce que l'Escripture sainte? Que le Roy  
 qui preste l'oreille volōtiers à paroles de menson- »  
 ge, & faulses doctrines, il a tous ses Ministres & »  
 principaux Officiers & Conseillers non seulemēt »  
 meschans, mais impies & sans Dieu. Qui fait la »  
 guerre au Roy depuis tant d'annees que le Roy de »  
 N? Qui decerne commissions pour leuer gens de  
 guerre cōtre les Cath. que le R. de N? Qui se de-  
 clare le support de l'heresie, chef & protecteur des  
 ennemis de l'Eglise Cathol. Apost. & Rom. que le  
 R. de N. Qui enuoie practiquer & negotier en ce  
 seul nom vers l'estranger pour introduire ces dia-  
 bles noirs de Reistres que le R. de N. Qui fait tuer  
 les Prestres que le R. de N. Qui a ordonné qu'on  
 print tous les biens des Cath. tant Ecclesiastiques  
 qu'autres fidelles seruiteurs du Roy, & qui se tien-  
 nent és villes de son obeyssance, que le R. de N?  
 Qui a mis en vente leurs biens mesme les immeu-  
 bles souz l'hypothecque & assignation particu-  
 liere pour la garentie, sur son propre domaine au  
 choix de l'achepteur? Qui a auctorisé & ordonné  
 la cessation & empeschement du diuin seruice en  
 tant de lieux de ce Royaume, que le R. de N? Qui  
 s'est oppose à la sainte resolution de sa Majesté  
 sur la requeste des Estats generaux de Blois pour  
 n'auoir qu'une religion, que le R. de N? Qui resi-  
 ste a l'execution de l'Edit du Roy pour la reünio  
 de ses subjects à vne foy, que le R. de N? Qui est  
 cause par consequēt de la rebellion & guerre pre-  
 sente, que le R. de N? Qui est cause q tant de gens

sont ruinez, que le R. de N? Qui est cause de toutes les impositiōs & leuees de deniers sur le peuple & l'Eglise que la bōté du Roy est cōtraincte de faire pour supporter les frais de la guerre, q̄ le R. de N? Qui est cause que l'Estat s'affoiblit & se diminue tous les iours, que le R. de N? Qui est cause de tāt de vefues & orphelins, que le R. de N? Qui a faict mourir & tuer leurs maris & peres que luy?

*Le R. de N.  
ennemy des  
Cath. seuls.* Peut-il donc (disons nous) trouuer mauuais que les bons Cath. qui desirēt plus que leur propre vie la conseruation de l'Eglise & de la religion, de laquelle ils se peuuent moins aisément passer, que des elements du feu & de l'eau, ayent vne si grāde deffiance & horreur de tomber en la puissance & cruelle misericorde du R. de N. & de l'heresie? puis qu'ils n'ont autre qui leur soit plus contraire, qui les trouble, ou les vueille priuer de leur religion, ne qui leur face teste & persecution que luy: puis que luy aussi n'a iamais faict la guerre ny n'a esté par consequent ennemy que des seuls Cath. qu'il n'a veu ny cognu autres qu'il tint pour ennemis que les bons François & Cat. aux despouilles & ruines desquels il s'est acharné & aguerri toute sa vie avec la faueur & recherche de l'amitié de tous les ennemis anciens & recens de la France & du Roy, voire du Turc tesmoing le message de celuy, que chacun sçait.

N'est-ce pas le dire anciē qu'on hait ceux, qu'on crainct, n'est-ce pas chose naturelle qu'on crainct beaucoup ceux de qui on a receu beaucoup de maux & oppressiōs? Qui a faict tāt de maux aux Cath. depuis 26. ans que les heretiques? Qui les à voulu priuer & par paroles frauduleuses & par

Force du bien de leur religion que les heretiques? *Comment*  
 Qui les a pillez & massacrez que les Huguenots? *le R. de N.*  
 Que peuuent ou doiuent-ils donc plus craindre *est verifié*  
 que les heretiques & Huguenots? ne sont-ce pas *& cogneu*  
 leurs vrays Sarrasins, leurs vrays Anglois, leurs *ennemy ca-*  
 vrays Espagnols, & leurs vrays Bourguignōs, c'est *pital des*  
 à dire leurs vrays particuliers & cōiurezennemis? *François*  
 Et si ceux-là ne font riē, qu'autāt qu'ils sont pouf- *Cath.*  
 ez, animez, inspirez & agitez par le R. de N. cōme  
 la mer par les vêts, n'est-ce par le R. de N. qui leur  
 faiēt ces maux? & lequel ils doiuent craindre mor-  
 tellement: & par consequent selon les hommes le  
 mayr mortellement? & selon Dieu son heresie, &  
 en consequence d'icelle sa personne & son autho-  
 rité? y a-il rien si cler & si apparent que cela?

Ils veulent qu'on ne se craigne ny prenne garde  
 que principalemēt de l'Espagnol: & que les Fran- *Si se fit à*  
 çois Catholiques le tiennent pour leur principal *l'Espagnol*  
 & seul ennemy en chef, pretendans par ce moyē, *ou Anglois*  
 & apres nous auoir voillez de ceste passion, se *ou a nul de*  
 couler parmy & nous accabler du tout. Nous ne *eux est bien*  
 voulons pas persuader, que ceux, qui ont char- *faiēt.*  
 ge des frontiēres s'endorment sur les Patenostres  
 ou caualiers de l'Espagnol, nous ne sommes pas  
 leurs iusques là, non: non plus que nous ne  
 sommes deliberez d'ouurir les portes de Calais,  
 ou du Haure de Grace, comme ont faiēt les Hu-  
 guenots à vous autres Anglois: mais bien som-  
 mes nous en cela seul de nous fier plus à l'E-  
 spagnol, qu'à l'Anglois: par ce que cestuy-cy  
 est beaucoup plus ancien, plus ordinaire, & plus  
 cruel ennemy, & qui a fait plus de maux en tou-  
 tes façons aux François, que l'Espagnol ou autre

quel qui soit. Nous ne lisons point, que cestuy ait iamais fait prescher au peuple, qu'il y eust plus de merite de faire la guerre ou de tuer vn François, qu'un Sarrafin, cōme nos histoires tesmoignent, qu'ont fait vos Rois: & lesquels nous doiuent estre en d'autant plus grande desiance qu'ils prennent tiltre de Roy de Frāce, & qu'ils pretendēt que nos Rois ne sont qu'vsurpateurs & tyrās, & nous tous rebelles: & qu'aussi l'exēple d'Olande, Zelande, & du bas pais nous sert pour cognoistre clairement le desir qu'ils ont d'empieter leurs voisins, souz pre-texte de secours & protectiō de religion. Et neāt-moins le R. de N. prēd à grand honneur & ose biē aduouër, qu'il a faict sa Ligue avec l'Anglois, c'est à dire qu'il luy a desia promis part au sac & aux despouilles de Paris & de la France. Et cependant il crie au loup contre les Catholiques, de ce qu'il a opinion qu'ils l'ayent empesché d'en faire de mesme enuers l'Espagnol, comme si c'estoit vn priuilege special en sa personne priuatiuement à tout autre, de pouuoir seul coniuurer & liguier contre la France tous ses plus grāds ennemis. Et si il y a des gens si stupides ou impudents, qui en sçauent biē blasmer ceux-cy par simple coniecture, & ne font cas de sa perduellion manifeste avec l'Anglois. C'est estre trop beste & passionné.

Nous disōs haut & clair qu'il nous faut estimer dauātage & nous fier plus sans cōparaison à la religion Cath. des Espagnols, qu'à l'heresie des Huguenots: & q̄ se perdre pour se perdre, le dāger & hāzard est beaucoup moindre du costé de l'Espagnol que du R. de N. du costé du Catholique que de l'heretique: du costé de celuy, qui est dome-

*Le R. de N.  
appelle les  
estrāgers. à  
son secours.*

tique de la Foy d'une meſme famille & parété en Dieu, que de l'eſtranger & de l'ennemy de Dieu & de ſa maiſon: & que la differéce du Catholique & de l'heretique eſt infiniment plus grande, que celle du François à l'Eſpagnol. Nous oſons bien prononcer avec toute aſſurance, qui n'eſt pas en pouſſance de l'Eſpagnol de trauailler la Frâce avec plus grande inhumanité, cruauté & oppreſſion, qu'à fait, & fait le R. de N. que nous ne pouuons craindre de ce coſté rien pis, que du R. de N. ains beaucoup moindre confuſion de toutes choſes & moindre alteration de l'Eſtat, des loix & de tous ordres, ne fut ce que pour le moins il nous maintiendrait en ceſte ſi pretieufe & ineſtimable liaiſon & reuſion, que par le moyen de la ſeule religion Cathol. nous auons enſemble & avec Dieu, qui eſt par icelle noſtre Pere & Seigneur, & nous ſes enfans & ſubieſts, ou le R. de Nauarre ne tend qu'à la diſſolution & rupture, pour nous rendre enfans abaſtardis, & ſubieſts rebelles, & nous ſeparer de celuy, ſans lequel nous ſommes moins que rien.

C'eſt auſſi ſans doute, que pour le preſent ny iamais leur Royne nous a point tant tourmétez, ne donné occaſiō de le craindre & hayr tant que le R. de N. qui ſe declare par effect noſtre capital ennemy, & que partāt nous deuōs courir au plus preſſé & plus faſcheux: & ne nous laiſſāt point pimper à l'Eſpagnol auoir ſingulieremēt l'œil ouuert cōtre le R. de N. qui no' eſt plus pres & plus inteſtin, & lequel certainemēt par les diuiſiōs, ruynes, deſiances, & deſespoirs, qu'il cauſe & entretiēt en ce Royaume, ſe peut dire le meilleur Eſpagnol, le

*Le R. de N.  
tresb<sup>o</sup> serus  
teur du Roy  
d'Espagne.*

plus digne & vtile ministre, & qui y aduance plus les affaires du Roy d'Espaigne, qu'autre qu'il y puisse desirer iamais. Car quand il auroit consulté cent ans pour rendre l'Espagnol victorieux & maistre de la France, que feroit-il, que ce qu'il fait pour luy faciliter l'entree? quel plus beau chemin en pourroit-il prendre, que celuy qu'il tient? Il peut bié s'asseurer que ce Royaume n'est pas pour vn Heretique, il peut bien penser, que ce fort voisin outre les autres Princes Chrestiens, ne le lairra pas iouyr de la royauté, apres qu'il aura ac cablé (si Dieu nous veut tât punir) les Catholiques, qui ne sont que sur la defensiue & pour garder leur possession: il peut bien penser que nous trouuans haracez & hors d'aleine les vns contre les autres, il luy sera aisé de nous maistriser tous. Craignons, & fuyons & opposons nous dōc à l'Espagnol cōme vrais François: Craignons, fuyons & opposons nous au R. de N. cōme vrais François & Chrestiens: resistons à l'Espagnol, cōme amateurs de la Majesté des fleurs de lis: resistons à l'Huguenot, cōme amateurs de l'honneur de la Croix & de la fleur de lis ensemble: hayssons les Matranes, comme bons François & bons Chrestiens: hayssons pareillement les heretiques, comme bons François & bons Catholiques.

*Esperer  
mieux du  
Roy d'Es-  
paigne que  
du R. de N.*

Mais si de malheur nous estiōs priuez d'un Roy Car. forcez & contraincts de nous ietter entre les bras de l'un ou de l'autre d'iceux, puis que l'orde l'uniō & amitié est plus grāde entre ceux de mēme religion, comme nous dirons plus bas, & qu'il n'y a riē qui nous rende plus loingtains, estrāgers & ennemis les vns des autres, q̄ la contrarietē de

religion, qui doute que nous ne puissions & deuions esperer meilleur traictemēt & composition du Catholique Espagnol, que de l'heretique François? de celuy qui entretiendra noz loix & formes anciennes de la religion & de l'estat, & sera puissant pour nous exēpter & deliurer de l'heretique, que de celuy qui renuerfant nostre religion, renuerse l'Estat, & ruyne entierement les gens de biē & les bons Catholiques? Mais sans cela, qu'auons nous de plus cher, que nostre ame & les moyēs de nostre salut? La nature n'a-elle pas apprins aux Cathol. de fuir ce qu'ils craignent, de resister à ce qu'ils hayssent, & de s'armer cōtre celuy, qui leur faiēt la guerre? La nature n'a elle pas apprins aux Cath. de repousser la force par la force, & de recourir aux moyens, que Dieu leur a donné pour vne si iuste defence, que de leur religion, qui tire apres soy leurs vies, biens, honneurs & liberté?

Y a-il remede plus propre & conuenable contre tous inconueniens & occasions de craincte, que la concorde & liaison de ceux qu'on veut accabler, & lesquels sont en mesme subiect de peril & danger? Les Catholiques peuuent-ils moins faire que de s'vnir, croizer, affraier, associer, s'estraindre, lier & relier ensemble, comme vn faisceau de fleches, d'vne mutuelle correspondance, & d'vne commune conionction & communication de volōtez, de courages, d'esprits, de conseils & de moyens contre l'heresie? Peuuent-ils faire difficulté de s'vnir, ou, pour parler plus proprement, de conseruer leur vnion, qui est de soy estroicte & inseparable en vn corps, en vn Royaume, en vne cité & communauté, & en vn mes-

2. Point  
que l'union  
des Cath.  
est le reme-  
de souverain  
contre l'he-  
resie.

me bastimét pour la deffendre & s'opposer à leur cōmun & principal ennemy? Doiuent-ils attendre pour luy resister, que celuy duquels ils se deffient plus, que d'hōme du mōde, soit paruenue au point auquel il leur peut nuire sans grād empeschemēt, & auquel ils n'ayēt pour tous secours & remedes qu'une penitence tardive, & les souspirs & pleurs de leur faute & stupidité. Ne doiuent-ils pas plustost & de droit diuin & humain par tous moyēs & artifices l'empescher d'y arriuer? Que si les heretiques pēsēt leur auoir esté permis & licite de faire la guerre cōtre leur Roy legitime & naturel sans aucun doute & scrupule, pour installer leur heresie & vaine imaginatiō de religiō, que doiuent faire les Catholiques pour la defēce & seruice de leur Roy, & pour la conseruatiō de la vraye religiō, contre celuy qui leur tiēt lieu de Tyrā & vsurpateurs, s'ils ne veulent encourir le tiltre de contempteurs de Dieu & d'Artheistes, comme le R. de N. pense, & sçait tresbien dire souuent, que sont la plus part des Cath. voire les Euesques, se targant sur ce, qu'ils ne s'affectionnent point sur le fait de leur religiō. Mais nō<sup>e</sup> esperōs, que si vne fois ils se voyēt presseés de la necessité, & destituez de la prouidence de sa M. sur laquelle ils se reposent, qu'il cognoistra le cōtraire, & sentira à ses despens que le Cath. ne cede en cōeur & zele à l'heretique: & qu'il est implacable & indomptable; quand il se voit reduict en ceste extremite de perdre sa religiō. Qu'est-ce que nous voyōs ie vous prie, si nō<sup>e</sup> ne voyōs point le grand danger qu'il y a de tōber souz sa domination? que craignons nous si nous ne le craignons pas? A quoy pouruoyons nous, si nous

*Pourquoy  
le R. de N.  
appelle les  
Catholiq.  
artheistes.*



si nous n'y pouruoyons point?

Qui blasmera les esclaves, s'ils voyét venir leurs maistres pour leur couper la gorge, & ne pouuât par autre voye se sauuer, s'ils s'entendēt à leur fermer la porte de la chambre? La condition des Catholiques est-elle plus cruelle & rude que la condition des serfs?

*Il est permis de s'opposer au R. de N.*

S'il est permis à tous les membres d'auoir intelligence ensemble pour conseruer le corps, nous peut-il estre defendu, estans membres d'un mesme corps, de nous garder & garétir les vns les autres? & donner ordre de pouuoir fermer la porte au Lion rauissant de l'Heretique, lors qu'il s'y presentera?

Si pour la police humaine il est permis à tout le monde de s'armer contre vn tyran, qui veut occuper sans iuste tiltre vn pays, il sera bien avec plus de raison loisible de se defendre coniointement de celuy, qui en violant les choses saintes se despouille de toute affection naturelle, fouillant aux piedz les Loix & religion qui est le principal lien de ceste vie & de la societé humaine.

*Il est permis de s'opposer contre un tyran, usurpateur.*

Le R. de N. peut-il reprendre iustement en nous ce qu'il approuue & iustifie en soy-mesmes par son exéple? Les Huguenots ne sôt-ils pas de tousiours & en paix & en guerre badez, liguez, coniurez, & cōplotez ensemble sous luy, qu'eux mesmes ont faict chef & protecteur cōtre Dieu, le Roy, & l'Eglise? Ne sôt-ils pas vn corps vny & associé, qu'ils nōment le Party (depuis que ce mot de Cause leur fut si infauste à la S. Barthelemy) lequel a ses Secretaires, ses receueurs, les gouuerneurs generaux & prouinciaux, les autres membres & officiers, les

*Les huguenots sont li-guez.*

Scindics, ses deputez, ses assemblees generales & prouinciales, ses enrollemēs d'hommes, ses leuees de deniers, ses intelligences & ligues dedās & dehors le royaume, & ses Ambassadeurs? Ne sont-ils pas en possession de capituler avec leur souuerain Seigneur, comme liguez? Long temps deuant les remuemens de la saincte Ligue (qu'on appelle) le R. de N. en executant la resolution prinse à Montauban, en l'assemblee generale de toutes leurs Eglises, n'auoit-il pas enuoyé le Sieur de Segur en Angleterre, & deuers les Roys de Dennemarc, & Suede, & certains Princes, Seigneurs & villes d'Allemagne, pour renouueller, non comme R. de N. (ce qui seroit peut estre tolerable, mais cōme protecteur des Eglises reformees de France, & chef de ce party, brief au nom des subiects du Roy (il confesse que ce fut contre l'Edict) leurs intelligences, ligues, associations, confederations, & arremens des leuees de gens de guerre, par le moyē d'vne milliaide d'ordes mesdissances qu'il publioit contre le Roy, & de ceste bonne somme, qu'ils disent qu'il y apporta? Est-ce chose qui se puisse nier sans impudence, apres les grans ressentimens, & plaintes, que sa Ma. en fist faire au R. de N. apres vne cinquantaine de lettres, que ledit Sieur de Segur escriuir sur son parterment & depuis à diuers, ça & la, de l'occasion de son ambassade, apres infinis aduertissemens, qu'on a eu de la part de ceux mesmes avec lesquels il traictoit: finalement apres les propres memoires, qu'on a recouuert de leur ligue, traicté, & resolution.

Pouroit il nier d'autre part, qu'il n'allast de maison en maison chez les Gētils-hōmes de la Guyen-

*Ambassa-  
de de Segur  
en Alem.*

*Le R. de N.  
appelle les  
estrangers à  
son secours*

ne, Xaintonge, & Angoumois, & principalement *Le R. den.*  
 apres le decez de feu Mōsieur frere du Roy, pour *pratique*  
 leur faire promettre de suiure sa fortune ( c'estoit *les Gentils*  
 son mot) aduenāt le decez du Roy, lequel ses plus *hommes de*  
 fauorits disoiēt qu'il auoit aduertissement nē pou  
 uoir viure longuement. Et ses plus confidēs en fu  
 rent-ils pas par toutes les prouinces du Royaume  
 chez les vns & les autres, pour en faire le mesmes?

Pourroit-il nier d'auoir estē à Castres par diuer  
 ses fois, expres pour mettre en deffiance & desef  
 poir le gouuerneur du pays ( que nous regrettons  
 tous) & renouueller leur veille vniō, que ie ne dise  
 pis, & ce long temps deuant qu'il ne se parlaſt de  
 ligue ny d'aucun remuement?

Pourroit-il nier qu'il n'eust vendu en meſme  
 temps vne bonne partie de ses biens, pour faire a  
 mas de deniers, & pourroit satisfaire à la guerre  
 qu'il desseignoit d'entreprēdre sur cest Estat (dieu  
 vucille qu'il n'y allaſt rien de la personne du Roy)  
 & contre les bons Catholiques, par le moyen de  
 ses ligues & alliances, qui sont dedans & dehors  
 le Royaume?

Pourroit-il nier qu'a l'occasion de l'entreueuē  
 du Seigneur Duc d'Espernō avec luy, il ne fit pu  
 blier & semer par tout infinis bruiēts, des aduēta  
 ges qu'il disoit q̄ le Roy luy proposoit, pour l'as  
 seurer en sa place de son viuāt : & afin d'esteindre  
 ou chasser du royaume les Princes de Lorraine, qui  
 luy estoient en vmbre & soupçō? Pēse-il qu'on aye  
 oubliē, comme conformement à cela, & durant la  
 chaude de ces nouuelles, & q̄ les Catholiques en  
 estoient en grand effroy, il recherchaſt de ſe ren  
 dre maistre de plusieurs villes, & de faiēt, comme

*Ruse du R. de N. pour gagner la Guyenne.* ayant fait tout son possible pour euitre sans dire gare, & sous couleur de vouloir passer Xaintonge, dans Bourdeaux, & ayant failly ce coup, il courut en poste à Dacs, où il entra si à l'improuiste, qu'il auoit disné, deuant que la plus part puisse croire qu'il y fut. Soudain il accourut de viffesse à Bayonne sans aduertir le gouuerneur, ne officiers, & sans fourier deuant, feignant n'y estre pour autre occasion, que par passade, & pour auoir le plaisir, de veoir iouer au billard, auquel on remarqua sa grande curiosité de vouloir que ce fut par gens d'Eglise. Il desloge le mesme iour, & scioune es enuironz sous pretexte d'attendre la pesche de la balaine : mais c'estoit pour attendre le rédez vous des troupes, qu'il y auoit assigné, avec opinion de retourner audict Bayōne micux accompagné, pour s'en saisir & asséurer : mais ayāt senty le vent qu'il n'y faisoit pas bon pour luy, le voila bien pen-  
*Le Roy de N. marry qu'on a esmenté sa mine.* nu. Neantmoins pour couurir son ieu, il dissimule que ce fut refus, & moyēne à son retour vers Nerac, qu'il puisse disner à saint Seuer, afin de laisser en bonne bouche les Catholiques, qu'il ne pensoit plus qu'à les cherir, comme pere commun, & à l'establissement de la paix, laquelle il publioit tout par tout eternelle avec son Certes, qu'on ne verroit iamais plus guerre pour la Religion : & que des Catholiques & huguenots ce n'estoit plus qu'un, qu'il ne recherchoit que l'amitié des Catholiques, mesmes au cas du decez du Roy, pour lequel il n'oublioit pas de stipuler toutes promesses & sermens. Ce pendāt ceux qui luy assistoient de plus pres, faisoient fort valoir, que ledict Roy de Nauarre auoit refusé d'accepter & prédre le nom

*Le R. de N. est semblable au loup qui promet soit & iureroit paix perpetuelle aux brebis.*

de Mōſieur ou Mōſeigneur, que le Roy luy auoit enuoyé offrir, comme à la ſeconde perſonne de France, & que ſa Maieſté luy preſentoit auſſi la Lieutenance generale de la France. Bref, qu'il n'eſtoit rien moins, que Roy ſelō qu'il ſe promettoit de pouuoir obtenir par la pratique & negotiatiō ſecrete, qui ſe faiſoit en Court de ſa part.

*Le R. de  
N. dict re-  
fuſer le til-  
tre de Mō-  
ſieur.*

Il n'y a point de doute que ces bruits, entrees des villes inopinees, & ſes doux lāgages & amiellemens avec ce qu'il eſt de belle deſaictē, & à la ré- contre du viſage aſſez agreable, auſſi qu'on ne voyoit en ce pays là autre Soleil que luy, qui ſembloit reſplendir tout de nouueau de la lueur, qu'il faiſnoit que le Seigneur d'Eſpernon luy auoit apporté de la part du Roy, joinct la laſſitude & eſtourdiſſement que les lōgues guerres ont apporté à ce peuple, n'attiraſſent beaucoup de gēs à luy, & ne rendiſſent d'autre part ceux qui auoient de l'entendement, & la charge des villes bien eſtonnez de ce grand & ſi ſoudain changemēt, & quaſi eſperduz de ce qu'ils deuoient faire s'il ſe preſentoit à leurs villes, pour la crainte qu'ils auoiēt d'en courir ſon haine, & la diſgrace du Roy, ou de ſe perdre, & ſe ſouz-mettre & precipiter à vne ſeruitude miſerable pour iamais. Ainſi il ne perdoit aucun moyen de ſe preualoir du pretexte de la bien-veuillance du Roy, laquelle il voyoit luy gagner beaucoup de Catholiques, & effrayer tellement les autres, que nul (tant la crainte & le deſeſpoir eſtoit grand) ozoit luy contredire, reſiſter ou deſplaire. Et ſi ce ieu luy euſt duré lōg temps, il ſe faiſoit infailliblemēt Duc & maiſtre de la Guyenne, où l'on y euſt veu de grandes ſeditiōs & remuc-

*Eſtonne-  
mēt des Ca-  
thol.*

*Pauvre  
Mont de  
Marfan a-  
bandonné  
à la cruau-  
té du R. de  
N.*

meins, pour les frayeurs, que les Catholiques s'en imaginoient, & contre luy, & (ce qui estoit pis) peut estre, contre le Roy, lequel ils auoient opiniõ les vouloir laisser & liurer souz main, & pour faute de defence & protection au pouuoir du R. de N. à l'exemple de ceux du Mont de Marfan, que ils disoient estre du tout abandonnez à sa mercy. Toutes ces choses si pleines de tres-grâdes destia-ces, & si fort preiudiciables à la vie des Catholiques, & seurété de leur Religio, & de tout l'Estat, n'estoient-elles plus que suffisantes pour les occasionner & contraindre de penser à leurs affaires, par vne bonne vnion & intelligence, & que ceux qui tenoiẽt les premiers ordres & reings en la Frânce, & parmy eux, s'en remuassent à bon escient, du consentement & intention de sa Maïeste?

*Le Cardi-  
nal de Bour-  
bon iustifié*

Peut-il estre bien seant au R. de N. de blâmer le Cardinal de Bourbon & les Princes ses oncles & cousins, d'auoir recherché (si tant est qu'ils l'ont fait) les moyens du Roy Catholique, luy, qui est cher de ceux, qui ont tant de fois moyenné d'amener le Turc en France, par Ambassades expres des Sieurs de Teligny, du Bourg, & autres, comme les Albigeois leurs peres appellarent à leur secours les Roys d'Arragon, & de Marroc Sarra-sins? N'est-ce pas la defence & le iargon accoustumé de ses Ministres, & leurs propres paroles? Que s'il est question de religion, des loix, du repos, & de l'auancement du Royaume de Christ, qui est seul chef & Roy de son Eglise par toute la terre, sans aucune distinction ne interualle, ou le Flamen, Allemand, Anglois, Escossois, François, l'Italien & l'Espagnol sont tous comprins

souz cest Estat, vn chacun membre est obligé d'aider à l'autre selon la charité Chrestienne, & le commandement de Dieu, & sa vocation expresse. Si aussi Charlemaigne avec les François anciens a esté loué de toute l'antiquité, d'auoir faict la guerre & combattu les Espagnols, pour la seule cause de la Religion, & de ce qu'ils estoient Sarrazins, encor qu'il ne fut point leur seigneur ou supérieur, comment peut-on blasmer iustement les Espagnols, si en rendant la pareille aux François, ils s'employét, mesmement souz le bõ plaisir du Roy, à combattre le R. de N. & les Heretiques François, pour ce principalement, qu'ils sont Heretiques, & oppresseurs des Catholiques? Constantin le Grand fist la guerre à Licinius son Colleague, & de mesme puissance & auctorité, que luy en l'Empire, luy faict trancher la teste, pour la seule cause de la Religion, & les oppressions qu'il faisoit aux Eglises, & aux Catholiq. Tous les Peres approuuent (comme nous dirons) tant en luy, qu'en infinies autres, qui ont fait la guerre pour la Religio, voire à ceux, qui n'estoient de leur obeyssance, ceste entreprinse pour sainte & louable. Pourquoi seront blasmez les Italiens, les Suisses, les Espagnols, & autres nations de se mesler à conseruer en France la religion Chrestienne, & la preseruer de la tyrannie de l'heresie, & du R. de N. son protecteur & fauteur? N'est-ce pas (ont ils escrit) vne grande malice, d'estandre pour nous separer les querelles d'Estat au faict de la religion, en laquelle nous sommes plusieurs freres de mesme esprit, tous d'un corps, & mēbres l'un de l'autre, vn mesme labourage, tous ceps d'une vigne, voire tous

*Permis à  
l'estranger  
devenir au  
secours de  
la religiō.*

*La Religio  
cause d'u-  
nion.*

» branches d'un cep, & tous soldats d'un Capitaine, Il n'y a rien qui separe plus les vns des autres, que la diuersité de Religion, aussi il n'y a rien qui les vnisse & lie dauantage, que l'vnion de Religion: tellement que la conionction de Religion passe beaucoup celle, qui est à cause du pays, de la nation de mesme langue, & d'un mesme sang & Seigneur, comme nous experimentôs tous les iours, que deux François, Anglois, & Espagnols, qui sont de mesme Religion, ont plus d'affection entr'eux que deux concitoyens, que deux freres subiects à un mesme Seigneur & pere, qui seroient de diuerse Religion. Ce que neantmoins nous voulons estre dict, non pour craincte, que nous ayons, que si nous voulons estre bien vnis ensemble, il nous soit besoin, avec l'ayde de Dieu, de recourir à ces estrangers, moins encores pour aucune inclination que nous ayons à la domination ny de l'Espagnol, ny d'aucun d'eux, ains seulement pour responce au reproches des Heretiques, & pour declaration combié nous les auons en horreur & detestation sur tout ce qui est au monde.

*Le R. den.  
a tasché de  
pratiquer  
l'Espagnol*

Toutefois n'est-ce pas le R. de N. qui premier a enuoyé, par diuers messages & ans, le Visconte de Chaux sô subiect du pais de Nauarre, pour traiter avec ce Roy estrâger, & tascher d'é tirer des moyes de troubler la Frâce, sous promesse, qu'il luy faisoit, de diuertir par ce moyen les desseins, que feu Monsieur auoit en Flâdres, & de le véger du Roy? Ne sçait-on pas le nom du Cheualier Espagnol, avec lequel Mornay Sieur du Plessy negocia fort secretement, par plusieurs fois, dedans les allees du



iardin de Pau ? N'empescha il point en effect tant qu'il peut, que ceux de s<sup>on</sup> party n'allass<sup>ent</sup> à la Tierciere c<sup>ôte</sup>tre le Roy d'Espagne ? Et si le Sieur de Turenne l'eut creu, eust il esté prins en Flandres ?

Pourroit il nier, que apres vne poursuite de t<sup>ant</sup> d'annees, de despit de n'auoir rien peu tirer en effect du Roy d'Espagne, qu'en promesses cinquante mil escus de secours pour tout, & en effect que du vent, comme c'est vn Prince, lequel estant tenu pour fort aduisé & prudent, n'auoit garde de s'y fier, il n'enuoyast expres ledit Du-Plessis en Cour vers le Roy, pour accuser Messieurs de Guyse d'auoir intelligence avec ledict Roy ? Qui toutefois n'en fist pas grand cas, fuiuant la predi<sup>ction</sup> de l'esprit familier de ce fameux Fauas, qui les aduertit, lors qu'ils delib<sup>er</sup>erent dudit voyage, qu'il seroit en vain, comme ven<sup>ant</sup>, disoit il, de ce costé, que le Roy s<sup>ç</sup>auoit estre mal content d'auoir esté esconduit dudit Roy d'Espagne, & estre ennemy de ceux de Guise. Aussi à la verité il n'e pouuoit auoir pour lors aucun argument, que la seule coniecture f<sup>ût</sup>dee, sur ce, que l'Espagnol ne le pouuoit laisser ou mespriser, que d'autant qu'il traic<sup>ter</sup>eroit & s'asseuroit des Sieurs de Guyse ses contraires. A quoy si peut estre ils y ont pensé depuis, l'on ne le peut imputer, que aux menees du R. de N. lequel taschoit de leur soubstraire toutes les aydes & toutes les esperances, qu'ils pourroient auoir pour le temps, qu'il desseigno<sup>it</sup> de les accabler. Et de fait, se voyant entierement frustré de ce costé, il se resolut de traic<sup>ter</sup>er ouuertement avec les estrangers, qui hayssent le Catholisme, & à ces fins il commence à despescher, contre la volonté du

*Pourquoy  
le R. de N.  
accuse les  
Sieurs de  
Guyse de  
Ligue avec  
l'Espagnol*

Roi, & au mespris de sa maieſté, le Sieur de Seigur,

*Le R. de N.  
ne va en  
Flandres  
pour fauo-  
rifer le Roy  
d'Espa-  
gne.*

Pourroit il nyer que le Sieur de Sainte Aldegonde ( qui est à présent Catholique ) & les autres deputez ou Ambassadeurs du pays bas vers feu Monsieur, pour l'inuiter à leur secours, ne le publiassent pour tres-bon Espagnol & ne fornissent tres-bons memoires des intelligences, qu'il y auoit deslors en l'an 1580. qui furent verifiees par effect en ce que ne luy ne le Prince de Condé ne voulurent oncques assister ne fauorizer les executions de feu Monsieur en ce pays là contre le Roy d'Espagne? combien qu'ils luy en eussent fait de grandes promesses & serments & l'y eussent principalement engagé par là, & par la declaration publique, qu'ils faisoient à tout le monde, d'y vouloir transporter la guerre de la France?

Pourroit il nyer, que à ceux qui luy en parloient de la part du Roy d'y auoir bonne part, il ne l'aduouast honnestement, & ne fut tres-aisé, qu'on en pensast encor plus qu'il n'y en auoit.

Il est marry qu'on aye eu des yeux pour preuoit & pouruoir à ses menees & pratiques. Il est marry qu'on aye rompu sa negociation d'Espagne, & qu'on luy aye soustraiet le moyen de pouuoir par là troubler la France: mais c'est avec aussi bonne raison, que le feu Empereur Charles cinquiesme descroit la pieté du feu Roy François premier & de ses subiects, pour estre ligué avec le Turc contre luy, apres qu'il n'auoit peu y paruenir, & qu'il en auroit esté esconduit entierement disposes à faire s'ils pouuoient, ce qu'ils blasment en autrui, disoit vn Romain, quasi à semblable propos il est marry que les Ca-

tholiques ayent eu de la preuoiâce & du sentimēt, pour luy faire teste & ne laisser point couper la gorge au Roy & à soy-mesme. Il est mary que le Cardinal de Bourbon & les Princes, qui estoiet en possession de maintenir & defendre c'est Estat & l'Eglise, ayant esté si bons seruiteurs de Dieu, de leurs Maiestez, & de l'Estat, qu'ils avēt preuenu en ce bon office ceux, qui couuroyēt son momon en entretenant sa Maiesté sur des vaines esperâces de pouuoir ramener par douceur & promesses de grâdeur le R. de N. & moyenner qu'il se departit des intelligences, qu'il auoit dedans & dehors le Royaume, pour se reünir entieremēt à l'Eglise Catholique, au Roy & au Royaume.

Ils cognoissoient bien, que l'on abusoit en ce de la clemence & affectiō extreme, que le Roy auoit à preseruer son peuple de la guerre : neantmoins ils touchoient au doigt la ruine entiere & prochaine & d'eux & de c'est estat, s'il eut esté pourueu à la haste. C'est ce, qui les feit resouldre si soudain (comme il à bien paru en ce qu'ils auoient si mal pourueu à leurs affaires) à leur grand regret & à leur corps deffendant, de receuoir aux armes, à la fidelité & affection des bons François Catholiques & aux moyēs de leurs amis particuliers, ayās iecté aux pieds de sa Mag. & leurs communes intelligences & leurs volonteiz & leurs moyens avec leur propre vie, pour en disposer à son plaisir, pourueu que la France & l'Eglise fut garentie de la gangrene, qui commençoit fort appertement à la suffocquer par l'heresie, & les practiques du R. de N.

Est-il bon que le R. de N. veut descrire la cause

le Cardi-  
nal de  
Bourbon  
iustifié &  
ceux de  
Lorraine.

de la religion du Roy, du Cardinal de Bourbon, des Princes & de tous les Catholiques zelez & associez sous pretexte de l'ambitiō, qu'il impute à ceux de la maison de Lorraine, cōme il veut asseoir le fondement de sēs desseins sur les calomnies, qu'il public pour le rendre odieux ? Il sembloit que luy & les Huguenots n'en voussissent cy deuant qu'à ceux de Guyse, c'est à dire aux puiſnez de ceste maison de Lorraine : mais il ayme si fort ceste Couronne de France, que, comme les Poètes feint l'amour sans yeux, il en est tant aveuglé de la ialousie, qu'il ne sçait, à qui s'en prendre. Sa conscience & la certaine cognoissance, qu'il à de la sincerité qu'il à cognu si priuement en ceux de Guyse ne luy peut permettre de leur imputer vn si grand larcin que de la Couronne ? Toutesfois la peur qu'il à de la perdre, est cause qu'il en n'est en si grand deffiance contre de Duc de Lorraine, chef de leurs armes, & consequemment cōtre tous ceux de ceste famille, qu'il luy sēble à tout propos, qu'ils la luy veulent oster de la teste, pour se la garder. Nous laissons à ceux de Lorraine, & à leurs seruiteurs à gages de rabatre tant de libelles diffamatoires, iniures, & calomnies contre leur reputation, & de deffendre leur querelle contre le R. de N. qui se declare leur ennemy particulier, estās assez forts & suffisans, pour la demesler, sans que nous nous en entremettiōs, ioint qu'ils sōt si cognuz de gēs de biē, que leur probité & innocēce est le meilleur orateur ( comme disoient les anciens) & escriuain, qu'ils puissent employer. Aussi nous n'auons entrepris en ce lieu, que de deffendre l'intrest & la cause de Dieu, & celle du Roy

& du royaume autant qu'elle fuit, où y est con-  
 iointe, poutans à beaucoup de regret (& Dieu le  
 ſçait) lors que nous ſommes contraincts parler fi  
 peu que ce ſoit du R. de N. entant qu'il eſt enne-  
 my iuré de Dieu, du Roy, & de l'Eſtat, avec moins  
 de reuerence, que le deuoir humain ne porte en-  
 uers vn Prince de ſi Royale extraction, qui ſeroit  
 exempt de telle taſche.

Nous dirons ſeulement que le R. de N. fauſſon  
 honneur, monſtre vne trop grande contrarieté en *Contrarie-  
 té du R. de  
 N.*  
 ceſt endroit. Vne fois il diſt, q̃ ceux de Lorraine  
 veulēt eſteindre la maiſon de Frāce ou de Bour-  
 bon (car de ces deux il n'en faiſt qu'une) luy oſter  
 la couronne, & la garder pour eux: l'autre fois il  
 les accuſe, qu'ils la veulent faire tomber au Cardi-  
 nal de Bourbon leur oncle commun, & qu'à ces  
 fins ils ont voulu forcer le Roy de le declarer ſon  
 legitime ſucceſſeur. Je vous prie s'ils vouloient o-  
 ſter la couronne à la maiſon de Bourbon, quelle  
 apparence y a-il qu'ils pourſuiuiſſent l'eſtablir a-  
 pres le decez du Roy en la perſonne dudiſt Sieur  
 Cardinal, qui eſt autant que la faire tomber dans  
 ceſte maiſon & famille de Bourbon: parce que  
 l'ayant receuë vne fois par ſon moyen, elle ne l'y *Argument  
 indiſſolu-  
 ble que  
 ceux de  
 Lorraine  
 ne preten-  
 dent à la  
 Couronne.*  
 pourroit eſtre plus conteſtee & debatue, ny aux  
 plus proches Catholiques de ceſte maiſon, adue-  
 nant ſon decez ny par eux ny par autres. Si tāt eſt,  
 qu'ils ayent demandé reiglément pour le ſucceſ-  
 ſeur du Roy, le peuuent-ils auoir faiſt par ſimpli-  
 cité, & pour ne cognoiſtre pas bien que cela auoit  
 del'odieux en ſoy, ains principalement pour ef-  
 claircir vn chacun, que ce n'eſtoit pas l'ambition,  
 qui les pouſſoit, comme les Huguenots auoient

coustume de les calomnier? Car comment se pou-  
uoient ils mieux brider, ou pour mieux dire,  
comment pouuoient ils plus clairement renon-  
cer à tout droit, qu'on pourroit pëser, qu'ils y puis-  
sent prétëdre, que de poursuiure à asseurer la Cou-  
ronne à la famille de Bourbon? Est-ce faire contre  
la maison de Bourbon, que de luy procurer si grãd  
aduantage? Et de faiçt les propres seruiteurs du R.  
de N. ne luy ont ils pas souuent remonstré, que  
ceux de Guyse faisoient par la grandement pour  
luy, & sa maison en luy ouurant la porte de la  
Royauté par le moyen de son oncle, qui l'a tant ai-  
mé que de luy auoir cedé & donné de son tem-  
porel plus de 40. mille liures de reuenu. En effect  
pouuoient ils mieux tesmoigner à tout le monde  
qu'on les accusoit fausement d'y pretendre pour  
eux, que de desirer & tascher que le Roy vuidast  
luy mesmes le different & doubte, qui y pouuoit  
estre, lequel chacun cognoist ne pouuoir estre sus-  
pect en leur endroit, pour ce regard? ioinçt  
qu'ils poursuiuroient en ce cas le iugement d'en-  
tre les deux competeurs, qui sont tous deux  
de la mesme maison de Bourbon en ligne mas-  
culine.

*Les sieurs  
de Guyse  
combatent  
pour la  
maison de  
Bourbon.*

Ou quãd ils eussent eu quelque mauuaise inten-  
tiõ pour eux contre ceste maison, n'eussent ils pas  
esté aduisez iusques la, que de ne parler que du fait  
de la religion, & attendre que le tēps ou la confu-  
sion leur en peut faciliter les moyēs: mais s'ils ont  
anticipé, ne monstrent ils pas bien euidément que  
tant s'en faut qu'ils en veulent à ceste maison, que  
c'est pour elle seule, apres la religion, qu'ils se re-  
muët fauorisant vn subiet si digne, que ledit sieur

Cardinal. Cōtre lequel, outre qu'il est le plus proche, on ne peut alleguer aucune exclusion d'heresie, ne d'autre cause legitime, & lequel soit comme plus proche que le R. de N. soit comme entrant en sa place par forclusion, à cause d'heresie (quand mesmes sa pretendue representation auroit lieu) ne peut que en l'yn ou en l'autre cas il ne soit le plus habille, que se puisse imaginer, pour recueillir la succession du Royaume, s'il suruiuoit à sa Maieité. Au cōtraire s'ils n'eussent faict aucune mention du successeur, ils demeueroient plus exposez à calomnie & mesdisance notammēt qu'ils ne pouuoient ignorer l'ouuerture, & la poursuite, que le R. de N. en auoit faict faire par Roquelaure & autres, & laquelle estoit continuee par ceux, qui le pourroient pres sa Maieité, sans y oublier aucun artifice iusques mesmes à se preualoir de l'extreme affection, que le Roy auoit à conseruer la paix asseurer son royaume & à soulager son peuple, pour l'intimider des forces du R. de N. & de la resolution, qu'il cōmençoit à prendre à s'en vouloir faire accroire par voye de faict Nous attestōs icy la consciēce du R. de N. & de ses confidens & domestiques, si ce n'estoit pas son langage ordinaire, & l'ō sçait bien de l'instruction de qui, & lequel en sçait tres-bien vser. Si aussi ils n'en ont point poursuiuy opiniastrément la decision, il leur suffit d'auoir rōpu ceste menēce, & que le Roy en demeure satisfait, & que chacun cognoisse, que toute leur intētion & dessein n'estoit & n'est que pour fortifier sa Maieité contre la force, menace & la violente poursuite, qu'on luy en faisoit, & pour conseruer neantmoins à la maison de Bourbon son reng &

proximité à la Courronne, en maintenāt tout ensemble, & sur tout la Religion Catholique, & les Loix du Royaume, & en s'opposant seulement à ce que nul y soit reçu, qui soit heretique, sans toutesfois qu'ils ayent attacqué, ny nommé aucunement le R. de N. non plus que le Prince de Condé, ou autre, mais s'il l'a voulu interpreter de soy mesme, c'est que sa conscience l'accuse, ou qu'il à esté bien aisé de faire vne querelle d'Allemagne, pour brouiller l'Estat, souz le pretexte d'auoir partie, & faire par ce moyen honnestement la guerre au Roy, souz couleur de n'en vouloir qu'à ceux de Guyse, ou de Lorraine, selon l'ancienne façon des coniurateurs, contre lesquels il n'a point de honte (chose indigne d'un Prince, & de tout cœur genereux) de tailler la plume de Mornay, de ces Aduocats à toutes mains & causes, Belloy, des Ostaux, & autres ses escriuains à gages, pour publier mille calomnies & mesdisances contre eux, qui sont ses Cousins germains, & lesquels, quelque chose qu'il puisse dire, sont cognuz à tout le monde pour Princes vertueux & exempts de tout blafme, & lesquels ont autant merité de la France, que le R. de N. en à demerité, & qu'on sçait aussi luy auoir rendu plus de seruice & respect, que tous ses autres parens, & autant que la consideration du seruice du Roy, de l'Estat & de la Religion leur à peu permettre.

*Ceux de la  
Ligue non  
rebelles.*

Il faict retenir en tous ses escrits, que ces genereux Princes, & to<sup>u</sup> ceux de la Ligue ont esté declarez rebelles par le Roy, & les Cours de Parlemēt: mais il ne s'apperçoit pas, que si c'est vn faict suffisant pour les rendre odieux & punissables, qu'il se faict



faiet son proces. D'autant que non vne fois, mais  
 infinies & continuellemēt le R. de N. & ses adhe-  
 rens ont esté declarez rebelles, & criminels de leze  
 maiesté diuine & humaine, non auec le commun,  
 & parmy ceux de leur party, ou en termes gene-  
 raux (comme ils ne peuuent que le pretendre sur  
 les autres) ains nommément & specifiquement.  
 Dequoy il a fallu, qu'ils en ayent esté nommémēt  
 & spécialement pardonnez, ou pour mieux dire,  
 laissez impunis par les Edits & Arrests, sans qu'ils  
 ayent eu iamais cest honneur, que le Roy & ses  
 Edits ayent tesmoigné à tout le monde, conue  
 ils ont faiet de ces Seigneurs, que tout ce qu'ils a-  
 uoient faiet, n'estoit que pour le zele de la Rel- *La note de*  
 gion, & nullement pour ambition & rebellion. *rebelle de-*  
 Tellement que ceste tache de rebellion n'a point *mētre au*  
 esté effacee du R. de N. & des Huguenots par au- *R. de N. et*  
 cun Edit, ains seulement la peine ciuile d'icelle re- *aux heret.*  
 mise. Or si la maxime ordinaire de leurs Ministres,  
 & qu'ils ont aussi publié si souuēt parmy leurs li-  
 urets, est veritable, Que ce que les principaux of-  
 ciers d'un pays font pour l'aduancemēt de la Re-  
 ligion & de la gloire de Dieu ne peust estre impu-  
 té à rebellion, non pas mesmes que les Magistratz  
 inferieurs font, en resistāt au souuerain, qui se de-  
 stourne des bonnes Loix & conditions, qu'il aura  
 iurees (ce sont leurs paroles) comment donques  
 peuuent-ils attribuer ce tiltre infame de rebelles  
 à ces Seigneurs, si ce n'est autant, qu'ils ont ceste  
 fauce opinion, que la Religion Catholique ne  
 vaut rien, & qu'elle ne tend que contre la gloire  
 de Dieu? Ne nous pouuons-nous pas bien plain-  
 dre iustement sur ce auec vn ancien, de ce que le

perfide se rend si aspre exacteur de la Foy d'autrui ? Car comment peuuent-ils eux mesmes eui-  
ter enuers les Catholiques & toute la Chrestienté  
le tiltre veritable des rebelles, s'il n'y a rien, qui les  
en puisse sauuer à leur propre dire, que le zele que  
ils portent à leur religion ? Et si elle ne peut estre  
selon la foy des Catholiques, qu'une pure heresie  
& rebellion enuers Dieu : n'est-ce pas une trop  
grande impudence (soit dit sans iniure) que de te-  
nir pour rebelles ceux, qui combattent pour la re-  
ligion du Roy & du Royaume (mettons que ce  
soit sans son commandement) & en vouloir exem-  
pter ceux, qui l'assaillent, & qui s'en declarent ses  
ennemis, par tant de cruels effects ?

*Fausse re-  
proche à la  
ligue de  
villes de  
seureté.*

*Raiso que  
le Roy a co-  
tinué les  
villes de  
seureté au  
R. de N.*

Ils leur reprochent aussi les villes de seureté, &  
qu'ils les ont obtenues contre la volonté du Roy :  
où au contraire ils se glorifient que sa Maiesté leur  
accorda de son plein gré les leurs pour quelques  
ans voire apres le terme expiré. Mais puis qu'ils  
s'attaquent ainsi à l'honneur du Roy, comme s'ils  
vouloient persuader au monde, qu'il fut pour  
eux, & qu'il voulut trahir les Catholiques, pour  
les fauoriser, nous sommes contraincts de leur  
faire souuenir que le Roy ne leur accorda iamais  
la prorogation du terme de la reddition desdites  
villes, que par force, & les voyant resoluz de faire  
la guerre plustost, que les lascher, & aussi pour em-  
pescher que le R. de N. & le Prince de Condé ne  
prinsēt pretexte de la guerre sur-ce, qu'ils ne iouys-  
soient de leurs gouuernemens. Car puis qu'ils se  
couuroient en la retention d'icelles villes, sur-ce  
que les desffiances, n'estoient amorties, le Roy leur  
sceut tres-prudemment respondre, que pour ce-

ste mesme raison il n'estoit pas raisonnable, qu'ils entraissent és villes Cath. de leurs gouuernemens. Ioinct que nes'estant point departis de toutes ligues & associations, ains continuant à se maintenir chefs de ceux, que les Catholiques pouuoient plus craindre, ce seroit les desesperer par trop, que de les abandonner à leur domination & gouuernemēt. Et par ainsi pour euer pis, il leur relascha ce qu'ils estimoiet moins, sans toutefois leur auoir voulu continuer la soulde des garnisons d'icelles.

Et ne falloit pas soubz ombre d'attaquer ces Seigneurs de Guyse, qu'ils calomniaissent ou tiraissent ainsi en enuie la Maïesté enuers ses bons subiects les Catholiques, lesquels se sont si souuent plaincts des oppressions, qui procedent de leurs villes de seuereté. Et la differēce est aussi trop apparente de la condition de celles-là, à celles qui sont és mains de ces Seigneurs, comme estans de leurs gouuernemens, & ausquels pour ceste seule raison, n'ayant point commis de felōnie, il leur appartenoit tousiours de commander, Car en celles-cy il ne s'y recognoit aucun changement ny alteration, ny au gouuernemēt de la Religion, ny a celui de la Iustice, ny pour le regard des armes & de la garnison, moins encores pour la liberté, biens & commoditez des habitans, non plus que deuant: ou aux autres il se faiēt du tout vn monde & Estat nouveau: d'un estat Chrestien, Politique, & de bourgeoisie, vn estat Heretique, tumultuaire, & de soldats, avec nouveaux forts & citadelles, n'y ayant lieu, que pour l'Huguenot incompatible & cruel, avec vn bannissement des Catholiques & de leur Religio, pour le moins de la liberté d'i-

celle & de toute execution de iustice criminelle, & ciuile, sinon au gré du soldat, & le mesme est pour les enuiron à quatre & dix lieues. Tellemēt q̃ les Estats generaux de Bloys ne doubterēt point de les appeller retraites & asyles de larrons, & de gens de sac & de corde : & nous appellons en cecy pour bons tesmoins les villes de Perigueux, de la Reole, de Montsegur, de Montpelier, Serres, Seine, le Mas de Verdū, & autres, qui s'en resentront tant que la memoire des viuans durera.

*La Ligne  
n'a rompu  
la paix.*

Ils les accusent d'auoir rompu la paix & repos du Royaume, & que deuant leurs remuemēs l'estat estoit fort tranquille, & calme. O impudence de Renard ! n'est-ce pas se preualoir par trop de la simplicité & ignorance du commun peuple, qui estime paix, pourueu qu'il n'oye point des trompettes, & tabourins, & qui ne se chaut qu'on abbate ses murailles par sappe & mines, pourueu que le canon ne l'estonne, ou qu'il ne trouble son vin. Il en faudroit demander l'opinion à ceux qui manioient les affaires, lesquels vous respondroiet̃ avec S. Cyprien parlant des Heretiques, Qu'il n'y a ennemy plus dangereux, que celuy, qui trompe avec l'image & le visage de paix. Qui auoit esmeu le Roy à leur vouloir commencer la guerre par le Languedoc, l'annee de deuant, que les menées & pratiques, que sa Maiesté, apres y auoir enuoyé le Sieur de Rieux avec si amples instructions, & y auoir faiēt acheminer tant de forces, voyoit qu'on faisoit hors & dedans le Royaume, pour le surprendre a l'impourueu ? Qui auoit esté cause, que sa Maiesté auoit enuoyé tant de gens de sa part, & de ce costé-là, & vers le R. de N. que

pour tascher de diuertir l'orage qu'il preuoyoit prochain, & pour euitier d'étrier en guerre? Appellez vous paix, quand l'ennemy s'auance & gaigne pays? quand il faict ses pratiques & approches à la Couronne par sappe & mine? quand le R. de N. abbat les maisons des Catholiques, qu'il ne peut seduire! quand il prend par escallade la ville du Mont de Marfan, ( apres auoir prins huiët mil escus du Roy, pour la laisser en l'estat qu'elle estoit) & y bastir vne forte citadelle, contre la volôté du Roy, & l'Edict de paix, pour brauer sa Maiesté, amoindrir le courage des Catholiques, & accroistre celuy des Huguenots & de ses partizãs, monstrant qu'il auoit assez de moyen & d'auctorité pour se faire droit à soy-mesme en son Royaume? bref, qu'il pratique ouuertement les villes, les Gêtils-hômes & vn chacun, de vouloir courre sa fortune, aduenant le decez du Roy: qu'il enroolle les gens de guerre, & les tient prests, comme l'euement monstra, les ayant mis soudain que ces remuemens suruindrét, tout aux champs, & en campagne, outre l'attestation des Capitaines, comme ils auoient esté arres plus de six mois deuât: & l'on vit aussi tout aussi tost vne grande flotte de vaisseaux de guerre Anglois deuant le port de la Rochelle. Finalement, est-ce rompre la Paix, que de remettre l'estat en sa premiere vnion & re-vnion de Religion, suiuant le serment du Roy, & le deuoir, que tous les officiers de ceste Couronne, & gouuerneurs des prouinces ont à Dieu, à la patrie, & à cest Estat? Est-ce rompre la Paix, qu'aller au deuant, & rompre les pratiques & le cours d'une guerre irremediable? Est-ce troubler le repos

que de consoler & àsséurer les Catholiques contre ce qui leur dōne plus de frayeur? Est-ce irriter le Roy, que de le seruir & se cōformer en ce qu'il souhaittoit le plus? Est-ce ruiner la France, que de la preseruer de la plus cōtagieuse & mortelle maladie, qu'une Monarchie puisse auoir, c'est à dire, l'heresie? Est-ce diuiser le Royaume, que d'en oster la principale cause ou appast de diuision? Est-ce mouuoir guerre, que de la repousser en son corps defendant? Est-ce violenter les Loix, qu'en demander l'entretienement & execution? Est-ce faire monopoles & les nouuelles Lignes, que de reueiller & mettre en œuure la conionction & communē intelligence que Dieu a imprimé & cimenté au cœur de tous Catholiques, & tous François? Est-ce vne reprehension qui puisse estre bien prinse de la part de ceux qui sont coustumiers à tels stratagemes de prendre les armes, & cōmencer la guerre à iour nommé contre le Roy & les Catholiques, tefmoin les iournees de la S. Michel à Meaulx, de S. Matthias, à S. Germain, & du 11. d'Auril en l'an 1580? Comme s'il n'estoit permis d'apprendre à leur escole.

*Le R. de N.  
a à partie  
les Catho.*

Il ne faut point que le R. de N. s'attaque plus particulièrement à ceux de Lorraine, ny qu'il les prene seuls à partie. Car encor que leur zele & valeur soit tres-cogneuë & tres-louable à iamais, & qu'ils ne soient point subiets à des-adueu, ny de la part des Catholiques ny du Roy: si ne faut il pas penser que ceste grāde & riche vniuersité & multitude de Catholiques, à qui il a affaire propremēt, ne se souuienne pour tousiours des maux, iniures, & vexations, qu'elle a receu & reçoit, & est mena-

cee de receuoir par son moyé & occasiō, & qu'elle ne trouue au mōde, avec l'aide de Dieu, le Roy luy defaillant, ou ceux de Lorraine s'accordans avec le R. de N. ou bien iceux estans tuez, ou quittant leur party & defence, assez des Princes & gēs d'auctoritē & moyen tant dedans que dehors le Royaume, qui les puissent conseruer contre ses fauces pretentions, cruelles entreprinſes, cruauitez enragees, & iniuste domination, que ie ne die Barbare tyrannie: aussi longuement & aussi bien pour le moins, que ce petit & chetif troupeau de Huguenots, maudict de Dieu, des Anges, & des hommes a esté conserué par ceux, à qui il s'est voué & souz-mis. S'il luy a esté permis de choisir pour ses protecteurs & chefs ceux, qu'il luy a pleu, pourquoy non aux Catholiques de ſuiure & embrasser ceux que le Roy leur a donné & commandé par tant de fois? Si le R. de N. a oſé s'opposer en toutes façons ſoubs la faueur de tel party aux Edicts, cōmandemens, & volonteſ des Roys legitimes, receuz & establis du consentement de tous: pourquoy ne pourra faire de meſme le moindre Prince ou chef Catholique en faueur du party Catholique, & des Edits du Roy, ſoit pour l'empēcher de s'establiſſer contre les Loix, & le consentement de tous les Catholiques, ſoit pour reſiſter à ſes ordōnāces, menees & forces cōtre la Religion Catholique, ſi tant eſt, qu'il vienne là? S'il eſtime faire ſacrifice à Dieu, que de perſecuter les Catholiques, pourquoy ne croiront le meſme les Catholiques, de ſe deſcharger de luy & des heretiques? Si le Roy de N. penſe pouuoir auoir legitiment ſes intelligences hors & dedans le Royaume, à la ruine de

*Permis aux  
Cathol. le  
meſme que  
aux Huguenots.*

l'Eglise Catholique, pourquoy ne sera-il permis au moindre d'en auoir pour la conseruation d'icelle, & singulierement pour s'en seruir au temps, qu'ils se verroient priuez de l'assistance, preuoyance, auctorité & protection du Roy? S'il n'a point de honte de dire & publier, qu'il s'est preparé & a donné ordre à ses affaires, pour estre prest de saisir par armes la Couronne, aduenant le defaut du Roy, ou autrement, lors qu'il verra son bon, pourquoy rougiront les Catholiques, ou chacun d'eux de penser à se defendre, & tascher de la luy arracher des mains & des poulces, & lors, & tout autant de fois, qu'il y voudra pretendre? Si les Huguenots ont ozé maintenir de pouuoir & deuoir combattre par tant d'annees cōtre leur vray Roy, & iuste possesseur: afin de n'estre recerchez ou empeschez en leurs biens, estats, offices, benefices, honneurs & dignitez, les Cathol. seront-ils si buffes ou pusillanimes, de n'oser se defendre & s'opposer pour mesme cause contre vn Roy imaginatif & presumptif, & qui n'a autre ame, que l'heresie, ny droit, raison, ou tiltre, que l'opiniaistreté, & vsurpation.

*Necessité  
d auoir des  
chefs qui se  
opposent vi-  
rilement à  
ceux des  
Huguenots* Si Dieu nous veut tant punir (cōbien que nous esperons le contraire, & l'en prions de tout nostre cœur) q̄ de denier lignee à sa Maiesté, & à ce Roy-aume, & que sans vler de diuinatiō, l'on preuoit avec toute certitude, que l'heretique se veut impatronir de cest Estat à la ruine infallible des Catholiques & de leur Religion, & que d'autre costé il est impossible que to<sup>us</sup> les Catholiques le permettent, & ne s'y opposent formellement: comme le pourront-ils entreprendre, s'ils n'ont mis quelque



ordre en leur fait: & s'ils ne sçauent quels chefs ils doiuent suiure, pour repousser la violence de l'heresie? Quels peuuent ils desirer, qui soient plus accomplis de toutes parties, recommandables & necessaires, que ceux mesmes que le Roy à choisi & iugé tels, & lesquels s'y monstrent & volontaires & puissans. Car des autres il semble, qu'ils ayent abandonné la cause de la Religion, ou s'ils y ont bonne affection, ils monstrent par effect ny auoir pas grand moyen, ou bien estre plus soucieux de l'interest ou passiō du R. de N. que de la foy Chrestienne. Ne vaut il pas beaucoup mieux pourueoir de bonne heure, que les choses se passent lors avec ordre & avec la mesme conduite de ceux, qui l'ōt si bien maintenu iusques icy? Peut on douter que ceux qui ont tant de part en ce Royaume & qui ont desia rendu tant de preuue d'eux & meritē si auāt des Catholiques, & en general & en particulier, & n'y foyēt employez, par toute necessitē, recherchez & forcez pour leur merite, deuoir, & nostre grand besoin, par tous les ordres: Quand bien ils ne s'en voudroient meller de leur motif, ne vaut il pas mieux, que le tout se passe avec plus d'accord, vnion & consentement general de tous cōcurrēt en leurs persōnes, souz le respect du Roy, ou de son legitime & Catholique successeur que non pas si chacun vouloit commander confusemēt, ou aller querir des chefs & defenseurs en Espagne, Angleterre, Italie, ou Allemaigne, & que nous tombassions en autāt de chefs de part, qu'il s'en presenteroit? Lesquels ne seroient en fin, que autant de petis tirās, & sangsues du peuple en chacun pays, sans honneur, sans loix, & sans iustice

*Querelle  
de la Roy-  
auté entre  
les Catho-  
& les hu-  
guenots.*

C'est vn debat & contracte sur la Royauté, qu'on voit desia tout né & formé, & qu'on ne peut dissimuler n'y euitier entre le party heretique & celuy des Catholiques, Vn troisieme n'est pas imaginable, ces deux doiuent partir le gateau, mais l'un doit emporter la feue. Car nous ne pouuons croire, que Dieu nous vueille tant punir, que de donner ce Royaume, qu'il a tât chery, en proye à quelque Turc, ou autre estranger, moins que demeurant aux François, il soit party en deux, comme celuy des Hebreux, en celuy de Iuda le Catholique, & celuy d'Israël l'Heretique. Mais nous esperons fermement, que comme la forme & naturelle assiette de ce Royaume n'est point d'estre Heretique, & qu'il faut que toutes choses reuiennēt d'où elles sont sorties: aussi que tost ou tard il demeurera entierement Catholique, & le party, de Dieu & des Catholiques seul maistre, avec son aide. Bien sages & heureux les Catholiques s'ils scauent preuenir la tempeste, pour conseruer leur vnion sous ceux, que Dieu, le Roy, la nature, la vertu, l'experience & le temps leur ont baillé pour guide & chefs.

Si c'estoit encores vne diuision, qui fut à com-  
mencer à s'ouurir & naistre, s'il estoit encor en nostre election d'euitier la rencontre de ces deux partis, ou de l'un d'iceux, & que nous puissiōs viure en paix sans nous partialiser, nous serions bien mal conseillez de nous y embrouiller; Mais puis que nous sommes cōtraints, ou, de nous opposer au party du R. de N. & des heretiques, ou de viure miserablement & nous & nostre posterité sans Dieu & religion, & que nostre vaisseau est desia sorty du port,

il faut faire voile, & resister vertueusement en bonne compaignie pour nostre salut au dāger, plustost que de luy ceder lāchement pour nostre ruyne.

Nous attestons icy Dieu & ses Anges, si nous ne portons vne extreme regret de ceste diuisiō & partialité. Nous voyons biē que non seulement nostre chādelle y bruste: mais que nous mesmes nous nous y consumons: mais celuy, qui n'est que sur la defēsiue de sa possession & droict n'en peut estre cause & le conseil est sans conseil lors, qu'on ne peut autrement se sauuer. Maudite l'heresie qui nous fait auoir recours aux ligues: maudites soyent les armes qui nous contraignent de prendre les armes, maudite l'ambition qui nous force a rechercher des chefs apres le Roy: maudits les temporisiers, qui ont laissé croistre le mal si auāt, maudits nos pechez, qui nous precipitent en c'est abisme: s'il y a en cela du danger, nous voyōs d'autre part que la crainte du mal prochain, qui nous attend assuremēt, si nous ne le preuenōs, c'est encore d'auantage, & qu'il vaut beaucoup mieux preferer le danger honorable & incertain au dāger certain & honteux n'y ayāt point de doubte, que le party le plus hōteux & dāgereux que nous puissiōs eslire, est de nous rēdre, ou caller voile à l'Heresie voile: pis ne nous peut arriuer que d'estre subiets & bourelles d'un heretique. Si le Roy pouuoit tousiours viure ou que Dieu luy donnat enfans nous seriōs hors de tout doubte & peine, tant pour l'assurāce, que nous auons de son zele & prouidence, que pour ce que la seule vie est le contrepoison & la mort de l'ambitiō du R. de N. & de l'heresie, mais puis qu'a nostre grand malheur il nous peut def-

*Necessité  
d'estre du  
party de la  
S. ligue &  
battiller  
cōsistēte-  
ment cōtre  
l'heresie*

*Preuenir  
la tempe-  
ste.*

*Vnion &  
ligne de  
vous Cath.  
nécessaire.*

faillir de iour à autre, & de moment en moment, & que nous voyons l'ennemy se preparer de tous moyens, pour nous perdre & surprendre sans biscuit, qui peut trouuer mauuais, que les Catholiques se recognoissent ensemble, & se fortifient de conseil & de resolution, à ce qu'ils auront à faire, pour leur conseruation sur les premiers hurts, & les plus dangereux chocs del'heresie? Gardōs nous comme de la mort de toutes particulieres bandes & ligues, soyōs tous & grāds & petits d'une seule Catholique & vniuerselle Ligue & vniō du Roy-

*Il faut se  
joindre au  
party des  
Princes qui  
prennent la  
protection  
des Catho.*

aume. Si les Princes n'en veulent qu'à l'heresie, donnons tous la : & rapportons y tous nos cinq cens de nature. Si d'aventure on les vouloit induire à choses indues & preiudiciables à l'obeissāce, qui est deuē à vn Roy Catholique, à l'Estat & à nos Loix, ne les abandonnons point à la mercy de ces empoisonneurs & boute-feus de l'Estat. Nostre seule vnion seruira de fort répart pour brider les desseins, & retenir les effects des mauuaises volontez, & tirer à la raison ceux, qu'autrement n'y viendroient iamais. S'ils ont l'intention bonne (comme iusques icy ils ne nous ont point donné occasion de croire autrement ) suiuous les hardiment la teste basse. S'ils l'ōt mauuaise, tenōs nous bien serrez & vnīs pour en empescher ou deuertir l'execution: & bandons nous tous contre eux. Le nombre des Catholiques qui ne veulent que le bien. & le repos, est si grand, qu'il est plus que suffisant, s'il est de bonne intelligence, pour contenir les mal sages, quels qu'ils soyent, es termes du droit & de la raison. Et ce seroit vn tres-mauuais conseil de les laisser seuls à part faire ce,

qu'ils voudroient ou pourroient. Nostre seule separation & diuision est nostre ruine : & nous ne sçaurions faire plus grand seruice à l'heretique, ny aduancer d'auantage les affaires de ceux, qui se voudroyent agrandir par nostre pauureté & en brouillant tout, que de nous tenir a recoy, fermer les yeux, & par vne trop malsiue stupidité les laisser faire, puis que la patrie est desia toute formee, & sans nous ineuitable & perdurable iusques à l'extinction ou affoibleissement de l'heresie, ou de nous to°. Et puis qu'il nous faut courir vn mesme danger, & que la cause est cōmune, mettōs nous y rous, & soyōs de la grand' bāde des gens de biē, fideles à Dieu, pouruoyās à nos ames, defendās nostre Roy auec le Royaume, & cōbatās pour la gloire de nostre nation, & la conseruation de nos loix.

S'il y auoit quelque moyen d'accord ou esperance de sortir à l'amiable par iuges ou arbitres. *Paix deplore.* de ce differend ce seroit autre chose : mais la diuision estant desia si intestine & formee entre nous, qu'il y a bien petite apparence, que les estatx guerantz en puissent rien decider vnanimement ou paisiblement, moins que le R. de N. & les heretiques s'y veulent soubmettre, le Pape, qui est le pere commun & l'arbitre ordinaire des Princes & estats Chrestiens estant pris & aussi tiré en partie, & ne se pouuant trouuer autre tiers, qui se mette entre deux, & aussi ayants affaire à gens de si mauuaise & difficile composition, & au R. de N. qui tous ensemble ne donnent aucun lieu à l'auctorité & Maiesté du Roy, qu'autant qu'il veut ce, qui leur plaist, & lesquels ne veulent entendre autre raison que ce qu'ils ont conçeue en leur teste

& mesmement que le R. de N. à quelque pris que se soit se veut installer par le moyen des Anglois, & Alemans, & autres estrangers & les François de sa faction heretique, contre Dieu, contre son Eglise, contre les loix, les formes & les vsances anciennes & ordinaires du Royaume, finalement contre le commun accord & consentement des Catholiques & du Royaume: que la Royne Mere ayans fondé tous les guez & essayé tous les moyens de le ramener à quelque meilleure volonté & intentiō y a perdu tout son labeur & cogneu par experience, qu'il est deploré, il vaut beaucoup mieux se resouldre tous ensemble & tout à fait par vne bonne intelligence, de le ranger au point du droit & de la raison, & de roigner de bonne heure & le bec, & les ongles, & les ergos à ce coq de l'heresie (suiuant la tres-sainte resolution, que sa Maiesté à prins ces iours icy: & laquelle seule voyant la conuersion du R. de N. desespéré nous à poussez & encouragez au present discours) cepédant qu'il nous viēt attaquer sur nostre fumier, plustost que nous laisser endormir à leurs beaux escrits soubz les atantes imaginaires & fantastiques esperances de mieux. Comme nous voyons qu'il ne pretend que nous y amuser, & aduiser les Catholiques d'entre eux mesmes: afin qu'ils quittēt leurs amis certains, & ioignent leur fortune avec celle des incertains, non experimentez, ou de nouveau reconcilies les refroidisant de l'estime, amitie & fiance, qu'ils portent au Cardinal de Bourbon & à ceste maison de Lorraine: laquelle se peut dire sans flatterie, estre la colomne & l'appuy de l'Estat & de la maison de France soubz le Roy. Tel dessein nous

*Occasion  
du present  
traicté.*

doit estre vn aduertissement & argument tres-af-  
 seuré qu'il cognoist biē combien ils nous sont ne-  
 cessaires:&que c'estle plus b. au chemin, que nous  
 puissions prendre pour nous perdre entierement,  
 & luy faciliter par ceste mesfiance, diuision, & cō-  
 fusion, la Royauté, ne luy pouuant arriuer meil-  
 leure fortune, sinon que nous nous desfions, & bâ-  
 dions les vns contre les autres, que chasque ville  
 ou Seneſchauce face sō chef à part: afin qu'il nous  
 puisse deuorer & engloutir les vns apres les autres,  
 à petits morceaux, comme disoit Quintius en Ti-  
 te Liue ( exhortant les villes de Grece à concorde  
 entre elles) Que contre vn peuple, qui est biē vny  
 & de bon accord, les tyrans ne peuuent rien, mais  
 s'il est en discorde, ils ont ouuerture de faire ce,  
 qu'ils veulent.

Mais quād bien toutes les calomnies, qu'il leur  
 impose, seroyent veritables, voire mesmes que le  
 seul zele de Religiõ ne le pouſſast point, ains que  
 la consideratiō de leur profit & commodité y eust  
 bonne part, est-ce cause ſuffisante pour nous ſepa-  
 rer d'eux & les tenir pour suspects? Sōmes nous si  
 iniques & meſcognoiffans (dict ce grand Philoso-  
 phe Seneque) que de pēser n'auoir aucune obliga-  
 tiō à celuy, qui nous faisant plaisir, en retire cōmo-  
 dité? Quelle apparence y a-il d'exiger de luy qu'il  
 aye tellement l'œil à nostre bien, qu'il n'aye aucū  
 eſgard à ſoy, ny à son aduātage ou cōmodité. Ains  
 au contraire, ne doit on pas deſirer, que le bienfait  
 retourne & profite pareillement à son aucteur. Si  
 en faisant pour ſoy, il a auſſi pēſé faire pour nous,  
 ne ſommes nous pas non ſeulement iniuſtes, mais  
 bien ingrats, ſi nous ne ſommes tres-aiſes, que ce

mesmes, qui nous à profité luy serue aussi ? N'est-ce pas le traict d'une extreme malice, n'appeller point vn bõ office, sinõ ce, qui aura apporté domage à celuy qui le faißt, & qui s'y employe. Pensõs nous d'ailleurs que Dieu nous enuoye des Anges ou des hommes parfaicts? Y a-il tant de Capitaines d'armees en France ? Y a-il tant de Princes Catholiques aguerris? S'ẽ trouue il d'autres à choisir, qui soyent meilleurs, & de l'ambition, auarice, & intention desquels nous n'ayons à craindre infiniment d'auantage? ou bien qui nous veuillent ou puissẽt estre plus vtiles, & nous cõseruer mieux en vn gros corps en concorde, & avec moins d'alteration de nos formes & loix, & de tout l'Estat? Mais y a-il occasiõ de nous craindre, que ceux, qui n'ont aucune force, que la bien veillance des Catholiques, conceuẽ & fõdee sur leur seule vertu & coustume de viure parmy & selon nos loix, les veuillent ou puissent enfraindre au preiudice des loix du Roiaume de Mõsieur le Cardinal de Bourbon, ou de celuy, à qui lors la Roiauté touchera par droit & raisõ? & que quãd il seroit possible, qu'ils y voudroiẽt pretendre, n'y a-il pas bon moyen, si nous sommes tous vnis, ensemble de les contenir dãs les bornes de leur deuoir? Et d'autre part, pouuõs nous douter que le cõmencemẽt de leur ruyne ne tire bien tost apres soy le commẽcement & la fin de la nostre, tant de la part de l'Heretique, que du costé de l'estranger: qui voudra s'auãtager & preualoit de nostre mauuais mesnage, & faute de conduite? Y a-il personne de si peu de sens cõmun, qui ne voye que la cõseruation & vnion du Royaume, & la seureté des Catholiques est

con-

*Si nous  
ne sommes  
unis & li-  
gues nous  
ne pouuons  
resister à  
l'huguenot  
ou estran-  
ger.*



conioincte & vnies inseparablement avec l'vniõ  
& conseruation des Princes Catholiques, apres la  
santé du Roy.

Plusieurs s'estonnent, & semblent perdre cœur, à cause des propos & menaces, que le R. de N. tiët & fait ordinairement, que s'il se voit reduit en extremité de ne pouuoir estre Roy, qu'il donnera la Frâce en proye & butin à l'Anglois & l'Allemäd, qu'il couurira tout le Royaume de sang, de feu, & de cendres, & que ce pendant il perdra ensemble ses ennemis, & ceux qui luy font teste, partant tels feroiët d'auis de se renger du premier coup sous son obeissance, sans partir ou perdre. Il seroit malaisé à croire, que tels effects, propres d'un Táberlan, diët l'ire de Dieu, sortissent de celuy, qui diët preferer sa conscience & le deuoir enuers Dieu, à toutes les grandeurs de la terre: toutesfois en tout cas nous confessons avec l'Escripture, que le desespoir est chose perilleuse, & que la vengeance des Princes est vne grande rage, & en fin la ruine des Estatz, & que nous deuons prier Dieu de tout nostre cœur, qu'il l'inspire mieux, afin qu'il soit sage & pour luy & pour nous. Mais ce n'est pas à dire (diët sainct Cyprien contre semblables Heretiques de son temps) que quand l'Antechrist viendra, il entre en l'Eglise pour ses menaces, ou qu'on veuille ceder à ses efforts & violences pourtant s'il diët qu'il tuera ceux qui luy feront teste: les heretiques nous arment lors, qu'ils nous pensent espouuäter par leurs menaces, & durant le temps de la paix ne nous abbattent pas, mais plustost nous redressent & excitent. Et bien si en luy payät les tributs & tailles, nous pouuions appaiser, sa

*Ne faut  
craïdre les  
menasses  
du Roy. de  
N.*

cholere, raffasier son ambition, & que nous fussions asseurez de viure en repos avec nostre Religion, & noz facultez, il seroit peut estre tolerable de le recevoir. Toutefois ne peut-il point arriuer d'entre les Catholiques, soit du dedans ou dehors le Royaume, gens, qui ne soiét pas moins à craindre, ny moins abandonnez? & que s'il est desesperé, il trouue des enragez? Tellément que ceux qui auront suiuy son party en esperance d'appuy & de repos, se trouuerot auoir mis le doigt entre deux pierres, & s'estre exposez à plus de perte, dangers, & perils que iamais. Que sera-ce cependant de nous, du pauvre peuple, & de cest estat. Faut-il que nous nous voyons ainsi deschirer & escarbouiller d'une part ou d'autre, & en fin (comme il est mal-aïse autrement) tomber en la miserable seruitude

» & subiection d'un barbare estranger? O mal heureuse vengeance (disoit vn ancien Pape, parlant de ce Comte Iulian, qui pour sa vengeance fust cause de la perte des Espagnes, par les Sarrazins) qui pile & tourmente les siens propres, pour enrichir & mettre à leur aïse les ennemis! O mal-heureuse Religion, qui renie la foy pour embrasser la perfidie! O mal-heureuse impieté qui trahit sa nation pour complaire & s'unir à vne estrangere: qui reduit ses enfans en vilains & abiection esclaves, pour esleuer & establir des sefs & ses ennemis en personnes libres, Seigneurs & maistres sur soy! O finalement mal heureuse cruauté contre la patrie, qui chasse les naturels bourgeois, pour en rendre habitans ses ennemis: & qui meurtrit ses amis & parens, pour donner la vie à gens incognuz & lointains: & qui chasse les domestiques, pour intro-

duire les barbares! O tres-malheureuse par dessus toutes choses la victoire, par laquelle celuy qui semble le vainqueur, demeure le vaincu & appauvry! Et quoy, Dieu n'a-il point laissé quelque remede en teree contre semblables occasions & accidens? Le desordre est-il encore si grand, que l'on ne puisse, avec l'ayde de Dieu, preuenir ce grand cōble de malheurs, si l'on veut? Ne perdōs point courage, esperons que la faueur sera d'autāt moins de dūree, qu'elle aura irrité & prouoqué l'indignation de Dieu sur luy mesmes: d'ailleurs, que ne visans principalement, qu'à la conseruation de la Religion Catholique & de l'estat, & qu'y rapportans noz moyens en vne bonne vnion, Dieu, qui a plus d'interest à son honneur, que tout le mōde, & lequel n'oubliāt iamais ses misericordes, a soin du moindre de noz cheueux, benira noz labeurs, & sçaura tres bien pourueoir, à la confusion de ceux, qui se persuadent, que Dieu a faiēt le mōde, & la laissée: & qu'il l'aye exposé en proye à la rage & mercy de Sathan, & de ses bourreaux.

D'autres (comme Belloy, & les Catholiques de contenance) sont d'aduis de tolerer le mal, & laisser le remede à la seule prouidence de Dieu, comme ayant (disent-ils) le moyen de nous pourueoir d'un Roy Chrestien & Catholique, sans nostre aide, & pour le iugement qu'ils font, que la guerison est trop difficile, ou de trop longue dūree. S'il n'estoit dict, Aide toy & Dieu t'aidera, si les Heretiques faisoient trefues & surseance de leurs menées & pratiques, & que le cours & progrez du mal peust seulement estre arresté, il y auroit, peut estre, quelque apparen-

*Pernicieux  
aduis des  
faux Ca-  
thol.*

ce, qu'on fist alte : mais autrement ne voyent-ils pas que c'est laisser prendre au mal racine trop avant : & puis que le remede en sera apres d'autant plus dangereux : & qu'il faut tóber necessairement tost ou tard, & peut estre plustost qu'on ne pense, l'un ou l'autre de ces deux inconueniens & extremitez, ou que l'Eglise Gallicane, & le party Catholique soit du tout esteinct avec tout l'estat ancié, ou que le party Heretique soit si affoibly, qu'il ne puisse luy donner la loy, ou le mettre en terreur & deffiance. N'est-il pas bien aysé au Catholique de se resoudre à l'un plustost qu'à l'autre ? Quand plus commodémēt que sous vn Roy en aage de maturité, la valeur, bonté, deuotion, sagesse, conduite, & saint zele duquel peut rendre l'euenemēt heureux & assuré, avec le sage aduis de la Roynne sa mere ? Quand plus à propos, que lors que le respect & obeissance du vray Roy & legitime possesseur, & tres-Chrestien, retient tous les Catholiques en vne bonne concorde, & intelligence ? Quand avec plus de facilité, que lors que l'on peut retrancher aisément les grâdes esperances & pretentions que l'Herésie a sur la Royauté : par le seul moyen desquelles, puis qu'elle est si fort descritee en elle mesme, elle peut s'accroistre & agrandir tous les iours, comme l'on voit par experiēce que elle fait ? Quand avec plus de necessité qu'apres qu'on a essayé en vain toutes les voyes de paix : & que lors qu'on voit qu'il ne tient qu'à vn filet que l'estat ne soit dissipé, & qu'il ne courre plus de hazard & fortune, qu'il ne fist iamais ? & que la force du venin de la maladie ne donne quasi point de loisir de le pouuoir arrester ?

*S'opposer  
au plustost  
à l'Herésie*

S'il l'on allegé qu'on a permis si lōg temps l'heretique, & que les efforts qu'on a fait par le passé à l'exterminer ont esté quasi inutiles. Puis que l'heresie est vn des fleaux de l'ire de Dieu, ce n'est pas merueille si le remede n'est pas tousiours és mains des humains. Mais les Huguenots sont bien presumptueux, s'ils ont opinion que ç'a esté plus par leur vaillance & nostre impuissance; que par vne grande indulgence & esperance de leur amendement, ou de la guarison de la maladie par remedes plus doux & de moindre coust, que l'effusion du sang & la ruine du pauvre peuple. Et outre cela n'y a-il pas grand difference d'estre souffert, ou estre authorisé de commander, ou estre commandé? d'estre marteau ou enclume? de permettre vne concubine, ou deux femmes en l'estat de mariage? ce temps-là, n'est-il pas beaucoup diuers à celuy de maintenant? Il n'estoit lors question, que d'exempter l'heresie des peines du droict, de laisser viure l'heretique iusques à la maiorité de nos Roys, ou iusques au temps plus propre à la re-vnion. L'on pouuoit peut estre le tolerer comme la concubine à l'homme marié, & comme l'on fait le Iuif, avec l'exercice de sa religion, & autāt qu'on le red subiect aux loix de la police. Mais à presēt qu'on voit que la concubine veut chasser la femme legitime, que le Iuif se veut faire Roy, & que l'enfant de la chābriere veut & pretend regner & gourmander Isaac: & que ce ne peut estre, outre le preiudice de la Religion Catholique, sans vne entiere subuersion & dissolutiō de l'estat, soit par son moyē, soit à son occasion, il y faut courre cōme au feu: & luy arrester le cours de son audace, deuāt que le desor-

*Oster la  
cause de di  
uision.*

dre ne suruienne, ou ne soit plus grand, & ce pendant qu'on a le moyē de se recognoistre & resoudre : mais principalement puis que nous voyons cest estat tōbé en tel mal-heur, que si l'on ne pourroit arracher la cause, ou, si vous voulez, l'occasion ou pretexte de la diuision, c'est à sçauoir l'heresie, l'on est en danger de tomber en vne si intestine & sanglante guerre de Catholique à Catholique & de Catholique à Huguenot, qu'elle ne pourra iamais prendre fin, que par vne extreme ruine de nous tous, aussi tost que de nosdissensiōs. Et faudra que Dieu face vn grād miracle si le plus fort du mal ne mōte iusques à l'estinctiō du chef, comme la nature de la factiō est de n'auoir bord ny mesure, & que l'ambitiō est celle seule qui n'euieillit point en l'homme, dit Tucidide. Si tout à coup & au premier iour nous ne venōs à bout de l'heresie, au moins, qui est le principal, nous nous pourrons cōseruer avec nostre religion contre sa furie: & aurons moyen d'attendre l'aide de Dieu, & si seruirons d'entree à ceux qui voudront prendre la cause de la Religion à cœur: ou si nous nous souz-mettons, cōme des estourdis volontairemēt à la tyrannie, voila nostre Religion perduē en France pour lōg temps, & tous nous si miserables, qu'apres, tous les aduis & conseils ne nous seruiront que de bien peu. Si nous y faillons maintenant nous ne pouuons euitier que nous n'y soyōs contraincts en peu de iours, ou de presenter noz testes en la main du bourreau. Si cela ne peut arriuer si tost, d'autant plus deuons nous prēdre, & retenir l'occasion, qu'elle est plus à nostre aduātage, & que tel refuse qui apres muse. Avec peu de fraiz,

& de peine on peut entretenir vn bastiment, qui est encores entier: mais il est mal-aisé d'en reparer la faute, apres qu'il est tombé en terre. C'est vn dire tres-veritable des anciens, & nous nous trou-<sup>nisi oppri-</sup>  
uons en ces termes, que l'heresie nous accablera; si <sup>matur est</sup>  
nous ne l'accablons. Et d'autre part l'on sçait bié, <sup>oppressura</sup>  
qu'aux guerres ciuiles, il n'y a que la continue qui l'emporte, à la façon des maladies longues, & que si l'on eust voulu y faire à bon escient, & auoir la patience de perseuerer avec bon ordre, & y seruir sa Maiesté selon son desir & commandemét, l'heretique ne parleroit si haut en France, & tous les Estatz ne seroiét si affoiblis & harassez qu'ils sont.

Si toutes les annees leur nombre, qui est tout accompli, & est paruenue iusques à sa plenitude, se racourcissoit de mesme, qu'il a faict depuis l'Edit de la re-vnion, y en a-il pour trois ans au plus? N'est-il pas bien certain, qu'outre ceste grande multitude, qui a renoncé & abiuré volontairement leur impieté & société, il en est mort en toutes les prouinces de France de ceux, qui portoient les armes, & qui entretenoient la guerre, ou de la seule main de Dieu, par la peste & mala-<sup>Gras pro-</sup>  
dies, ou de celles des armées du Roy, plus de dou-<sup>grez cōtre</sup>  
ze mil: Deux ou trois villes forcees de plus ne leur emportoient elles pas ce, qui leur reste de meilleurs hommes? & si le coup portoit au petit filet, qui les soustient, auroient-ils grand moyen de regimber? & le procez ne soit-il pas departy bien tost? C'est folie certainement d'imputer à impossibilité leur affoiblissement & dechet, sinon autant que par vn iugement de Dieu nos pechez donnent l'estre, vie, & force. Car encores que plu-

*Avarice de  
certains.*

sieurs n'ayent eu autre intention, que de se servir des Huguenots, comme d'un arbre qui porte du fruit de fin or, ou d'une vache à lait, & ainsi que Vuenceflaus Roy de Boëme faisoit (ce qui fust en fin sa ruine) des heretiques de son temps dits Huissiers, pour son avarice, disant que l'hoye (car Hus ne signifie autre chose en leur langue) est bone, qui porte des œufs d'or, encores dy-ie que plusieurs n'ayent eu autre but, que de faire leurs orges, & la guerre au pauvre peuple, & le matter & affoiblir de telle façon, qu'il ne puisse plus s'opposer ou résister à leur ambition & cupidité, n'y à l'enuie que ils ont de leur faire recevoir toute telle loy & Religion, qu'il leur plaira, & que nous ayons tous grâde occasiō de souhaitter vne telle quelle paix, ou quelque meilleure guerre, avec la malediction entiere de telles gens, qui sont si traistres à leur Roy, & prōditeurs de leur patrie: si est-ce que dieu n'a point laissé de benistre sa cause, les deuots desirs & la sainte intētion de sa Maiesté, & en faire reüssir beaucoup de fruit. Qu'ils brauent tant qu'ils voudront, qu'en tout un an le Roy ny la Ligue n'ont sceu gaigner sur eux en quatre armées que de Bicoques, encor' cela mesmes nous doit dōner d'autāt plus de cœur à leur résister & maintenir & à l'aduenir, que leurs moyēs ne seront iamais à comparer à ceux de sa Maiesté. Qu'ils escriuent par leur chetif Aduocat de Pan force Antiguyfats, & par un, qu'on sçait bien, leurs expositions des exploits du Duc de Mayenne, si ne pourront-ils faire, que les gens de biē ne cognoissent, que leur valeur n'est pas morte. Et que si les villes, qu'ils ont surprins en Dauphiné & ailleurs, eussēt



esté encorres pour lors en leur garde, qu'ils n'en triompheroient pas tant, comme ils fôr, & moins se mocqueroient ils de la foiblesse de l'vnion des Catholiques, si autre respect neles retenoit que les forces & la vaillance de l'heresie. Ceux qui sçauër, si peu que ce soit, du monde, pourroient bien dire à quoy il tient, & comme ils ne braueroient pas tant de Dic, de Montelimart, de Ambrun, ny de aucune autre ville de ce pays la singulièrement si ces Princes qu'ils blasment tant, eussent esté aussi retifs à les remettre, & aussi desloyaux & pariutes, que ceux qui ont retenu & retiennent outre le temps limité, les villes qu'ils auoient promis de rendre. Parce qu'il n'y à point enfant, qui ne sçache, qu'ils n'y ont eu entree, que par la fidelité & tres-grâde obeissance de ces Princes, & par la sortie de leurs forces & garnisons? L'exêple frais du pays de Flandre, auquel de dixhuiët prouinces les dix-sept estoÿer toutes perdues & soubstraiçtes de l'obeissance de leur Prince, & ce qui restoit non guerres sain; peut seruir de belle & asseutee instructiõ, combien la perseuerance contre l'Heresie est profitable, mesmement d'autant que c'estoit vn pays esloigné de la personne & demeure de son Roy, escarté de tous ses autres Estats & commoditez, enclaué & enuironné d'Angleterre, Dannemarc, Sueue, & autres estats & Princes, sinon ennemis tout à faiët de l'Espagnol, pour le moins desireux que ses affaires n'allassent guere bien: & auquel il auoit à cõbattre tous les trois ordres, qui estoient tresbien vnis à la rebellion, ou, Dieu mercy, c'est tout au contraite en nostre France, ou & l'Eglise, & la Noblesse, & le tiers Estat sont tres-bien

vnis & bandez contre l'Heretique.

Nous sommes peut estre entrez trop auât : mais puis que ces empoisonneurs, enchâteurs, & boute-feus d'Estat ne taschent si licentieusement que d'enforceller le mōde, d'enflamber & embrazer la France & les Catholiques de diuisions, par l'ouuerture, entretien, & corruption de tel subiect si haut & si importât, nous pensons qu'on le trouuera d'autât moins mauuais, que nous n'auōs voulu lascher ces quatre mots, que par forme d'antidot & contre-poison, laissant à ceux qui ont plus de iugement, de penetrer plus auât, & d'en penser ce qu'ils doi-

*Qu'il est  
nécessaire  
de respon-  
dre aux  
liures que  
les hereti-  
ques &  
faux Ca-  
tholiques  
font.*

uent & peuuent de plus. Et cōment deuions nous, ou pouuions nous souffrir, que tant de meschans liures, qui n'enseignent que toute rebellion, & ne tendent que à denigrer le Roy & les Princes Catholiques, & abolir nostre Religion, ayent vogue & course, sans que nous ouurions la bouche pour les descouurir tels qu'ils sont? Car faut il se taire en vn temps, qu'il est plus que nécessaire de parler, pour manifester telles meschancetez qui courent, afin qu'on s'en garde? Seroit-ce bien fait, si nous rencontrions des empoisonneurs & boute-feux, qui courussent par pays, semant de la poison & mettant le feu par tout, de ne les arrester point, ains les laisser faire? Et ceux cy sont ils moins dangereux?

*3. Points  
Quel vni-  
uers contre l'he-  
retique est  
de l'inten-  
tion du  
Roy.*

Ce n'est pas à nous particuliers de rechercher trop curieusement les ressorts secretz, qui sont en l'affaire des derniers remuemens soubz le nom de la Ligue, & ne nous est pas permis de nous enquerir si particulierement de ce, qui se passe entre le Roy & ses principaux Officiers & Princes: par ce

que les conseils des Roys & Princes: sont autāt de secrets & de misteres, & n'est pas bon les publier, diēt l'Escripture. Il nous doit suffire pour descharger contre tous ces liures des Heretiques, de tout blasme les sainctes intentiōs du Cardinal de Bourbon, de ces Princes dē Lorraine, & de ceux, qui les ont suyuis, qu'il ne s'y est rien passē, que le Roy n'aye eu pour tresaggreable, & n'aye bien voulu auētorizer de tout son pouuoir: afin qu'il ne fust plus permis à aucun d'en douter ou l'interpreter autrement, qu'il ne falloit sans euidente calomnie. Il nous doit suffire de la responce & declaration, que n'agueres la Royne mere à faiēt au R. de N. de la part du Roy, Qu'il tiēt tous ceux, qui ont esté de la Ligue, pour ses meilleurs subiects, & les plus affectionnez Catholiques. L'on prenoit bien au commencement l'execution de la sainct Barthelemy pour attentat de ces mesmes Princes contre la volōté du Roy, les lettres patētes de sa Maieſté les en accusoiēt au commencement, touteſois l'euene-mēt mōstra tout le cōtraire, & que c'estoit vn stratagemē d'Estat. L'on pensoit bien que les Ligues de Peronne & de Picardie fussent traictés de mutins, rebelles & criminels de leze Maieſté: touteſois la suite des autres Ligues & associations és autres pays par le commandement du Roy, & à la suscitation & conduite de ses Gouverneurs Lieutenans generaux descourrit bien tost, ce qui estoit de la vraye inclination & intention de leurs Maieſtez. Le refus de l'entree d'Angoulême faiēt à feu Monsieur de Montpensier, fust poursuiuy long temps au Parlement de Paris par le Procureur general, pour crime de leze Maieſté &

toutefois l'occasion passée, les auteurs en ont esté tresbien recompensez: & ainsi d'autres infinis faits aduenus en nostre temps, qui sont mieux tuez que publicz: & lesquels toutefois ceux, qui sçauent le cours des affaires n'ignorent pas.

Et à la verité, comment peut on s'imaginer que ces Liges & intreprinſes ayent esté commenees & executees contre la volonté du Roy, par Princes & Seigneurs de telle qualité, & pour si bonne & iuste cause, que la conseruation de la Foy Catholique & la defence de l'Estat contre son ennemy ordinaire, coniuré, & qui auoit ses pieces prestes & affustees pour les viser & descocher, à la ruyne de sa Maiesté, du Royaume, & des bons Catholiques?

Peut il entrer en aucun bon sens & entendemēt que ce vieux, ancien, & sage Cardinal de Bourbō, premier Pair & Prince du sang, premier & le plus ancien Conseiller du Cōseil du Roy, le plus anciē Cardinal, Primat, & Archeuesque du Clergé de France, luy, qui à seruy tant fidellement, tant de Roys, qui à renoncé tant de fois à son propre sang & sa chair, pour satisfaire à sa conscience, & preferer Dieu & l'Estat à la commodité de ses plus proches: luy, dis-je, qui à monſtré par toutes ses actiōs & deportemēs de tant d'annees n'auoir riē si cher n'y en telle recommandation, que le bien de ceste Couronne, qui à mōſtré vne si grāde sagesse, pieté, attrempance, & prudēce parmy tous nos troubles & partialitez des grāds, que de n'auoir iamais gaudy, ains s'estre tousiours maintenu & cōserué au seruice de sa Maiesté, & en l'amitié du peuple, & generalmente de tous les ordres, qui n'a ia-

mais regardé que par le trou des affectiōs & volōtez des Roys ses souuerains Seigneurs, & lequel singulieremēt à eu toute sa vie tel respect à la Roynne Mere, qu'il n'a iamais pensé que à la seruir, assister & luy complaire entieremēt, & singulieremēt pour le pourchas de la paix du Royaume? Peut on penser que luy, qui est du tout exempt de suspition de picoree, d'auarice, & d'ambitiō, aye procuré & armé ces Princes & ceste Ligue contre l'intention de leurs Maiestez, que ie die contre l'Estat? Moins y a-il apparence qu'estant nourry dès sa ieunesse es artifices de la Court, & estant impossible qu'il s'y eust peu conseruer heureusement parmy tant de diuers vents & tempestes sans vne rare & admirable prudence, il soit mené (comme l'on dict) en tout cecy contre sa volonté par la passion d'autrui, comme on feroit du plus idiot, endormy, & stupide du monde. S'il ne l'eut faict aussi sur vne telle necessité, & vn danger si apparent & si proche & contre l'Eglise & cōtre ce Royaume, quelles maledictiōs de Dieu & reproches de tout le monde assembloit il sur sa teste & sa memoire. Voire ses plus proches nepueuz, & des enfans, par maniere de dire, conduire la troupe des Hérétiques, & estre si soigneux d'une cause si damnee & pernicieuse, que de l'auoir amenee au point de pouuoir engloutir les Catholiques, & s'affectionner point pour la cause de Dieu & de l'Estat, luy qui auoit tant de poincts sur eux qu'estoit ce en bon François que trahir & sa Religion & le Royaume, & la maison de France, de laquelle, apres le Roy il est le chef? Voir ces gens ne gagner pays, que à l'occasion du sommeil profond

des Catholiques, que ie ne die faineantise, & stupidité, & sur la faueur pretendue de ceux, qui auoient bonne part aux affaires de l'Estat, & ne s'esueiler point n'y s'esuertuer pour seconder & fortifier les sainctes & cōtinuelles intentiōs & vœus de leurs Maiestez contre l'heresie, quel odeur eut il donné de soy à la posterité? N'eust il pas deu auoir honte, que son nom eut esté iamais nommé entre les Chrestiens, si pour s'opposer à tel erreur, horreur, & progres, il n'eust rapporté tous les moyens que Dieu luy a donné, & n'eust tasché d'animer, encourager & joindre ensemble vne si sainte & si grande compagnie de Princes, Seigneurs & communautéz, pour vne cause si iuste, si commune, & si agreable au Roy.

Est il croyable, que tāt de Princes, Pairs, & Seigneurs, qui tiennēt les principales charges & gouuernemēs de ce Royaume, qui sont si obligez aux liberalitez des Roys, qui sont & beaux freres, & si proches de sa Maiesté, qui luy ont ordinairement assisté en ses plus grands affaires, qui ont tant d'interest à la cōseruatiō de cest estat, & de sa personne, qui n'ont iamis aprins autre leçon en l'Eglise Catholique, que d'obeyr à leur Roy Catholique, eussent voulu estre de la partie & y exposer si auāt du leur, s'ils n'eussent esté biē asseurez faire seruice agreable à sa Maiesté & profitable à tout le Royaume, à la descharge de leur conscience, & à l'acquit du serment, qu'ils ont à la conseruatiō de la Religion Catholique & des loix de l'Estat?

Est il possible que se remuās pour vne si raisonnable & legitime cause, que la conseruation de la personne du Roy, de l'Estat, & principalemēt de la

Religiō Catholique, ils ayēt peu encourir la mau-  
uaise grace du Roy, & sa Maiesté leur peut estre  
contraire en ceste poursuite?

Comment peut il tomber en ceruelle d'homme *Régrets du*  
de iugement, que ceste cause aye despleu au Roy, *Roy contre*  
luy qui est de plus deuots & zelateurs à la religiō? *l'heresie.*  
Car de tous ceux, qui ayent esté depuis le Roy  
sainct Loys & plus que tous les autres Princes se-  
culieres ensemble, qui viuent de nostre temps: luy  
qui à declaré souuent n'auoir rien qui luy poise  
tant sur sa conscience, ne pourquoy il puisse plus  
craindre de tōber au rigoureux iugement de Dieu  
(dequoy nous le prions de tout nostre cœur & af-  
fection le vouloir preseruer) que de la tollerance  
& permission, qu'il donoit de l'exercice de la nou-  
uelle opinion: à l'extinctiō de laquelle il se sentoit  
obligé & par son serment Royal faict lors de son  
sacre, & par tout droit diuin & humain, & par la  
gloire & reputation qu'il y à acquis, & par l'exem-  
ple des heretiques mesmes: & notamment pour le  
desir, qu'il à d'asseurer de son viuāt l'Estat de la re-  
ligion Catholique & Romaine, contre tant de  
dangers, perils & troubles qu'il y preuoit tressa-  
gement? Combien de fois a-il regretté & s'est il  
plaint & en priué, & en compagnie, de son mal-  
heur, en ce que lors, qu'il vouloit mettre la main  
à bon escient à desraciner l'heresie, il y trouuoit  
tant de contradictions mauuais offices & de froi-  
deur de la part de ses subiects Catholiques. Com-  
biē de souspirs & sanglots luy à on veu ietter sou-  
uent leuant les yeux au ciel à ce que Dieu le fait si  
heureux, que de pouuoir purger son Royaume de  
ceste peste par son propre sang?

Combien de fois à on ouy de sa bouche ceste plainte, qu'il n'estoit pas de moindre auctorité en ce Roiaume, que vostre Roine d'Angleterre chez foy, & que le R. de N. mesmes en so pays de Bearn: lesquels ne veulēt permettre exercice d'autre Religion que de celle, dont ils font profession: & que neantmoins ils le forçoient d'y entretenir & augmenter l'exercice de la nouvelle opinion?

*Belle &c/  
sainte de-  
claration  
du Roy.*

Y a-il bon François, qui aye oublié ceste si heureuse & immortelle matinee du 28. Decembre. 1576. en laquelle fut prinse & iuree ceste determination, dont parle le Roy en sa Declaration du mois d'Auril 1585. par laquelle sa Maiesté en son Conseil réply de plus de cinquante des plus grâds du Royaume, declara assez longuement avec son admirable eloquence, qu'estant parvenu à l'aage de 25. ans, il estoit resolu ne permettre ny toller iamais plus en son Royaume & pays de son obeissance autre exercice de Religion que de la Catholique, Apostolique, & Romaine, suiuant le grand serment qu'il auoit faict apres auoir receu nostre Seigneur, lors de son sacre? En vertu duquel il declaroit toutes ses promesses & sermens faicts pour l'Edit de Pacification extorquez & forcez, nuls & de nulle vigueur & efficace, comme aussi pareillement tous ceux, qu'il pourroit faire à l'aduenir à mesme fin, il declaroit & iuroit deslors, que son intention estoit de n'en rien tenir, fut-ce qu'il y fut contrainct pour le bien de la paix, ou par autre vrgēte necessité, que si deuant aucuns d'eux luy auoient conseillé de souffrir l'exercice de la nouvelle opiniō, qu'il les en excusoit par ce qu'ils luy auoiēt donē tel cōseil, qu'il auoit voulu. Mais qu'il  
leur



leur enſeignoit, que deſormais nul ne fut ſi hardy, que de luy donner aduis contraire à ſa preſente declaration. Pour l'exécution de laquelle il ſe deliberoit d'y employer le verd & le ſec inſques à ſa vie propre, ſ'eſtant reſolu de la faire entendre par monsieur le Mareſchal de Biron ce grand Capitaine, & Cheualier ſans reproche, & qui a tant merité de ce Royaume, au R. de N. & ſi auoit intention de la ſignifier, comme il fit, aux deputez du R. de N. les ſieurs de Beynac des Aiguës, & la Marſiliere. La Royne mere declara auſſi l'aiſe & plaiſir extreme, qu'elle receuoit de veoir prendre au Roy ſon fils telle reſolution, ne l'ayant nourry à autre fin. Que pour ſon regard elle y employeroit tous ſes moyens, pour l'ayder à continuer & effectuer ceſte bonne intention. Mōſeigneur frere du Roy declara auſſi qu'il proteſtoit de vouloir viure & mourir en la religion Catholique, en laquelle il auoit eſté nourry, & de cōſeruer à iamais le nom Chreſtié & Cath. qui luy a eſté laiſſé d'héritage par ſes anceſtres, & gardé par le grād ſoing de la Royne ſa Mere, promettant n'eſpargner moyens ne vie, pour ſeruir le Roy en ſi bonne pourſuite.

N'eſt-ce pas auoir teſmoigné aſſez clairement vne fois pour toute ſon intention & ferme reſolution pour ce regard? S'il a caſſé dōc ces malheureux Ediſts de Pacificatiō, pour reuenir à celui de la Reunion, l'a il faiſt (comme ils diſent) par force & à contre-cœur? N'eſt-ce pas choſe, qu'il auoit deſlors voué à Dieu, promiſe à ſes ſujets, & qu'il aduertit tout le mōde qu'il feroit tāt qu'il viuroit, & pourroit? N'eſt-ce pas vn zele qui luy eſt auſſi.

*Le Roy iure l'extirpation de l'heresie.*

propre & de son inclination naturelle, que le boire & le manger?

*Les Liges  
sont de l'or  
donnance  
du Roy.*

En ce mesme temps sa Majesté n'approuua & autorisa-elle point les Liges & associations des Cath. semblables à ceste-cy dernier? Ne les iugeat elle point si necessaires pour son seruice, & le bien de la religion Cath. qu'il les receust en tous leurs poincts: & fit que ce qui n'estoit parauant, que de deuotion, fut apres de son commandement & par son ordonnance expresse, ainsi qu'il le fit entédre en propres termes au R. de N. par les instructions dudit Sieur Marechal de Biron, & que la pratique: qui s'en ensuiuit, par toutes les prouinces de France, monstra assez?

*Qu'est-ce  
que la S. Li  
gue.*

L'on ne peut dōc blasmer le Cardinal de Bourbon, ny la Ligue, soit pour sa forme, soit pour sa matiere, que l'on n'accuse le Roy mesmes, qui a esté l'autheur & approbateur de telles Liges, poursuittes, & intentions: car nous n'entendons point parler d'autre Ligue, que de celle, qui n'importe autre chose, & qui ne vise qu'à la manutention de sa Majesté & du royaume avec sa compagnie inseparable, qui est la foy & la religion Catholique. Car; aussi ne pouuons nous pas penser, que ces Princes puissent auoir autre finale intétion ne fut ce qu'ils sçauent bien, qu'autrement ils ne pourroiet auoir pires ennemis ne plus contraires, que les bons & vrais Catholiques: lesquels ne reuerēt rien tant en terre, que la Majesté du Roy estant vnie, comme elle est, à la religion Catholique, ny que le sang royal estant arrousé du sang precieux de Iesus Christ. Cela ainsi presupposé qu'eut peut faire sa Majesté, pour tesmoigner au monde, que

c'estoit chose de son ordonnance, de plus, que ce qu'il a fait. Il enuoie vers ces Princes son cœur & son ame, c'est à sçauoir la Roine Mere, pour accommoder & disposer toutes choses à l'effect de leurs communes, secretes, & anciennes intentions contre l'heresie. Il y a employé vers eux les plus confidens seruiteurs. Ces Princes s'estoient departis par leur derniere requeste par escrit de toutes demandes, pour se restreindre & accrocher au seul point de la religion, argument infallible, que la religion estoit seule la cause & la fin de leurs armes. Le Roy leur accorde pour leur seureté plus de villes, qu'ils ne tenoient, les rembourse de tous les frais faits en ceste poursuite. Il s'est mis & déclaré proprement & bien manifestement chef de la Ligue, reduisant ce, qui n'estoit lors que volōtaire, en loy generale & en Edit de la Reunion, qu'il a voulu estre à ces fins perpetuel & irreuocable: & la publicatiō duquel il a biē voulu authentifier de sa propre bouche, & par vn solēnel sermēt, estāt assis en son liēt de Iustice au Parlemēt de Paris. Il ordōna qu'on en dit le *Te Deum laudamus*, avec le brimballement de toutes les cloches par les Eglises, qu'on en feist des feux de ioie, & toute demonstratiō du contentement, qu'il en receuoit, & de la resiouissance publique, qu'il vouloit qu'on en eust pour vn iamaïs. Laquelle aussi fut telle, que de memoire des viuans l'on n'en a point veu de semblable, mesinement dans la ville de Paris: où le peuple ne se pouoit saouler de luy en rendre graces, & luy en crier V I V E L E R O Y. Il cōmet & fie toutes les forces du Royaume, & par consequent sa personne, & tout l'Estat és mains des deux freres, les

Ducs de Guyse & de Mayéne, l'un pour garder la frontiere de l'esträge, l'autre pour attaquer le R. de N. & faire les exploits de guerre en Guyéne. Et si les eut tenus pour rebelles & ennemis de foy & de l'Estat, ou qu'il eut cognu en eux quelque mauuaise volonté, leur eut-il baillé tout à coup tât de moyen de nuire, s'ils vouloient? Il depelche vers le Pape l'Euesque de Paris pour l'asseurer de plus en plus de son intention, & des moyens qu'il vouloit & pouuoit tenir pour l'executiō de son Edit, & extirpatiō de l'heresie. Il fait de iour à autre de son propre mouuemēt en cōtinuation de sa bōne volonté, & tesmoignage certain, que riē ne l'auoit poussé, que le seul zele & affectiō à sa religiō, plusieurs declaratiōs & reglemens sur l'observatiō de son Edit. Il declare nommémēt, qu'il en veut & y cōprend & les biēs & la personne du R. de N. au lieu qu'en toutes les autres guerres on pardonnoit à sō nom. Il a armé puis apres de tous costez, & en toutes les Prouinces pour le desir qu'il a de en veoir bien tost vne fin. Les Huguenots ont ils entrepris sur le Chasteau d'Angers, il y fait accourir tout le mōde: le Seigneur de Pluuot s'est il saisi de la ville & chasteau d'Auxonne, pour quelque inimitié particuliere & mescontentement du peuple cōtre leur Gouverneur, le Roy luy fait faire son procez au Parlemēt de Dijō, où il est déclaré criminel de leze Majesté, & ses biēs cōfisquees. Cela ne suffit-il point? Il fait leuee de Lasknechs, & baille la charge à Messieurs de Guyse & le Grād de l'assiéger. Lesquels en sont venus a bout tout soudain, avec la satisfaction de tous, sans coup ferrer. Nous ne parlons point du chasteau de Bour-

deux c'est vn fait qui n'a rien de cōmun avec la Ligue, de l'accord de toutes parts. Et neantmoins les Huguenots font vn grand cas par leurs liures de ces trois places, pour faire croire aux butors que le Roy est des leurs, & qu'il s'en va Huguenot tout a faict, & ennemy cruel des Guyfars.

Mais finalement, que pouuoit-on desirer du costé de sa Majesté, qu'il n'aye faict, pour recognoistre le seruice, que ces Princes luy auoient faict en cest endroit, & oster tout doute enuers le mōde, que les fins de la Ligue ne luy fussent fort agreables, & que l'Edict de Reuion ne procedast de sa franchise, pure, entiere & libre volonté?

Toutesfois mettōs le cas, que les premiers motifs du remuēmēt du Cardinal de Bourbon, & des autres Princes, ne soient point procedez du Roy. Qu'importe-il, pourueu q̄ ce soit chose, qui tourne à son seruice, & à l'execution de ses plus intimes intentions & bonnes affections enuers Dieu & l'Estat: & pourueu que depuis il l'aye eu & declaré l'auoir pour agreable, & ne tendre qu'au seruice & aduancement de la religion Catholique? Voulez vous mieux? Mettons le cas que ce zele ayt esté vn zele indiscret, qui les aye poussez, faut-il que ce seul peché soit irremissible & sujet à perpetuel reproche, & que le desespoir de reconciliation, & d'absolution les precipite plus auant? Et les gens de bien peuuent-ils permettre que le R. de N. & les Huguenots, qui sont chargez de tant & si frequentes rebellions, coniurations & guerres contre Dieu, le Roy, & l'Estat, les en agacent à tout propos, pour nous tenir à iamais en troubles & deffiances? Mettons le cas (disons nous)

que le Roy fut si animé cõtre les chefs de ceste Ligue, & la maison de Guise, que les heretiques publient, y a-il apparẽce qu'il le voulut exterminer, pour leur faire plaisir, & pour la grãde amitiẽ qu'il leur porte? Y a-il apparẽce que le tolerãt & patiẽtant vne si orde racaille que les Huguenots, les ennemis mortels & de l'Estat, pour demonstratiõ & exercice de sa clemence, apres tant d'abolitions & Edicts d'oubliãce, il eust reserué toute sa colere & vengeance contre ces Princes, quãd mesmes ils auroient fait vne folie en cest endroit: veu qu'ils s'en sont departis tout aussi tost? qu'ils ont deuant & depuis tant meritẽ de sa Majestẽ & de cest Estat: & qu'ils sont si estimez ayez, & chers par les gens de bien de ce Royaume, & de toute la Chrestientẽ, que le feu sieur du Ferrier est cõtraint de cõfesser, que les Cath. les adorẽt de longue main. Ou bien si l'n'entretient les Huguenots, que pour craincte des inconueniens & d'affoiblir autãt son Royaume, y a-il moins à redouter de ce costẽ, quand la couche seroit de leur perte & extermination?

Les Huguenots, qui sont de leur nature, comme tous heretiques dit S. Paul, sans affection, sans fidelitẽ & sans alliance, auront-ils plus d'affection & de cœur enuers les Princes & Seigneurs, qui les supportent, que les Catholiques enuers les leurs? Si ceux-lã se ressentent de leurs trauaux, pour exposer leur sang & vie à leur defence, que ne ferõt ceux-cy? S'il s'est trouuẽ parmy eux des Poltrots, y aura-il faute pour ceux-cy de Mathathias, & de Phinees, & cõme dit Roquelaure, des Sceuelles, zelateurs de la libertẽ de leur patrie, de Dieu & de leur religion? Si au contraire le Roy à desir d'ag-

grandir quelques vns, faute de moyens pour remplir & contéter les vns & les autres, peut-elle estre cause de luy faire desirer la despouille de ceux de Guise ny d'aucun (comme ils disent) ou bien faute d'amis ou de prudēce à pouuoir accorder & vnir la fortune & grandeur des Princes & Seigneurs, avec son seruice, & Paix du Royaume, à l'imitatiō de ce debonnaire Henry 2. peut-elle donner occasion à aucun d'entr'eux de se desbāder de ses volontez & intentions? Ce sont choses trop absurdes, & dont les heretiques deuroient auoir honte d'enjauler si miserablement le monde.

L'Edict n'est pas si tost fait, que les Huguenots fōt courre force copies de diuerses lettres (les Ariens s'opposoiēt ainsi des lettres de Constantius en leur faueur ) qu'ils disoiēt que le Roy auoit escrites au Roy de Nauarre contenant force of-fres & babioles, qui sont mieuz teuz, que dictes, mais qui ne rendoiēt que contre les Sieurs de Guise & ceux de la Ligue, & pour le prier de se ioindre avec sa Majesté pour les ruynier entiere-mēt, l'assurāt de luy estre pere & frere, & que l'Edict de la Reunion estoit directemēt cōtre son intérêt, comme il cognoistroit par le peu d'effect, qui s'en ensuiuroit, chose qui greuoit fort les Catholiques & tous les bons Frāçois, pour veoir des-crier indignemēt la bonté du Roy de la plus iniurieuse & scelerée perfidie, qui fut onques. Toutes fois ce n'est rien de nouueau à tel party, qui a assis son fondemēt sur les calōnies & mesdisances, & lequel se glorifie ordinaiemēt tirer plus de profit des mensonges & semblables bruits & inuentiōs que le Roy ny les Catholiques ne peuēt faire de

leurs veritez & moiés. C'est la façõ de ceste putain de l'heresie, qui est cõme vous diètes, deshõtee, & laquelle ayât vne fois imposé à l'Escriture, ne trouue rié de sain ne de sacré. Le front des heretiques, dict S. Augustin, n'est point front, si nous entendons par cẽ mot, non le membre du corps, mais la honte & vergoigne. Aussi entre les marques des heretiques S. Pierre y adioust celle-là, qu'ils sont méteurs & mesdisans. Car la verité est, qu'en mesme tẽps & tousiours depuis sa Majesté à faiet entendre au R. de N. & par les Sieurs de Lenõcourt, Poigny, & Brulart, & par tous autres, que c'estoit sa derniere volõté, en laquelle il vouloit mourir: & a tesmoigné assez suffisamment par effect aux Catholiques, qu'il n'auoit aucune volõté n'intention de l'agrãdir, tant qu'il tiendrait ceste secte, Mais s'il luy a donné esperãce, cõme ils disent (ce que nous ne croiõs point) du tiltre de Monsieur & de son Lieutenant general, à ce peut estre à autres fins que pour le rendre assuré Cathol. & le gagner à Dieu & à l'Eglise, voire à ses propres despens & diminution de son authorité, estant plus desirieux, cõme parle S. Augustin de Gratiã l'Empereur enuers Theodose de la societé de la foy quẽ d'une trop grande puissance? Car s'il luy a refusé en tẽps de paix l'entree de ses villes Cathol. & mesmes de moindres de celles de son gouuernement, de peur qu'il ne s'en preualut contre son seruice, & le bien des Catholiques, y a-il occasion de craindre qu'il le vueille establir ou laisser pour sõ successeur avec son huguenottage? Y a-il occasion de penser, que s'il pouuoit resusciter apres sa mort, qu'il luy donnast sa voix, & qu'il permit



iamaïs qu'il s'assist au siege royal de iustice, ou que  
 il couchast au grád liét du Louure, luy qui a redit  
 souuét ceste royalle & Chrestienne parole de son  
 ayeul ce grád Roy François premier, Que s'il sca-  
 uoit q son bras fut heretique qu'il le feroit bruler.  
 Et lequel ordinairement a eu en la bouche ce beau  
 conseil & dire de S. Chrysostome à Theodose,  
 Qu'il vaut beaucoup mieux quitter la royauté que  
 de trahir la maison de Dieu: & de faillir en la re-  
 ligion. Y a-il aussi rien si naturel & conforme au  
 desir general des gens de bien & des grands Prin-  
 ces, que de laisser ou auoir vn successeur sembla-  
 ble à soy, ou plus grád & meilleur, s'il est possible?  
 afin, disoit l'Empereur Tybere, que les fautes des  
 deuanciers soient corrigees & amandees par les au-  
 tres. L'histoire de Boniface Comte d'Afrique (au-  
 quel il y a plusieurs lettres de saint Augustin) n'est  
 elle pas notoire à vn chacun, en ce qu'il eut tât de  
 regret de la nominatiõ que l'Empereur Honorius  
 auoit faicte d'un heretique pour son successeur, q  
 ne pouuans souffrir vne telle iniure & deshõneur  
 à son grade, cela fut cause que les Vandalles fu-  
 rent appelez par luy en Afrique, & qu'il leur y  
 donna entree, bien que ce fust au grand malheur  
 de toute ceste prouince, & nõ sans vne grande re-  
 pentance de sa part, telle qu'elle luy causa la mort,  
 voyant les grandes desolations des Eglises, & les  
 barbaries qu'ils commettoient contre les conuẽ-  
 tions, souz lesquelles il les auoit receuz. Confor-  
 mement à ce nous lisons, que Constãsius l'Empe-  
 reur mourât, tesmoigna n'auoir rien tant à regret,  
 ny qui luy poist plus sur sa conscience, que d'a-  
 uoir changé sa religion Catholique, & fait vne si

mauvaise electiō pour son successeur, que de Iuliā l'Apostat. Aussi est notoire l'advertissement de ce grand Theodose, par lequel il remonstroit à ses enfans, que s'ils se rangeoient & composoiēt leur vie & mœurs à la loy & religion de Dieu, qu'il les lairroît ses successeurs, & non autrement. Cest ce qui fait que les Histoires louënt tant ledit Tybere, d'avoir voulu preferer l'Empereur Maurice, qui estoit de grand merite pour son successeur, à ses propres enfā. Philo aussi remarque en Moyse pour vn des plus grans argumens de son amour & fidelité enuers Dieu & son peuple, le soin, qu'il eut de mettre vn bon successeur apres luy, par continues prieres enuers Dieu, & pour preferer la pieté & craincte de Dieu, qui estoit en Iosué, à l'affection qu'il portoit à ses enfans, nepueux, parens & amis.

Pensez vous que le Roy ne cogneut pas bien la iuste occasion, que le Cardinal de Bourbon, les Princes, & generalemēt tous les Catholiques ont eu tousiours, & mesmement depuis le decez de feu Mōsieur, de craindre le R. de N. avec son party de l'heresie: qu'il soit si peu soigneux de ses affaires, & du bien de ses bōs sujets, qu'il ignorast les menees que le R. de N. faisoit lors dedans & dehors le Royaume, & lesquels ne tendoient, qu'à leur ruine, pour le moins à leur desfiāces extremes? & quand biē par ses deporttemēts il n'eut pretendu faire aucun nouveau remuēment, que neātmoins la seule apparence produisoit de tresdāgereux effects, & q̄ c'estoit en tout cas vn artifice & moyen pour diuiser les Catholiques d'entr'eux-mesmes, & de son obeyssance: afin de trouuer l'entree plus

facile és villes du Roy, par la porte de la discorde, ou de deffiance de sa Majesté.

Quelle apparence y a-il que sa Majesté aimast mieux que le party des Heretiques, qui luy a tousiours esté contraire, & lequel n'est bandé qu'à la ruyné de sa peisonne & religion, fust ligué & fort d'une plus estroicte intelligence enseimble, que celuy des Catholiques, qui luy a tousiours obey, & lequel fortifie sa religion, & qui aussi n'a eu onques autre obiect avec la conseruation de sa religion, que d'obeyr à ses commandemēs, & d'auoir sa Majesté pour sainte & sacree.

Pensez vous que sa Majesté ne preuent pas bié que s'il eut authorisé ou fauorisé le R. de N. avec son heresie peu ou prou, que c'estoit le vray moie d'entretenir & enfoncer les Catholiques en leur desespoir, ligue, confreries, & bandes particulieres? que c'estoit le vray chemin pour leur faire prendre des resolutions trop dangereuses & perilleuses pour eux & pour cest Estat, & irremediables à iamais? & ausquelles neantmoins ils estoient plus disposez de se precipiter, que de tomber en la puissance d'un Roy heretique, qui leur est plus en horreur, & à contre-cœur qu'un Moscoue, Scythe ou Sarrazin? Estimez vous que sa Majesté ne iugeast pas bien, qu'il n'y alloit rien de moins, que de le priver de ses bras & iambes, & qu'en fin il n'y auroit que luy, qui payast les estœufs, & qui seruit de Roy despouillé: qu'ayant eu les Catholiques qui l'ont seruy, obey, & maintenu iusques icy pour tres-fidelles, tres-assurez & tres-vnis à son seruice, & à son Estat, il estoit en danger de les rebuter & perdre, ou du tout, ou en grande

partie sans esperance de pouuoir rien gagner en contrepoids sur les Huguenots, qui sont en ceste possession plus que triennale de ne luy obeir, que autant qu'il faiët, & veut ce qu'il leur plaist, & que ils sont commandez par le Roy de Nauarre?

Est-il croyable, que sa Majesté n'entendit pas les propos ordinaires de la plus-part des Gentils-hômes & des autres Catholiqu. guerriers disants tout haut iusques à la chambre de sa Majesté, qu'ils ne combattroient n'offenceroiët iamais ceux de leur religio: lesquels ne pouuoiet estre hays, que pour l'enuie & zeile, qu'ils auoient d'espandre leur sang à l'extirpatiō de l'heresie, chose qu'aucun ne pouuoit ignorer estre de la naturelle intention & reciproque inclinatio de sa Majesté, si elle n'estoit circonuenue d'ailleurs? Est-il non croyable, que sa Majesté ne cogneust pas bien ce, que chacun touchoit au doigt, que le Roy de nauarre ne guettoit autre chose, que de veoir chocquer les forces du Roy & du Royaume ensemble: afin de se rendre maistre plus facilement de celles, qui resteroient victorieuses, & neantmoins bien haracees? Il luy sembloit que l'heure estoit venue de iouyr de ceste royauté tant desirée à la faueur de ceste diuision, scachant bien n'y pouuoir paruenir par la prosperité, ains par la confusio & ruyne de c'est Estat. Est-il croiable que sa Majesté voulut diuiser & faire hurter & cōbattre les Catholiques les vns cōtre les autres, ou qu'elle soit marrie ou ennuieu se que sa religion & son party des Catholiques, pour leq̃l il a tāt de fois exposé son sang & sa propre vie, demeure victorieux, & le plus fort, puis qu'il ne peut ignorer, qu'apres son decez, pour le

*Le Roy de  
N. desire di  
uision entre  
les Catho-  
liques.*

plustard, le R. de N. pretend l'accabler? Ne nous deuons nous pas persuader le cōtraire, & qu'il n'oubliera rien du monde pour deliurer ceste couronne de la main d'un heretique: & pour fortifier ceux qui peuuent estre les plus vtils à c'est effect?

Pensez vous que sa Majesté n'aimast pas mieux, que les Catholiques se continssent souz les mesmes chefs, qui leur auoient commadé par le passé de sa part, desquels il scauoit bien qu'il iouyroit tousiours aisément, que de faire des nouuelles associations souz des chefs empruntez, & desquels on ne pourroit apres disposer, qu'autant que la confusion le permettroit?

Et outre le point de la religion, pēsez vous que le Roy aye oublié tant de tours de dissimulation & de hayne intestine desquels le R. de N. luy a vſé toute sa vie: qu'il aye oublié les protestatiōs de fidelité, qu'il luy faisoit lors, qu'il desseignoit cōtre luy: & les baise pied du soir deuant, qu'il se desroba de la Court? Pensez vous que sa Majesté ne sçache pas bien qu'il n'a plus grand ennemy & corriual, que le R. de N? Qu'il ne sçache pas bien que sans luy & sans le pretendu vicariat, qu'il s'est forgé, & qu'il dit auoir de la part de Dieu pour deffendre sa pretenduë cause & ses esleuz contre sa Majesté & les Catholiques, il iouyroit de son Royaume avec toute obeissance, & maintiēdroit son peuple en pleine paix & repos asséuré? Qu'il ne sçache pas biē que tous ses propos les plus domestiques ne sont que vilaines mesdisances de luy? que ce qu'en feroit Segur en Angleterre & Allemagne, n'estoit que suiuant l'apprentissage, les instructions, & memoire de son maistre? Ne

sçait-il pas biẽ que le R. de N. à iurẽ souuent, qu'il n'iroit iamais en Cour, & si ne se fieroit iamais de sa personne à sa Majestẽ? Ne sçait-il pas bien avec quelles indignitez & paroles de deldaing il a accoustumẽ de receuoir & traicter avec ceux, qu'il luy enuoie? Ne sçait-il pas biẽ qu'il n'y a eu en luy toute sa vie que faintise & mauuaise intention cõtre la personne de sa Majestẽ & contre l'Estat?

Ne sçait il pas bien, cõme desia ayant formẽ les Estats & Officiers de sa Cour & maison au parangon de la sienne il contrainct les sujets de sa Majestẽ passer par son Conseil priuẽ, & d'Estat, par les mains de ses Chanceliers, Secretaires d'Estat & des finances & autres Officiers de Bearn, tout de

*Le R. de N.  
se fait ap-  
peller Roy  
sans addi-  
tion.*

mesme que s'il estoit Roy, chose fort odieuse aux bõs Frãçois, & que son ayeul n'eut pas entrepris, moins luy eut-on permis? Sa Majestẽ ne sçait-elle pas, comme il se fait appeller parmy tous ceux de son party, & qui luy veulent obeyr, Roy sans queue, & cõme iceux parlans de sa Majestẽ le nõment le Roy de France, & bien souuent le Roy des Papistes, le massacreur & le Tyran, comme ils feroient d'un Prince estranger, d'un Othoman ou Tartare? Ce qui est d'autant plus considerable &

*Vnus regem  
agnoscunt  
Lisij duos  
tolerare nõ  
possunt.*

insupportable à tous vrais Frãçois, lesquels (cõme l'on dit des Lydiens) recognoissent vn Roy, & ne en peuẽt tollerer deux, nõ plus, cõme disoit Alexandre, que les cieux ne peuẽt endurer deux soleils: & aussi que l'on sçait que de tout tẽps & anciennetẽ, cõme souz le nom de Frãçois par Antoniasie, que disent les Grecs, sont entendus tous les Chrestiens: aussi les Rois de France ont eu telle prerogatiue & preeminence enuers tout le mõde,

que souz ce nom de Roy, & parlant simplement du Roy, sans addition, l'on a tousiours entédu parler de nostre Roy: ainsi que nous tesmoignent & les Canonistes sur le chap. *per venerabilem*, & ce ancien Grec Suidas, & ce officier de la Cour de Rome de Vitalinis, lequel dit cela auoir esté ordinaire & commun à Rome de son temps. N'est-ce pas pourquoy encores aujourd'huy la Thiare du Pape, qui est de trois couronnes, dont il vse les grâds festes par chemin & hors l'office, comme Prince temporel, est appellé *Regnum*, il regnoit, comme nous ont laissé par escrit cest ancien Archeuesque de Reims Hincmarus, & Sigibert, disants que le Pape Hormisda appella la couronne d'or qui luy fut enuoyee, & vouee à S. Pierre par le Roy Clovis, *Regnum*, comme par excellence du Roy, qui la donnoit, & cōme si ce nom de Roy estoit le propre nom des Rois de Frâce, pour la raison, qui est en saint Gregoire le Grand, disant que le Roy de France surpasse tous les autres Rois, d'autant que l'autorité & dignité royalle, excelle par dessus tous les autres hommes. Et Nicolas premier, donnant la raison de ceste preeminence de nos Rois, cite le Pape Pelage escriuant au Roy de France, & dict, que c'est parce que le principal soin, but & office du Roy de France est de procurer la manutention de la foy Catholique, & la paix de l'Eglise.

*Nom de  
Roy propre  
au Roy de  
France.*

Sont-ce pas de belles occasiōs à vostre aduis à sa Majesté tres-Chrestienne de chercher à complaire au R. de N. heretique, pour offencer & mettre en peine toute la Chrestienté, & l'acharner contre sa reputation & renommee, si pis n'arriuoit de l'esta-

blir en sa place , pour faire recheoir les pauvres  
 Catholiques bons sujets en l'oppression de l'he-  
 resie, qu'ils ont fuy & tasché d'euter souz la con-  
 duite & commandement, par l'effusion de tant de  
 sang , pertes & ruynes si continuelles il y a tant  
 d'annees? S'il auoit enuie d'aller a vauderoute en  
 Enfer, & de se faire maudire a iamais , pourroit-il  
 mieux assembler sur soy l'ire de Dieu, & les male-  
 dictiōs & execrations de son peuple, des estrangers  
 des petits & des grands de tout sexe, condition &  
 qualité? Cōme nous lisons que la sage antiquité a  
 maudit Constantius l'Empereur non moins que  
 son heresie, pour auoir nōmé & laissé pour sō suc-  
 cesseur vn tel ennemy de la religion Chrestienne  
 « que Iulian l'Apostat. Cōmēt est-ce (luy disoiēt ils)  
 « qu'estant prudent & tresaduisé en toutes autres  
 « choses, tu t'es monstré en ce seul point grossier &  
 « idiot? Quelle promptitude est celle-là de clemen-  
 « ce & d'humanité inhumaine? Quel grand diable  
 « t'a peu induire à ceste deliberation? Comment as  
 « tu deliuré à telle furie, & peste commune, si tost,  
 « & en si peu de temps ceste grande heredité, l'hō-  
 « neur & l'ornement de ton pere, sçauoir la Chre-  
 « stienté, ceste gent qu'est claire & reluit par tout le  
 « monde, ce royal sacerdoce qui a accru & est au-  
 « gmēté avec si grands labeurs & tant de sueurs, pei-  
 « nes & tourmens? O griefue reproche! Mais il a  
 « failly par ignorance : telle ignorance est indigne  
 « de sa pieté, d'auoir nourry aux Chrestiens l'enne-  
 « my de Iesus Christ, ne le sçachant point: & en cela  
 « mesme il a v'sé peu honorablement de son hu-  
 « manité & beneficence, de ce qu'il a reserué &  
 « creé Empereur celuy, lequel a esté gardé & con-  
 serué



serué, & qui a administré l'Empire avec si grand  
 dam & dommage. Et toutefois la dissimulation &  
 hypocrisie de Iulian contrefaisant le bon Chre-  
 stien, pouuoit seruir de meilleure deffence ou ex-  
 cuse à Constantius, outre ce que c'estoit son cou-  
 sin germain, que ne peut la manifeste declaration  
 & profession que le R. de N. fait de l'heresie. Si les  
 vertus & qualitez des successeurs honnorent ou  
 entachent la memoire de leur deuâcier, & qu'à ce-  
 ste occasion chacun desire naturellemēt ( comme  
 nous auons dit ) vn successeur semblable à soy ou  
 plus grand & meilleur: quel crime & demerite en-  
 uers Dieu & les hômes encouroit le Roy, faisant  
 en cela plus de mal à la gloire de Dieu & à son E-  
 glise, qu'il n'auroit peu faire de biē en toute sa vie?  
 Quelle memoire pēsez vous qu'aquerroit sa Ma-  
 iesté, de laisser en son lieu celuy, qui est aussi con-  
 traire à ses vertus, voyes, & actions, que le noir est  
 du blanc: & lequel par l'antipatie, qui est en luy, a-  
 boliroit les loix & ordōnâces qu'il auroit publié,  
 destruiroit les Eglises & monasteres, qu'il auroit  
 fôdé & basty, tueroit ceux qu'il auroit aimé & cō-  
 seruē au danger de sa vie. Et lequel pour toute re-  
 cōpence d'hōneur & de seruice, defēdroit de prier  
 Dieu pour sō ame, & prostituerait sa sepulture, ses  
 os & son corps à la voirie & aux oiseaux du Ciel,  
 selō l'honorable pratique & traditiō de sa mere,  
 contre les sepultures des Seigneurs d'Albert ses  
 aieulx, & des Cardinaux de ceste maison, dans Ca-  
 stet-Ialoux, & l'enseignemēt des Ministres obser-  
 uē par eux contre la memoire, & monument du  
 Roy Loys vnziēme dās nostre Dame de Clery &  
 d'infinis autres. O quel reuers de medaille à celle

du Roy Henry, tres-chrestien & tres-deuot, que ceste cy du Roy Héry de Nauarre tres-heretique & tres-impie?

*La Royne  
Mere ne fa  
morist point  
le R. de N.*

Et quoy: la Royne Mere a-elle oublié, vous semble-il, la professiō qu'il fait, qu'elle a esté tousiours ennemie & contraire au gouuernemēt & grādeur de feu son pere, & de ceux de sa maison? A-elle oublié le bon traictemēt faict à sa fille en sa faueur? A-elle oublié les mauuais tours & sailies fascheuses que le R. de N. luy a fait endurer souuēt? A-elle oublié les indignitez & rodomontades, qu'il luy à fait souffrir en son voyage de Guyenne pour la Conference de Nerac, iusques à mettre souuēt en Conseil & deliberation de la retenir prisonnier, tant sous pretexte de la surprinse qui aduine lors du Chasteau de la Reolle qu'autres occasiōs, qu'il se forgeoit pour esueiller la bonne amitié que ces gens luy portent? Ne s'est-elle point apperceuē de ce, dont tout le monde s'est si fort scandalizé, qui est de la façō brauache, de laquelle il l'a esté trouuer à S. Bris à ce dernier voyage de Coignac? Et sa Maiesté a-elle grande occasion de demeurer satisfaiete de ses propos & responce si peu respectueuses? A-elle oublié le resentimēt ordinaire qu'il fait contre elle pour la iournee S. Barthelemy, & sa retention dans le Chasteau du bois de Vincenes? A-elle oublié le prouerbe de sa nation, que *chi offende non perdona*? Mais a-elle oublié ses promesses ordinaires contre la tollerance de tant d'Edicts de Pacification faicts sous les ieunes ans de noz Roys? Que ce n'estoit que pour gagner tēps, & iusques à ce que ses enfans peussent eux-mesmes auoir ceste palme & cest hōneur de vaincre l'hidre de l'he-

heresie, & en deliurer la France? Peut-elle attendre  
 saison plus propre, ou necessité plus vrgente? Esti-  
 mez vous qu'elle voulut quiter l'amitié des Cath.  
 pour celle des Huguenots, & la demeure de Paris  
 pour se tenir à Nerac ou Nauarreins? Estimez vo<sup>us</sup>  
 qu'elle aye rien rauulé ou diminué du grand ze-  
 le qu'elle a tousiours porté à la religiō Cath? qu'elle  
 aye desapris les moyēs, avec lesquels par sa grāde  
 prudence & pieté, elle l'a sceu tres-bien conseruer  
 en aussi grands dangers & perils? Finablement esti-  
 mez vous qu'elle n'aimast mieux mourir de cent  
 morts, q̄ de veoir tous ses labeurs & desseins, pour  
 la conseruation de la religion & l'Estat perdus &  
 rompus en vn iour, au preiudice de la religion, &  
 la dissipatiō de cest estat? Ce sont choses trop es-  
 loignées de la bonté, sagesse, & zele de sa Maiesté.  
 Finalement pour oster toute occasion, couleur,  
 & pretexte, tant aux Catholiques timides & des-  
 fians, qu'aux Huguenots rebelles, d'entrer en au-  
 cune sinistre interpretation de l'intétion du Roy  
 pour l'heresie, & par consequent pour l'installatiō  
 & aduancement du R. de N. demeurāt heretique,  
 Declaration derniere & recente que sa Maiesté  
 a faict en sa Cour de Parlement de Paris, du 10.  
 Nouuier dernier, n'est-elle pas plus que suffisante  
 pour fermer la bouche à tous les mesdisans? Se-  
 rait-il en danger de ne pouuoir reduire le R. de  
 N. à la paix, quelque grande peine que la Royne  
 mere y prenne, il declare ne vouloir iamais souf-  
 frir ny au R. de N. ny en son Royaume autre Re-  
 ligion que la Catholique, & estre plustost prest de  
 répandre son sang en ceste querelle? Qu'eust plus  
 tost vn S. Loys? La Roine mere fait entēdre le mes-

*Nulla occasio de soupçonner le Roy pour l'herésie.*

me au R. de N. & comme il ne doit & ne peut attēdre aucune faueur de leurs Maiestez, ny des Cathol. tāt qu'il sera heretique. C'est le sommaire & l'argument de toute sa negociation avec luy. Que pouuōs nous desirer de leurs Maiestez de pl<sup>r</sup> clair? Quelle maniere est-ce principalement aux Cath. de se forger de ce costé des peurs si mal fondees à l'appetit des libelles diffamatoires des Heretiq. qui ne demandent que trouble, & à bâder & mutiner tout le mōde contre leurs sacrees Maiestez?

*Le conseil du Roy ennemy de l'herésie.*

Nous laissons à penser si tous les principaux officiers & cōfidens seruiteurs, desquels leurs Maiestez se seruent le plus souuent en leurs conseils & affaires, & qui sont (Dieu mercy) tres-affectionnez Catholiques, & qui à ceste occasion ont acquis la haine du R. de N. & des Huguenots, leur voudroient donner conseil si preiudiciable, que de le fauorir avec son heresie, & les seruir en cest endroit pour trahir & leur conscience, & leur religion, & leur patrie. Ne sont-ils pas bien asseurez, que si leurs Maiestez endurent du mal, qu'ils ne s'en porteront pas mieux, & n'ont-ils pas veu pratiquer souuent deuāt leurs yeux le dire anciē, Que les mauuais conseils retombēt sur leurs auteurs? Ne preuoyent-ils pas bien qu'il n'y a aucun qui soit ordinairement plus dangereux en semblable confusion d'affaires, que ceux qui sont en tels grades qu'eux, & qu'on peut craindre pour leur valeur & suffisance, & lesquels ont estē les plus fauoris de celuy qui commandoit.

Si quelques Seigneurs, & des mieux aimez de sa Maiestē ont fait cas de cōplaire au R. de N. & de luy procurer sa grādeur, est-il croyable, qu'au faict

& au prendre ils aimasēt mieux renōcer à Dieu, à leur religiō & à l'affectiō qu'ils portēt au Royau-  
me & au seruice du Roy, que d'abādonner le party  
de l'heresie à l'appetit, peut estre, de quelques c-  
umulatiōs de Cour, que le tēps emporte avec soy?

Si vous dites que si sa Maieſté a eu agreable les  
desseins & pretentiōs du Sieur Cardinal de Bour-  
bon, des Princes & Sieurs de la Ligue, qu'elle de-  
uoit donc declarer ledict Cardinal de Bourbō ou  
autre pour son successeur, & le R. de N. ou tout  
autre heretique exclus, incapable & indigne. Nous  
vous prions quelle necessitē, y a-il de decider de ce  
point, deuant qu'il soit arriuē? Ne peut-il pas ad-  
uenir infinis cas qui peuuent faire que cest article  
sera vuidē de soy-mesme? Pourquoy empirera-on  
les iours deuant qu'ils soient? Pourquoy est-il dit,  
que le Roy n'aura point de lignee? Qui a parlē à  
Dieu, pour le ſçauoir? Pourquoy faut-il que le  
Roy face ce plaisir au R. de N. de se laisser mourir  
deuant luy? Vn ou deux ans qu'il a de plus, luy doi-  
uent-ils donner tant à penser à sa succession? N'en  
a-on pas veu d'aussi ieunes que le R. de N. demeu-  
rer en chemin, & s'en aller les premiers? Sa Maie-  
ſté ne peut-elle pas viure si longuemēt, qu'il pour-  
ra faire mourir l'idre de l'heresie deuāt? C'est cho-  
ſe, ſauf la correctiō des plus sages, qui nous ſemble  
fort adiafore & indiferante. Combien que nous  
ſçachions, qu'en plusieurs Royaumes biē reiglez,  
voire ſuccellifs l'ō aye vſē ſouuēt de la nominatiō  
d'un ſuccesseur, lors q l'on y a preueu quelque diſ-  
pute, pour l'opinion qu'ils auoient qu'autrement  
l'eſtat eſtoit en grād hazard & danger. Auſſi (com-  
me nous teſmoigne noſtre autheur François en ſa

4. Poincts  
Que le R.  
de N. eſt  
inhabile de  
la Courōne  
de France,  
par voye  
de droit  
& raiſon.

Nulla ne-  
ceſſitē de  
declarer le  
ſuccesseur  
au Roy.

Republique, voz Estatz d'Angleterre ne font cōtinuellerment autre requeste à la Roine, & singulierement en tous les Parlements depuis 20. ans, sinō qu'il lui plaise ne se voulat marier declarer pour sō successeur le Côte Hutingrou, & apres luy le Duc de Norfolk, ou autre qu'elle iugeroit pl<sup>9</sup> à propos.

Toutefois il doit suffire à vn chacun que le Roy par son Ediēt de la re-vniō remet les loix anciennes du Royaume & de la religion Catholique cōtre l'heresie, en leur premiere auctorité, & qu'il chasse & bannit tout heretique du Royaume. Car c'est assez bien claiement chasser le R. de N. & tout autre heretique de la France de charge publique & de la Couronne royale, pour y appeler tout autre Cath. le plus proche de l'estoch, mais le suiuant la custume. Et quand biē le Rōy l'eust faict plus notamment & specifiquement, quel aduantage y auroit gueres plus l'estat & les Catholiques? La passion de l'interest des particuliers separé du biē public nous doit elle auengler? Mais le Roy peut-il instituer son successeur, y peut-il appeler celui, qu'il luy plaira? Peut-il alterer les loix anciennes & fondamentalles de l'Estat, qui appellent les vns à la succession, & excluent les autres? Vne loy ou ordonnāce particuliere qu'il pourroit faire, pourroit-elle empescher le cours des loix vniuerselles & fondamentalles: ains au contraire ne seroit-elle point d'autant plus inutile ou nuisable, qu'elle seroit suspecte de precipitation, ou de force, ou d'autre semblable obieēt?

N'est-ce pas chose certaine & indubitable, que quant aux loix, qui concernēt l'estat du Royaume & l'establissement d'iceluy, d'autant qu'elles sont

annexees & vnies avec la couronne, & l'obeïſſance du ſubieſt, le Prince n'y peut aucunemēt déroger? Car quoy que ceſt Eſtat ſoit commādē par vn Monarque qui ne peut auoir les mains liees, toutefois il faut dire, cōme ce Romain Valerius, Qu'il y a des loix inuiolables, pour le perpetuel profit de la Republique, d'autres ſeulement neceſſaires pour quelque temps, Que celles-là ne meurēt iamais, & que celles-cy ſont mortelles, ſelon les diuerſes occurrences. Et de la premiere eſpece ſont les Loix Royales, & qui concernent l'Eſtat du Royaume, qui eſt vny & annexé avec la religion catholique. Et quoy qu'il face pour vn tēps, toujours luy & le ſucceſſeur peut caſſer ce qui aura eſté fait au preiudice des Loix du Royaume: & ſur leſquelles eſt appuyee & fōdee la Maieſté & puissance ſouueraine & du Roy & de Dieu. Car comme c'eſt autre choſe des Loix de l'Empereur, que de celles de l'Empire, auſſi autre choſe eſt des Loix du Roy, autre des Loix du Royaume. Car celles-cy, comme elles ne peuuent eſtre faites qu'en aſſemblee generale de tout le Royaume, ou en diete Imperiale, ou qu'elles ſont confirmees par longue uſance, auſſi ne peuuent-elles eſtre changees ne alterees qu'au pis aller, avec meſme ſolemnité, & ſans neceſſité ou euidente vtilité cōme recognoit meſme le R. de N. en ſa Declaration.

Premierement y a-il Loy, ſoit eſcrite, ou nō eſcrite, plus naturelle, plus fondamētalle, ancienne, & vniuerſelle, de tout le mōde, que la Loy de Religion? Y a-il Loy plus vnice, eſſentielle, incorporee, & inſeparable de ce Royaume, que la Loy de Jeſus Chriſt, où la Loy chreſtienne & Catholique,

*Loy du roy  
aume in-  
uiolable.*

*La Loy  
Chreſtienne  
eſt la Loy  
de religion  
et du Roy-  
aume.*

(ce n'est tout qu'un? Car si Iesus Christ est la baze, le soubazement, le fondemēt & l'appuy principal de tout estat, & la source originelle de la maison & verité, qui sont l'ame & l'essence de toutes les bonnes Loix, celuy qui se dit chrestien, peut-il nier sans impudence & impieté manifeste, que sa Religion & la Loy chrestienne ne soit Loy, & la principale, & fondamentale de l'Estat, de la Monarchie, de la police de toutes les Loix, & de tout

" ce qui en depend? La cōstitution de nostre Repu-

" blique (disoient les Empereurs Theodose & Valē-

" tinian à S. Cyrille Archeuesque d'Alexandrie) de-

" pend de la Religio & pieté qu'on doit à Dieu. Ce

" sont deux choses qui sont cōnexes & accouplees

" ensemble d'une grande societé & consanguinité:

" l'une croist par l'accroissement de l'autre, de sorte

" que la vraie Religion resplēdit du deuoir & affe-

" ctiō de Iustice: & la Republique est florissāte estat

" aidée de l'une & de l'autre ensemble. C'est ce que

" nous vouloit signifier nostre feu Charles neufies-

" me d'eternelle memoire en sa devise par Pieté &

" Iustice, representee par l'entrelasement des deux

" colonnes, sçauoir que les deux principales Loix,

" fondemens, soustiens, & colonnes de ce Royau-

" me, ce sont celles qui concernent premièrement la

" Religion, & puis la Iustice. Se peut-il douter que

" la Loy chrestienne & catholique n'aye esté receüe

" & entretenue & avec ce Royaume dès son enfance?

" Se peut-il douter, que nos anciens Roys, Prin-

" ces, Pairs, Ducs, Seigneurs, Officiers, Magistratz,

" les trois Estatz, les Cours de Parlement, & gene-

" ralement tous nos ancestres n'ayent esté depuis

" Clouis, chrestiens & catholiques (nous ioingnons



y volontiers ces deux epithetes & qualitez, pour  
 ouier à toutes tergiuersations & disputes de  
 mots, n'y ayant autre difference si ce n'est, comme  
 & tres-bien Pacianus Euesque de Barcelonne,  
 Que Chrestien, est nostre nom, Catholique est le  
 nom : celuy la fait qu'on nous appelle, cestuy  
 y qu'on nous cognoisse, celuy la nous fait remar-  
 quer, cestuy cy nous faict approuuer: celuy la pro-  
 uient de ce que nous croyons en Iesus Christ, ce-  
 luy cy de ce que nous y croyons selon que l'E-  
 glise catholique enseigne: celuy la nous distingue  
 des Iuifs & infideles, & cestuy cy des Heretiques.

Se peut il douter, que la Religion chrestien-  
 ne n'aye esté receue & approuuee pour la Reli-  
 gion du Royaume, non seulement pour les parti-  
 culiers, qui voudroyent y adherer, mais pour tout  
 le corps mystique du Royaume, & en qualité d'un  
 Estat vny, formé, composé, & concurrent en mes-  
 mes loix & singulierement en vne mesme loy de  
 Religio? Si peut il douter, disons nous, qu'elle n'y  
 aye esté non seulement soufferte, mais aussi auto-  
 risée & commandee par ordonnance publique  
 de nos Roys, receue, emologne & confirmee, en  
 pragmatique par ordres, & par toutes les assem-  
 blees generales, & prouinciales des Estats & com-  
 munautez de France? Et qu'elle n'aye esté faite &  
 reduitte en loy vniuerselle de tout l'Estat du Roy-  
 aume, pour tousiours & vn iamaiz, c'est à dire,  
 qu'il n'a pas esté seulement permis par loy publi-  
 que du Royaume, de croire en Iesus Christ, se-  
 lon la tradition & instruction de l'Eglise Cathol.  
 Apo. & Ro. ou selon que chacun la voudroit cō-  
 ceuoir, & s'y voudroit volōtairement obliger &

*Difference  
 entre Chre-  
 stien &  
 Cath.*

*La Loy  
 Chrestien-  
 ne sert de  
 Loy & cō-  
 mandemēt  
 sur le Roy  
 & sur le  
 peuple.*

astraindre, suivant la liberté, qu'il pourroit prétendre de sa conscience: mais aussi qu'il à esté enjoint & ordonné generalemēt, & specifiquemēt à tous, & vn chacun, de quelque sexe, qualité, & condition qu'ils soient, de receuoir en eux mesmes, en leur vie. & actiōs exterieurs, la Loy & la Foy Chrestienne & Catholique, d'en faire demonstration & exercice public, & de la conseruer iusques à la mort, souz les peines, rigueurs, & seueritez, que les loix Roiales, ciuiles, & temporelles ont accoustumé de contenir, & notamment de la priuation de tous biēs, & de tous grades de l'estat, & de tous honneurs publics, voire iusques à la peine du dernier supplice.

La seule reception du Baptisme, & conuersion particuliere à la Foy Chrestienne, n'emporte, & ne cōprend elle pas en soy mesmes vne obligatiō expresse & inseparable d'honorer & seruir Iesus Christ & sa Religion de toute nostre ame, de toutes nos pēsees, & de toutes nos falcutez? Nos Rois donc, nos Ducs nos Magistrats, & autres nos maiēurs, de ce seul qu'ils ont creu en Iesus Christ, n'ont il pas promis, & ne se sont ils point obligez par expres, chacun en son endroit, de consacrer & soub-mettre au seruice & obeyssance de la Foy (comme parle S. Paul) & de la Religion Catholique tout leur regime, gouuernemēt, autorité, pouuoir & auoir, voire leur propre vie?

La seule reception & auctorisatiō, que tout le gros & le general du Roiaume à fait de la foy & religion Catholique, quād il n'y auroit autre loy & cōmādemēt, sur tous ceux du Royaume, n'ēporte elle pas avec soy ceste expresse, generale & particu-

liere obligation , comme par contract avec Iesus Christ & l'Eglise , & entre eux mesme de la recevoir & tenir pour l'unique & seule religiō du royaume:& partant le Roy de ne vouloir regner , & le peuple avec les Princes & Officiers de ne vouloir desormais recognoistre , n'y obeir à Roy n'y Seigneur autre, que Catholique & selon que la loy chrestienne commāde ou defend. Et tous ensemble ont promis tacitement ou expressement, & autant que cela est necessairement conioint & contenu en la nature de la loy Chrestienne, de conseruer & regler par icelle la Monarchie , la Republique , la Iustice, la Police & la milice, & generallemēt tout l'Estat:& de viser & mirer deuāt & sur toutes choses à l'entretienemēt & augmentatiō d'icelle seule toutes loix, ordonnances, arrests, polices, reglemens, forces, armes, biens & generallement tout ce qui deppend de la disposition & des moyens du Roiaume, pour y faire viure par actes exterieurs vn chacun, tant le Roy, que les subiets, tāt le chef, que les membres, tant les Officiers, personnes d'Estat, & publiques, que les Princes & particuliers tant tout le gros du royaume, les corps des villes, & toutes les communautēz, que les particulieres familles & maisons.

Si d'abondāt ils en ont fait vne loy d'estat & vn commādement & ordonnāce expresse & generalle qui à esté approuuee & formee par laps de plusieurs siecles sās interruptiō obseruee & pratiquēe inuiolablemēt par & pour tout le royaume, & sur tous ceux, qui sōt regnicoles, & qui fōt part en l'estat, à ce qu'ils soiēt tenus & obligez d'estre Cath. & d'en faire profession, qui peut douter qu'ils

*La loy qui commande l'observation de la Religion Cath. à esté gardee tant de siecles en France que le Roy & ses subiects la doivent garder violemment.*

n'ayent souz-mis & assubiecti souuerainement par telle loy tout l'estat à Iesus Christ tant en general qu'en particulier? Ou qui osera nyer, que telle loy de la nation & de l'estat n'oblige non moins leur posterité & successeurs, que les premiers auteurs & ceux de leur siecle, & aussi estroitement que la loy Salique ou autre quelconque loy du Royaume peut faire, pour estre tous les François, & notamment tous ceux, qui voudroient iamaïs auoir part à leur succellion, & iouir des prerogatiues, grades & charges du Royaume, & qui singulierement voudroient succeder à la Couronne, & à tant de Roys catholiques astraincts & tenus par ceste loy d'estat à l'obseruation & creance de la loy & foy chrestienne & catholique; & ce souz les peines temporelles humaines, politiques, & lesquelles deppendent de la iurisdiction & auctorité seculiere?

*Si la religion est loy au tēporal donc elle contient des peines au temporel.*

Car s'il y à aucune loy de religiō faicte en ce royaume il y à donc des peines cōtre les contreuenās: car iamaïs ny eut loy sans sanction, c'est à dire, cōme expliquent nos iuris cōsultes, sans que sur la fin d'icelle, il n'y eut aposition de peines cōtre les desobeisās. Puis q̄ c'est vne loy de tout le royaume & sur toute sorte de gens, & singulieremēt sur ceux qui sont la teste, la face, & le visage du royaume, & lesquels ont la charge de le représenter tel qu'il est, elle ne peut contenir autres peines, que celles, qui cōcernent l'estat du royaume, & dōt toute sorte de gēs d'iceluy se puissent res sentir. Cōme la loy est dictē ciuile, qui contient les peines, lesquelles tōuschēt la cité & les honneurs, cōmoditez, ou incōmoditez de ville & de bourgeoisie. Qu'elles el-

es sont & nos histoires, & tous nos liures le tes-  
moignent assez : c'est à sçauoir de la priuation &  
exclusion de tous honneurs, rances, biens de la par-  
tie, de la conuersation des hommes, finalement du  
dernier supplice & le plus souuét du feu, confor-  
mement aux constitutions & loix imperialles, qui  
en ce faict ont esté autorisées par les Roys & tout  
le Royaume. Car pour le regard des peines, qui  
touchent le faict de la conscience, de l'excommu-  
nication de l'anatheme & autres peines spirituel-  
les qui chassent les gens de l'Eglise, & les rendent  
subiects à la damnation eternelle, & aux peines de  
l'autre vie, tous les François Roys & subiects y  
estoyent desia asses obligez, aussi bien que les au-  
tres nations par la seule auctorité de la loy Chre-  
tienne, & comme estant icelle loy de Iesus Christ  
le vray Dieu, sans que pource il fut besoin d'autre  
loix humaine, ou cōmandement temporel ny mes-  
mes sans le consentement ou autorisation de la na-  
tion. D'autant qu'il n'y à point de salut, qu'en Ie-  
sus seul, & que tout genouil luy doibt fieschir tost  
ou tard de bon gré ou malgré.

Si donc outre les peines cōprinſes & specifiees  
en la loy Chrestienne, le Roy est subiect en conse-  
quence de la loy du Roiaume, qui oblige tous & les  
mesmes que la loy Chrestienne, aux peines tempo-  
relles d'icelle, quelle difficulté y a-il, qu'il ne soit  
pour le moins par icelle priuable & dimissible en  
cas de cōtraire religiō, d'heresie ou apostasie ? & à  
quel forte raisō que celuy, qui est tel ne soit inhabile  
& incapable de recueillir la successiō du Royau-  
me, & d'y pouuoir iamais paruenir : si ce n'est en  
violāt nō seulemēt la loy Chrestienne, mais aussi la

*Le Roy  
subiet aux  
peines de la  
Loi de Re-  
ligion.*

loy du royaume touchant sa religiō ? Car si le Roy n'est exempt de la loy Chrestienne, n'y donc aussi de ceste loy du Royaume. S'il n'en est point de ceste-cy, ny donc des peines y contenuës. Si des peines sur les corps & sur les biens: celles sur les biens

*Les Roys contrene-  
mans à la  
loy qui les  
oblige d'e-  
stre Cath.  
peuvent e-  
stre depo-  
sez & ex-  
clus du  
Royaume.* sont les moindres: donc le Roy ou quicōque peut pretendre à la Royauté, ne peut recevoir moindre peine en contreuenāt à ceste loy du Roiaume, que la deposition ou l'exclusion. Tellement que par la & le Roy & tous les François, non seulement peu- uent, mais sont obligez à estre Catholiques, selon, & à la façon, que l'Eglise Cath. Rom. l'entend, & à ne recevoir ny tollerer autre, non seulement cō- me bons Chrestiens, & autant que la loy Chre- stienne le commāde à tous, souz telles peines, qui s'executent en l'Eglise & par Dieu mesmes: mais aussi comme bons François, & autant que la loy de la nation des François, qui est incorporee en leur Royaume, le veut & l'enioint ainsi soubs tel- les peines, qui s'executent sur le temporel & en ce qui est du mode. Aussi que par la religiō Chrestie- ne nos Rois, nos Peres & tout le royaume, n'aiēt receu ny entēdu autre religiō, que celle des Catho. c'est à sçauoir celle, qui à retenu & retient la foy & doctrine de Iesus Christ, selon l'interpretation & sens de l'Ecriture sainte, receu & presché notā- ment en l'Eglise Romaine, pour l'vnion & cōfor- mité continuelle, qu'elle a, & que Iesus Christ luy à promis qu'elle auroit avec toute l'Eglise Cathol. Aposto. & selon la pratique exterieure & apparē- ce de ses saintes ceremonies, actes & exercices vi- sibles de religion, il n'y a personne ( comme nous dirons ) qui en puisse douter, s'il n'a les yeux du

out creuez. Si bien que pareillemēt nous ne pou-  
 rōs point douter, que Clouis, Charlemaigne, Hu-  
 que Capet, & leurs successeurs n'ayent faiēt & or-  
 donnē mesme loy de religion en France, ou pour  
 mieux dire, qu'ils n'y aient maintenu & comman-  
 dé la mesme loy de religion, qu'ils y ont trouuee,  
 receue, & publiee par les Empereurs Gratian, Va-  
 rentinien, & Theodose, comme elle estoit aussi par  
 toute l'estendue de leur Empire, contenant Que  
 tous eussent à retenir & obseruer la mesme reli-  
 gion, que la continuelle obseruance de religion  
 dans Rome monstroit que sainēt Pierrey auoit  
 laissé, & laquelle estoit suiuiue pour lors par Da-  
 nase l'ape de Rome, & par Piere Patriarche d'A-  
 lexandrie en Egypte, voulans que ceux qui tien-  
 roient la mesme religiō, qu'eux fussent dits Chre-  
 tiens catholiques & tous autres, comme gens for-  
 rmez & hors de sens dits heretiques, & qu'ils fus-  
 sent subiects aux peines temporelles, outre la pu-  
 nition diuine. Et Iustiniā à iugé ceste loy si impor-  
 tante & fondamentale des loix de l'empire, qu'il  
 bien voulu commencer par elle la premiere loy  
 de son Code.

De dire que ceste loy de religiō sur le Royaume  
 de la nation Frāçoise ne peut riē sur le Roy, ny sur  
 une personne, ny sur son estat que par directiō, & nō  
 par correction: que par conseil, & nō comme loy,  
 cela est trop ridicule, impie, & insoustenable. Car  
 la loy publique de l'ēpire & du royaume, qui à cō-  
 mādē, que la religion Chrestienne seroit deormais  
 la religiō de tout ce royaume, tāt s'en faut qu'elle  
 ve voulu en rien deroguer au cōtenu & à l'auto-  
 rité de la loy chrestienne, & à la submission & obli-

gation, qu'encourent ceux, qui la reçoivent de leur franche volonté, qu'elle à pensè plustost à l'amplifier. Elle n'en dispence ny soubstrait aucun de tous ceux, qui y sont comprins & subiets à l'observatiō d'icelle, comme sont generalemēt, sans aucune exception, tous les hommes grāds & petits, les Roys aussi bien que les subiects. Mais seulement elle declare tous les François, & chefs, & membres & officiers du Royaume, estre subiects à Iesus Christ & non moins obligez soubz les peines temporelles, à l'observation de sa Loy Chrestienne, selon le sens, explication & conformité de l'Eglise Catholique, Apostolique & Romaine que à toutes les autres loix du Royaume, des Roys de l'estat & ciuiles. Elle ne diminue n'y altere aucunement la nature de la Loy Chrestienne, n'y les peines escrites, & dependantes d'icelle, contre les trāsgresseurs & desobeissans: mais seulement elle y adioust de surcroy cōtre iceux les peines temporelles, & desquelles & les Roys & les Royaumes, & les Estats peuuent disposer & y soub-mettre tous ceux de leur destroit, selon le droict diuin, de nature, des gens, & ciuil.

Si donc la Loy Chrestienne & Cath. à esté receue pour loy du Royaume sans changemēt de sa nature de loy, & sans limitation, reseruation, exceptiō, ne sans modification quelcōque (car cela seroit vne trop grāde impietè & entreprinse sur l'autoritè & iurisdiction de Dieu) ains avec toutes ses clauses, extensiōs, pouuoirs & autoritè, brief selō sa nature, forme, & teneur: si elle cōmande sur les Rois, elle est dōc aussi biē receue en Frāce sur eux, que sur les autres. Si outre qu'elle parle du propre office  
du



du Roy enuers le seruice de Dieu, elle commande indubitablément, que toute personne, quelle qu'elle soit, aussi bien donc le Roy, que le moindre soit chrestien & Catholique: que quicôque se fera vne fois souz-mis par le Baptisme, & en aura fait vœu, promesse, & profession publique & apparête, soit cōme particulier, soit cōme officier, ou en corps de communauté, s'il y manque par heresie, ou par apostasie, qu'il soit contrainct par tous moyès humains à tenir sa foy & promesse au public: mais principalement à Iesus Christ, qui est tenu & receu pour le vray & souuerain Seigneur du pays, du Royaume, & des Roys ensemble.

Comme nous voyons que chacun de noz Roys prend sa particuliere deuise, aussi tout le Royaume en a vne, qui luy est propre & speciale, c'est à sçauoir vn Dieu, vn Roy, & vne Foy (où loy de religion) l'Estat ne peut estre & demeurer le mesme sans ces trois choses ensemble, qui luy sont essentielles & necessaires pour sa composition & construction naturelle. Il n'est pas moins necessaire, ny aussi moins ordonné par la loy du royaume qu'un Dieu & vne religion soit receuë & recogneuë au royaume, de tous tant Roys q̄ subiects, qu'il est requis & besoin, que tous les subiects recognoissent vn Roy. Nous voulôs dire, qu'il n'est pas plus necessaire ny ordonné de noz maieurs l'entretenir & cōseruer en ce royaume la Monarchie, que la religion chrestienne & Catholique. Et cōme si noz Roys ou autres, quels qu'ils soient, vouloient faire plusieurs monarchies d'une, ou chāger l'estat de monarchie en vn estat d'aristocracie, où lymoracie, nous ne douterions pas leur dire en

*La deuise  
du Royau-  
me.*

face, que la loy du royaume est pour ce regard sur eux, qui les en empesche: & laquelle dōne permission de droict à vn chacun, ou pour mieux dire à ceux qui ont la tutelle & garde du Royaume pour le deuoir de leurs offices & charges de l'estat, soit les Cours de Parlemens, soit les Estatz generaux, ou autres qui ont de ce pouuoir, de s'y opposer iustement.

*La loy de  
religiō in-  
violable.*

Aussi certainemēt nous ne doutōs point de dire, q̄ si nōz Roys vouloiēt viurē en autre loy de religion, que de la catholique: ou changer l'estat du royaume, qui est chrestien & tres-chrestie, en celui d'infidelité ou d'heresie, qu'ils ne le peuuent nom plus: ains que nous, ou pour mieux dire, que tout l'estat s'y doit opposer directemēt, La loy de religiō & la loy de monarchie vont ensemble & de mesme pied & auctorité. Si celle-là n'est certaine, ny ceste-cy aussi: qui se licēcie en l'vne, se peut aussi iustement licentier en l'autre, selon les loix humaines & diuines. S'il n'est permis ny à Roy ny à peuple de s'opposer ou se departir de la monarchie Françoisē, ny aussi pareillemēt de l'vniō de la religion Françoisē. Si faisant autrement, l'on est subiect aux peines de celle-là, l'on en doit estre à plus forte raison à celles de ceste-cy: & ce d'autant plus, qu'outre l'antiquité & l'auctorité de la loy du royaume, celle de la loy de Dieu y est conioincte & par dessus, ou l'autre n'a pour soy que la seule antiquité & l'institutiō des hōmes, & icelle toutefois si frelle, que durāt quasi la premiere famille de nōz Roys par l'espace enuiron de 300. ans nous lisons trois & quatre Roys de France souuerains ensemble, & autāt de monarchies en mesme tēps,

& quasi par tant de fois, cōme il y auoit d'apana-  
ges à faire. Mais il n'y a eu tousiours qu'une seule  
& mesme loy de religion du royaume entre tous,  
& obseruee esgalement de tous ces Roys & de  
leurs peuples pour loy de tout l'Estat François.

De là, & d'autres plusieurs raisons nous appre-  
nons que nō sans cause tous noz peres ont estimé *La loy de religion est la loy fon-*  
la loy du royaume, touchāt la religion cath.estre *damētale.*  
non seulement la loy de religion du royaume,  
mais aussi la loy fondamentale, & principale de  
toutes les loix fondamentales & principales de  
tout l'estat de l'auctorité du Roy, de l'obeissance  
du peuple, de l'executiō & obseruāce des loix, de  
la reuerence enuers les Princes, Seigneurs & Ma-  
gistrats de la crainte de mal faire, de l'amitié mu-  
tuelle entre les subiects, de la iustice enuers tous,  
& de l'employ des forces à la conseruatiō des bōs  
(sçauoir Catholiques) & à l'extirpation des au-  
tres. C'est pourquoy il ne se trouue point parmy  
les annalles & histoires, ny parmy les archiues, pā-  
cartes, & registres anciens Roy quelconque, ou  
aucune assemblée generale ou particuliere d'estat,  
qui n'aye tousiours commencé à parler ou ordō-  
ner en premier chef (à l'imitation de Platon, & de  
tous les grands Legislaturs & constructeurs des  
republicques) sur l'observation de la religion cath.  
& du seruice diuin, selon icelle, & sur l'extirpation  
de tous abus, erreurs, & heresies ses contraires. Les  
anciens Conciles d'Orleans, de Tours, de Soisōs,  
de Paris, & autres souz Clouis, & nos premiers  
Roys, que les Roys & le royaume ont receu, &  
ausquels ils se sōt souz-mis, aussi les anciēnes loix  
de France, qui sont compilees es chap. de Charle-

magne & de Loys Debónaire en font bonne foy.

Noz anciens pareillement se sont plus formalisez pour ceste loy de Relig. que pour toutes les autres. C'est sur celle-là, qu'ils ont fondé la cause & le droit de leur souveraineté & Royauté, lors que ils se sont distraits de l'obeissance de l'Empire. C'est pour celle là; & non autre, que leur Roy avec tout le peuple se trouue auoir prins les armes, & fait la guerre le premier de tous les Roys chrestiens du monde, & plus souuent que tous iceux ensemble. C'est pour celle-la & en haine de l'heresie son contraire, que deuant qu'ils eussent des Roys, ils ont tasché d'auoir vn chef ou Empereur cathol qui les y peut maintenir. C'est pour celle là, & en horreur del'heresie, que la France se trouue de toutes les regions & nations du monde la premiere auoir condamné à mort, & au dernier supplice les heretiques, tesmoin Priscilianistes enuiron l'an 415. Comme aussi c'est l'vnique, & la seule nation du monde, qui estât encores Payenne, n'a iamais esté ennemie de la religion chrestienne, dit Charles Martel dans Paul Emile. C'est finalement la seule Loy, par la reception & souz-mission à laquelle, tous les plus grâs ennemis des François ont tousiours appaisé en guerre leur plus grande colere & fureur.

*Toutes  
charges de  
l'estat fon-  
dez en la  
Religion.*

C'est sur la protestatiō & professiō de ceste loy chrestienne & catholique, que tous les principaux actes du royaume, & de tous ceux qui y sont, en quelque estat & preeminēce, se cōmencent & paracheuent. C'est sur la profession & serment de foy en Iesus Christ & à l'eglise catholique, c'est sur le signe de la Croix, sur la deuotiō de la sacree messe,

& sur les autres saints exercices de la religiō cath.  
que cōsiste la principale forme, gloire, solemnité,  
& ceremonie des charges & actes du Royaume.

C'est par la, que toutes les cōpagnies, assembléees,  
& cōmunautéz de l'estat & des prouinces, & villes  
particulieres cōmencent leurs deliberations, & re-  
solutions. C'est par la pratique de ceste loy, que  
tous les principaux officiers & Magistrats, tant du  
Royaume que des ressorts, Seneschauces & villes  
prennent leur installation, approbation & confir-  
mation. C'est par les actes de ceste loy de religion,  
que tous ceux qui ont charge publique, cōmencēt  
de sortir en euidence, & à se faire premierement  
cognoistre catholiques, qu'Officiers. C'est pour  
le respect de ceste loy, que la publication, rece-  
ption, & confirmation des Officiers, & leurs pre-  
mieres entrees & salutations és villes ont esté ob-  
seruees, & faictes de toute ancienneté dans les E-  
glises durant la Messe, deuant ou sur le grād autel,  
sur les saints Euangiles, sur le *Te igitur* ( qui est le  
Canon de la Messe ) sur le Crucifix, sur la Passion  
figuree, sur les reliques, deuant les Prestres & Ec-  
clesiastiques, & par l'inuocation du Dieu du Roy-  
aume sur eux, & parmy tant d'autres actes & cere-  
monies de la religion catholique, qui ne peuvent  
signifier & emporter autre chose, fors vne pro-  
fession publique, qu'ils font de la foy catholique,  
& vne promesse faite de bouche, des piedz, & des  
mains de viure, cōme Officiers & personnes pu-  
bliques, & membres de l'estat, en l'obeissance &  
fidelité de la loy de religion, conformement à la  
loy & vñance chrestienne & catholique. Bref, de  
s'aquiter aussi fidelement de leur charge en l'ob-

seruation des autres loix politiques & ciuiles, que ils tiennent la loy de religiō pour la principale de leur charge & qu'ils ne croient rien si veritable que Iesus Christ Dieu & homme, que sa loy, que ses Euangiles, que sa passion, & la religion catholique: ny nulle autre fienne & vraye Eglise, que celle qui vse & obserue & la Messe & les autres saintes ceremonies & exercices.

*Les Offi-  
ciers ne s'ot  
receuz que  
comme ca-  
thol.*

Le peuple aussi & ceux de l'Estat, qui ne les recoiuent & recognoissent pour officiers que suiuant telle formalité de religion, & autant qu'ils se declarent catholiq. monstrent assez combien pour leur regard il est necessaire qu'ils soient tels, afin qu'enaine conscience, & la loy principale du royaume & de la nation sauue, ils leur puissent obeir & rendre l'honneur à leur personne, que tel office requiert, tesmoignans tous ensemble que pour estre officier, & faire legitiment part en l'Estat public du royaume, l'on ne doit pas estre moins catholique, que François & homme, ains beaucoup plus soigneux d'observer la loy de religion, suiuant le christianisme, que nul autre de la police humaine. Tellement que selon cela la religion chrestienne est meslee avec tous honneurs, respects, & seruices qu'on doit au Roy, aux Princes, & aux Magistratz: la foy catholique est conioincte avec la reuerence qu'on doit aux loix, Edicts, Ordonnâces, Arrests, & coustumes: & toute charge & fonction temporelle & de l'estat du royaume, est fondee sur la loy de religion, & la foy catholique. Et s'il nous est permis de parler ainsi elle ne sent que le Papisie & l'Eglise catholique, Apostolique, & Romaine, à fons de cuue. Nous laissons

comme l'observation des iours de festes, d'abstinence, des processions, & des mariages, & autres choses concernant la société humaine, est reglée & suivie en la police temporelle. Bref, comme les saints Decrets & tout le cours Canon sont pratiques cōme les autres loix du royaume par les Officiers & Magistratz, le tout en conséquence de ceste loy de religion fondamentale de l'estat & de toutes ses autres loix, auxquelles elle donne pied, fondement, vigueur, force, sens, & explication.

Et pour nous restreindre à nostre hypothese, Pour quoy est-ce, que noz peres en la publication & reception du Roy, tant en son sacre, qu'en ses premieres entrees des villes capitales, & deuant qu'il puisse estre receu és Parlements, ou estre aussis au throsne & liēt de Iustice, ont institué de toute antiquité qu'il soit receu premierement dans les Eglises, & avec tant de processions & saintes observations & ceremonies prinſes de la foy & loy chrestienne & catholique? Que ses premieres oronnances se facent contre les blasphemateurs, & pour l'observation de la loy chrestienne & catholique sinon pour signification, que le Roy par la loy de l'estat & propre constitution & fondement de ceste Monarchie & de sa dignité ne peut estre Roy, qu'il ne soit chrestien & catholique? A cela principalement tend le saint sacre de l'huile huoyee du Ciel (tesmoin Aimonius) le sermēt solennel & le courōnement, qui s'observēt en la receptiō & installation de noz Roys, laquelle se fait non en camp, cōme anciennement, mais dans l'Eglise, durāt la Messe, deuant le grād Autel à deux genoux, & par les mains & entre les mains d'un Pre-

stre, ou, pour parler plus proprement de l'Archeuesque de Reims, & autres Pairs Ecclesiastiques, & sous le seau de la sainte communion du precieux corps & sang de Iesus Christ.

*Sermēt du  
Roy auant  
receuoir la  
Couronne.*

Car par le serment solennel qu'il faict entre les mains de saint Remy, en la personne de l'Archeuesque de Reims son successeur, apres qu'il luy a expliqué le sommaire de la foy catholique, & qu'il l'a interpellé, s'il la croit, & specialement s'il la veut soustenir & deffendre, & qu'il a respondu,

” ouy. Il promet & iure mettant la main sur le liure

” des Euangiles, & signe de sa main par mots expres

” de faire viure le peuple en vnion, souz l'obeissance

” de Dieu & de son Eglise, de trauailler de bonne foy à chasser & exterminer de ses terres tous heretiques, & notamment de deffendre, cōme vn Roy doit les Euesques, & leurs Eglises, & de garder à l'Eglise de Dieu tout le peuple chrestien.

Qui est autant que rēdre la foy, fidelité & hōmage à Dieu & à Iesus Christ de sa Royauté, & faire non seulemēt promesse solennelle à son peuple, mais vœu à Iesus Christ deuant son Ministre & Procureur, en ceste partie l'Archeuesque de Reims & à l'Eglise d'employer sa Royauté à son seruice, de luy estre fidele vassal, & de ne pretēdre, n'accepter, ny demander la coutonne, que sous ceste condition expresse & specifique, de la seruir, d'estre catholique, & de deffendre contre tous heretiques, ses speciaux ennemis la foy du royaume, & icelle chrestienne, non au sens que chacun heretique y voudra dōner, mais en la façō & selō que saint Remy l'a enseigné à Clouis, & que les Roys & lesdits Archeuesques de Reims leurs suc-



celleur (autant en la doctrine de foy, qu'en auctorité) ont tenu & tiennent de main en main, & de l'un à l'autre iusques à ce iour la, conformément à l'Eglise Rom. & Cath. promettant ne contrevenir iamais au contraire de telle confession de foy & serment. Lequel est de si grand efficace que plusieurs ont soubstenu, que le Roy ne doit iamais faire pour ce regard en l'édroit de ses subiets autrement que cestuy solennel: mais qu'il suffit qu'il promette seulement en parole de Roy, comme étant sa parole approuvée pour foy certaine, par le serment fait à son sacre.

Par l'onction & sacre qui ne se fait, qu'après le serment & la profession de la foy Catholique & autant que le Roy futur se declare tel, il consent estre séparé du commun, tant des autres Roys profanes, que des particuliers du peuple, Princes & autres pour estre sanctifié, consacré, & destiné à une fin & intention sacrée, & sainte, c'est à sçavoir à servir Dieu, Iesus Christ & son Eglise en la charge de Roy & comme Roy recognoissant & confessant d'estre obligé par le deuoir de Roy à ce, non ce, qui est de l'office des Prestres, qui sont ordonnez comme luy, mais faire à mesme fin qu'eux, & à sçavoir pour la gloire de Dieu, de Iesus Christ, & bien de son Eglise Catholique, comme c'est la fin principale & le dernier but des Roys du Royaume. Ce que les autres Roys non seulement ny chrestiens font pour la seule consideration purement politique, profane, terrestre, & de l'estat mondain, sans autre finale intention de servir Dieu.

*Sacre du  
Roy.*

Sur le couronnement qui se fait après la declara-

*Coronement du  
Roy.*

tion d'estre catho. & apres l'onction (combié qu'il  
deut preceder, n'estoit qu'on a voulu signifier, que  
la loy de religion y sert & est plus considerable en  
ce, que celle du sang & de la nature) de la main du  
dict Archeuesque, les Pairs y prestant la leur qui  
est le principal & premier acte de l'installation &  
possession de la Royauté, il confesse recevoir &  
accepter sa Couronne & son auctorité non seule-  
ment du consentement & de la translation ou de-  
mission naturelle, que le peuple a fait de sa puis-  
sance aux Roys & à leur famille & posterité, ou  
côme le plus proche par succession, mais princi-  
palement comme chrestien, de la main de Iesus  
Christ qui a esté constitué le Roy & souuerain Sei-  
gneur du Royaume, & duquel l'Archeuesque est  
ministre, & tous eux les seruiteurs: & au seruice du-  
quel la puissâce royale & tout le Royaume en ge-  
neral & en particulier a esté donné, dedié & destiné  
par les premiers, qui l'ont acquis & estably, comme  
encores tesmoignent tresbié toutes les oraisôs, qui  
se disent sur luy, par ledit Archeuesque, & mesmes  
„ ces paroles en luy posant la Couronne sur la teste.  
„ Arrestez vous icy (dit-il) & des maintenât iouissez  
„ de l'Estat, lequel iusques icy vous avez tenu par  
„ successiõ paternelle, & maintenant, côme vn vray  
„ heritier, vous est mis entre les mains de l'auctorité  
„ de dieu tout puissant, & par la tradition que nous  
„ Euesques & autres seruiteurs de Dieu presêtemēt  
„ vous en faisons. Et ayez souuenâce de departir en  
„ lieux cõuenables autāt plus grād hõneur au Cler-  
„ gé, que vous le voyez estre plus proche des sacrez  
Autels &c. Le sacre & toutes ces choses de religiõ  
acheuees, & au partir de Reims, les Roys ont aussi

accoustumé d'aller à S. Marcou , & y faire faire la  
eufuaine ce qui seroit ritee à vn heretique.

Toutes ces choses, que nous voyons practiquees  
e pere en fils de Roy en Roy , & d'un si general  
ccord, consentement & ordonnance de tout le  
oyaume, par loy & coustume ancienne & inuio-  
ble, depuis Clouis, iusques au Roy present, &  
sur le moins sans contredict depuis Pepin, peu-  
ent elles estre de moindre force & obligation en-  
ers leurs successeurs Roys & les François, que s'il  
auoit vne loy escripte particuliere & speciale  
our la succession des Roys contenant exclusion  
la Royauté contre tous ceux, qui ne voudroiet,  
ne seroient dignes d'observer ou d'estre admis  
el acte, c'est à dire, qui ne seroient catholiques?  
uuent elles aussi obliger moins tous les bons  
ancois à ne receuoir & ne tenir aucun pour Roy,  
e selon ces formes anciēnes & accoustumees en  
tat: que s'il y auoit vne loy formelle & escrete,  
i commandast, que nul ne fut receu Roy, lequel  
fut Catholique, & qui ne tint la foy de l'Eglise,  
uelle observer ces ceremonies?

os maietirs pouuoiet-ils mieux declarer par es-  
, ou de bouche par traditiō, forclos de la Cou-  
e tous heretiques, iuifs, & infidelles, ou qui ne  
oiet catholiques Romains (si vous voulez pour  
er tout equiuoque) que de faire passer nos Rois  
les mains des Prestres & Euesques de l'Eglise  
& par ces ceremonies qui sōt vrais alābics de  
tratiōs, & preuues infallibles de leur foy &  
gion? Quand il n'auroit aucune loy general du  
aume, qui peut astaindre nos Roys d'estre aus-  
en Cath. que masses, cē seulement qui est ou-

*Serment  
du Roy  
surquoy  
fondé.*

tre la loy generale du Roiaume, vne loy particulie  
re & Royale, concernant la personne, l'office, & la  
charge du Roy, & l'establissement de son auctori-  
té, & auquel ils sont tenus & obligez, non pour ce  
qu'il leur plaist seulement, mais par la loy, coustu-  
me, & commune obseruance du Royaume, ratifiée  
par l'ordonnance du Concile general de Latran,  
(reçeu en France, conformément au 4. Concile de  
Tolete) l'an enuiron 625. ce seul serment ( disons  
nous) n'est il pas plus que suffisant, pour les obli-  
ger à estre Catholiques? Et si selô le commun sen-  
timent de tous les hommes, il n'y à loy, soit gene-  
rale, soit particuliere, ny contract, qui puisse obli-  
ger d'auantage vn chacun soit Roy ou su biect, soit  
grâd ou petit que les promesses faictes par vn cha-  
cun, moyennât serment? principalement lors de s<sup>on</sup>  
installatiō & prinse de possessiō en quelque grade  
ou degré, que ce soit, qui peut douter avec apparé-  
ce de raison, que le Roy ne soit tenu d'estre catho-  
lique par la necessité de ceste propre loy, qu'il s'est  
faict à soy mesmes, & à ses successeurs? ou pour  
mieux dire, par la necessité du contract & de la cō-  
uentiō mutuelle, qui se passe partie tacitemēt, par-  
tie expressement pour lors entre le Roy & le peu-  
ple, & qui oblige reciproquemēt les deux parties,  
si bien que l'une d'icelles n'y peut contreuenir au  
preiudice, & sans le consentemēt de l'autre, & sans  
vne generale ordonnance de tout l'Estat, à ces fins  
le Roy n'ayant, pour pouuoir n'estre pariure des  
loix du Royaume, aucun priuilege ou auantage  
par dessus le subiect, ny deuant Dieu, ny deuant  
les hommes, comme il se declare estre Cathol. &  
promet defendre la religion des Catholiques, &

notamment d'exterminer tous heretiques, ausi  
 moiénant ce, le peuple en la personne des Pairs &  
 des Seigneurs faiët serment de fidelité, & promet  
 seruice, obeissance & secours souz ces propres ter-  
 mes, Que le Roy soit Religieux, & qu'il defende la  
 foy chrestienne. Ce sont conditions mutuelles &  
 reciproquement obligatoires, selon lesquelles les  
 subiets sont quites de leur promesse, quand le Roy  
 n'a les conditions y apposees: ou qu'il manque à la  
 sienne ainsi que nous lisons que nos ancestres ont  
 fceu tresbien remonstrer, soustenir & practiquer  
 contre le Roy Childeric troisieme. De maniere  
 que si le Roy est tenu de faire ainsi publiquement  
 profession de la foy Cathol. & serment d'extirper  
 tous Heretiques, qui est ce fol, qui oze soustenir,  
 qu'il ne doieue necessairement estre Cathol. & que  
 nous ne pouuons iustement receuoir ne recognoi-  
 stre autre? Qui ne voit ausi que le Roy est obligé  
 à ce, pour le regard, & en l'édroit des subiets à mes-  
 me esgalité, & par mesme sorte d'obligatiō, & na-  
 turelle & particuliere du Roiaume, qu'ils sōt obli-  
 gez à l'honorer & seruir: & luy s'y licenciāt de son  
 costé, les autres en peuuent faire de mesme, avec  
 ausi bō droit & iuste tiltre, & ce specialemēt pour  
 raison de la religion? que pour la consideration  
 d'icelle ils sont compagnons & concurrés en mes-  
 me subiectiō, obeissance & seruitude?

*Obligatiō  
 du Roy &  
 du peuple  
 reciproque.*

De dire que le Roy de N. se fera dispenser par ses  
 Ministres pour cōmunier à tels actes & ceremo-  
 nies de la religion catho. ou que sans dispense il s'y  
 soubmettra volōtairement & mesme à telle profes-  
 siō de foy & à tel serment. En ce cas il aura, ou mō-  
 strera auoir volōté formee de la croire & intentiō

*L'heretique  
qui ne peut  
estre sacré  
ny couronné*

resolue de le garder & tenir sans fraude au sens selon lequel il a esté tousiours entendu & pratiqué, ou non : s'il à ou monstre en auoir la volonté, en cela mesmes, il est où se monstre catholique s'il ne l'a point, & que ses autres actions y soient du tout contraires & repugnantes encores qu'en cela mesmes il puisse faire quelque declaration & profession exterieure d'estre catholique : toutefois declarant d'ailleurs ouuertement qu'il n'en est point, sera on si sot & si mal aduisé de luy deferer ou luy admettre pour participer à vn si manifeste & faux sermēt & periurē? Quelle chose pourroit estre pl<sup>o</sup> ridicule, abominable & impie, que de vouloir faire visage de foarre à Dieu, & d'admettre par vn cōplot & coniuratiō generale, fermē desseing ou extreme conuiuece, à telle sacre couronnement benedictions, cōmunion du sainct Sacrement, & autres sainctes cerimonies & singulierement à la profession de foy, & à ce grand & solēnel sermēt, & aux autres choses qui sont des deppendances & appartenances de la constitution & reception de nos Roys, celuy, quē non seulement on cognoistroit ouuertement estre indigne ou incapable, par heresie ou infidelité, de l'onction, de l'entree de l'Eglise, de la reception du sainct Sacrement, d'assister à la Messe, n'auoir aucune creance, à icelle, n'y à l'onction & benedictions, ains y venir avec feintise, hypocrisie, & derision manifeste & n'auoir intention quelconque de tenir sa promesse & serment? & lequel à l'opposite les condamneroit & tiendrait pour fatras & abominatio, & feroit profession publique de l'heresie & d'vne opinion toute cōtraire & qui ne rēd que à l'extinctiō

de la foy catholique receue en Frâce pour le principal fondement de l'estat, de l'auctorité du Roy & de la Monarchie ? Lequel aussi auroit iuré par tant de fois (comme à fait le Roy de Nauarre) la defence & conseruation de l'heresie, comme son chef & protecteur qui est autant par vne explication claire & consequence ineuitable, que d'auoir iuré la ruine de son contraire sçauoir de l'Eglise catholique, bref qu'au lieu de iurer la manutention de l'Eglise catholique, en iureroit, si ce n'est de la langue, au moins du cœur, la destruction, & dissipation, & lequel pour toute tenue & obseruation, n'alleguera apres sinõ par moquerie de Dieu & des catholiques, la defence de ce pariure Payen escrié comme tel en Ciceron, Qu'il n'a iuré que au bout du bec: ou biẽ la belle force ou iuste crainte qu'il met en auant contre son abiuration, & séparable possession de foy en l'an 1572. & durât quatre ans: si vous n'aimez mieux ce, que ses Ministres ont desia escrit, Qu'il ne peut estre nõ plus astraint de tel serment, que s'il s'estoit manifestemẽt oblié à Sathan luy mesmes en personne de renuerser le droit diuin & humain. Ce sont leurs mots, & lesquels nous y doiuent bien faire penser.

Toutesfois qui à iamais ouy dire ou leu qu'õ aye iques receu à participer aux actes & misteres d'une religion ceux, qui faisoient profession d'y estre contraires, & lesquels premieremẽt n'eussent fait testatiõ & profession publique de la foy d'icelle. Voyez si parmy les heretiques mesmes, ils vouliẽt admettre aucũ en leur Cene, ou autres actes de leur opinion de religion, qui n'eust premierement detesté & abiuré toute autre religiõ contrai-

*Iuravi lingua, mentem iurantem gero.*

”

”

”

”

re, & notamment la Catholique, qu'ils tiennent pour leur ennemie speciale. Ils ne voudroient pas mesme admettre aucun à mariage, qui n'est parmy eux qu'un contract ciuil, ou bien à estre Parin au Baptisme celuy, qui n'auroit fait leur protestation accoustumee, voire ils ne receuroient pas (dit-on) au Baptisme le fils de celuy qui ne l'auroit faicte. Tesmoing infinis Gentils-hommes qui s'excusent en Guienne d'auoir esté contraincts & comme forcez de la faire, pout auoir ceste faueur, que le Roy de Nauarre fut parrin de leurs enfans. N'ôt ils pas escrit sur vostre Aduertissemēt, que le Roy de Nauarre aiant quicté la Cour, les Ministres ne le voulurent onques recevoir à la moindre petite ceremonie, qui soit parmy eux, qu'est de donner nom de Baptisme à un enfant, qu'au preallable il n'eut renié publiquement, dans la ville d'Alençō, la foy Catholique, & faicte la protestation ordinaire sur leur creāce? Et les catholiques, mesmemēt les Prelats, seront ils moins affectiōnez, & seueres observateurs de l'honneur des reigles & canons de leur religion? Et partant si un heretique ne peut estre habile ny receu à tel sacres & saincts actes, qui ne voit qu'il s'ensuit euidemment, qu'il ne peut par consequent estre receu Roy ny estre habile à telle sacree & sainte Maiesté.

C'est de la necessité de la religion Chrestienne requise par la loy du royaume, en la persōne & qualité du Roy, & de toutes persōnes publiques, autāt & plus, qu'un autre des subiets: que la loy chrestienne n'est pas appelée la loy du peuple, mais loy de tout le royaume: que l'Eglise est dicte par c'est ancien Optatus (sentence nō entēduē par Belloy)  
estre



estre dans la Republique, & nō pas la Republique  
 dans l'Eglise, d'autāt que la loy de la religiō Chre-  
 tienne est loy de la Republique, & les loix de la  
 Republique ne sont pas loix de l'Eglise, qui à sa po-  
 lice & discipline separee, & prouenāce de pl<sup>r</sup> haut.  
 Tout de mēme que Iesus Christ, qui est l'autheur  
 de ceste loy, est Seigneur de la Republique, &  
 doit estre seruy en icelle & par icelle. Mais le Roy  
 n'est pas Seigneur de l'Eglise, ains vn de ses en-  
 fans, subjects, & seruiteurs, & par consequent ses  
 loix, qui ne sont q̄ pour la Republique, ne pēuēt  
 auoir aucun cōmandemēt dans l'Eglise. Et suiuiāt  
 cela, ce grand Euesque S. Ambroise auoit coustu-  
 me de dire, Autre chose S. Paul en l'Eglise, autre  
 chose Papiniā au Palais, voulant inferer, que leurs  
 loix ne peuuent rien en l'Eglise. Aussi non seule-  
 ment l'Eglise Gallicane est dicte Chrestienne, mais  
 aussi tout le royaume est dit Chrestieē & tres- Chre-  
 stien, & la religion Catholique est dite la religion  
 du royaume, pour estre iceluy aussi biē propre &  
 acquis, destinē & dediē à Iesus Christ en tout ce,  
 qui touche le temporel, & le seruice de sa religiō  
 Catholique, & aussi sujet à sa loy Chrestienne, que  
 son Eglise, & qu'elle est dediee à Iesus Christ en  
 tout ce, qui touche le spirituel pour estre vn cha-  
 cun du royaume obligē & tenu à l'obseruatiō d'i-  
 celle loy de religion, non seulement cōme Chre-  
 stien, ou pour ce que Iesus Christ est Dieu & le  
 Seigneur du mōde & d'vn chacun, ou qu'il desire  
 son salut: mais comme naturel Frāçois, & pource  
 que Iesus Christ a esté fait, reconnu, & declaré le  
 vray Roy, & Seigneur souuerain de Frāce: & que  
 tout ce qui est de l'Estat, ou qui en depēd, est con-

sacré à son service, aussi bien que les consciences, tant deslors, & en cela, que toute la France, le Roy & le peuple ont receu la foy Chrestienne, qu'aussi principalement en ce, que la loy de la religion Chrestienne à esté particulièrement commandee, receuë, iuree, & publiee pour loy en l'estat de France, tant par le Roy, que les principaux, & tous les ordres du Roiaume ensemble, tant à leur nom priué, qu'à celui du public, & comme personnes publiques. Donc par consequent il est impossible, que chacun n'y soit tenu autant, ou plus, qu'enuers toutes les autres loix d'estat & du Roiaume seul, qui ne peuuent estre de telle force, cōme leur defaillant l'autorité diuine. Et cōme l'Eglise Gallicane ne peut estre dictē Catholique, si les Dioceses, ou les chefs & principaux membres d'iceux, & des Eglises principales, comme sont les Euesques, Abbez & autres, ne sont Catholiques: aussi le Roiaume ne peut estre dit tres-Chrestien, si le Roy n'est tres-Chrestien, & aussi les Pairs, Princes, & principaux Officiers de la couronne en corps, & ce autant de faict, que de nom. Et cōme personne ne peut nier, que le Roiaume ne doie estre Chrestien & Catholique, aussi ne peut-il nier, que le Roy à plus forte raison, qui en est le principal mēbre, ne doie estre Chrestien & Catholique. Tellemēt que selon la loy du Roiaume, & la forme de l'estat, qui est coniointe, vnie, & fondee sur la loy Chrestienne, l'heretique, ou tout autre, qui n'est Catholique, ne peut estre Roy. Et sommes obligez par icelle, de ne receuoir, ains de resister, & nous opposer à l'heretique, qui voudroit auoir part à l'estat, se reueustir du manteau royal, & obte-

nir la couronne.

D'opiniaſtreſ après tout cela, que la religiō Catholique. n'a point eſté receuë en l'eſtat du Roiaume, pour loy & commandemēt, c'eſt le faiēt d'un vray inſenſé, cōme encorſ le moindre peut iuger par les abſurditez qui en reſultent. Premièrement il ſ'enſuiuroit que lés François ſeuls auroient eſté naturellement athees ſur tous les hommes, & cōtre leur nature, & le commun dire, qui porte, Que l'homme naturellement n'eſt point athee. Il ſ'enſuiuroit que noſtre natiō Gauloiſe ou Françoisſe, comme faiſant un corps de natiō & de roiaume, ſeroit deuenue la plus barbare & athee de toutes celles du monde, meſmemēt depuis la reduētion de nos Rois & anceſtres à la religiō Chreſtienne. Car il n'y a eu iamais peuple ou gent aucune ſi ruſtique & farouche, laquelle (i'entens meſmes en corps d'univerſité, & cōme nation & peuple reduit ſouſ meſmes loix, & en vne meſme forme de viure de iuſtice) n'aie eu un ou autre dieu, & quelque religion, qui luy aye ſeruy de reigle, & de loy fondamentale de l'eſtat, faiſant partie en la police, ayant cōmandement general ſur tous ceux de leur natiō, & ſervant de guide ſur toutes leurs autres loix: afin que l'oſervation de ceſte religion ne dependit point de la volonté d'un chacun, ny du choiſ ou refus de l'un ou de l'autre: mais fut embrasſee par deuoir & neceſſité de l'ordonnāce de la nation, & par la crainte des peines tēporelles. Et ſi ſelon Ciceron, & S. Auguſtin, ceſte multitude qui n'eſt aſſociee en vne communauté, & conſentement d'une iuſtice, & d'un commun droit, ne merite point nom de peuple: à pl<sup>u</sup> forte

*Abſurdités.*

*Nul corps de nation ſans loy de religion.*

*Nul peuple ſans religiō pour loy.*

raison, si elle ne couuiert en religion. Le sentiment de laquelle à esté deuât, qu'il y eut aucun peuple. Ainsi parmy l'estat temporel des Iuifs, la loy de Moysé estoit la loy de religion, vengée par peines tēporelles: & au iourd'huy en l'Estat & Empire du grād Seigneur, & du Sophy de Perse, celle de Mahomet: & ainsi des autres (sans en faire toutesfois comparaison avec la Cath.) Et la seule natiō Gauloise, qui a esté (au tesmoignage de Cesar) voire deuant d'estre Chrestienne, la plus adonnee & enclinée à la religiō de toutes, iusques a auoir creu, mesmes deuant la venue du Sauueur, vn Dieu, vne recōpense en l'autre mode, & l'immortalité de l'ame, qui sont les trois poincts, lesquels (dit S. Paul) seruent de fondement à la foy Chrestienne, & laquelle, depuis auoir squinisé son Sceptre, sa couronne & Monarchie à Iesus Christ, a donné la loy, & a esté comme la maistresse & pedagogue en religiō de tous les Rois, estats, peuples, gens & nations, est-il croiable, disons nous, qu'icelle auroit laissé pour son regard la religion en option, guise, & liberté de conscience du fol & du sage, du meschāt & du bon, du Roy & du peuple, du grād & du petit, de l'ignorāt & du sçauāt, ou biē sans la reduire en loy & ordonnance sur l'estat, & sur la Monarchie, & sans que la loy Catholique y aye autre authorité de commandemēt sur le Roy & sur le peuple, que les Pādecētes & loix des Empereurs, qui ne seruēt en ce Roianne, q̄ par forme d'aduis, & cōseil à celuy, qui en veut prédre, & pour instructiō de ce qui est de la raison naturelle, & nō pour authorité, ou bien elles seruēt par la permission de nos Rois, de coustumes en aucuns pays?

*La nation  
Gauloise  
religieuse.*

Il s'enfuiuroit aussi, que tous nos Rois & ancestres tres-Chrestiens, n'auroient receu en ce royaume la loy Chrestienne, qu'en mesme degre & honneur, que le Turc & le grand Chan l'ont receuë en leursestats & Empires, c'est à sçauoir, pour ne seruir de loy, que dans l'Eglise, & en fait de conscience, & n'obliger de ceux, qui veulent estre de l'Eglise des Chrestiens, & en ce qui concerne le spirituel, l'excommunication, & la discipline Ecclesiastique, & nō l'estat & la police, & sans que le Roy, ny le Magistrat, ny le peuple François y soit non plus sujet & obligé, pour ce qui regarde l'estre & l'autorité du Roy, l'estat politique, & le reiglement de la chose publique, & les peines des loix ciuiles, que le grand Seigneur en Turquie, le dit Chan en Tartarie & leurs peuples, qui ne sont Chrestiens, qu'autant qu'ils veulent : & lesquels ont leur loy de religion pour leur estat, toute contraire à la loy Chrestienne.

*La Loy  
chrest. re-  
ceue autre-  
ment en Fr.  
ce qu'en  
Turquie.*

Si aussi le Roy auoit esté exempté de la subiection & obeyssance de la loy de religion, comme estant souuerain & par dessus toutes les loix & qu'il ne fut tenu à la manutention d'icelle, il s'enfuiuroit, qu'ils n'auroiēt eu en l'affaire le plus important & necessaire, cōme est celuy de la charge du Roy, non plus, ou pour mieux dire, moins de consideration de la religion, qu'un Turc, Iuif, ou Sarrazin; chose trop honteuse, & esloignee de la pieté de nos ancestres, & d'un Sceptre & Royaume, qui a esté acquis & assujety à Iesus Christ, & à ses loix.

*La religion  
est loy sur  
les Rois.*

Il s'enfuiuroit aussi vne non moins grande absurdité, que toutes celles-là, c'est que si la religion

*Nul Roy  
colere sans  
religion.*

Chrestienne n'estoit receuë pour loy & commandement en l'estat Monarchique, & politique du Roiaume, & notammēt sur nos Rois, & que partant selon les loix du roiaume, vn Athee où heretique peut estre Roy (ce qui seroit plus licentieusement, que ne pourroient estre les Rois de Phez, du Peru, ou de Matrocca) il faudroit dire que de tous les Rois du mōde le Roy de Frāce auroit seul ce meschāt priuilege (s'il faut parler ainsi) & cette maudicte dispensation ou plustost (comme parle S. Bernard) dissipation, de pouuoir estre selon les hommes sans religion, & le plus impie & abominable, qui se puisse imaginer. Car iamais ne fut toleré, ny principalemēt receu Roy, voire parmy les plus barbares nations, qui ne fit demōstration de auoir vn Dieu, & vne religiō receuë au pays, ie ne dis pas parce seulemēt, qu'il luy plaisoit ainsi, mais par la loy royalle, ou plustost nationale, & par l'obligation naturelle & la necessité connexe & conioincte auec son estat, & pout la satisfaction des consciences & repos du peuple & des sujeçts qui nel'eussent receū, permis, ny reueré autremēt, ains qui n'en pouuoient craindre & attendre, que tout defastre & malheur.

Dauantage si le Roy n'estoit sujeçt à la loy du roiaume sur la religion, & que partant il peut legitimement & iustement selon les loix humaines & de l'Estat, & le pouuoit d'un Monarque & souverain, estre de nulle, ou telle faulse religion, qu'il luy plairoit & se maintenir ce nōobstāt en son autorité royalle, iugez comment se pourroit comporter bien aisement, ou cōment seroit bien seäte telle bigarrure, que le chef fust d'une religion &

allaſt à la moſquee, à la Synagogue, ou à la Miniſterie, & les ſujets & principaux officiers & membres du Roiaume fuſſent d'un autre, & allaſſent à l'Egliſe & à la Meſſe.

Mais outre cela, puis que ſelon le droit des gens & ſingulierement ſelon les loix d'une monarchie, & celles de ce Roiaume, c'eſt au Roy ſeul, pour la ſouueraineté qui eſt en luy, à qui il touche de faire des loix & des ordonnances, deſquelles il peut diſpenſer, les changer, & reuoquer, dont il peut faire par la legitimement des loix de religion ou non. S'il n'en peut point faire legitimement, ou c'eſt par ce, que ceſt eſtat ſe peut gouverner & policer, ou bien eſtre regy & parfait ſans religion, & que icelle ne concerne rien le regime temporel & politique: ou bié ſi elle y eſt neceſſaire, qu'elle ne depend point de ſon opinion arbitre, cōmandemēt, ou puissance particuliere de Roy. Et partāt il faut cōclurre, que la loy de religion n'eſt pas ſujette au Roy, ny du gibier des Rois, ains qu'au contraire iceux luy ſont ſujets & obligez de meſme, que tout autre du roiaume, ou bien le Roy pourra legitimement faire des loix nouvelles de telle religion, qu'il luy plaira, meſmement en tout ce, qui concernera la police, le temporel, les offices, charges, & fonctions du roiaume: en ce cas il ſ'enſuiuura, qu'il pourra legitimement faire des loix ſelon l'opinion qu'il tiendra, de nulle ou de telle ſorte de religion, qu'il voudra qu'il pourra iuſtemēt & iuridiquement, non ſeulement oſter la religion Chreſt. & Cathol. & toute conſideration d'icelle, en tout ce, qui eſt de l'eſtat, & en eſteindre tout l'exercice public: mais auſſi qu'il pourra de ſa

*Le Roy ſeul  
ne peut faire  
loy de religion.*

puissance absoluë ou plustost dissoluë & authorité souueraine, & toutesfois legitime & iuste ordonner & establir au Royaume l'atheisme, ou l'adoratiō des Singes, des Rats, & des Souris, de Venus, Priape, & autres idoles, ou plustost diables, à la façon de certains Payens & notamment de Iulian l'Apostat, ou telle autre religiō, qu'il trouuera bonne: qu'il pourra mettre & ordonner que tous les officiers soient Athees, ou de telle religion qui luy teuiendra en volonté & capriche: Que tous les officiers, Magistrats & toutes autres, cōme bōs François & bons sujets, luy deurent en cela obéissance, comme és autres choses: Ou bien au pis aller comme bons Chrestiens (à leur opinion) ils deburont & selō Dieu & les loix humaines quitter leur charge, ou le pais. S'il n'y a aucun si enclin à impieté, ny si fol & hors de sens, qui n'abhorre seulement d'y penser, & lequel ne confesse, que l'estat de ce Royaume ne peut estre cōposé si mal que cela, quelque plenitude de puissance, que nos Rois ayent, ne s'ensuit-il donc pas necessairemēt, non seulement, que la loy de religion est exempte de la puissance du Roy, mais aussi que le Roy est plus obligé, que tout autre, à l'observatiō d'icelle, & que le peuple ne peut recevoir pour Roy ny obéir à celuy que ladite loy ne reçoit, ne tollere & n'autorise?

*La volonté  
du Roy n'est  
pas loy de  
religion.*

Finalemēt il s'ensuiuroit, disons nous, que l'estat du Roiaume n'auroit iustemēt & iuridiquement en soy, & cōme estat temporel, politique & Monarchique, aucune religiō propre, ny exerce d'icelle, moins aucune foy ny loy de religiō, q̃ la seule volonté du Roy, & celle, qui dependoit de son



iugement, & de son ordonnāce, à la façō des peuples de Perse, dits Assasius, lesquels on lit auoir esté l'an 1253. les seuls au monde, qui n'ont eu aucune loy ny foy, q̄ celle, que leur prince leur ordonnoit & enseignoit. Mais en ce cas il s'ensuiuroit, qu'autant de tois, qu'il plairoit au Roy de chāger de religiō, soit en loy, soit en ses officiers, soit es villes, ou au peuple, en tout ou en partie, qu'il se deueroit & pourroit faire iustement par raison de telle loy de l'estat, qui ne seroit en bon François, que la loy d'impierē, irreligion, atheisme, & vne pure manie. Et s'il faillloit que selō le chāgemēt & la diuersité des Rois & de leur volonté, la foy aussli changeast en tout le Roiaume, ou en vne partie, & en tous les sujets, selon qu'il semblera mieux à chacun Roy, & qu'il luy plaira ordōner de iour à autre, de momēt en moment, en la religiō: en ce cas, ou sa volonté ne sera point suiuiue de tous, ou de la plus part, & il s'en voudra faire accroire? & partāt l'on sera tousiours en troubles & seditions intestines entre les sujets, ou en guerre estrāgere avec les autres Rois voisins, & Princes Catholiques, ou autres du païs, qui se formaliseront pour la loy & religion. Ou bien elle sera receuē & embrassée, & par consequent il n'y aura iamais vne foy ferme, stable, & certaine en ce Roiaume: parce qu'il nous la faudra changer de iour a autre, d'an en an, selon la volonté du nouveau Roy & que sa fantasie le prendra. Comme vostre Angleterre en sert de miserable exemple, laquelle au commencement de Héry 8. estoit fort Catholique, & à la fin schismatique & Lutherienne: Sous Edouard son fils Calvinienne: Sous Marie, Catholique. Sous Elisabeth

*L'Angle-  
terre a chā-  
gé sa reli-  
giō souuēt.*

elle est recheute au Calvinisme, & de plus entre-  
lardee & farcie d'Anabaptistes, Puritains, des Illu-  
minez, & autres sectes, bien que non y autorisees  
encores. Et si ce changement continue à l'aduenir  
de mesme, & en si peu de temps, vous estes taillez  
de veoir en vostre pais autant de religions, que les  
Payens auoient de dieux. Et Dieu sçait, si ce peut  
estre sans grande effusion de sang, cruauté & mi-  
seres, & en fin, si ce ne sera pas l'entier réuersémēt  
de tout l'estat. Dieu sçait aussi quelle sincere & pu-  
re foy pourroit auoir avec cela, non seulement le  
cōmun peuple, mais tous ceux, qui n'auront autre  
esgard, qu'à obeyr au Roy. Car il est bien croia-  
ble, que ce, qu'ils se cōformēt à la volōté du Roy,  
se fait plus de crainte & par force de son cōman-  
dement, que nō pas qu'ils le croient ainsi de cœur  
& d'ame: si ce n'est qu'ils facent le salut, & deuien-  
nent du tout Arcees, pour le lisantier à suiure, & se

*Il ne faut  
suiure la re-  
ligion du  
Prince &  
du Roy si  
elle n'est de  
Dieu.*

conformer indifferemmēt à la religion, que tien-  
dra & ordonnera le Roy qui sera pour lors: cōme  
si la religion estoit vn office deu au Roy, & non à  
Dieu seul, selon que nous lisons les gros & faux  
Chrestiens auoir fait anciennemēt. Lesquels pour  
toute defence de leur legereté en la foy, ne sça-  
uoient alleguer sinon, Nous suiuous la religiō de  
l'Empereur, qui commande au pays, ou nous vi-  
uons. Laquelle maniere de parler, les Empereurs  
Valentinian & Gratian ont bien voulu reprēdre,  
inhiber, & defendre par ordonnance particu-  
liere, Parce (disēt-ils) qu'il faut plustost obeir en ma-  
tiere de la foy à Dieu, qui nous fait les comman-  
demens de salut, qu'à l'Empereur, suiuaūt le dire du  
Seigneur, Rendez à Cesar ce qui est à Cesar, & à

Dieu ce qui est à Dieu. Qui sera dict en passant, pour responce à ce, que le R. de N. à coustume de dire en ses communs propos, sur ce: & aussi qu'ils escriuent. Que c'est aux Rois de donner la loy de religion aux sujets, & , chose indigne, qu'ils la prennent d'eux: à ce qu'ils soient tenus d'estre & de suiure leur religiō, & non à eux d'estre & de suiure la leur. Mais nous disons, que (sauf son hōneur) c'est prendre cest affaire de mauuais biais: car ny l'un ny l'autre n'est aucunement soustenable, n'estant pas de la loy de religion, comme des autres loix particulieres, qui dependent de la seule volonté du Roy. Et nous ne disons pas aussi, que le peuple puisse luy cōmander en ce, non plus qu'au reste il ne faut, ny que le Roy prenne sa religion du peuple, ny que le peuple la prenne du Roy. Et non plus de droit à le Roy sur le peuple en cela, q le peuple sur luy, sauf que la protectiō & defence de la loy du roiaume sur ce, appartient souverainement & proprement au Roy. La raison en est pertinente, d'autāt que le Roy & le peuple sont cōpagnons & esgaux en mesme subjection, pour le regard de la religiō, l'autorité de laquelle ne depend principalemēt que de Dieu, & des Prestres qui sont cōmis expres à ce. Mais humainemēt & ordinaiремēt il la faut prédre selō le sens cōmun & naturel, & le droit des gēs du cōmun accord du Roy & du peuple, de la loy, vſance & coustume generale de la nation & de l'estat: & Chrestienne-ment & extraordinairement selon le sens illuminé de Dieu, & le droit diuin, de Dieu mesmes, & de son Eglise, & par l'interuention de ses deputez, officiers & Vicaires, tant au spirituel, qu'au tem-

*La religion  
de la natiõ  
excusable.*

porcel, les vns ordonnās, les autres tenās la main à l'execution. Et lors que ces deux droits concurrēt en vn estat, cōme ils font en ce Roiaume (au iugemens de tous bons Catholiques) la chose est hors de tout doubte, que l'on n'y soit tenu & selon les hommes, & selon Dieu: selon les peines tēporelles, & scō les peines spirituelles: selon la pure verité, & selon la vraie iustice. Et neantmoins le seul droit des gens est si considerable au fait de la religion, que quand bien elle seroit detestable, les particuliers en sont humainement excusables, & scō Dieu, en certaine façon aucunement, iusques à ce qu'ils voiet des operatiõs & œures miraculeuses & supernaturelles, par lesquelles ils ne puissent doubter, que c'est Dieu, qui leur parle exterieurement, suiuant le dire du Sauueur parlāt aux iuifs, Si ie n'auois (dit-il) fait tāt d'œures miraculeuses, ils auroient excuse, sçauoir de se maintenir en leur refus de croire en luy. C'est pourquoy nous ne lions point, que iamais, ou bien raremēt vn Prince & les peuples soiēt venus à la foy Chrestienne, sans plusieurs miracles au preallable, & sans que Dieu les y aie attirez par quelqu'un, entre autres grand & signalé miracle. Ainsi l'Empire Romain souz Constantin y est venu par la voix & vision celeste de la croix au ciel, & la victoire miraculeuse cōtre Maxence: Ainsi Clouis par semblable vision, & la victoire diuine contre les Allemans & leur Roy: La plus part de la Perse l'an 430. par le miracle du fils du Roy, deliuré de l'esprit malin: Les Russiēs enuiron l'an 880. par le miracle du liure des Euan-gilles conserué dans le feu sans tare: Les Danois avec leur Roy & Roine enuiron l'an 970. par le

*Nullenatiõ  
conuertie  
sans mira-  
cle.*

miracle d'un Clerc nommé Popon, qui tenoit vne grosse masse de feu ardente en preuue de la verité de la Foy: & ainsi d'infinis autres.

Et sur ce propos, nous demandons, si nos Rois, ou, pour mieux dire, si nos Ducs (car autres ne pouuoient-ils estre, puis qu'ils n'auoient ny couronne, ny aucune autre marque de roiauté deuant Clovis) ne deuoient pas, selon le droit de gens, & la loy de l'estat, deuant que pouuoir estre receuz en ceste dignité, croire en Dieu, & tenir quelque religion, & mesmes celle de leur natiō & ancestres? Le changement de la religion du païs de l'idolatrie à la foy Chrestienne, a-il peu exempter, absoudre, ou deliurer les Rois, & nos Seigneurs souverains de ceste obligatiō du droit des gēs naturelle & nationale, d'auoir la religiō de la nation, & de croire en leur Dieu? Au contraire, ne les a-il pas laissez astraits de mesme liē & obligatiō, & encōres d'abondāt, n'y a il pas adiousté vn nouveau surcroy, qui est contenu en la religiō Chrestienne, & qui prouient de l'autorité de Iesus Christ, à ce qu'ils soient tenus de deuoir croire non seulēmēt à tel Dieu, ou en these & en général en vn Dieu incognu, ou tel quel, mais specifiquement & en hypothese à Iesus Christ, selon le iugement & pratique du roiaume, conformement à celle de l'Eglise Cath. Apost. Rōm? Et si estans Payens, ils estoient tenus d'observer la religion de l'estat, & ne pouuoient estre receuz que par icelle: s'en peut-il dire moins de la relig. Chrestienne, & de l'obligation qu'ils y ont, non plus que le droit diuin n'efface le droit des gens, ains le confirme, le purge, & l'ameliore? Ainsi la mutation & changement

de religion, de l'idolatrie au Christianisme, n'a pas osté l'obligatiō enuers la religion, & n'empesche pas que le Roy ne soit tenu autāt, que deuant, d'auoir vne religion, & celle de l'estat: ains a laissē en mesme force & authorité telle obligation, & deuoir du Roy. Toutesfois l'estat ayant chāgé la religiō, ç'à esté autant pour le Roy comme pour le peuple: & tous sont obligez de mesme obligatiō enuers celle-là, qu'ils estoient enuers la premiere: mais encores de plus telle obligation est aggrādie & amplifiée selon le contenu en la loy Chrestienne, & autant qu'elle oblige & Rois & vn chacun. Et elle est d'autant plus vraie & legitime obligatiō, que la religiō Chrestienne & Cath. est la vraye religiō, & que le Dieu qu'elle sert, est le vray Dieu. Ce n'est pas raualler ou racourcir la puissance souueraine des rois d'un royaume Chrest. au petit pied, q̄ de les soumettre ou tenir liez à telle obligatiō de la loy Chrest. du royaume: qui n'est que pour le respect, que tous ceux du royaume doiuent à Dieu, & à la Foy, que eux & leurs predecesseurs ont vouee & promise à Iesus Christ, tāt pour eux, que leurs successeurs, heritiers, & bien tenans. Car il n'y a point de doute, que la loy & la foy Chrestienne n'oblige d'aussi bon & fort lien vn corps du royaume & tout vne cōmunauté, dès qu'ils l'y font vne fois soumis, qu'elle peut obliger chacun particulier, qui en fait profession, & qui l'a receu. Et autant que tel corps public sera en estre & sus pied, tous les membres ne peuuent par raison estre deschargez de l'obligation de tout le corps, s'ils ne veulent encourir les peines accordees ou ordonnees par iceluy contre les contreuens,

*La loy de  
religiō obli-  
ge l'estat &  
corps du  
royaume.*

C'est vne debte trāsmissible aux successeurs, que la religion, parce qu'en matiere de foy & du respect enuers Dieu, ils sont non seulement leurs successeurs, mais encore leurs heritiers. Et la vraie puissance & grandeur & des Rois, & de tout le mōde, est l'impuissance de ne pouuoir faire mal, & de ne pouuoir estre Athee, heretique, ou autre que Chrestien & fidele Catholique. C'est le plus haut degre d'honneur (disoit Plinē à Trajan l'Empereur) que de pouuoir ce, qu'on veut, & de grandeur, que de vouloir ce, qu'on peut iustemēt. Que reste-il dōc, si l'on veut se sauuer de tāt d'absurditez & impietez, sinon de tenir pour tres-assurē & tres-veritable, Que la loy de religiō, & icelle Catholique est la principalle, fondamentale, & inuiolable loy du Roiaume, & de la Monarchie Françoisē, la mere & la matrice de toutes les autres loix, portant cōmandement & peines tāt sur le Roy, que sur tous autres, qui sont moins que Dieu, lequel en est l'auteur & premier legislateur, & par consequēt, que nous ne pouuons iustement receuoir ou souffrir vn roy heretique.

*Conclusion  
monstrant  
qu'un he-  
retique ne  
peut estre  
Roy de  
France.*

Nous laissons que pour le regard de la persōne du R. de N. nous auōs sans ceste loy d'estat, & quād mesme la loy Chrestienne ne seroit loy q̄ des particuliers, & de ceux, qui s'y obligēt d'eux-mesmes, vne raison bien forte, pour le contraindre d'estre Chrestien & Cathol. (l'vn ne peut estre sans l'autre) deuant qu'il puisse estre Roy. Car s'il n'y a riē qui puisse plus obliger l'homme, que la parole, s'il n'y a rien de plus grāde obligation enuers le plus grād du mōde, que la foy & la parole de roy, & si l'ō est tenu de garder la foy, qu'ō a promis en par-

ticulier aux hommes, ou bien en mariage, ou bien  
 autrement, pourquoy non celle, qu'on a promis &  
 donné à Dieu & aux hommes ensemble? Il a promis  
 & au Baptême, qui est le mariage spirituel des  
 Chrestiens, & estât fait maieur par l'abiuratiō de  
 son heresie, par sermēt fort disertement & solen-  
 nellemēt, souz toutes les peines du monde d'estre  
 Chrestie & de viure à iamais en la foy de l'Eglise  
 Catholique, Apostolique, & romaine. Pourquoy  
 ne sera-il tenu de garder le foy du mariage spiri-  
 tuel aussi biē, que de l'autre, tout de mesme que se-  
 roit vn particulier? Que peut-il respōdre à ce, veu  
 qu'il est aussi bien subject aux peines de la foy de  
 Dieu & du royaume, que tout autre? & que l'Egli-  
 se est aussi bien sur les Rois, que sur les autres? &  
 que d'ailleurs & le plus grand Prince du mōde se  
 degrade, & se rend perfide, abiect & vilain en rō-  
 pant sa foy, estant vray le dire ancien, Que celuy,  
 qui rompt sa foy, merite que les autres ne luy gar-  
 dēt point la leurs: s'il ne veut dire (qui est la seule  
 saluatiō & retraicte, qu'il puisse prendre) que l'on  
 n'est tenu aux promesses meschantes, & que la re-  
 ligion Catholique est vne abomination: mais ce-  
 la estant de bas aloy enuers les Catholiques, qui  
 croient le contraire, & qui tiennēt son dire en fa-  
 ueur de son heresie, pour perfidie, & pure folie, nō  
 moins que les pretensions du iadis Roy des Gau-  
 lois (nous parlons par exemple, sans entrer autre-  
 ment en comparaisō) qui les fondoit pour sem-  
 blables calomnies & mesdisances contre le Roy,  
 sur l'inspiration du S. Esprit & sur l'Escriture sain-  
 ctē, tiree & entenduē à sa façon, & à la façon des  
 Ministres, & de ce yieux resueur Brocard (l'ora-  
 cle



cle de Segur & du R. de N.) il s'enfuit tousiours, que pour le regard des catholiques, & de l'estat du royaume, qui approuue & commâde en loy la religion catholique, & reprouue sa nouuelle opinion, comme heresie, le R. de N. n'est aucunement receuable à ne garder sa foy, & la promesse qu'il a faicte à Dieu & à tout l'estat d'estre catholique.

Ceste raison prinse de ce, que la loy de religion, & icelle chrestienne & catholique, a esté receuë pour loy du royaume, & pour la fondamentale de l'estat de Frâce, n'est pas si petite, que vostre Royne & le R. de N. ne s'en sçache tres-bien preualoir, pour leur principale exception & defence, de ce qu'ils ont aboly la religion catholique en leurs terres, & qu'ils n'y veulent tollerer que la foy & religion Caluiniene: par ce qu'ils alleguēt, qu'icelle a esté receuë pour loy d'Estat, en assemblee des Estatz generaux de leurs païs, par vn Edict public, & la loy catholique chassée & abolie. Et en consequence de ce, ils pretendent & s'excusent cauteleusement, ne tourmenter, ny condamner aux peines ciuiles, & à la mort les catholiques pour leur foy & religion, mais seulement comme rebelles & infraçteurs de ceste loy du pays & de leur estat, & des autres faicts en consequence d'icelle. Et nous miserables & abrutis cath. ne nous en aiderons nous pas de mesme & avec plus iuste raison, contre noz Huguenots & le R. de N. vœu que nostre religion a esté receuë en cest estat, non pas vne seule loy & ordonnance de femme, mais par Edict general & irreuocable de Clouis (dit Sigisbert & autres) & receu par le royaume, & par infinies ordonnances des Roys subsequens en as-

*Le Roy de  
Nauarre  
reprouât  
le Concile  
de Trente  
approuue  
les autres  
Cōciles re-  
ceus en frā  
ce.*

semblee generale des Estats? & qu'aussi iceux nous troublent en la iouyssance, vsage, executiō & possession de nostre ancienne, continuelle, & principale loy d'estat, laquelle a receu & commandé à tous de si long temps, & à l'approbatiō de tout le monde, & de tāt de siecles nostre religion catholique, auec exclusion de tout autre, nō en vne seule assemblee publique, nationale, generale, prouinciale, ou de communauté, mais en toutes, & par tous actes generaux & solempnels du royaume, & de chasque pays & prouince, reiterez vne millia- de de fois en tous les siecles, par vne continuelle fuitte. Le R. de N. n'allegue-il pas pour vne de ses principales raisons politiques contre le Cōcile de Trēte, & pour mōstrer qu'il n'y peut estre astraint, qu'il n'a point esté receu du royaume par loy & ordonnance acceptee, verifiee, & emologuee és Parlements: & partāt n'en fait-il pas ceste illation & consequence necessaire tiree au contraire, qu'il est obligé aux autres Conciles & loix de religion receuës au royaume. Et si l'heretique, ou le Roy de Nauarre est si hardy, que de ne tenir aucun conte de ceste loy, qui est si certaine & indubitable, qui concerne l'honneur de Dieu, & le repos de l'estat, ains qu'il s'y oppose, & pretend deuoir estre receu auec son heresie pour Roy, au contraire d'icelle: quelle iuste occasion peut-il auoir, d'obliger les cath. à l'obseruation de l'autre loy, touchāt la succession des masles, & qu'ils puissent receuoir en Roy quelqu'autre, au contraire d'icelle? Car si la premiere n'est loy, ne l'autre aussi: si l'on n'est tenu d'obseruer la premiere, & pourquoy en fera-on de l'autre, mesmement à la façon qu'il veut qu'on

l'entende separee de ceste-cy & de toute cōsideration & respect de religiō, voire (qui est plus estrāge) prinse en sens cōtraire à icelle. De laquelle neantmoins elle prēd, comme toutes les autres loix du royaume, sa principale forme, estre, droicteure, direction, interpretation, & exposition. Seroit-ce pas chose trop ridicule, & dont la posterité ne se pourroit trop esmerueiller, de faire plus d'estat de l'accessoire que du principal, de la fille plus que de la mere, du monde plus que de Dieu ? & que s'il escheoit aucune dispute ou doute sur l'interpretation de la loy Salique, à sçauoir, si elle entend ou requiert en celuy, qui doit succeder à la Couronne, la foy chrestienne & catholique aussi necessairement, que le sang masle & Royal, doit-on, ou peut-on s'en mieux esclaircir, que la conference & rapport avec la loy de religion, qui est vnīe & inseparable d'avec toutes les loix du royaume, non moins que l'ame de tous les mēbres du corps viuant, ausquels elle donne vie, sentiment, mouuement, force, & operation ? Si la loy principale de religion peut estre ainsi mise en controuerse, mesprisee, & enfrainte à l'appetit de certains cerueaux mal timbrez, ou de qui que ce soit : que reste-il de respect, d'auctorité, & de cōsideratiō de prerogatiue à toutes les autres loix ? Pourquoy fera-on differēce d'un Prince du sang à vn autre d'un Prince à vn Gentilhomme ? d'un Parlement à vn Seneschal, ou siege Presidial, si l'on ne faiēt point difference de religion à vn autre ? Et si en vn royaume le respect & deuoir enuers Dieu (qui est celuy seul qui reigle le monde, & qui est reiglē par la seule Eglise catholique) n'est inuiolable &

immuable, que deuiendra cēluy enuers le Roy & les Seigneurs? Si au contraire la loy de religion est arbitraire, s'il est permis & licite à vn chacun d'en iuger & y desroger à sa fantasie, pourquoy ne sera-il permis? le mesme de ce qui est moins, cōme du respect & seruice qu'on doit au Roy, aux Loix, aux Princes, aux Magistrats, & à tous ordres? Au contraire si les choses moindres beaucoup ne dependent point du iugemēt de chacun, ny mesmes d'aucun, non pas mesmes bien souuent de tout le general, se peut-il considerer chose de plus grāde imprudence & folie, que si l'affaire de la plus grāde consequence du monde, qui est la loy de religion, est laissē au iugement d'vn chacun, biē qu'il se vante, peut estre, d'auoir l'esprit de Dieu? N'est-ce pas bien mettre la charruē deuant les bœufs, & ouvrir la porte au mespris & à la confusion de toutes choses? Se peut-il imaginer chose si brutale, que ne permettant point que le plus prudent du monde puisse censurer ou oster les loix, qui sont simplement humaines, toutefois nous cōmettions communemēt à l'arbitre, liberté, & opinion d'vn chacun la loy diuine, & qui est la première des humaines: où il faut qu'au faict de la religion & de la foy, le iugement soit diuin, non humain, public & vniuersel, non priué & particulier, tres-certain & tres-cogneu, non disputable & douteux, tres-resolu & non en suspens, & où il faut singulièrement conseruer consentement, vnion, moyen, ordre, constance, grauité, trāquillité, & fermeté, d'où sont sorties tant de loix imperiales, de ne disputer point de la religion, & tant de troubles pour n'y auoir point esté bien satis-faict? Et si toute loy fai-

ete & publice, l'on punit les contreuenans à icelle, combié à plus forte raison doit-on estre soigneux que l'on ne face rien impunément contre la loy de religion? Ce fondement osté en vn royaume, & qu'iceluy ne peut-on plus subsister s'as loix que le corps sans nerfs, que reste-il autre chose, qu'un brigandage general (dit S. Augustin) & vne Praguerie vniuerselle, & sinon que le plus fort l'emporte, & que la violence soit la principale loy, droit, & raison des François? Que reste-il sinon que la loy des bestes, qui est celle de la force, & que la pure brutalité soit la loy fondamentale de ce royaume, & de tout l'Estat de ce monde? Que reste-il finalement sinon que nous voyons pratiquer en noz iours le dire de ce premier des sept Sages de Grece Solon, Que la republique qui n'est liee ny obligee d'aucunes loix, deuiet en bref cōme vn monstre? Car aussi l'enormité & deformité des vices, fait que les hōmes ne soient plus hommes, mais monstres de nature, pourtraictz figurez à l'image d'homme. O renuersement de toute humanité! ô amortissement de toute societé! ô miserable cadence & retraicte de l'heresie! ô abyfme des abyfmes de toutes les impietez, que la reception d'un Roy heretique.

Toutes ces raisons, obseruations, & formalitez pour la loy principale de religion, pour l'installation, acceptatiō, & receptiō du Roy, & de toutes personnes publiques, ne nous monstrent-elles pas assez, q l'on ne peut oster cest ordre & fondement de la religiō catholique, que l'estat ne soit renuerse, & que d'une Monarchie tres-chrestienne & bie reglee, ne s'en face vne tyrānie manifeste, & d'un

*Il faut e-  
stre cath.  
pour estre  
Roy.*

estat fidele, chrestien & politique, ne s'en face vn estat infidele, heretique & tumultuaire? Ne nous expriment-elles pas assez viuement & clairement, qu'elle a esté l'intention, & conception de noz peres, sur l'intelligence, & pratique de la loy, ou coustume Salique, concernât la succession du royaume: & qu'infaliblement ils n'ont voulu ny entédu parler que du sang masle chre. & cath. cōme ils n'en tolleroiét ny n'en pouuoiet imaginer qu'autre s'y osa presenter, ou y pretendre? Ne nous mōstrent-elles pas la distinction qu'il faut faire en tel subiect, d'estre simplement masle ou chrestien, ou bien tous deux d'estre heretique, payen, ou bien cathol. ? & que pour estre digne & capable suiect d'estre Roy il faut auoir ensemble & ce qui est de la nature, & ce qui est de la loy du royaume, tant au fait de la religiō, que pour la proximité du sang, & que l'un ne suffit sans l'autre? N'est-ce pas aussi pour monstrier, qu'il y a grand difference entre vn Roy certain, ou vn Roy incertain: entre pretendre auoir droit à la royauté, ou l'auoir accepté, & estre cogneu & receu des subiects pour tel entre estre Roy, ou y pretendre: qu'il faut deux choses deuant que pouuoir estre Roy, qu'il faut estre homme le plus proche du sang royal, mais premierement qu'il faut estre chrestien, & auoir les qualitez requises en l'une & l'autre naissance, en la charnelle de sãg, & en la spirituelle de la foy: qu'il faut qu'elles soient iugees, receues, approuuees, & publiees telles par les Pairs, & les principaux du royaume, & que de tout ce il en apparaisse suffisamment à tout le peuple en vn reception solempnelle, & acception de la royauté, & de ses droicts dans l'E-

glise, & parmy les principaux actes & mysteres de la religion chrestienne, selon les formes establies, & qui ont esté ordonnees de toute ancienneté, & lesquelles se pratiquent seulement enuers les catholiques les iours du sacre & du couronnement. Et selon cela il est bien deffendu de resister à son Roy, c'est à sçauoir, à celuy, qui est ja receu & approuué pour tel (si toutefois depuis il n'est tombé en apostasie, ou heresie : & s'il n'a esté demis iuridiquement & autentiquement cōme vostre Royne & le R. de N.) mais non à celuy qui pretend en estre ou qui se veut introduire ou faire Roy, principalement contre ces formes, vs, coustumes, & loix du royaume, & de la foy de l'Eglise catholique. Apost. & Romaine.

C'est pourquoy noz Roys ne sont pas dits simplement Roys de France, mais Roys par la grace de Dieu : ils ne sont pas dits tenir seulement leur royaume de l'espee, mais principalement de Dieu, & de sa religion : qui n'est autre chose à dire, sinon qu'ils sont & ont esté receuz & maintenuz Roys, non pour ce qu'ils ont de la nature seulement, ains principalement parce qu'ils ont, & ne peuuent tenir que du don & de la grace de Dieu & de sa religion, c'est à sçauoir, pour estre chrestiens. C'est aussi pourquoy noz Roys, sur tous les autres, ont ces deux propres Epithetes, d'estre dits Roys naturels & legitimes, comme les Empeurs Romains estoient dits legitimes, apres qu'ils auoient esté sauez, publiez & approuuez pour tels, & l'un ne suffit sans l'autre, non plus qu'és successions des familles particuliers d'estre fils naturel, pareillement l'on n'est legitime. Il faut

s'opposer virilement au naturel & bastard : recevoir & obeir au naturel & legitime ensemble.

Et que pour la succession de ce royaume, la loy ou coustume soit plus considerable que la nature, ou la proximité du sang, & que le Roy tient plus de la loy ou coustume du royaume, sa Couronne, que de la nature ou sang paternel, il appert euidément de ce, que le plus proche de nature & de sang royal, s'il n'est masle, & descendu de l'estoc masle, est exclus par la loy du royaume, & que celuy du costé du sang masle, bien que soit esloigné de degré, est preferé à celuy-là par le benefice de la seule loy. Si noz Peres ont sceu pouruoir par ceste loy Salique aux inconueniens & nouveautez qui arriuent és successions de royaumes, lors que le successeur deppéd de la volonté du Roy, où qu'il est à la liberté des subiects d'en prédre vn de telle famille, qu'ils veulent & qu'ils iugent leur estre plus à propos, est-il croyable ny aucunement digne ou approchant de leur preuoyance & sagesse, qu'ils ayent oublié de preuenir & remedier par ordonnance & loy certaine, aux guerres, esmotions, seditions, à la confusion & aux sinistres & cruels euenemens, que le changement de religion apporte ordinairement & necessairement avec soy beaucoup plus grâds, plus inuitables, & plus dangereux, que l'incertitude, ou le chagement de famille & de sang ne scauroit produire?

Si la propositiō des huguenots en leur Fracogallie, ailleurs suiue de plusieurs, & de l'Historiographie de France est veritable, que le royaume dès sa premiere & ancienne constitution, est electif, & nō hereditaire ny successif, comme ils pretendent qu'il



à esté en la premiere lignee tousiours, voire (dis-ils) long temps apres Charlemaigne, ne s'ensuit il pas bien que la loy ou coustume Salique, laquelle à leur compte l'a rendu succeffif, est plus nouuelle & moins fondamentale en France, que la loy de la religion Cath. qui à comméceé en Clouis, à estre auctorisee & faire part en l'estat: & qu'il est partât plus neccessaire, & de plus longue & anciéne obligation, que le Prince futur Roy, soit Catholique de succession, que masse de succession, ou le plus proche de nature & de sang? Ne s'ensuit il pas, que la loy, qui en exclud les heretiques & ceux, qui ne peuuent pour leur infidelité estre admis au sainct Sacre, &c. est la loy fondamentale des fondaméntales, & sur laquelle, & la loy de succession, & toutes autres generalles & plus nouuelles loix, & formes du Royaume sont fondees & establies, comme sur la vraye Salique qui dône le sel, le goust & assaisonnement à l'estat, & qui le maintient & cōserue en son estre & dignité?

*La loy Salique plus nouuelle que la loy de religio.*

Quand bien toutes ces choses cesseroiét, la seule vsance & cōtinuelle suite, ordre, obseruatiō & reception des Roys tous Catholiques, comme nous sommes, par successiō de l'un à l'autre: n'est ce pas vneloy anciéne vniuerselle, & fōdaméntale du Royaume que Dieu à inspiré, imprimé, & plâté dans le cœur de tous les vrays & naturels François? & qu'estant receue & approuuee de téps en temps en ce Royaume, elle doit auoir beaucoup pl<sup>9</sup> d'autorité & de vigueur, que ne pourroiet auoir toutes les autres loix de l'Estat, qui se trouuēt escrites, si la raisō des Iurisconsultes est veritable. Que les choses introduites par vn vicil vsage sont plus equitables,

que celles qui s'ot cōmādees par les loix, ie dis mesmes que ne pourroit estre ceste loy dite Salique, qui ne viēt, que de l'institutio des hōmes (car nous seriōs biē marris de dire, cōme plusieurs historiēs, & aucteurs qu'elle soit de l'erreur cōmū & de l'vsurpatio ou droit de bien-seance) & laquelle ne se trouue point auoir esté reduite en cōstitutio ou ordonnāce, ny par escrit, ny mesmes estre si certaine de siecle en siecle, si approuuee & pratiquée, q̄ celle de la foy & religiō cat. en la persōne du Roy.

Car tout ainsi que l'ancienne pratique & coustume, par laquelle l'on à tousiours veu que nul à succedé à la Couronne, qui n'aye esté masle par successio des Roys, c'est à dire, de mesme sang masle, que eux, & le plus proche, sert en ce Royaume de loy qu'on nomme par la tradition de noz maieurs Salique, aussi ceste ancienne pratique & coustume, par laquelle l'on à tousiours veu, que nul n'a esté admis à succeder à la Couronne, qui n'aye esté catholique par succession des Roys, c'est à dire, de mesme foy & religion qu'eux, & qui ne tint la foy Catholique, Apostolique & Romaine, comme eux ne peur qu'elle ne serue pareillement & avec mesme raison, de loy pour la successio du royaume par laquelle nul n'y peut paruenir qui ne soit catholique. Il faut estre par l'une masle par succession de sang, il faut estre aussi par l'autre Catholique par succession de religion & de loy : & ne baste d'en estre à sa poste ou par pretendue renouation ou reformation nouuelle de religion, comme pretend le R. de N. & tout heretique.

Ceste coustume en nos Roys d'estre Catholique par succession est d'autāt plus considerable & esth-

cace que l'autre, qu'elle est beaucoup plus certaine par le dire de tous les anciens & modernes auteurs & historiens, qui tesmoignēt qu'elle n'a esté iamais deniee ou controuuersee, d'aucun en France, comme à esté l'autre plus ancienne puis qu'elle commence à Clouis, & l'autre apres Charlemaigne par le propre dire des Huguenots: plus continue plus qu'elle à esté du tout estroitement gardée, cōme sacree & inuiolable, sās interruptiō quel cōque cōme l'autre l'a esté souuent, tesmoin Hugues Capet preferé à Charles de Lorraine, Odo à Charles le ieune fils de Loys le Begue, & Héry premier fils de Robert preferé au Royaume à son aîné par testamēt cōfirmé par les Estats generaux: & Charles le Chauue à Lothaire sō frere aîné, & ainsi plusieurs autres outre que les bastards succedoiēt avec les legitimes en tiltre de Roy: plus fōdamētale puis qu'il y va de la foy & de deuoir enuers Dieu, & que l'ame est la partie plus fōdamētale & formelle de l'homme & Dieu celle de l'ame d'un chacun: plus obligatoire que Dieu en est l'auteur, & qu'elle oblige tēporellement: & spirituellement: plus autentique, par ce qu'elle à esté tousiours pratquee de l'adueu & accord vniuersel, tant des Roys, que du peuple tant des François, que des estrangers & en tous eages & siecles: ou l'autre à eu souuent besoing d'estre soutenue & restauree par la force des armes.

Et si l'on veut (cōme il est plus que raisonnable) que ceste coustume pour la succesiō des Rois soit obseruee infalliblement, pourquoy n'ē sera de mesme la coustume de la religiō? Si le R. de N. ose debatre, ou nier ceste cy: pourquoy n'ē pourra on fai-

*La loy de Religion plus certaine que la loy Salique.*

re autant de l'autre puis que l'une & l'autre est vne  
 mesme coustume & loy de la gent François, com-  
 me parle Balde, bref pour vn mesme sang Royal  
 & pour vne mesme personne? S'il dit, comme son  
 Antiguifard, que la loy qu'on appelle Salique, est  
 infalible pour auoir esté achaptee cōtre l'Anglois  
 au sang de nos ancestres, de la destruction de nos  
 villes, de la ruyne de nos maisons & de la perte de  
 tant de batailles, qui ne voit, que cela se peut dire  
 encor plus proprement & veritablement pour la  
 loy Cat. contre les Heretiques Attriens, & autres,  
 & contre les infidelles Gots, & Sarrazins? Brief s'il  
 est permis vne fois de battre & tirer en doute im-  
 punement que ceste coustume ne doit point ser-  
 uir de loy, que deuiendra l'opinion & l'autorité  
 de l'autre coustume dictē loy Salique: veu qu'au  
 iugement de tous ceux, qui en ont le mieux escrit,  
 elle n'est appuyee que sur le mesme fondement de  
 l'vrsance & continuelle obseruance? & qu'il est biē  
 certain, que oncques ne s'est trouué personne, qui  
 se soit ausē vēter d'ē auoir veu ou leu ceste loy Sa-  
 lique pour la succession du Royaume: & que con-  
 formemēt à ce il ne s'eliēt rien de semblable és ta-  
 bles & articles de la loy Salique imprimee & mise  
 en lumiere depuis quelque temps, tout ce qui s'y  
 trouue touchāt les successions ne parlant aucune-  
 ment de celle du royaume, & ne faisant aucune ex-  
 clusiō de l'estoc maternel, ains disāt simplemēt que  
 le plus proche massē succedera à vn chacū sās par-  
 ler des Roys plus que des autres, si disons nous, il  
 est permis de venir au contraire de ceste coustume  
 n'est-ce pas faire vne belle ouuerture aux preten-  
 tiōs de vostre nation sur ceste Couronne? N'est-ce

pas bien leuer le nes à la maison de Lorraine, pour l'y faire penser ? n'est-ce pas en exclurre du tout le Roy de N. & le mettre bien loing apres tous les masles, du costé des filles, qui sont les plus proches du sang Royal? Car on trouue biē, que les Anglois & plusieurs autres ont esté si impudens, que de s'inscrire en faux contre ceste loy Salique, ou pour le moins contre l'interpretaion sur l'exclusion des masles de l'estoc femenin, voire il y a de noz derniers historiographes François, qui sont si hardis, que de la descrier & en parler comme d'une chose fabuleuse. Mais il ne se liēt point que iamais iusques icy aucun aye ozé douter ne mettre en dispute la loy du Royaume touchant l'observation ancienne & continuel de la religion Catholique en France, tant en la personne des subiets, que singulierement en celle des Roys & leurs successeurs, laquelle soit Salique Ripuere, Francique, Gallicāne, ou autre, quelque nom que l'on y vueille donner, est nee, entretenue, & cōseruee avec le Royaume, suyuant laquelle il à esté de tout temps gardé & tenu pour tres-certain & inuiolable, que noz Roys deuoient estre Chrestiens & catholiques par necessité, aussi bien que hōmes: & en vn mot, si vous voulez, de mesme foy que les Papes de Rome que les Prestres & les deuanciers Roys & que les Euefques & Pasteurs de l'Eglise Gallicane.

Si le R. de N. & les Huguenots mesmes en leur Francogallie, Antiguifard & autres liurets suiuant l'opiniō de Balde & des Iuriscōsultes pretendēt la seule coustume & vsāce de la succcessiō d'un masle à la Couronne deuoir obtenir vigueur & autorité de la loy appelee Salique, pour exclure les masles

*La seule  
coustume  
fait la loy  
Salique.*

du costé feminin, ils ne peuuent, que par mesme raison ils ne prénēt pour la mesme loy Salique, ceste vsāce dela successiō d'un cath. à icelle, avec debou-  
 tement & exclusion de l'heretique. Puis que l'autre ne se lit point auoir esté iamais obseruee que conioinctement & en mesme subiect & personne que ceste cy, c'est à sçauoir pour vne mesme succession & en vn mesme successeur masle & catho.  
 ensemble. Si l'une n'est point coustume ou loy, ne l'autre aussi. Si toutes deux en sont, ou ne sōt pro-  
 premēt que vne mesme chose & vne mesme cou-  
 stume & loy Salique, il s'ensuit dōc necessairemēt,  
 que ces deux loix coustumieres & anciennes, ou pour mieux dire, que par ceste mesme & vnicque  
 coustume ou loy Salique, pour estre Roy de Fran-  
 ce il faut estre tout ensemble & par mesme moyen  
 autant catholique, que masle, l'un n'ayant & ne  
 pouuant estre séparé de l'autre, demeurant l'anciē-  
 ne coustume en sa force. Si les Catholiques ne sōt  
 point receuables à exclurre le R. de N. du Royau-  
 me par ceste loy, ou partie de ceste coustume par  
 ce qu'il n'est pas catholique, ny luy aussi n'est nō  
 plus receuable d'exclurre les filles ou les masles  
 descendans d'elles par l'autre loy ou partie d'icel-  
 le coustume: par ce qu'elles ne sont masles ny eux  
 descendāts des masles. Si toutesfois il pēse & peut  
 iustement exclurre ceux de Lorraine par ceste loy,  
 de ce qu'ils ne viennent de l'estoc masculin, pour-  
 quoy ne le peuuent ils aussi iustemēt exclurre par  
 l'autre, de ce qu'il n'est Chrestien, Catholique &  
 de la religion des anciens Roys? Car si la coustu-  
 me obseruee en la succession de noz Roys, doit  
 estre suiuiue pour vne partie en ce qui concerne

*La loy de  
 Religio ne  
 peut estre  
 reprouuee  
 que la loy  
 Salique ne  
 le soit.*

le sang masle, pourquoy non en l'autre partie, qui regarde la foy chrestienne & catholi. de ce mesme masle? Si le R. de N. dit que celle qui touche le sâg masle est indubitablement & seulement la loy Salique approuuee de tout ancienneté par tout & de tous les François avec ceste interpretation de l'exclusion non seulement des filles, mais des plus proches masles descendans d'icelles, par mesme moyē qu'il verifera ce point & qu'elle aye autre auteur, que la coustume, les autres verifient aussi que l'autre partie est encor plus approuuee avec exclusion de celuy qui n'est cath. Et comme il produira en bonne forme la sienne mesmement avec ceste expression de l'exclusion des masles descendans des filles, il sera aussi aisé aux autres de produire la leur avec ceste expression de l'exclusion de tous heretiques, ou de celuy, qui n'est catholique & de mesme foy que Clouis & les anciens Rois. Bref la mesme defence qu'il pourra alleguer pour foy, & pour l'approbatiō de ceste coustume ou loy, qu'il faut pour succeder estre masle & de l'estoc Royal & parternel, & les autres aussi beaucoup plus facilement, pour l'approbation de ceste coustume ou loy, qu'il faut estre catho. pour succeder. Et si l'une & l'autre est douteuse encor en tout cas la consideration de Dieu, de sa religion, & de la condition & qualité du Catholique obseruee aux Roys de tout temps en ce Royaume, sera tousiours plus favorable, pour ceux de Lorraine, par la loy diuine, naturelle & humaine, avec la proximité naturelle du sang, & la commune obseruance & pratique des Royaumes voisins, ou les filles succedent ou bien les masles sortis d'elles, que pour le Roy

*Summa  
ratio est  
que pro re-  
ligione fa-  
cit.*

de N. la seule opinion & interpretatiō de ceste loy Salique qui n'est comme nous reprochoit anciennement vostre Edouard 3. que fantastique, fabuleuse, imaginaire & presumee à plaisir, si la commune & ancienne vsance ne sert de loy & ne l'autorise, puis qu'il est ainsi que la souueraine raison est celle (dict Papiñian) qui faict pour la religion: & que la sentence du peuple Romain & de tous estats biē reglez à tousiours esté de postposer toutes choses à la religion, voire (dit Valere) ou il re- luisoit plus de souueraine Maiesté. Aussi il n'est nullemēt à croire, que noz Peres ayēt fait vne loy pour la succeſsion du Royaume avec exclusion de celle de la Religion: c'est à dire qu'ils ayēt ordōné ou voulu qu'on n'aye aucun esgard à la religiō du succeſſeur, mais seulement à son sang & degré masculin. Et s'ils ne l'ont ny exprimé ny exclus encores en tout doubte l'on ne peut mieux coniecturer de leur intention & sens, que par leur Religion, & par la pratique de laquelle ils ont vſé en tel cas, la succeſsion du Royaume n'ayāt iamaïs esté couverte à aucū, que autant qu'il à esté fondé sur la loy & coustume de la Religiō Catholique. Et cōme toutesfois celuy seroit tenu meritoirement mauuais François & Tyrā qui voudroit nier ceste cy ou s'y opposer, ou bien pretendre de vsurper la Courōne au contraire, aussi certainement celuy la ne peut estre tenu que tres-mauuais François & tres-mes- chāt Chrestien, & vray tyrā tout ensēble, qui vou- droit nier, s'opposer, ou biē pretendre, ou vsurper la Courōne contre l'autre qui requiert que le Roy soit Cathol. Tellement que le Prince du sang qui n'est Catholique ne peut auoir non plus de droit à la



à la succession, que celuy qui est purement cathol. sans estre du sang. Et tout ainsi que tout vray François est tenu de garder ceste coustume de sang, & de seruir & cōseruer de tout son pouuoir au Prince du sang & catholique, qui se trouuera le plus proche, le droict, qui luy est aquis & deu par icel le, s'il n'y a autre empeschement, aussi reciproquement tout Prince est tenu de garder l'autre coustume, & de conseruer le royaume & les subiects en la possesiō & iouissance de ce droit & coustume, qu'ils ont de ne pouuoir estre commandez par vn Roy, qui ne soit du sang & catholique ensemble, ny par autres officiers & Magistratz que catholiques. Si c'est chose tenue pour certaine, que les Roys ne peuēt abolir les coustumes priuees de chacun pays au preiudice des contractz & des droicts de leurs subiects, comment pourront-ils rollir la principale coustume & du royaume & de toutes les prouinces en l'observatiō de la religiō, que chacun a plus chere, que tous les biens du monde, ny que sa propre vie: veu mesmement que ceste coustume n'est pas comme les autres, qui sont seulement accordees par les subiects, & non ordonnees par les Roys: Mais elle est & ordonnee par eux, & accordee par les subiects par vn temps immemorial, continuel & sans interruption.

Si le R. de N. dit, qui est la cadance, le refuge, & l'eschapatoire ordinaire des Huguenots: que ceste coustume d'estre cathol. par succession est contre Dieu, de l'inuention des hōmes, & le principal de ces abus, qu'il a charge & commissiō de Dieu de reformer: en ce cas ceux de Lorraine auroient encor plus de prinse sur luy, pour annuler la loy Sa-

*Dieu & nature veulent que les plus proches soient masles ou femelles succedent.*

*La loy Salique interpretee au desauanta-ge des masles descendans des filles et sœurs des Roys.*

*Le R. de N. est estrangier, non les Princes de Lorraine.*

liquē avec le sens, qu'il luy donne, d'autant qu'oū il n'iet en fait qu'elle a esté ordōnee, establie, & publiée souz iour & an, comme porte la forme des loix, par le Roy & par les Estats generaux ensēble, ou par le Roy seul (ce que toutefois le R. de N. ne prouuera iamais) ils luy peuuent respondre & dire avec plus de verité le mesme de la loy qui exclud l'hēretique: & de plus que c'est Dieu & la nature, qui font les Roys de France, & non les loix des hōmes: Que selon cela Dieu & la nature appellent les plus proches du sang selon l'ordre de primogeniture sans distinctiō de masle ou femelle: partāt que la loy Salique qui a esté faite par les hommes, & laquelle fait ceste distinctiō de masle & de femelle, ou pour mieux dire de l'estoc masculin ou féminin, ne peut auoir aucune auctorité ny cōmandemēt sur les Roys, & ne leur peut preiudicier: estant mesmement cōtre les loix de nature, & faicte ou interpretee par ceux qui auoiet interest en la cause, & obtenue pareillement par les menées & pratiques du Comté de Beaumont, ou, cōme disent noz histoires, en haine des estrangiers Anglois, anciens ennemis de la France. Et pour ce que d'ailleurs cōme seulement estrangiers ils sont inhabilles par le droit des gens du gournemēt du royaume: ou eux ils sont François, nez de François, Pairs & Officiers de la courōne, & le R. de N. Biarnoïs & nay hors de Frāce, cōme vostre Edouard.

Si d'ailleurs il met en faict qu'elle n'est que loy mentale, & qu'il n'en a esté iamais fait aucune ordonnance & loy par escrit, ains que la coustume seule luy donne auctorité & vigueur de loy, & en est seule l'auteur, Quasid bien il n'en auroit esté

vſe diuerſemiēt, ains que telle couſtume fut véritable, & euſt eſté inconcuſſément & inuiolablemēt gardée & auētorifée par vn continuel vſage de tāt de ſiecles. Ils ont encore plus beau ieu par les meſmes raiſons, que le R. de N. & les huguenots ſça- uent propoſer cōtre les couſtumes anciēnes, Que nos peres eſtoiēt de pauures gēs, qui ſe mouchoiēt (comme l'on dit) à la māche, pauures aueuglez en ce, qui eſtoit de la vraye cognoiſſance de la loy naturelle, qui eſt autāt, que de la raiſon & de la vérité, cōme ils ont bien monſtré ayant adoré les bois & les pierres & vn lean le Blanc ( ce ſont leurs iniures) pour Dieux, fait & cōmis tant d'autres abominations, que les heretiques ſçauent reprocher aux Catholiques pour auoir eſté (diſent-ils) du tout ignorans de la loy de Dieu, & par conſequent de la loy naturelle, Que s'ils ont erré en tāt de choſes ſi importantes, qu'il n'eſt pas merueille, que Dieu les aye deliurez ou permis tomber en ſens reſprou- ué, & qu'ils ayent failly preferans leurs inuentiōs à l'ordre, cours & proximité naturelle du ſang. L'ordre de nature voulāt que le premier nay marche le premier apres le pere, & que les autres le ſui- uēt chacun en ſon rang, Que notāment par la loy de Dieu il eſt dit, que quand l'hōme mourra ſans ſils, que ſa ſucceſſion vienne à ſa fille : & que ces pauures abuſez auoient preferé vn, qui ne ſeroit qu'au 30. ou 40. ou bien cōme parle Balde, au mil- leſime degré en ligne collaterale, à la fille ou à ſes enfans maſles, qui ſeroient au premier, ſecond & tiers degré en droicte ligne : Que c'eſt cōtre la loy de nature & la pure parole de Dieu : Que le temps de reformation eſtant venu, porte de remettre en

*Par la loy  
de Dieu les  
filles ou ſils  
deſcendans  
d'elles doi-  
uent ſucce-  
der aux  
maſles ſelō  
leur degré.*

credit & vsage en sa vraye pureté tant en la police & au temporel, qu'en l'Eglise & au spirituel, la loy de Dieu & de nature.

*Diuers ex-  
emples des  
filles qui  
ont succédé  
aux Roy-  
aumes pour  
estre les pl<sup>rs</sup>  
proches.*

S'ils veulent enfoncer ceste matiere, ils n'aurōt point faute de plusieurs notables preiuges aduenus en diuerses nations pour l'explicatiō de la loy & coustume anciēne, obseruee és autres pays pour la succesiō des masles. Par ce que telle loy n'a peu empescher, qu'en plus forts termes à Naples, Cōstance femme de Pierre d'Arragon n'aye succédé à Maufroy le bastard son pere: & enuiron l'an 1560. en Ongrie & Poloigne Marie & Hedvige à Loys Roy d'Hongrie & Poloigne leur pere: & quasi en mēme temps és royaumes de Noruerge, Suede, & Dannemarc, Marie Volmat: au royaume de Castille Ysabelle de Castille: au royaume d'Aragon l'an 1407. Ferdinād fils de Lebnor fillé de Pierre Roy d'Aragon succeda à Martin: & enuiron 1240. Perrine femme de Raymond Conte de Barcelone à Ramire son pere Roy d'Aragon: au royaume de Nauarre, la femme de Henry le Large Conte de Champagne: & de nostre temps l'an 1551. l'on a veu, ce que ne se vit iamais en vostre pays d'Angle terre, & contre vne prescription coustumiere des masles d'enuirō 1500. ans, que Marie succeda à Edouard 6. son frere, & depuis vostre Elizabet à ladite Marie sa sœur, cōme en Escosse autre Marie, qui vist, à laques Stuard. Par lesquels exemples l'ō peut inferer, comme toutes ces natiōs n'ont point pensé, qu'une coustume bien que tres-ancienne & continuelle de la preferēce du masle remué de beaucoup de degrez à la fille, à la sœur, ou autre proche femelle, fut iuste & vallable pour icelles

exclurre de la succession du royaume, si elles mesmes n'y renonçoient volontairement.

Ils pourront adiouster, s'ils ont vne fois passé le rubicon & la ligne d'impudence, ou de vergongne, que c'est vne inspiration du saint Esprit, qui le veut ainsi : & qui les force, & leur commande en leur ame de poursuiure ceste reformation : ce qu'ils feront d'autant plus hardiment que ceux qu'on reçoit en tels direz, n'en ont pas plus d'assurance qu'eux, & n'en mōstrent point plus de preuve. Et n'est pas qu'ils ne trouuēt quelque cerueau mal-façonné qui leur fournisse quelque lieu de l'Apocalipse, pour verifïer leur vocatiō, ou missiō extraordinaire pour cest effect, aussi biē que le R. de N. y a faict trouuer par son brocard, qu'il doit estre infailliblement Roy de France, & qu'il a cōmission particuliere de reformer la chrestienté.

Si cela n'est pas suffisant, ils seruiront tres-bien des escritures & enquestes faites par les huguenots, pour verifïer que noz maieurs, qu'on pretēd auoir faict ceste loy, ou commencé & entreteñu ceste coustume, s'estonnoient d'une cheniuiere, & estoient si badauts, si innocens, & gens de si peu de sens, qu'ils se souz-mettoient trop volontairement sans s'affectionner aux loix iustes à vn chacun, qui auoit le moins de ruse, de moyen, & puissance, telmoin que Roys & Princes, & tout le monde, à ce qu'ils disent, se sont laissez gouverner contre tout droict & apparence, par ces Cafars & Cagots de Prestres, iusques à adorer ce chef nouveau l'Antechrist Romain (soit dit sous la supportation des oreilles chrestiennes) qui a esté occasion enfrainct bien souuent les loix du royaume.

me, comme par l'absolution & deliurance du serment de fidelité des subiects, enuers le Roy Childeric, par sa deposition du royaume, & tant d'autres infinis exemples. Et qu'il n'est point raisonnable, que le R. de N. qui le tient pour ennemy de Dieu & de la chrestienté, & qui croit pour article de foy, qu'il ne peut rien ny au spirituel, moins encor au temporel, iouyssse des droicts & prerogatives acquises à ceste couronne, où à la famille & successiō de Pepin & Charlemaigne, par telle auctorité vsurpee, à son dire, imaginaire & contre le commandement de Dieu, conformément au proverbe François, Qu'autant fait & vaut celuy qui tient, que celuy qui escorche. Par consequent qu'il faut venir au droit de successiō, semblable aux autres nations, & sçauoir qui est le plus proche de ce Roy despouillé Childeric, ou bien reprendre l'usage & coustume ancienne, d'eslire les Roys, qui seroient choses bien absurdes. Toutefois ces raisons auront d'autant plus de force contre le R. de N. qu'elles, & semblables sont les fondamentales de son heresie, & pretēion à la royauté avec icelle: qu'il declare les croire tres-veritables, icelles estre de Dieu: & qu'il ne doute point de les signer & souscrire par l'effusion de son propre sang.

*Les Cath.  
tant Prin-  
ces qu'an-  
tres seroiēt  
bien idiots,  
s'ils permet-  
toient qu'un  
heretique  
fut Roy.*

Nous adiurons icy tous ceux qui ont quelque iugement, qu'ils disent, si ce n'est pas vn argumēt tres-apodictique & necessaire, & vne ratiocination indissoluble, & sans iuste replique: qu'ils iurent aussi si ceux de Lorraine, outre les catholiques, qui ont commun interest avec eux, à la manurenriō de la religion catholique, & des loix & coustumes du royaume, ne seroient pas bien les

plus simples, les plus idiots, & les plus lourdaux qui ayent iamais esté, de se laisser passer deuant le nez si effrontement ceste opinion & heresie d'estat & de religion, Qu'autre que catholique puisse estre Roy de France? Que chacun s'examine qu'est-ce, qu'il feroit, s'il y auoit en tel cas si bonne part, que ceux de Lorraine, puis que le R. de N. ne les peut exclurre, qu'autant que la coustume & obseruance ancienne a force de løy, & que par icelle il faut que le Roy futur soit tout conioinctement aussi bien catholique, que du sang royal masse. S'il luy est permis de venir au contraire du principal point de ceste løy coustumiere, & de le separer tellemēt d'icelle, qu'il ne soit tenu y auoir aucun esgard, ny d'estre catholique: & pourquoy non a eux, & à vn chacun en ce qui est moindre, à ce qu'on ne puisse estre tenu d'auoir aucun esgard, si le masse est de l'estoc paternel ou materiel? Vid-on iamais perdre procès en si bōne cause? Et la Couronne de France ne vaut-elle pas biē le plaider? Ne luy fōt-il pas vn beau party, qu'autres qu'eux ne luy feroient point, peut estre, de luy bailler gain de cause, par sa propre piece & ancienne vsance produite par luy au proces, & passer condamnation à son seul dire: pourueu aussi que telle piece soit commune, & qu'eux & les cathol. s'en puissent seruir reciproquement contre luy, selon sa teneur, & qu'il la suiue cōme veritable en tous ses poincts, ce que ne fut iamais denié en iugement par le moindre iuge de l'ormeau de Gentilly.

Le R. de N. & apres luy to<sup>r</sup> ses escriuains à louage & à pris faict, preuoyant la force de cest argu-



ment, & comme en consequence que la religion cath. est prinse pour la loy de religiō du royaume, il est nécessaire que le Roy, aussi bien que tout autre y soit subiect, & en face profession, & que de la cōstume de religion obseruee en la succession des Roys, & luy & tout autre doit estre, pour leur succeder, aussi bien religieux & cath. que masse, il s'est aduise d'une responce la plus captieuse & incivile (sauf sa correction) qu'il est possible de penser, & laquelle seroit plus seante à vn Charlatan de Venise, & crieur de Teriaque, ou bien à vn bō Machiaueliste, qui parleroit au plus loin de sa pēsee, en faict de religion, que d'un bon religieux, tant ses escriuains luy font dire & souzcrire ce qu'il leur plaist, sans iugement ( nous disons sans iugement, par ce que ce sont choses trop apparemment fauces, lesquelles toutefois le rendent condamnable par sa propre bouche, & font que luy mesme dresse & signe la sentence d'exclusiō, chose si esloignee de la prudence humaine, que nous sommes cōtraincts y recognoistre, du fait de la sagesse de Dieu, qui fait, dit l'Escrature, que ses ennemis se condānent par leurs propres paroles ) il dit dōc que noz Roys & Princes herōiques ont defēdu l'Eglise & nō pas les abus: qu'ils ont commandé & soutenu la doctrine de nostre Seigneur, fondemēt vnique de l'Eglise, mais qu'ils n'ont laissé à reformer: & à se plaindre des abus introduits: que de sa part il tient mesme doctrine, & est de mesme Eglise qu'eux: & qu'il ne se plaint & ne proteste que des abus. mais q̄ ce desir ne lui doit point estre imputé à heresie, ou à inimitié contre l'Eglise: & que c'est la seule cause du Schisme & du different



dont il est auiourd'huy question en l'Eglise.

Il faudroit vn long discours pour discourir au monde & refuter la malice piperesse (ainsi s'appelle S. Paul parlant des heretiques) qui est en ce langage. Mais nous ne toucherôs que succinctement, ce, qui peut seruir à nostre propos. Il faict distinction de la doctrine de l'Eglise & des abuz qui y sôt la doctrine estant le fôdemēt, & le corps de la maison de dieu, les abuz la balieure & l'ordure, qui est dās icelle. De cela nous en sommes d'accord, estāt entendu sainement : & adioustons pour explication, que la corruption formee de la doctrine de la foy en Iesus Christ s'appelle heresie, & la corruption du cult exterieur des mœurs & la discipline Ecclesiastique se nomme abuz. L'une regarde le deuoir interieur, l'autre l'exterieur. L'une consiste en l'entendement, l'autre consiste en action exterieure, ou bien volonte interieure. L'une blesse à mort la foy, l'autre l'empuantist & difforme le dinin seruice, noz mœurs & la police exterieure. L'une tue l'ame la priuant de la foy, qui est sa propre vie, l'autre la debilitē & l'affoiblit. L'une nous met du tout hors l'Eglise, & l'autre nous y retient biē que mal sains. L'une nous despouille de toute pretention, conseil, voix, opiniō & autoritē en ce que concerne l'Eglise, comme n'y ayant plus ny part ny quart, de maniere qu'estant vne fois chafsez hors & declarez separez d'icelle, elle ne peut rien plus sur nous, comme aussi nous ne voyons point qu'elle s'ēpesc̃he à policer l'Eglise des Ministres, ny la Sinagogue des Iuifs, l'autre nous y laisse le mesme rang que nous y auons. Brief le differēt pour l'une rend les contentieux heretiques, &

*Difference  
de l'abus  
& de l'he-  
resie.*

le different pour l'autre les rend aucunemēt Schismatiques: mais entierement (dit saint Augustin) quand c'est avec separation du corps de l'Eglise, & des pasteurs d'icelle.

Il dit de plus que noz Roys & le royaume ont bien ordonné de suiure la doctrine de l'Eglise, mais qu'ils ont desiré & recherché la reformation des abus, Nous acceptons ce dire. Il adioute, qu'il est de même doctrine & Eglise, qu'eux, & qu'on n'est en different, que des abus, & qu'il ne pretēd que la reformation d'iceux, n'estant raisonnable tenir pour heretique celuy, qui dit que l'Eglise a besoin de purgation. Nous respondons qu'il fait les cathol. trop sots & ignorants, de penser qu'ils ne le tiennent heretique, que pour ceste occasion, & de plus que s'il ne cherche que la repurgation des abus, à la façon de noz anciens Roys, qu'il ne deuroit donc point esmouuoir, non plus qu'eux, tant de tragedies en la chrestieté, qu'il fait, moins faire des assemblees separees, & vne bande & forme d'Eglise toute nouuelle, & (comme parlent les saints Peres) eriger chaire contre chaire, cene cōtre cene (bien que les anciens disent autel contre autel, monstrant que le sacrifice de la Messe estoit pratiqué vnanimement de tous, tant heretiques que catholiques) ministre cōtre ministre. Mais laissons cēla, & tout ce qui touche le point de cōscience aux Theologiens, & à esplucher si ce que le R. de N. & les Calvinistes, mettent, & veulent faire passer par abuz, en est, ou non: si ce n'est que nettoyer & repurger la maison au dedans, que d'en faire vne nouuelle, en changeant le fondement par le changement de la foy & de la do-

ctrine: si aufsi eftant hors de l'Eglife, il eft receuable à opiner, ou à s'entremettre de fon mefnage & de fa police: & fi cela peut biē accorder ensembble, qu'il n'en veut qu'aux abuz, & que toutefois il s'eft departy de nostre Eglife cathol. par ce que la doctrine n'en valoit rien, & que par confequēt elle n'eft point Eglife.

Nous nous contiendrōs dans les bornes & termes de nostre fubieēt pour dire qu'il nous fuffit que le R. de N. accorde que l'Eglife & la doctrine de noz Roys & peres, qui ont eftably & obferué la loy de religion du royaume ont tenu & deffendu la vraye Eglife & doctrine de Iefus Chrift, & qu'accordant qu'il eft de mefme religion qu'eux il confeffe & cōsent que tous leurs fuccesseurs en doiuent eftre de mefme, & partant qu'il ne peut eftre Roy ny n'eft aucunement receuable à eftre tolleré, moins à eftre ouy en toutes fes pretenfions fur la royauté, qu'autant que ce qu'il met en auāt, foit vray & bien verifié deuēment prealable, c'eft à ſçauoir, Qu'il tienne la mefme doctrine, & qu'il ſoit de la mefme Eglife que les Roys, & noz peres ont tenu & deffendu ſelon la loy du royaume, & notammēt Charlemaigne, Philippe, & S. Loys, qui ſont particularifez par Mornay, biē qu'il leur impoſe des liures & faiēts tous faux, & qu'aufsi nous ſçachions que tel dire en leur peut prouenir de cœur: par ce que c'eft contre le ſentiment, & la foy des Miniſtres, & de ceux de la nouuelle opinion. Toutefois d'autant que c'eft vne queſtion de fait, & qu'il n'y a ſi petit enfāt, qui n'en puiſſe eftre iuge, nous nous en remettons à ce que chacun en peut penſer & cognoiſtre. Car il n'eft pas moins

certain, ny moins difficile à verifier, que la foy du Royaume & la doctrine des Cath. depuis cinquante ans & leur Eglise est la mesme, que celle desdits Roys & ancestres, & non celle que le Roy de N. dict tenir & defendre: qu'il est certain & qu'il se peut prouuer que le soleil de present est le mesme & non autre, que celuy qui estoit de leur temps.

Mesmement enuers ceux qui n'ont point le sens commun renuerse, & que Dieu n'a point ietté en sens reprouué comme enuers vn Estat si chrestien que le nostre, & les vrais catholiques, desquels il est composé, & qui en sont assurez par tât de certitudes. Et soustenir le contraire, cela n'a non plus de garbe, que si l'on soustenoit que le soleil est obscur, & que la nuit est claire & lumineuse. Les seules fondations & dotations des hospitaux, & Eglises soubz le nom des saincts, les seuls testamens de noz Rois & maieurs, qui les chargent & nous de faire dire des Messes, & prier Dieu pour leur ame, & de paier pensio, réte, ou autres deuoirs à ces fins: la seule masse & construction, ou bié, si vous voulez les seules ruines des Eglises, qui restent souz le nom des saincts avec marques d'Autels, Croix & images: la seule conserance de la maniere de ordonner & establir les Pasteurs en leur Eglise, avec celle des Calvinist. & des seuls noms d'Euesque, Prestre, Moine, &c. avec ceux de Ministres, Surueillât, Ancien, Consistoire, &c. la seule diuersité ou contrariété d'administrer les Sacremens, d'adorer Dieu & prier les saincts par Breuiaries, Messelz, Baptistaires, heures de Nostre Dame, & à certaines heures du iour, Matines, Prime, Tierce, &c. cōme nous, ou par ceste nouueauté des Pseumes de Marot

Catechismes, & oraisons de Beze & de Calvin, &  
és iours par eux destinez aux prieres, leurs versios  
de la Bible, la confessiõ de foy de leurs Eglises cõ-  
posée à Poissy, rapportee avec celle de nosdicts  
Rois & maieurs sans autre marque de cõmence-  
mēt, que des Apostres: la suppressiõ qu'ils font de  
tout le cours & droit canon: brief la face & le seul  
visage ancien & ordinaire de l'Eglise Gallicane sē-  
blable à celuy de nostre temps en toutes ces disci-  
plines, obseruations, comportemens, ceremonies,  
& enseignemens, comme estant choses toutes cõ-  
traires à la façõ & nouveauté de l'Eglise des Calu.  
& lesquelles ils abhorrent & prennent pour abuz  
& corruptiõ, ne sont-elles pas plus que suffisantes  
pour conuaincre apertemēt leur imposture, qu'ils  
puissēt estre de mesme Eglise & doctrine en la foy,  
que noz peres, ny moins qu'iceux ayēt tenu pour  
abuz ce, que ceux cy y veulent cõprendre? Le nyer  
apres tout cela n'est-ce pas autāt que nier, qu'il est  
iour en plein midy? L'improbité & la meschanceté  
de l'heresie (disoit S. Athanasē en cas sēblable con-  
tre les Arriēs) est suffisante à desmentir & descou-  
rir l'ignorance des siens propres: (la disans anciē-  
ne) & ceste seule nouuelle, maniere de liures rend  
l'heresie Arriāne de mesme tēps & antiquité qu'ils  
sont. Car elle demonstre assez le commencement  
de la foy d'icelle, & quand est-ce qu'ils ont com-  
mencé à croire & à l'embrasser. Au cõtraire toutes  
les choses dont noz Roys & maieurs ont vsē &  
hors l'Eglise & dās l'Eglise, ne mōstrent & tesmoi-  
gnent elles pas que leur foy & religion à esté tou-  
te diuerse, & contraire à la Caluiniēne, aussi clere-  
ment, que les rayõs & la clarté du soleil monstrēt

& tesmoigner le propre soleil: & comme les effets du soleil present cōformez aux anciēs mōstrēt que nostre soleil est le mesme que celuy des anciens?

Les pancarres, qui nous restent des fondations de Clouis, ne portent elles pas en mots expres que c'est pour dire la Messe en recognoissance des graces de Dieu, obtenues par l'inuocatiō & intercession des Saints de Paradis & notāment de saint Pierre & de S. Paul? Charlemagne n'a il pas esté par deuotiō à S. Pierre de Rome, & au S. Sepulchre en Hierusalē, & à S. Iaques en Galice? & n'y a-il pas laissé de grands dons & donations? N'a-il pas basti & fondé vn tres-grād nombre d'Eglises & Abaies non seulemēt des thresors & despouilles des ennemis & infidelles: mais ayāt laissé à ces fins par testament les deux parties de ses propres meubles & deniers tant pour y chanter les louanges de Dieu, que singulierement pour l'adorer par le S. Sacrifice de la Messe? Quant à S. Louys, qui est le chef de la famille de noz Roys & de celle de Bourbon, toutes ses actions confites en religion ne tesmoignent elles pas assez sa foy catholique & si vous voulez, Papistique? Il rachapte à gros pris des Venitiens vne partie de la Croix du Sauueur, l'esponge & le fer de la lance, pour les mettre en sa sainte Chapelle de Paris. Il fait obseruer par toute la feste du corps de Dieu instituee pour lors par le Pape Urbain. Est-il prins à Damiette par les Sarrazins, il dōne en hostage la sainte Hostie & la rachapte d'vne rāçon du Roy, tesmoing, qu'à ceste occasion la marque des tapis Quairins est vn Calice avec l'Hostie lugent les idiots par ces exēples sans plus, si la foy du Roy de N. se peut rapporter à la

leur, & si elle se peut dire la mesme : attendu qu'il foule aux pieds ces precieux & sacrez gaiges, & notamment la sainte Hostie à la façon des heretiques les Donatistes, cōme escript Optatus. Ioinct l'enqueste, qui est aisee à faire pour veriffier, que les autres nations, estats, & prouinces, qui ont receu la foy Chrestienne de noz Roys, Pasteurs, & Peres n'ont rien aprins d'eux qui sente, ou s'approche de la puanteur de ces nouvelles opinions. Et si d'ailleurs l'ancienne & continuelle doctrine de l'Eglise Françoisse n'est la vraye doctrine de l'Eglise catholique, il n'en y à eu donc iamais aucune, ne se lisant point, qu'il y aye eu oncque vn seul Ministre en l'Eglise, lequel deuant 30. ans aye creu ou presché la loy ou la foy, que tiennent les Cauinistes. Si le R. de N. ne peut donc & par noz loix & par sa propre promesse & cōfessiō estre receu Roy estant heretique, & ne tenant le vœu & le sermēt, qu'il à fait si souuent & deuant Dieu & deuant les hommes d'estre catholique qu'autant que nostre foy & celle de noz Roys & peres est detestable, & que necessairement, pour le receuoir iustement & par raison, il nous la faut premierement condamner telle, & nous declarer tous ensemble avec noz peres & Roys bons athees, gens qui en effect ont esté sans Dieu, sans loy, & sans la vraye religion, & en fin d'estre l'apast du feu d'enfer. Nous sommes bien les plus niaiz & aueuglez, ou les plus meschans du monde de le receuoir estant Heretique, s'il n'a aucune raison vallable pour foy, si ce n'est d'autāt que son heresie est la foy Chrestienne & la loy de France receue par Clouis & obseruee de siecle en siecle en ce Royaume, & que les songes de

les Ministres, qui y sont contraires diametralemēt sont la parole de Dieu, & les secrets de s<sup>on</sup> cabinet. Quelle cause de iustification ou excuse peuuent pretendre les catholiques de le recepuoir & approuuer pour Roy, tous tels dires estans apparemment faux, & que iceux sont si certaines qu'il n'y à eu iamais en France depuis Clouis autre religion receue que la leur, & qu'il n'y à point de grace de Dieu ny de salut horsicelle: voyans aussi que ceux, qui tiennent les opiniōs du R. de N. & des Huguenots, sont non seulement par les catholiques, mais aussi par les Lutheriens, & tous autres Euangeliques de nostre temps ennemis des Cath. (& qui se vantent toutesfois auoir l'esprit de Dieu & entendre seuls l'escriture) tenuz pour heretiques, & subiects à damnation eternelle & aux peines des loix ciuiles? Qui voyent finalement que tous eux, n'ōt & ne sçauent alleguer autre principal fondement & cause de leur foy que celuy mesmes qu'ont eu les Donatistes (dit S. Augustin) & tous heretiques, & tous les plus grands fols du monde: c'est à sçauoir, leur propre volonté, sentiment, & imagination qu'ils donnent au sens, & interpretation de l'Ecriture, que sans probabilité, que ie ne dise assurance, ils osent baptiser, ou nommer inspiration & reuelation paticuliere du S. Esprit.

*Quod volumus factum est, disoient les Donatistes.*

Nous sçauōs bien qu'ils disent pour charmer les pauvres gens, que c'est la Parole de Dieu, qui est la cause, l'appuy, & le fondemēt de leur foy, cōme si les catholiques, en auoiēt quelqu'autre. Mais quād on vient à chercher, esplucher, & disputer du sēs d'icelle, sur lequel est toute la difficulté & vuydange des points controuerses, ils le cherchēt en eux mesmes,



mes, & en la conference des passages tirez à leur guise, ils n'en font ny n'en veulent autre iuge, que leur cerueau creux, & leur conceptiō particuliere, qu'ils s'imaginent soudain & se persuadēt en vrais fols & Sibillots de Cour, venir de Dieu. Et par cōsequēt leur cōceptiō & entēdemēt estant la seule premiere cause du sens, qu'ils donnēt à l'escriture & à leur foy, eux-mesmes se sont tres-manifestement auteurs de foy: & monstrēt qu'ils se cōstituent Dieux sur eux-mesmes. Voilā certainement vne grande tentatiō à ceux, qui ont des yeux pour leur adiouster foy: voila vne occasion biē vrgente d'estre ou fauoriser l'Huguenot, ou bien de se despartir de la foy Cath. & du vray sens de l'escriture reuelé generallement à toute l'Eglise par le S. Esprit, suiuant la promesse de Dieu, qui ne peut mētir, verifié, cōforme, & authorisé par le cōmun accord & consentemēt de ceste grāde generalité & cōmunauté de tous les Chrestiens de tout temps & de tous lieux. Par consequent voila vne belle defence ou couuerture aux Cath. receuans vn Roy heretique, s'ils ne le peuuent faire n'humanemēt ny en conscience, qu'autant que c'est directemēt cōtre leur propte foy & creance, & qu'il faut que ils accordent & confessent faulxement, que l'heresie des Calvinistes est cōforme a ceste loy Chrestienne & Catholique, receuē pour loy d'estat du roiaume par Clouis, Charlemagne, S. Loïs & leurs successeurs: que la foy & doctrine, qu'ils tiennēt, y est du tout cōtraire: & que tous nos Rois & peres ont esté abusez en la faction & obseruation de la principale loy du Roiaume.

C'est à la verité le principal point & le plus de-

ciftoire du doute de l'exclusiō du R. de N. enuers tous ceux, qui veulent iuger d'une chose selon sa nature & d'un estat selon les loix, coustumes, & droits. Car nous ne pēsons pas, qu'il soit possible, que personne doute qu'en general, le deuoir du Roy ne soit d'auoir religion & notāment d'estre Chrestie, aussi bien que masse: & q̄ nous n'en deuōs point receuoir ne toller d'autre en un roiaume appartenāt à Iesus Christ, cōme est le nostre. Si nous estiōs tous asseurez, cōme sont les vrais Cat. que qui ne tiēt la foy Cathol. Apostoliq. & Rom. n'est point chrestie, & n'a point veritablement de religiō, ny ne croit en dieu, nous concluriōs bien tost que nul, soit heretique, Iuif, ou d'autre secte de religiō, brief qui ne soit Cathol. ne doit ny ne peut iustement, non plus que le plus grand faquin & roturier du monde, estre Roy de France.

¶ Les seuls  
Cat. sōt les  
vrais & le  
gītmes iu-  
ges de la  
questiō pre  
sente.

Il nous suffit que nos raisons soient receuēs, iugees & approuuees des seuls Cathol. tant pour ce qu'ils ont leur iugement esclairé de la lumiere diuine & naturelle, & qu'ils sont les maistres & iustes possesseurs du roiaume: mais principalement par ce qu'ils viuent & iugēt par les loix & formes anciennes, & qu'ils entendēt mieux, que tout autre, les loix, qu'eux-mesmes ou leurs peres ont fait: & avec lesquelles ils ont vescu tant de tēps: & selō lesquelles ceste matiere aussi se doit vuidier: Si l'on ne veut, que la voie de faict & de droit de biē seāce l'éporte (ce que nous esperons que Dieu ne permettra point, quelque enuie qu'en ayent les malings) aussi par ce que nous tenons avec l'Escriture tous les heretiques pour contētieux, auengles, reprouuez de Dieu, & de sens peruertie &

bouleuerfé. Et que d'ailleurs no<sup>r</sup> ne pésous point qu'il soit imaginable, que les Atheïstes (qui fôrt le troisiéme party, & lesquels sont de la grande & troisiéme religiô, dans laquelle & Catholiques & Huguenots sont d'accord ensemble d'y comprendre tous ceux qui ne sont des leurs) soient les vrais iuges de ceste matiere, non plus, que les aueugles des couleurs, & les foux de la raison. Mais quant bien ils en seroient, encores ne pourroïent-ils iuger humainement ny saintemét d'un Estat particulier, que selon les loix, vs, & coustumes propres & particuliers d'iceluy, & contre l'innouation & le changemét de religiô. D'autât qu'il emporte avec soy le chāgemét ou alteration de tout l'Estat, cōme disoit ce Payē Mœcenas à Auguste l'Empereur & cōme le renuersement du fondement emporte avec soy la ruine de la maison. D'entrer plus auât en ce sujet, si ceste loy d'estat, qui ordonne à tous François de tenir & suiure la religion Catholique en France, est iuste ou non, & si la coustume obseruee en la succession des Rois pour la religion, est contre Dieu & les bonnes mœurs, nous nous en remettons aux Euesques & aux Theologiens: outre que politiquemét ce doute n'est receuable aucunement. Par ce qu'aussi ce seroit sortir trop loing hors du propos, qui ne rend seulement qu'à monstrier, que la foy & la religion des Catholiques est la loy principale du royaume & notammét de la succession des Rois, avec laquelle, selon laquelle, & par laquelle le royaume a prins son estre, il est né, il a creu, vescu, duré & prospéré par le passé, & tous nos Rois ont succédé l'un à l'autre depuis Clouis: Et que parrant tout vray François soit

Roy ou sujet, est obligé par deux principales fortes d'obligation de tenir la religion Catholique: l'une comme Chrestien, par ce que c'est la loy de Iesus Christ, auquel toutes creatures doiuent obeissance: l'autre, cōme François, & par ce q̄ c'est aussi la loy du roiaume: à laquelle tout bō François doit obeissance & respect. L'observatiō & l'accomplissement de ceste-ci le rēd participāt & capable des honneurs, biens, repos, & cōmoditez temporelles du roiaume: & l'observatiō de l'autre, le rend participāt des biens & de ceste vie, & de la future, cōme la trāsgressiō de l'une & de l'autre luy apporte tout le cōtraire. Mais le Roy futur y est obligé sur tous, s'il veut recueillir la succession des Rois Cat.

*Tout bon  
François doit  
plustost de-  
fendre la loy  
Chrest. &  
Cath. que  
la Salique.*

& commāder à vn peuple & Estat Catholique. Si tout vray & naturel François doit plustost mourir, quē d'ēdurer que la loy ou coustume Salique, ou autre scēblable loy ou coustume du roiaume & de l'estat soit en rien enfrainte, que doit-il moins faire pour la loy Chrestienne, qui n'est pas moins q̄ loy du roiaume: ains la principale & la fondamentale? Et si elle chasse l'infidelle & singulierement l'apostat, & l'heretique du roiaume, comment le peut-il donc, son honneur & sa conscience sauue, toller ny recevoir à Roy, & luy bailler cōmandemēt sur le roiaume? A plus forte raison qui osera declarer le R. de N. absous & exēpt de ceste loy diuine, royale, & François, qui prouient d'ēhault & est receuē en l'Estat & de tous ceux de l'Estat? Lesquels quād bien ils l'appelleroient & preferoient d'un costé pour raison du sang masle, ils l'excluent & le chassent de l'autre beaucoup plus clairement, pour raison de son heresie. Qui osera

au contraire non seulement ne le contraindre à reuenir à l'eglise, mais le maintenir & fauoriser en son heresie? l'admettre à la successiō du roiaume? & se soufmettre volontairement à luy obeit. Qui osera le tenir pour bon François, voulant renuerfer la loy & coustume ptincipale, & oster ce qui est de meilleur en France : s'il ne veut luy-mesme perdre le nom de bon & de vray François & d'amateur des loix de sa patrie? & estre dit à iuste tiltre Biarnoïs, Nauarroïs, ou estranger?

Et par consequent qui ne voit euidēment, que ces Princes de Lorraine qu'ils appellēt estrangērs, sōt meilleurs Frāçois & plus amateurs de nos loix de beaucoup, que le R. de N. qui est Biatnes, & aussi estranger de naissance, que de religion & de mœurs, ny que tous autres Princes du sang, qui voudroient abolir & s'opposer à telle loy & coustume de religion, & par consequent à toutes les autres loix & coustumes du roiaume? & lesquels neantmoins ne se vantent de rien tant, que de ce nom de bons Frāçois, d'estre de la maison de Frāce, & aimer la conseruation de nos loix sur toutes autres? Qui ne voit aussi que se bandāt contre telle loy ils ne sçauroient mieux se declarer ennemis coniurez & aduersaires capitaux des loix fondamentales de l'estat? Que poursuuās la violatiō ou suppression d'icelle ils ne peuuent tendre qu'à la subuersion du roiaume, & que se formalisans cōtre telle loy, ils ne sçauoiēt euitier qu'ils ne se formalisent contre la loy principale & fondamentale du roiaume, sans laquelle, tout ce qui reste des loix, n'est pas seulement moins que rien, mais ne peut estre que cōfusion, iniustice, orduŕe, & abo-

*Le R. de N.  
estranŕer.*

*Ceux qui  
ne deffen-  
dēt la reli-  
gion Cath.  
sōt les vrais  
ennemis du  
roiaume.*

mination & selon Dieu & selon le iugement du roiaume & de nos peres gardé inconcussément.

Finablement si la loy de religion est la loy de toutes les loix d'un estat: si la coustume en la religion est la principale de toutes les coustumes: si l'vsance en la succession & reception de nos Rois est la principale regle & loy, qu'on doibue observer: si la religion est le fondement de la construction & fabrication du roiaume, & de la Majesté & autorité royale, comme il ne peut estre bastiment quelconque assésuré, ny qui merite le nom de Palais ou maison, lequel n'aye vn fondement bon, ou tel quel: Aussi nulle assemblee ou communauté de gens peut estre appelée roiaume, ny vne loy loy, ny vn Roy Roy, sans religion telle quelle. Si le fondement est mauuais & ruineux, la maison est mauuaise & ruineuse. Si la religion n'est vraie, le roiaume, la loy, le roy ne sont point vraiment tels, mais seulement autant, que l'opinion des hommes à lieu, & les estime tels. Si la religion est l'ame d'un roiaume, come celuy ne peut estre vray homme, qui est sans ame, aussi le roiaume ne peut estre vray roiaume, qui est sans religion. Et come l'on doit faire le fondement d'autant plus profond que l'edifice doit estre haut & de grande masse & poids: aussi la religion est d'autant plus requise & necessaire au Roy, qu'il est plus eleué en autorité, que tous ses subjects ensemble. Et d'autant qu'au sentiment & iugement de tout le roiaume & de tous les trois Estats, depuis Clonis (qui est a preferer à celuy des Rufians & Apostats, ou moines reniez.) Il n'y a autre vraye religion, que la Catholique, Apostolique & Romaine, aussi autre ne peut estre

*Le bon & assuré fondement d'un Roiaume est la religion.*

Roy au iugement de tout le roiaume ancien & present, qui ne soit de ceste religion Apostolique, & Romaine.

Si les infirmités & defauts ordinaires du sexe fe- *L'heresie est*  
minin empeschent la plus vertueuse fille ou fem- *empesche-*  
me, & le plus sage personnage sortât d'elle, qu'ils *ment plus*  
ne puissent estre receus à estre Rois de Frâce, ceste *grād à ce-*  
putain d'heresie, laquelle sans aucune cōparaison *luy qui doit*  
est accōpagnée non seulement d'infirmités, mais *estre Roy*  
de tous les vices de son espoux Sathan (dit S. Cy- *que le sexe*  
prié) se trouuera elle plus fauorisee en vn roiaume *feminin.*  
si tres-Chrestien? Si les François ont eu le soing  
de pourueoir par la loy, qu'ils appellent Salique,  
cōtre les defauts de la fême, en ce qu'ils pouuoient  
estre contraires au bon reglemēt de la sōcieté hu-  
maine, y a-il apparēce, qu'ils ayent esté si oublieux  
& non-chalās de pourueoir par la mesme loy Sa-  
lique ou autre, appelez-là comme vous voudrez,  
contre ceste vilaine & abominable heresie? Qui  
n'a ny honneur, ny craincte de Dieu, & laquelle  
n'est pas moins dōmageable à l'Estat, que la fem-  
me vertueuse: ains au cōtraire elle a toute disposi-  
tion & habitude à meurtres, faulses opiniōs, & à  
toute sorte de maux & malheurs, pour la cōfusiō  
& dissipatiō de la tranquillité humaine, & de tout  
Estat. Si la coustume ou loy Salique admet les  
Roines Meres à l'administration du roiaume, du-  
rant la minorité des rois, comme il a esté souuent  
iugé & mesmes par les Estats generaux d'Orleans  
& que nous l'auons practiqué au grand bien de *mal ruine*  
tout l'estat en la personne de la Roine Mere, & *misce, et -*  
qu'au contraire la coustume & loy ancienne du *malheur sorty*  
roiaume exclud de toutes charges & fonctions *d'Florence.*

soit publiques, soit priuees, les heretiques : qui ne voit clairemēt que l'heresie a esté tousiours tenuē en toutes façons de pire conditiō en ce roiaume, que le sexe & estoc feminin? Et si chacun iuge nō receuable, ains execrable celuy, qui se voudroit iuger au roiaume cōtre la premiere loy, ou fair e tomber la couronne en quenouille, pourquoy ne nous sera abominable & anatheme celuy, qui se voudroit pretendre Roy contre la seconde? & qui voudroit faire tōber la couronne en heresie, chose non moins nouuelle, prodigieuse, & dommageable, que l'autre? Car tout ainsi, dit Plutarque, que les bons veneurs ne cherchent pas ce qui est né du bon chien, mais le chien mesmes, qui soit bon: ny vñ escuier ce qui est né d'vn cheual, mais le cheual mesmes, qui soit bō, aussi l'on doit plus regarder, quel est vn Prince en la religion, que nō pas, de qui il est né, combien que cestuy ne soit à mespriser. Mais aura-on plus d'ēsgard au corps masle issu d'vn Prince de sang royal, qu'à l'ame effeminee, anoircie & engēdree du Prince de ce mōde, la sentēce de S. Paul demeurāt inuiolable, Que les enfans de la chair seule ne doiuent point estre reputez enfans, & y tenir lieu en la successiō d'Abrahā & des Chrestiens: ains ceux seuls qui sont enfans & successeurs de la foy?

*Certaines infirmitēz du corps & de l'entēdemēt empeschēt que le Prince du sang plus proche n'est reueu Roy.*

Si estre lepreux (cōme le Roy Oſias, qui en fut depōsé) si estre hors de son sēs humain, voire pour l'indisposition du corps, est vne exclusiō à toutes charges publiques, & mesmes à la roiauté, que sera ce d'estre forcené, hors de soy, & contre le sens cōmun de Dieu & des fidelles à l'occaliō de l'indisposition causee par l'heresie: qui est vne furie



beaucoup plus à fuir & dommageable au iugement de S. Augustin & des saints Pères, experts en cela : puis qu'au premier il n'y a à considérer ou craindre, que l'inhabilité & incapacité à s'acquitter de la charge : & au second, non seulement cela, mais vne contrariété & opposition à ce, qui est du principal deuoir d'icelle. Car ie ne pense pas qu'il y aye Chrestien quelconque, qui nie, que la principale fin & charge d'un Roy Chrestien, & mesmes de celuy de France ne soit de seruir Dieu & Iesus Christ, & auoir soin de conseruer sa religion, & de tenir la main à l'exécution de ses loix. Qui pense autrement, presuppose vne autre fin, qui Dieu & Iesus Christ : & partāt est un vray Iuif, ou athee. Qui croit aussi & ne peut ignorer que l'heretique, quel qu'il soit, & quelque beau bec qu'il aye, est du tout non seulement inhabile, ains tout contraire à telle fin, il est bien auetugle & contraire à soy-mesmes, s'il estime qu'un heretique puisse estre Roy de France.

Si le droict de sang & de succession, qui appelle les masles à la roiauté, n'est point rompu ou violé par l'exclusiō d'un fou, ains qu'il l'emporte en soy tacitement, d'autant que sans autre expression il s'entend assez entre les hommes, & par le commun iugement naturel de tout hōme, que le Roy doit estre exēpt de folle : tout de mesme il n'est nō plus enfrainct par l'exclusion d'un heretique, d'autant que sans autre expression il s'entend assez entre les Chrestiens, & par le commun sentiment des François & des Cath. que le Roy de France doit estre Chrestien & Catholique.

Si la tyrannie est estimée cause legitime pour la

leurs Rois, qui estoient les plus proches du sang  
 masse, Childeric fils de Merouee, l'ã 469. Eudo, &  
 vn autre Childeric l'an 579. Theodoric l'an 668.  
 Chilperic l'an 750. Charles le Gros l'an 891. Odon  
 l'an 890. Charles le Simple l'an 926. & en ont mis  
 d'autres en leur place, ayant pareillement exclus  
 & priué de la succession de Louys 5. Charles Duc  
 de Lorraine, son oncle, & mis en son lieu Hugues  
 Capet, qui en estoit fort esloigné, ou du tout estrā-  
 ger, comme les Huguenots en leur Gaule Frāçoise  
 ont sceu recueillir soigneusement, & conclurre  
 de nos anciens Historiens, & ce seulement pour  
 cause de la dissolution & paillardise, de l'intolēce  
 & auarice, de la faineantise, follie & simplesse, ou  
 d'auoir fauorisé les Reistres contre la France: Cō-  
 bien à plus forte raison eussent-ils non seulement  
 empesché l'establissement du Roy de Navarre  
 heretique à ceste couronne, ie dis quand, mesmes  
 il seroit le plus proche, & exempt de toutes ces  
 belles fleurs: mais aussi l'eussent-ils depossédé à  
 cause de son heresie, esleu ou receu vn autre en sa  
 place?

*Diuers Rois  
 de France  
 deposez pour  
 moindre  
 chose que  
 heresie.*

Il est bien aisé à voir, que les Huguenots sont  
 maintenāt biē penuz d'auoir mis en auāt, & auoir  
 triomphé de toutes ces depositions de nos Rois,  
 n'ayant osé escrire à present le contraire, que souz  
 le masque & nom supposé des Cathol. Quand ils  
 ont pensé pouuoir estre les curateurs de nos Rois,  
 & despouiller durant leur minorité, & renuoyer  
 la Roine mere en Italie, comme ils se vantoient,  
 ils tenoient que les estats & le peuple estoient par  
 dessus les Rois, qu'iceux estoient electifs & desti-  
 tuables pour plusieurs & diuerses occasiōs. A ceste

*Les Hugue-  
 nots ont en  
 bouche tã-  
 tost le haut  
 tantost le  
 froid.*

Nous serions tres-marris de rien rabattre de la Majesté & grâdeur ny de nos Rois, ny d'aucū autre estrâger: li est-ce, que, comme toute-puissance est de Dieu, & icelle limitée & bornée de luy, il n'est pas croyable, que Dieu, ny les peuples ayent donné autre puissance aux Rois, que pour edifier, & nō pour destruire & rauager: n'y qu'il y aie loy si griefue, qui aye tellemēt assujetty l'homme l'un à l'autre, qu'elle ne luy aie laissé quelque lieu de iuste defence, & resistance. Aussi on ne peut dissimuler, que les Rois chrestiens, n'ayēt esté tousiours sujets à pouuoir estre desmis & priuez en certains cas, ou par le Pape, ou par leurs propres sujets, & ce selon la diuersité des nations & estats comme les loix de chacun pays & roiaumes sont diuerses sur l'establissement & la depositiō des Rois. Nous ne trouuons és histoires, tant de France, que des autres nations, & roiaumes, tant Payés, que chrestiens, rien si ordinaire & frequent, que telles depositiōs, ou pour le moins force resolutiōs, desseins, & menées pour y paruenir, iusques à les tuer, ou leur mouuoir guerre. Nous l'auons veu pratiquer l'an 1520. contre Christiernus Roy des Danois, lequel aiant esté desmis par le commun consentement de ses sujets, pour sa cruauté, est mort miserablement en prison. Et les Polonnois l'ont bien osé entreprendre sans scrupule de conscience contré le Roy, pour sa seule absencé. Et vne cruelle residence de l'heresie est bien pire. Mais (qui est vne cruauté & tyrânie, dōt il ne s'en trouuera iamais vne plus grande contre le droit des gens) vostre Roine d'Angleterre avec son Parlement, n'a-elle pas desgradé par voye de iustice, de

*Les Rois  
Chrestiens  
sont suieets  
à estre pri-  
uez pour  
certains cas.*

*Grâde in-  
iustice de la  
Roine d'An-  
gleterre cō-  
tre la Roine  
d'Escoffe.*

toute souueraineté Royale la Roine d'Escoffe, sçs qu'elle puisse auoir, nō pas mesme pretēdre aucune autorité, ou droit de iustice sur elle, nō plus q̄ sur l'Empereur. Toutefois s'il y a meschâceté, crime, ou forfait, qui puisse priuer aucū de la succession à vne Courōne, nous disons mesmes le depōsseder, & qu'il ny a point de pire, que l'heresie, qui peut douter qu'icelle n'en soit vne cause treslegitime, mesmemēt en ce royaume tres-Chrestien? Car en tous les autres cas de corruptions de mœurs, la difficulté n'est pas petite, si le Roy doit, ou peut estre depōssedé ou priué: mais en cestui-cy, ou il y va de la foy, & d'attaquer Dieu directement, en violāt sa religion, & celle de l'estat, il n'est pas de mesme, y ayāt grāde difference de nier & s'opposer formellement à l'honneur qui est deu au Roy, ou de luy faire tort en quelque autre chose legere.

*Raison que  
le Roy ne  
peut estre  
qu'estant  
Cathol.*

Premierement il est certain, qu'en chacune chose il y a des cōditions & qualitez necessaires pour l'estre d'icelle, cōme la forme & la matiere, l'ame & le corps: & d'autres pour le bien estre & la decence commela bonne santé. Celles-icy defaillāt il ne s'en suit pas, que l'estre defaille, ains seulement la decence d'icelle. Nous voulons dire, que pour l'estre propre du Roy de France, il y a deux dispositions, conditions & qualitez simplement & necessairement requises, sçauoir, qu'il soit le plus proche masse de la ligne, mais principalement qu'il soit Chrestien & Catholique. L'une & de la nature, & de la loy coustumiere du royaume, l'autre de la grace & de la loy diuine & Chrestienne, non moins receuë en France pour loy & escrete & coustumiere de l'estat que l'autre. L'une le faiçt

estre fils & membre de la maison de France, l'autre le fait estre fils & membre de la maison de l'eu-<sup>Deux choses necessaires à celuy qui veut estre Roy.</sup> sus Christ, & de son Eglise. Toutes deux ensemble font vn estre composé, qui le nomme Roy. L'vne ou l'autre defaillant ou manquant, la con-  
 ionction & l'estre composé defaut necessairemēt, comme defaillant ou manquant en l'homme l'ame ou le corps, l'homme defaut. Toutes les autres cōditions requises au Roy, ne sont necessaires, que pour le bien estre du Roy, cōme bonnes mœurs, la bonté, l'experience, & suffisance à gouverner, & autres semblables. Pour celles-cy il n'est pas necessaire, qu'il soit priué ou depose, mais bien pour les autres. Car defaillāt en celuy, qui est Roy, les secondes conditions, qui ne sont point necessaires simplement & absolument, ains pour le bien estre, pour cela n'est pas dict, que la composition soit dissoluë en son estre, non plus que la maladie ne dissout point le composé de l'homme: mais les seuls contraires aux conditions requises de necessité à l'estre, du Roy, rendēt le Roy destituable & personne priuee. Et parce que l'apostasie ou l'heresie est contraire à l'vne de ces cōditions necessairement requises à l'estre du Roy, sçauoir au Christianisme, d'autant qu'elle change l'estre d'iceluy de l'estat de Christianisme à l'estat d'infidelité, qui est son contraire, ce que les autres crimes ne font pas. Car la foy ostee du Roy, l'estat de Chrestienté est chāgé au Roy, en tant qu'il estoit humain, & en la maniere qu'il peut estre changé par l'homme: & ceste mutation de l'estat de Chrestienté, met le Roy de sa propre nature hors l'vnion & le nombre des Chrestiens. C'est pour.

quoy l'apostasie ou l'heresie est celle, qui de tous les crimes peut plus rēdre le Roy destituable, non tant pour la grauité & nuisance du crime, comme pour la mutation qu'il fait de tout son estat, le cōstituant de l'estre de Christianisme à l'estre d'infidelité, & passant de l'estre Roy à non estre Roy, comme vn contraire defaut & cesse suruenāt sont contraire, & qu'aduenant la mort cesse la vie. Car puis que le sujet de la roiauté est d'estre homme Chretien, comme defaillant la vie corporelle par la mort, defaut le sujet de l'homme: aussi defaillant la foy par l'heresie en celuy, qui est Roy, defaut le sujet de la roiauté: mais aux autres crimes le sujet demeure en son mesme estat de chrestienté.

*Les sujets  
ne doiuent  
obeyr aux  
impietez  
des Rois.*

C'est pourquoy aussi l'Escripture ne nous commande iamais de desobeir aux Rois, qu'au seul cas d'impieté, & elle excepte notamment le crime de l'idolatrie, & par consequent de l'heresie ou apostasie: car Dieu auoit commandé, que pour ce crime le mari tua sa femme & ses enfans, & donc à pl<sup>e</sup> forte raison il estoit permis de deposer le Roy. Et ne nous cōmande-il expressément d'euitier & nous soustraite de tout nostre prochain, pour riō tant, que pour la seule heresie. Mais si pour les autres crimes nous en voulons faire le mesme, il faudroit, dict saint Paul, sortir tout à fait de ce monde.

Nous aiousterōs à ce vne chose, qui semblera de prime-face aucūs estrāge, mais qui n'est pas pour tāt moins veritable. C'est que la foy & la religion Cathol. Apostol. & Romaine, est aussi necessairement incorporee & vnue à la couronne de France, & inseparable de la personne & office du Roy, qu'elle

qu'elle est de tout Euesque, voire de la Thiare du S. siege Apostolique, & de la personne & office du Pape. L'un & l'autre d'ancienne & immemorale vsance & coustume doit estre masse, sacré, & couronné en l'Eglise & par les Ecclesiastiques: & quasi avec mesmes cerimonies & oraisons doit iurer pour le deu de son office à sa receptiō: & faire serment entre leurs mains de l'obseruation de la foy cathol. en faire deslors professiō visible & actuelle de bouche, & ce par diuers actes d'icelle accumulez ensemble. Le Pape est Ecclesiastique, & le Roy est Beneficier & Chanoine en plusieurs Eglises du royaume: le Pape a ses vestemens Pōtificaux, le Rochet, Tunique, Dalmatique, Sādales, Chappe, Mitre, la Croix-ou Crosse. Le Roy a ses ornemens Royaux, Sceptre, Courōne, Camisole, Sādales, Tunique, Dalmatique, Mantel dit Surcor, fait à biē pres en maniere d'une chappe sans Chapperon. Le Pape comme Prestre celebre la Messe, le Roy cōme Roy chāte souz luy l'Euāgile. Le Pape cōme Pape Pasteur & Pere doit enseigner la foy, declarer, chasser de l'Eglise, & excommunier l'heretique: le Roy comme Roy protecteur & fils aîné de l'Eglise la doit deffēdre, & est obligé de son office propre (dit saint Bernard à Lothaire) à repousser la rage des heretiques, & de deliurer & sō royaume & l'Eglise de leur infestatiō. Et comme le fils charnel ne peut estre que du sang. & mesme nature du pere: aussi le fils spirituel ne peut estre, que de la mesme foy & religion que le Pere. Le Pape est Euesque constitué de Dieu pour les choses qui se doiuent faire dans l'Eglise, le Roy Euesque constitué de Dieu pour les choses, qui se doi-

*Les ornemens qu'on donne aux Roys lors qu'ils sont sacrez, semblables à ceux qu'on donne aux Papes en leur sacre.*

uent faire hors l'Eglise, ainsi qu'Eusebe nous tesmoigne, que souloit dire Constantin le Grand de foy faisant comparaisō de sō auctorité ( laquelle est de mesme au Roy) à celle des Euesques. Si le Pape doit estre necessairement chrest. & le Roy aussi: l'un en raporte le nom de tres-sainct, l'autre le nō de tres-Chrestien. Et l'un & l'autre doit estre mēbre de Iesus Christ, l'un le bras spirituel & chef de la iurisdicțiō spirituelle en l'Eglise sur les ames: & l'autre le bras tēporel & chef de la iurisdicțiō temporelle au destroict de sō royaume sur les corps. L'un & l'autre tiēt sa puisſāce immediatement de Dieu, biē que differemment. Car le Pape la, tiēt du tout immediatemēt, l'autre par la loy ou coustume du royaume, & de la Rep. qui à trāsferé en luy toute sō autorité. Et quād biē ils ne seroiēt obligez ne subiects (cōme l'ō dit) qu'au droit diuin & à la loy de Dieu, en signe de quoy sōt tous deux oincts & sacrez, nō aux mains, cōme les Prestres, mais sur la teste, comme les Euesques (biē que Roy soit oinct en quatre autre lieux) encores cela mesme seroit cause, que en matiere de la contrauention à la foy par heresie ou apostasie l'un & l'autre peut & doit estre iugé pour le moins par celuy, qui est l'auteur de la foy, c'est à sçauoir par le S. Esprit presidant selon sa promesse (qui ne peut manquer) à l'Eglise disperſee parmy tout le monde, ou bien assemblee en vn Concile general, ou autre, qui sera delegué en iceluy. Comme le Concile de Latran à delegué le Pape sur les Roys en tel cas, se reseruant à foy la cognoissance sur sa saincteté.

Si le Pape, de ce mesme qu'il est heretique ou biē qu'il à esté declaré tel par le Cōcile n'est plus Pa-



pe: aussi le Roy dés qu'il est heretique, ou bié qu'il a esté déclaré heretique par le Concile ou le Pape, n'est plus Roy. Et comme le grand Prestre pechât, tout le peuple peche, dit l'Escripture, aussi le Roy estât heretique tout le peuple est plus enclin a heresie. Et comme c'est l'office du College des Cardinaux & des Princes chrestiens, qui sont les protecteurs & defenseurs de la foy & des saincts Decrets, de s'opposer vertueusement au Pape qui seroit tel: aussi c'est l'office des Prelats, des Cours de Parlement, des Estats generaux, des Princes & principaux officiers du royaume qui sont les defenseurs & gardiés des loix du royaume & de l'Estat, bref de tout le royaume de s'opposer & faire teste au Roy, qui seroit de telle qualité. No<sup>9</sup> vous laissons à pèser si à plus forte raison ils ne doiuent se formaliser contre la reception & installation de l'heretique, qui veut pretendre à la royauté, & lequel est subiect aux loix de Dieu & de l'Estat contre les heretiques, comme toute autre priuee personne. Et comme ce seroit vn paradoxe plein de risée, que le Pape peut estre receu estât heretique, bié qu'il eust le droict de l'electiō, ou pour mieux dire, la pluralité des voix & son acte bien dressé: aussi ce ne peut estre qu'une opinion bien fade & forte, que l'on puisse recevoir en Roy vn heretique, bien qu'il aye le droict du sang. Car c'est autre chose de recevoir de nouveau vn Roy heretique, autre chose de tollerer celuy qui est deuenu heretique: comme c'est autre chose de se marier de nouveau avec vn infidele, heretique, ou Apostat, & autre chose de retenir la fême ou mary infidele, heretique, ou Apostat. Le premier n'a esté

*Le peché  
du Roycau  
se celuy du  
peuple.*

*Qui sont  
ceux qui  
doiuent s'op-  
poser au R.  
heretique.*

iamais licite en vn royaume chrest. le second est tolerable. Et beaucoup de choses sont tollerees estant faites, lesquelles l'on ne permetteroit pas de faire de nouueau. C'est d'oc chose certaine, qu'entre les chrestiens & selō leurs loix & vsances, la forme essentielle de ces deux charges de Pape & de Roy de Frāce, & sans laquelle elles ne peuuent subsister, c'est la foy & la religion cath. Apost. & Ro.

Et l'on ne scauroit repliquer à ce autre chose, si ce n'est que le Pape y viēt par election, & le Roy par succession: mais la voye diuerse de paruenir à vn office ne fait rien pour pouuoir alterer ou diuersifier la qualité & le deuoir, qui est annexé & inseparable à l'office, ou les peines qui en dependent. Quant biē tous les offices de France seroiēt domaniaux, & qu'on y paruint de pere en fils, cela peut-il empescher que celuy qui l'exercera, n'y doiuē apporter les mesmes qualitez, suffisance, fidelité, & deuoir, que l'office requiert, & qu'il falloit, qu'eussent ceux, que le Roy instituoit au parauant: ny qu'il ne soit subiect aux <sup>peines</sup> ~~payes~~, qui sont contre ceux qui en abusent? Si aussi le Roy de son propre & naturel deuoir estoit tenu d'estre catholique aussi bien que masse souz peine de priuatiō: la coustume, par laquelle l'on a attaché & vny la royauté à vne certaine famille, rōp-elle ou rabat-elle pour cela rien des obligations, deuoirs, & peines, ausquelles noz Roys estoient tenus & astraits singulierement enuers Dieu & la religion? Toutefois si l'heresie emporte deposition cōtre le Pape, & que la loy de l'Eglise est executable en tel cas contre luy, qui peut nier que par l'Argument du plus grand au moindre il n'en soit de mesmes

contre vn Roy.

Il n'y a point de doute , que la raison en cecy *L'Hereti-*  
 pour la neccsité de la foy cathol. *que ne peut*  
 noz Roys ( car du Pape nous croyons biē qu'au- *estre Roy*  
 cun n'en doute, nō pas mesmemēt les heretiques, *speciale-*  
 qui tiennēt, qu'un Pape, ou Prelat mauuais, voire *ment de*  
 seulement és mœurs, n'est plus Pape ou Prelat: & *France.*  
 qu'il est destitué dès lors , & en cela mesme qu'il  
 faict mal) est prinse de ce, que noz premiers chre-  
 stiens ont conformé & reiglé l'estat, la condition,  
 & l'office d'iceux, au parangon, & sur le patron &  
 formulaire, que Dieu auoit ordonné sur l'establis-  
 sement des Roys de son peuple, tāt pour les pren-  
 dre par succession, & d'une seule famille de Iuda,  
 & par l'ordre de primogeniture ou proximité: que  
 pour la ceremonie de l'onction obseruee en noz  
 Roys premieremēt, & plustost qu'en tous les Prin-  
 ces chrestiens , outre plusieurs autres formalitez  
 & conformitez. Or il est certain, que par droict  
 & raison, & selon la loy de Dieu , le peuple Iudaï-  
 que ne pouuoit receuoir, ny mettre ou establir de  
 sa pure volonté, nō pas mesme par traitté de paix,  
 en Roy, aucun, qui ne fust de leurs freres, c'est à di-  
 re à l'explication de tout le monde, qui ne fust de  
 mesme religion. Et par ce mot de frere estoient ex-  
 clus non seulement tous ceux, qui n'estoient de la  
 lignee charnelle de Iacob ou Israēl, soit Idumees, *Nul Roy*  
 Ismaélites, & autres nations, qui estoient de la po- *des Iuifs*  
 sterité d'Abraham , soit Gentils , & des autres na- *qui ne fut*  
 tions non apparentees avec les Israélites : mais *Cath. par*  
 aussi tous ceux qui n'estoient de la lignee spiri- *succession.*  
 tuelle, ains qui estoient naiz idolatres, & leurs en-  
 fans, & qui auoient esté d'autre religion, que la Iu-

*Enere les* daïque, bien que depuis ils se fussent conuertis, &  
*Iuifs un* eussent fait abiuration de leur erreur. Car quand  
*nouveau* bien tels eussent eü le tesmoignage d'un Prophe-  
*cōuerty ne* te, d'estre esleuz Roy de dieu, il ne les falloit point  
*pouuoit e-* estre Roy, et receuoir : & la raison estoit, afin d'obuier au trop  
*pourquoy.* grād hazard qu'il y auoit, qu'un tel Roy ne les in-  
*Touttefois* duist ou forçat à estre idolatres, & à quitter la  
*qui estoit* vraye religion de Dieu & de la nation.

*le Roy. Mais autre* Le dāger n'estoit pas petit, pour le regard de ce-  
*qui se faisoit* luy mesme, qui estoit cōuerti ou de ses enfans. Car  
*la prophētie du Royau-* premieremēt cōme disent les maistres, combien q̄  
*la maison de David* celui qui est reduit du Gētilisme, tiēne la bōne foy  
*et autre in-cō-rupte* & religiō, toute fois ordinaiemēt on voit, que tels  
*accompli vint d'un* ne sont pas si bien confirmez en la foy, que les au-  
*signe au monde* tres, qui en sont de pere en fils, ou de tousiours. Et  
 partāt y ayāt du dāger qu'ils ne sentissēt ou retour-  
 nassent à leur erreur, Dieu nē vouloit point qu'ils  
 fussent receuz en Roy, pour la mesme raisō que S.  
 Paul ne veut point q̄ celui soit Euesque qui est *Né-*  
*Nicopline.* *phite,* c'est à dire, nouuellemēt cōuerti. Secōde-  
 mēt, tels cōuertis portoiēt comunemēt quelque  
 haine ou dēt de laiēt cōtre le vray & naturel Iuif,  
 comme ils luy estoient aussi naturellement à con-  
 tre-cœur. Tellemēt que nous lisons, que la seruitu-  
 de estoit estimee beaucoup plus grande, d'estre vé-  
 du & estre serf ou suiect d'un cōuerti à la foy, que  
 de celuy qui auoit esté tousiours Iuif. Finalemēt le  
 conuerti au Iudaïsme, ayāt des parens, amis, & ser-  
 uiteurs de sa premiere religion, il ne pouuoit estre  
 qu'il ne les fauorist pour leur donner charge sur le  
 peuple de Dieu. Ce que luy estoit chose insupporta-  
 ble, & partāt celuy qui n'auoit tousiours esté de  
 la vraye religiō, bien qu'il fut entieremēt conuer-

*Dāger d'a-*  
*voir un cō-*  
*uerty pour*  
*Roy.*

ty, estoit non seulement inhabile de la royauté, mais aussi ne iouyssoit point esgalement de beaucoup d'autres libertez & priuileges de l'Estat, qui estoient propres pour celuy qui auoit tenu tousiours la religiō Iudaique, & en estoit de naisſâce.

Il semble que pour l'exclusion d'un Roy Idolatre, il suffisoit de la loy generale, par laquelle Dieu defendoit de n'en laisser pas viure vn seul en tout le pais de leur domination. Toutefois il importe tant que le Roy tienne la vraye religion, que par ceste autre concernant particulieremēt les Roys, Dieu y a bien voulu expressement pourueoir. Nous confessons que ceste loy a tousiours esté obseruee selon la lettre par les Iuifs : car il ne se list point, qu'ils ayent onques receu de leur bon gré & franche volonté, ny moins constitué sur eux Roy, qui ne fust de l'une des douze lignees. Mais si contre l'intention de la loy ils ont receu, constitué & toleré par fois, mesme ceux de Iuda (car de ceux d'Israël il n'est pas de merueille, puis que quasi tout le peuple & tout le royaume dès son cōmencement & establissement, & depuis par la suite & succession de leurs Roys a tousiours esté heretique, & voire tous les Roys ou la plus part par vsurpation & tyrannie) des Roys, qui mesloient l'idolatrie avec le vray cult cōmandé de Dieu, & partant autāt heretiques qu'idolâtres : leur nonchalance ou defaut en ce n'a peu non plus aneātir ou desroger à ceste loy royalle de Dieu, pour les rendre inexcusables, que la contrauention qu'ils faisoient à l'autre loy generale de ne laisser viure l'idolatre dans leur Estat, & pais, en estat eux mesmes pour la plus part. Aucuns pésent que ce dire de Dieu ne leur e-

estoit que permission, & non commandement : &  
 qu'en tout cas la loy ne parle que d'exclurre ou ne  
 recevoir les Roys Idolatres ou conuertis, mais nō  
 pas de les depōser: Par ce que Dieu s'estoit expres-  
 sement reserué à luy seul de les punir & y pour-  
 ueoir par autre voye, comme nous n'en lisons pas  
 vn de ces Roys qui n'aye eu de grandes guerres in-  
 testines ou estrangeres, ou bien toutes deux. Con-  
 formemēt à cela Dieu depose Saül apres qu'il s'est  
 rendu desobeissant à sa parole, & punist en sa suc-  
 cession Salomō à cause de son Apostasie: permet-  
 tant & ordonnāt que son seruiteur Ieroboam fut  
 Roy des tribus d'Israel au preiudice de Roboam  
 son aîné : & deslors les Roys de Iuda & d'Israel  
 ont esté tousiours en cōtinuelle guerre ensemble.  
 Toutefois quoy que s'en soit, il nous chaut fort  
 peu du fait, puis que nous sōmes certains du droit.  
 Et il nous suffit de cognoistre que la volonté de  
 Dieu estoit toute contraire à telle pratique, & que  
 par consequent il ne comprenoit pas seulemēt en  
 la loy generale contre les Idolatres & heretiques  
 les Roys, mais qu'elle desiroit encor en eux vne  
 plus grāde sanctimonie & religion, qu'au cōmun  
 du peuple : à ce que non seulement ils tinssent la  
 vraye religiō de l'Estat, mais qu'aussi ils fussent ex-  
 empts & esloignez de toute suspicion d'Idolatrie,  
 ou d'autre contraire religion, cōme ils eussent peu  
 estre, s'ils en eussent esté vne fois entachez: & tout  
 cela ne tendoit que pour obuier au trop grād dan-  
 ger, qu'autrement il y auoit de la perte entiere de  
 la religion en tout le peuple.

Pourquoi est ce, disent les Docteurs, qu'il a esté  
 imputé à gros crime au seul peuple des Iuifs d'a-

uoir demandé a Dieu vn Roy, veu que les enfans de  
 Samuel abusoient de leur charge, & que cela estoit *Danger*  
 cōforme à la prophetie & à la loy que Dieu auoit *d'un Roy*  
 fait, 900. ans deuant sur la constitution du Roy, & *heretique.*  
 qu'il n'estoit peché aux autres peuples d'en auoir  
 ou d'en demander, si ce n'est pour estre mesme oc-  
 casion, qu'ils se precipitoient par la en ce trop grād  
 dangier d'estre diuertis de la vraie Religion, par ce  
 qu'il estoit à craindre, que ayants sur eux vn prin-  
 ce seculier, qui n'auoit le soin, ny la charge du ser-  
 uice propre de Dieu, comme auoit Samuel & les  
 Prestres, il ne les attirast ou constraignit à l'Idola-  
 trie: & qu'ils ne s'occupassent seulement & princi-  
 palement au seruice du Roy, sans se soucier beau-  
 coup du seruice de Dieu. Voulant donc auoir des  
 Roys & iceux seculiers, & nō Prestres, ils desiroient  
 en certaine façon n'estre point subiets à Dieu, &  
 ne demandoient qu'une principauté terrienne à  
 la façon des Gētils, pour se separer de celle de Dieu:  
 parce que n'ayant point de Roy, Dieu estoit leur  
 Dieu & leur Roy immediat: & ils luy ostoient ce-  
 ste immediation en recognoissant vn autre secu-  
 lier au milieu, & s'exposaient partant à choir plus  
 facilement à Idolatrie, comme les Gentils. A ce-  
 la se rapporte ce que Dieu disoit à Samuel, Ils ne  
 r'ont pas reietté, mais moy: affin que ie ne regne  
 sur eux.

Si l'on cōteste que ceste loy de Roiauté est abo-  
 lie parmy les autres loix Mosaiques, pour le moins  
 ne peut-on nier, que la raison d'icelle ne dure tous-  
 iours tāt que le cas sera seblable: & qu'elle ne puis-  
 se & doibue seruir en vn Estat Chrestien & subiet  
 à Dieu comme est le nostre, contre l'Heretique ou

*La coustume des Iuifs en la reprobation des idolatres qui aspireroient à la royauté doit estre gardée contre les here.* l'Apostat, qui se voudroit preualoir de la seule successiō charnelle, & proximité du sang. Car cōbien que les Roys de Iuda & d'Israël y vinsent par successiō suiuant l'ordonnance de Dieu, ou sa predictiō: toute fois il appert par la que la foy & la religiō est plus considerable & necessaire pour estre Roy, que le sang: & que l'Idolatrie, infidelité ou heresie, est de droit & selō la loy de Dieu vn moyē tres-suffisant d'exclusiō à la royauté, & de priuatiō de tout le droit de primogéniture ou proximité du sang, pour y pretendre & qu'il falloir par consequēt, que selon la loy du royaume publicc & establie de Dieu, le Roy fut & de sang royal, & principalement de la vraye religiō par succession de pere en fils, & non par innouation, ny par conuersion.

*Et Apostats qui veulent estre Roys des Chrestiens. Les Princes mesmes estrangers s'ot obligez de deffendre les catholiques contre l'heretique.* C'est autre chose d'un Estat ja chrestien, & qui appartient en proprieté & vsufruit à Iesus Christ, autre chose de celui, qui est des tousiours infidelle, & de l'vsufruit duquel le diable iouit. Car en cestui-cy, Dieu ne requiert au subiect fidele, que patience & obeissance, si ce n'est en certains cas, lesquels il luy est licite de resister & repousser la tyrannie de son Prince, & se commettre à ces fins à la protection & deffence d'un Prince Chrestien, bien qu'estranger, lequel y est obligé par droit naturel & diuin, comme la deffence de l'innocent est commandé à vn chacun. Mais au premier Dieu redemāde tousiours le deuoir & pouuoir de tout l'Estat, pour empescher par tous noz moyens, que la foy ny son nom ne soit blasphemé, ny vilipēdé de qui que ce soit, Roy ny autre. En vn Estat ou royaume infidelle, le mary conuert à la Foy, est obligé de droit diuin, de retenir sa femme infi-



delle, si elle veut demeurer avec luy, bien que ce ne puisse estre qu'avec contumelie de la foy de Iesus Christ: mais en vn Estat ou royaume fidelle, ou la iustice, la force, & tout ce qui est de l'Estat, doit conseruer l'honneur, le droit & l'interest de Dieu: il n'y est tenu de droit diuin & humain, que d'autant qu'elle y veuille demeurer, sans iniure ou contumelie de la religion chrestienne. C'est chose qui est sans doute parmy tous les Theologiens & Canonistes.

Il y a grande difference & distinction entre les Princes ou Roys des Gentils (dit le Sauueur) & entre ceux des chrestiens, & qui commandent en vn Estat ou royaume chrestien. Entre les Gentils les Roys sont comme la fin & le but, auquel sont rapportees toutes choses, & pour l'amour, gloire, & conseruation desquels, & les loix, & la police, & generalement tout s'y fait, tend & est vise: entre les chrestiens, Iesus Christ seul est la fin de toute loy: & l'autorité du Roy, & de ses Magistratz, & des Officiers du royaume tendent, & sont destinez, & dediez finalement & souuerainement à sa gloire seule. Entre les Payens, le Roy est chef du royaume. La volonté du Roy est loy. Cela est iuste, qui est vtile au Roy. Mais entre les fidelles, & en vn estat chrestien, il n'est pas de mesme, ains tout au contraire. Car comme le Roy est chef du royaume, ainsi l'Eglise, est le chef du Roy. Le Decret de l'Eglise, est la loy du Roy: & rien n'est iuste au Roy, que ce qui est vtile à l'Eglise & à la chrestienté. Les Roys des Payens sont ou peuuent estre humainement persecuteurs & deualiseurs des chrestiens & catholiques: Les Roys

*Difference  
du Roy des  
Payens à ce-  
luy de chr.*

*Difference  
d'un Roy  
Chrestien à  
celuy des  
Payens.*

des Chrestiens sont & doibuent estre defenseurs des catholiques & persecuteurs de leurs ennemis. C'est pourquoy le Prophete les appelle les nourrices de la chrestienté, & les Pasteurs de l'Eglise. D'auantage entre les Payens, les Roys commandent à baguette: en l'Eglise ils obeissent: la l'hōme command: icy la raison: la le Prince du mōde (Sathan:) icy le createur & le conquerant du monde Iesus Christ. La les Roys sont les Seigneurs, & y entrent souuēt par force & vsurpation: icy ils sont seruiteurs des seruiteurs de Iesus Christ, & ny entrent que selō les formes & les loix. Là ils sōt establis & constituez pour vne raison: & icy pour vne autre. Là l'excellence & la domination des Roys gist en vne infinie ou absoluē puissance à tort ou à droit, car ils ne sçauent, ou ne croient point leur puisāce estre de Dieu, n'y qu'il soit leur iuge. Bref leur Empire n'est autre chose, qu'une pure tyrānie. Icy leur souueraine autorité gist à ne pouuoir mal faire cōtre la foy singulieremēt, & à estre subiects au Royaume de Iesus Christ, duquel ils sont dits protecteurs, ministres, & seruiteurs: parce qu'ils ne sont d'aucū vsage, recepte, nymise, que autant qu'ils seruēt à la commodité & vtilité de l'Eglise, & de la foy chrestienne.

C'est pourquoy tout l'estat & la cōmunauté ou vniuersité d'iceluy en corps n'est pas dit Royal, c'est à dire, subiect principalement au Roy, mais il est dit chrestien, parce qu'il est principalemēt subiect à Iesus Christ, & que sa loy y à la principale, supreme & souueraine & autorité & puissance.

L'office & le vray but de l'estat des Roys, qui se sont vouez & soumis volontairemēt à l'obeissan-

ce de Iesus Christ & de son Eglise, n'est pas seulement & principalement la tranquillité de ceste vie, & à faire iouir par iustice esgale paisiblement vn chacū de ce, qui luy appartient au temporel (cōme conclud trop impudēment du Ferrier cōtre Marmet) selon que les Payens estimoient de leurs Rois Estats & polices: mais la gloire de Dieu, la conseruation de son Eglise, & la pieté. A quoy mesmes la vie présente doit viser, & le deuoir de tous les Rois singulierement, dict S. Paul à Thimothee.

Mais quand la seule iustice seroit la fin du Roy, *Les Roys doiuent seruir la religion.* encores gist elle, comme nous enseigne le Sauueur, à rendre non seulement (comme pensent les athees & mondains:) aux hōmes & à Cesar, ce qui est à Cesar, mais aussi à Dieu, ce qui est à Dieu, pour auoir soing de maintenir les subiects aussi tost en la seule vraye Religion, & à chasser le contraire, que en leurs vrais biens & possessions, & en chasser l'iniuste occupateur. Et à ceux qui louent & estimēt vn Prince avec la seule premiere partie de iustice, nous leur pouuons respondre, cōme faisoit S. Augustin à ceux, qui recommandoient le regne de Iulian l'Apostat, de ce que faisant obseruer la iustice humaine entre les subiects, il n'y auoit (disoient ils) que la seule iustice, qui eust lieu & credit en son endroit, Qu'un Apostat ou heretique ne peut estre dit faire iustice, nō plus que l'Apostasie ou heresie n'est partie de l'Euangile, puis qu'il ne rend à Dieu son droit & sa gloire. Iuger autrement du propre deuoir & fonction du Roy, c'est ne faire point de difference d'un Roy tres-Christien à vn Roy Payé. Autrement ce seroit cōme parle saint Bernard à l'Empereur Conrad, di-

uiser Iesus Christ, tronquer & mutiler le corps de  
 » la dignité du Roy, auquel appartient de maintenir  
 » la couronne, & aussi de defendre l'Eglise cōtre ses  
 » ennemis, executant l'un comme Roy, l'autre com-  
 » me defendeur de l'Eglise, qui sont deux charges &  
 » qualitez inseparables: autrement aussi ce seroit fai-  
 re & rendre nos Roys vrais Atheistes, & Roys des  
 bestes, voire ce seroit les faire pires. D'autant qu'il  
 n'y à rien, dont tous les mesmes Atheistes soient  
 plus d'accord, de ce, qu'il n'y à chose, qui plus  
 maintienne les Estats & Republiques, ny qui soit  
 plus requis en vn Roy, & gouuernemēt politique,  
 que la Religion: & toutefois noz Roys n'auroiēt  
 soing & esgard, que de nous maintenir & regir en  
 la vie, que nous auons cōmune avec les bestes. Ne  
 seroit-ce pas reduire pareillement tous les bons  
 catholiques, & tous les François au nombre des  
 Athees, cōme s'il mesuroient l'amour & l'affectiō  
 qu'ō doit à Dieu, au pied des propres cōmoditez?  
 Ou biē, s'ils n'auoient aucun soing de Dieu, ny de  
 Religion, ains seulemēt de iouir de leurs reuenuz  
 & biens temporels, sans faire aucun estat en rece-  
 pte ou mise de leur Religion, & du deuoir, qu'ils  
 ont à Dieu, ou de ce que y peut estre contraire: nō  
 plus que s'ils mettoient Dieu, leur Religion, & la  
 craincte & cognoissance de Iesus Christ au nom-  
 bre des biens. Ou au contraire, ils y cōstituent leur  
 principale portiō, heritage, thresor, richesses, plai-  
 sir & contentement: ou bien comme s'ils pen-  
 soient, que la prudence humaine eut plus de puis-  
 sance & autorité au gouuernement des affaires,  
 que la prouidence & benediction diuine. Et  
 quand bien le repos & commodité de ceste vie se-

*temporels*

roit le dernier but , encor faut-il confesser, que le  
vray moyen de la maintenir & conseruer c'est de  
seruir le Roy des Roys Iesus Christ, qui en est l'au-  
theur & conseruateur: & de rapporter tant les per-  
sonnes publiques, que les particulieres à l'entre-  
nement du seruice de Dieu tout les moiés, qui de-  
pendent de l'estat. Aussi les Romains (dict Valere)  
ont pense, que les Empires gouueneroient bien  
les choses humaines, s'ils seruoient à la diuine Ma-  
iesté fidelement. Et par-ce ils n'ont point douté  
que les Empires seruissent aux choses saintes & la  
Religion. N'est-ce pas ce, que dit cest ancien ca-  
non, Que les puissances ne sont point en la Chre-  
stiété, sinon afin que ce que les Prestres ne peuuent  
faire par la parole de Dieu, la puissance le com-  
mâde & face accomplir par la terreur des peines?  
Et afin (comme dict Fulgence) que la puissance du  
Roy mette sur le col des arrogans le ioug de la di-  
scipline, laquelle l'humilité de l'Eglise ne peut  
exercer sur eux pour leur arrogance.

*Sacris im-  
peria serui  
re.*

„

„

C'est le mesme, que dict saint Gregoire, que le  
Roiaume terrestre doit seruir au royaume celeste:  
& c'est aussi, cōme S. Augustin interprete souuent,  
le dire du Pseaume, Que les Rois doiuent seruir Dieu  
en toute craincte & respect, defendant dit-il, & pu-  
nissât par vne seuerité religieuse tout ce, qui se fait  
contre sa loy. Car il sert autrement par ce qu'il est  
hōme, autrement parce qu'il est Roy. Il luy sert cō-  
me homme viuant fidelement, & cōme Roy cō-  
mandant les choses iustes, & deffendant les cōtrai-  
res, & en vn mot, dict-il, ils seruent à Dieu entant  
qu'ils sont Rois, quād ils sont pour son seruice ce,  
qu'autre ne peut faire, qui ne soit Roy. Partāt cō-

*Vi terreſtre  
regno ce-  
leſti regno  
ſamulatur.*

me seruiteurs de Iesus Christ ils doiuent & sont tenus d'employer toute leur puissance pour son seruice, & notamment à faire viure leurs subiects en paix souz son obeissance, tant dedans, que dehors l'Eglise, ou vn Roy Payen n'a cure que de la paix hors l'Eglise & de la seule iustice & paix temporelle. Si donc comme dit le Pape Leon à l'Empereur Leon, la puissance Royale n'est point seulement establie pour le regime & gouuernement du monde, mais principalement pour la defence de l'Eglise, il s'ensuit bien que par raison autre ne peut & ne doit estre Roy qu'un Catholique : & que le principal deuoir du Roy est de faire seruir Dieu, demeurant le dire de Theodoze & Valentinian à S. Cyrille tres-veritable, Que les Empereurs & Roys sont le lien & l'accouplement de la Religio & prosperité des subiets, & les vrais gardiens de la société inseparable de ces deux choses.

*L'extirpation de l'heresie cause des Roys.*

C'est donc le deuoir propre & le souuerain office d'un Roy des chrestiens de deffendre & conseruer l'Eglise catholique contre les ennemis de la foy: entre lesquels il n'y en a point de pires, que l'heretique: & s'il n'y auoit point d'Heretique, les Roys ne seroient pas beaucoup ou quasi point necessaires par maniere de dire. Car c'est leur fin finale, c'est le bout de leur carriere qu'ils puissent arriuer à garder la cité de Dieu, cōtre la cité du Diable, & qu'ils preseruent le Roiaume de Iesus Christ & son Eglise de tout dōmage enuers le Royaume de Sathan. Lequel est composé quasi comme point auourd'huy, que des heresies, comme les Iuifs ne sōt que certains heretiques cōtre le sens de la loy de Moyses, ny le Turc & Sarasin, que des auortōs de l'heresie

lie Arrienne, ny toutes les autres sectes & Eglises  
pretēdues que compagnies d'heretiques & enne-  
mis coniurez de Dieu.

Si cela est vray d'aucun royaume ou estat de la  
chrestienté, il est encores plus certain du royaume  
de France, qui à ceste occasiō en est appelle Tres-  
Chrestien, comme ayant & en general & en par-  
ticulier & aux membres & au chef pour son tres-  
souuerain Seigneur, Iesus Christ, & pour sa souue-  
raine loy, la foy chrestienne & catholique. Cecy  
est dit & tesmoigné tres-clairement par sainct  
Gregoire le Grand, qui viuoit l'an 600. parlant de  
l'essence, prerogatiue, & excellence de nostre Roy  
& de sa religion. Ce n'est pas, dit-il, grād merueil-  
le, que le Roy soit Roy, par ce que d'autres en sōt  
bien, mais en ce qu'il est catholique, ce que les au-  
tres ne meritēt pas, c'est ce qu'il luy faut, & qu'est  
assez pour estre Roy. Ceste sentence sert d'Arrest  
& de decisiō pour le regard de noz Roys, car il ne  
parle pas là de la personne seule du Roy Childe-  
bert, auquel il escrit, mais en general du Roy de  
Frāce, de l'ordre, qualité, & estat de noz Roys: cō-  
bien qu'il tesmoigne ailleurs, qu'ils y paruenoiēt  
deslors non par election, mais par succession de  
sang, comme à present. Et s'il n'entend pas que ce  
soit selon le droict diuin seulemēt, qui est cōmun  
sur tous Roys, ains aussi particulièrement selon le  
droict municipal & de la gent Françoisē, & selon  
la propre nature & constitution des Roys de Frā-  
ce: tellement qu'estre catholiq. c'est ce qu'il faut  
& est assez pour estre Roy de France. Au cōtraire  
donc celuy qui n'est point catholique n'a poinct  
ce qu'il faut pour estre Roy, biē qu'il soit du sang

*Arrest de  
S. Gregoire  
cōtre le R.  
de N.*

*Esse regem  
quia sunt  
& alij, nō  
mirum est,  
sed esse ca-  
thol. quod  
alij nō me-  
rentur, hoc  
satis est.*

royal & le plus proche.

*Les Roynes  
de France  
Cath. par  
necessité.*

Conformement à cela nous trouuons bien que noz Roys ont prins leurs femmes, cōme Brune-  
haut, Gualfont & autres, aucunes heretiques, d'au-  
tres infideles. Mais deuant d'estre Roines & de les  
pouuoir espouser, il a fallu qu'elles ayēt esté Bap-  
tisees, & ayent faict vœu & profession de la reli-  
gion chrestienne & catholique, voire du consen-  
tement de leurs peres, bien qu'ennemis de la foy  
parce qu'ils voyoient que les loix du royaume e-  
stoient telles, & qu'autrement l'on ne les eust peu  
comporter ny toller. Si au contraire les Roys e-  
strangers d'Espagne & d'ailleurs heretiques ou  
infidelles ont prins des femmes catholiques de  
France ou d'ailleurs, ç'a esté tousiours avec condi-  
tion qu'elles seroiēt libres & maintenues en reli-  
gion catholique tefmoin la guerre que Childe-  
bert fist contre Almaric Roy de Vvisgots en Espa-  
gne, qui y fut tué, pour vouloir forcer sa femme  
Clotilde sœur d'iceluy d'estre Arrienne, & tant  
d'autres exemples.

*Deposition  
d'un Roy  
heretique  
est de droit  
diuin.*

Nous disons d'auantage que l'Escripture saincte  
appertement enioinct non seulement l'exclusion  
mais aussi la destitution des Roys, aussi bien que  
des Papes & de tous autres en cas d'Apostasie ou  
d'heresie. Car si elle, ou si Dieu, pour parler plus  
clairement nous commande de nous soustraire &  
separer generally de tout heretique, l'auoir  
pour anatheme, ne nous souz-mettre à son ioug  
& pouuoir, l'euter, ne le receuoir point en noz  
maisons, ny en noz villes, ne luy faire aucun hon-  
neur, non pas mesme luy dire le bon-iour & le sa-  
luer, souz peine de communiquer à ses œuures &



en estre coupables: qui en peut faire exception de la personne du Roy, ou d'autre quelconque, sans vne notable impieté, d'iminution & derogation à la parole de Dieu? Y a-il droit, loy ou auctorité inferieure, qui puisse faire aucune exception sur le droit diuin & le commandemēt de Dieu? auquel tous Roys & Estatx sont subiects, singulierement pour le regard de ceux qui ont faict vœu à Dieu, & qui s'y sont volontairement & temporellemēt souz-mis, comme les Roys & l'Estat de France ont esté depuis Clouis chrestiens, & partant subiects temporellement & en qualirité de royaume & des Roys aux loix de Dieu receuës en la chrestienté? Peut-on aussi cuiten, fuir, ne supporter, & salüer celuy qui demeure Roy, le peut-on cuiten, que par exclusion ou depōsition?

Comment peut-on porter sans peché mortel & sans violer le commandement de Dieu, la réuerēce, qu'on doit à son Roy vray & legitime, à celuy lequel est si odieux à Dieu & abominable devant les Anges, qu'il ne nous est permis, ains defendu par expres de le salüer, d'entrer en sa maison, non pas mesme recevoir de l'eau de sa main? Où bien n'est-ce pas bien plus obeir à vn heretique, que de le salüer ou entrer chez luy? Et qui ignore que par le mot de salüer & honorer ne soit entendu tout seruice & obeissance?

Si l'Apostre ne peut supporter, que les chre. qui doiuent iuger tout le mōde, plaident & recognoissent pour leur iuge & Magistrat vn infidelle, voire qui est desia estably par la loy & forme du pays, combié à plus forte raison trouueroit-il indigne, que les mesmes chrestiens permifsēt & tolleraissent

*N'obeir au  
Roy here-  
tique.*

volontairemēt vn heretique obstiné & formé, regner sur eux, & qui est pis qu'ils constituassent & receussent de nouveau vn infidele, Apostat, ou heretique pour leur Roy & souuerain iuge, les pouuant oster ou empescher? Cōbien à plus forte raison condēneroit-il l'erreur de ceux qui ont ceste impie folle & fantastique opinion, Que c'est chose bōne, iuste, & selō la loy de Dieu, de ne faire aucune distinction de religion en matiere de Roys, comme si dieu commandoit d'auoir plus d'esgard à l'ambition droict, cōmodité, interest, cruauté & tirānie des Princes & du monde, voire au defauantage de son hōneur & seruice, qu'à sa propre gloire, exaltation de la foy & de son Eglise, & au salut des ames: & cōme si Dieu nous auoit plus crees pour ceste vie que pour l'eternelle: & encores cōme s'il y auoit aucune verisimilitude q̄ Dieu ayāt laissē le cours des polices humaines, qui estoient cōtre son honneur & religiō, sans les enfreindre, ny nous bāder au cōtraire, il seroit ennemy & cōtraire des seules polices qui rendent à la manutētiō de la foy & de son Eglise. Voila donc cōment l'exclusion & deposition d'un Roy, ou de celui qui pretend l'estre, est par vne indubitable & necessaire consequēce de l'expres commandement de Dieu en cas d'heresie, & que ceste doctrine des Apostres est beaucoup plus certaine, que toute la

*La loy Salique s'explique par la loy de Dieu.*

replique & cabale des hug. Et à ce propos si la loy Salique ou autre telle loy du Roiaume n'est point contraire ny ne destroge aucunement à la loy de Dieu, ains s'explique & s'entend par elle, Que la loy de Dieu chasse l'heretique de la cōpagnie des chrestiens, & partant d'un royaume chrestien, qui

peut douter que la loy Salique prinse en son vray sens n'en face de mesme? Et ne faiçt rien au contraire l'autre cōmandement general conforme au droit des gens d'obeyr aux Roys & superieurs, bien que discoles: par ce que c'est vne regle assuree des Iuriconsultes q̄ lors qu'il y a en vn certain cas, cōme en cestui-cy de l'heresie, vn commandement & droit special, il ne faut point recourir au general, parce qu'il y est déjà derogé par le special.

Si aussi par la parole de dieu les Roys sont membres, fils, & subiects de l'Eglise, comme vn chacun chrestien, mesmement en ce, qui est de la foy, tout de mesme q̄ tout autre fidele & qu'icelle ne peut errer: puis, comme nous dirōs, qu'elle en a ordonné suiuant l'Escripture, l'exclusion & la dimission en cas d'heresie, pour toute qualité de Seigneurs & gens: qui peut iustement absoudre & exempter de telle puissance le Roy, sans que telle exception soit entendue en l'Escripture ou exprimee en quelque Concile? & toutefois c'est tout au contraire.

Et l'on ne doit trouuer mauuais ou estrange, que l'Eglise & les Prelats, qui ont l'exercice de la puissance que dieu luy a donné, se meslent de ces iugemens, voire au temporel & sur les Roys, ne qu'ils ne puissent, ou doiuent deliurer, deslier, ou bien declarer desliez, & absoulz les subiects de l'obeissance d'un Roy heretique, ou bien qui soit souverain en son Estat. Car si tout ce, que saint Pierre & son successeur deslie en terre, est deslié aux Cieux, certainement quand il deslie en terre avec les formes & l'ordre gardé, & ne cherchant, que le salut des ames, les catholiques de l'obeissance d'un Roy Apostat, ou heretique, il n'y a point

*L'Eglise  
peut déposer  
les Roys*

de doute, qu'ils ne soyent pareillement desliez & deliurez aux Cieux, & de la part de Dieu. C'est la puissance que le Prophete Ieremie predict deuoir estre en l'Eglise sur les nations & royaumes, notamment pour destruire & edifier, planter & arracher.

Et comme les seuls Prestres (ainsi que discourt tres-bien Lucifer contre Constantius à ce mesme propos, & pour preuue de la deposition des Roys heretiques) iugeoient anciennement de la lepre: & que le Roy Ozias a esté chassé, cōme tel, par eux, du Temple, depossédé du royaume, & son fils mis en sa place dès son viuant: aussi les Prelatz sont les seuls iuges de la foy & de l'heresie son cōtraire. Et les Roys par eux declarez heretiques, doiuent estre demis de leur royauté par la loy de Dieu & constitution de l'Eglise. Veu que la puissance des Prestres de la nouuelle alliāce est beaucoup plus grande que celle de l'ancienne (dit S. Paul) c'est à l'Eglise seule & aux Prelatz de iuger de la foy & du sens de la parole de Dieu, & du droit diuin. Et si le Roy ne peut estre qu'il ne soit subiect à Dieu, au droit diuin & à l'Eglise par consequent: il s'en suit bien qu'il peut estre iugé par l'Eglise, le Pape, ou les Prelats en ce qui est de la foy, & que la loy de Iesus commande ou defend: qui est ce en quoy ils ont esté constituez iugez, & non seulement interpretes sur tous les chrestiens, & tous ceux qui sont dās & souz l'estat Monarchique de l'Eglise. Car si comme (dit S. Paul) le Pape & les Prelats sont establis & constituez de Dieu, pour regir, gouverner, & defendre son Eglise: s'ils ont toute puissance pleniere & souueraine, & singulierement

*Les Roys  
iuges par  
l'Eglise.*

le Pape, peut pourueoir au bié spirituel des brebis de Iesus Christ, en laquelle coing du monde qu'elles soient dispersees & espandues: si à eux seuls priuatiuement à tous autres appartient ce droit ou charge de procurer ce, qui est necessaire pour la vie spirituelle, & le salut des ames: & si en cela il n'y a rien si necessaire, que la foy, ny rien qui la puisse plus empescher, endommager ou destruire, que la dominatiō & regne d'un Roy heretique: ne s'ensuit il pas necessairemēt, que le Pape & les Prelats ont ceste puissance de Dieu indirecte contre tous Seigneurs temporels & Roys heretiques nuisants à la foy, d'absoudre leurs subiects de tout serment de fidelité, & de iceux destituer iuridiquemēt, brief de faicte cōtr'eux & tous autres, quels qu'ils soiēt, tout ce qui est necessaire pour les empescher de nuire au salut des ames, & à la puissance & droict, que Dieu leur à commis en ce? Et non seulement ils le peuuent en saine conscience: mais ils y sont tenus & obligez toutes & quantes fois, qu'il n'y a point d'āger de plus grand mal. Car si les Princes tēporels peuuent & doiuent selon Dieu directemēt deffendre la vie & les bies corporels de leurs subiects contre tous empeschemēs, & que Dieu leur à baillé à ces fins tout pouuoir de deposer, & tuer par iuste guerre tous Rois & autres qui les voudroient molester en ce, aussi le Pape & les Prelats doiuent de mesme deffendre l'Eglise & la vie spirituelle des chrestiens contre tous tāt par leur auctorité, que par conseil & exhortation enuers les Princes chrestiens. Et ceste obligation est d'autant plus grande & inuiolable que le salut des ames est plus important & à preferer à celuy des corps

*Les Prelats  
doiuent de-  
fendre l'E-  
glise.*

C'est la commune resolution de tous les Theologiens & Canonistes.

*Dispence  
des sermens.*

C'est aussi chose si ordinaire en droict & en commune pratique & obseruace entre les chrestiens, Que la cognoissance des dispenses & descharges des sermens sont de la iurisdiction Ecclesiastique, qu'il n'y a personne qui en puisse legitiment douter: tellement que ce seroit chose absurde, que autre, que l'Eglise puisse absoudre les subiects enuers vn Prince heretique, du serment de fidelité.

*L'Eglise ne  
deroge à la  
souuerai-  
neté des  
Rois.*

Mais pour cela les ROYS ne perdent rien de leur iurisdiction & auctorité souueraine au temporel, qu'ils ne puissent vser de tout leur ancien droict, & puissance libre & absolue en tous les affaires, qui n'empeschent, ou ne diminuent point la foy & la religion chrestienne, soit pour establir tels officiers, ordonner telles peines contre les mal-faicteurs qu'il leur plaira, soit pour faire toute autre chose qui leur est permis de droict de nature, des gens, ciuil, & coustumier, & en quoy l'Eglise ny les Prelats n'y peuuent rien, sauf que de cōseil ou d'admonition. Et les ROYS ny les royaumes (nous parlons principalemēt de ceux qui croient en Iesus Christ, ou qui y ont creu quelque fois) ne leur peuuent estre subiects, qu'és choses seulemēt, qui pourroient empeschier la foy ou le salut de la chrestienté, si elles n'estoient defendues ( comme les diuorces, mariages és degrez de consanguinité, & autres choses) ou bien commandees comme le secours & la defence des pauures, la tuition de l'Eglise & de la religion catholique, & generalement en tout ce qui est des appartenances ou depandances spirituelles, & que le droit diuin cōman-

de ou prescrit aux Rois comme necessaires à salut. Et n'est merueille si les Roys leur obeissent en cela, puis qu'il leur est imputé autant, que s'ils obeissent à Iesus Christ obeissans à ses cōmis en ceste partie. Car ils y ont d'autant plus grand interest, & cela les touche d'autāt plus, qu'ils ne peuuent estre sauuez autrement, & sans l'acquiēt de ce deuoir. Nous disons dōc que les Rois sōt subiets à l'Eglise & aux Prelats en cela, principalemēt qu'ils ne peuuent estre sauuez ny estre receuz par vn peuple chr. au Royaume, tollerez en l'administration d'iceluy s'ils ne font & laissent ce, que la loy de Iesus Christ interpretee par l'Eglise & les Prelats commāde de faire, ou laisser. Et l'on ne peut sçauoir plus certainement qu'elle est sa loy & qu'est-ce qu'elle commāde ou deffende, que de la bouche de ceux, que l'Escripture nous tesmoigne estre les gardiēs d'icelle: ausquels elle veut, que nous recourions, & desquels il est dict, Qui vous escoute & obeit il m'escoute & m'obeit: & qui vo<sup>9</sup> mesprise, me mesprise. Et par ce que les loix se font des faiēts, qui arriuent plus communemēt & qu'on ne voit gueres, & quasi il est impossible que tout heretique, soit roy ou autre, ne tache de supprimer la religion & foy catholique, c'est pourquoy l'Eglise à faiēt & peut faire iustemēt cōformement à la parole de Dieu & icelle interpretant & executāt ceste loy. Que tout heretique Roy ou autre soit chastié & par peines spirituelles & par corporelles, iusques à celle de la mort inclusiuement & non seulement iusques à la priuation & spoliation de leurs biens, grades, & hōneurs, de quelque sorte, qu'ils puissent estre. Nous prions le lecteur poiser bien en iuste ba-

*L'heretique  
supprime  
la foy  
Catholique.*

lance ces raisons, & ne s'arrester aux passios d'autrui, n'y à des friuolles apparences, qui sont au contraire, & lesquelles si l'on reçoit vne fois pour bones, il ne faut plus penser parler par raison, ny esperer, que ceste question se vuide au point de la loy, ny du droict, mais par oppiniaistreté & confusion brutale.

Et à la verité, si le Prince le plus prochain de ceste Couronne tomboit à estre ou Iuif, ou Anabaptiste, ou Arrien, ou Sarasin, ou Payen, ou Atheiste profez (que Dieu nous garde) comme l'heresie (remarquent les anciens) est vn passage ordinaire à telles confrairies qui voudroit opiner de l'admettre pour nostre Roy? Ceste opinion ne sembleroit elle pas bien monstrueuse, scandaleuse, & impie aux oreilles des chrestiens, & singulierement des François, les ancestres desquels n'ont rien tant eu en soing ny à cœur, que la manutention & dilatacion de la foy catholique? Et tant s'en faut qu'ils eussent receu ou souffert pour leur Roy vn Turc ou heretique, ou d'autre sorte de ces gens, ennemis de Iesus Christ, qu'ils n'ont pas mesmes peu permettre, que ceux, qui estoient tels, combien qu'ils fussent ja establis & desirez des leurs, commandassent en tiltre de Roy ou Prince souuerain à leur propre peuple, & subiets volotaires: Ils n'ont peu souffrir, que les autres nations, bien que esloignees, & sur lesquelles ils n'auoient aucune cognoissance ou autorité, les ayent permis & tolerez à leur commander, encore que ce fut de leur gré, & consentement. Tesmoing les guerres saintes de Clouis contre les Arriens, de Charlemagne, de Philippes Auguste, de S. Louys contre



les Sarrafins, Lombars, Arriens, Albigeois, & Iconomaches Grecs, & tesinoing tant d'expeditions, & voyages d'outre mer cōtre les Turcs, & que par le moyen des François le Christianisme, & la religion catholique à esté plantee & remise, cōseruee & maintenue en la plus part des nations & estats du couchant & du leuant. Enuers lesquels Iesus Christ s'est seruy, pour les souz-mettre & ranger en son obeissance, de noz Rois, cōme d'une trouffe & carquois (ainfi que parle le Pape Gregoire 9.) dōt il à desployé ses traicts & flesches. Ils ont chassé & depossédé les Roys estrangers de leurs Royaumes pour le seul point de l'infidelité & de l'heresie, contraires à la religion catholique. Et l'eussent ils peu faire iustement, si la loy de religion ne s'estendoit sur les Rois & Princes souuerains, aussi bien, que sur les subiets? Autrement ne se deuoient ils pas contenter que le peuple fust cathol. sans y astraindre leurs Roys à peine de priuation & deposition? Combié à plus forte raison eussent ils secoué ce joug de sur eux mesmes & leur peuple, & empesché que autre que vray Catholique & vray chrestien ne les commadast, & ne paruint à la Couronne? Seroit ce tour de gens bien sages, d'auoir reiglé la maison de leurs voisins, & n'auoir pourueu à la leur? Ou bien, est-il imaginable, qu'ils ayent estimé loy & raison sur les autres ce, qu'ils n'auront voulu subir eux mesmes? S'ils ont acquis aux autres peuples ceste liberté & priuilege chrestien de ne pouuoir estre commandez par vn Roy heretique ou infidelle, pour le plus souuerain remede propre à la conseruation de leur foy catholique, ne l'auront ils point reserué pour eux mes-

*La reli. sur  
les Roys.*

*Priuileg. de  
la France.*

mes? S'ils ont acquis & soubmis à Iesus Christ les Royaumes & peuples estrangers, ont ils peu oublier ou luy enuier celuy de Frâce, pour ne l'auoir soubmis & laisse, que à la seule volonté & Religion du Roy catholique, Iuis, ou heretique? N'est-ce pas vne trop grande malice & impudence, que de les faire auteurs d'un tout autre ordre en ce Royaume, & d'une si athee interpretation, & conceptiō, qu'on donne sur la loy Salique? Qu'il suffit pour succeder à la Couronne, qu'on soit de la masse de chair humaine & du sang Royal & masse, sans que la consideration de Iesus Christ, de sa foy, & de la Religion cath, du Royaume, des Roys & des François, y soit necessaire? Si au contraire le zele, duquel ils ont esté poussez pour l'honneur de Iesus Christ, & l'augmentatiō de sa foy & religiō, à esté louable, qui peut blasmer en cas pareil leurs enfans & successeurs? Si toute l'antiquité à creu, que ce qu'ils en faisoient estoit du droit de la liberté chrestienne, du commandement de Dieu & de son inspiratiō, comme il n'est permis de s'ingerer sur l'estat & biē d'autrui, Qui osera reprocher & maintenir aux Catholiques le semblable estre contre le commandement de Dieu? Si saint Charlemagne, & S. Louis, & autres ont esté estimez auoir fait en ce vn œuvre si meritoire enuers Dieu, non seulement de la prosperité de ceste vie, mais aussi de la felicité & vie eternelle, que leur siecle en à esté benist, & leurs personnes doüees de l'estat & nom de saincteté, les bons catholiques Roys, Princes & autres, peuuent ils craindre aucunement offencer leur conscience, que la posterité les maudisse, & que Dieu ne leur rende pareil salaire & re-

compence, que à ces deux grands Rois & saints de Paradis, s'ils s'emploient sincerement à semblable poursuite & entreprinse cōtre les heretiq. & ennemis de la foy? Peuvent ils craindre d'estre accusez d'vsurpation ou occupatiō d'estat, puis que l'antiquité à iugé ny auoir meilleur ny plus iuste tiltre d'acquisition, que l'extirpation de l'heresie, ou de l'infidelité: & que la plus part des Princes chrestiens encōres à cest heure, ne iouissent d'une bōne partie de leur estat, que de ceste façon?

Finablement, s'il n'y a plus iuste guerre, selon Dieu & les hommes, que celle, qui s'entrepren pour la religion, & conseruation de la foy, & icelle seule chrestienne & catho. & que de tous les ennemis d'icelle, il n'en y à point de plus dangereux, n'y pires, que les heretiques: & que de tous eux il n'en y a point aussi qui y soient plus nuisables, que les Roys, Princes & autres, qui ont beaucoup de moiens & de pouuoir: qui peut nier, que ce soit vn œuvre d'autant meilleur, & plus meritoire, de despouiller & oster les gens de leur grade, qu'ils sont contraires à Dieu, & grandement dommageables à son Eglise & à la foy? Et si l'on ne les peut destituer sans guerre ou que la guerre ne se peut acheuer sans leur mort, qui doute, qu'on ne les puisse selon Dieu (dit saint Thomas) tuer pour lors iustement? Et si cela est permis contre vn voisin & compagnon, ou estranger, sur lequel l'on n'a aucune puissance ordinaire ou iuridique, pourquoy non aussi bien sur le compagnon, domestique, & le Prince, qui par son heresie ou apostasie est deuenu de maistre, valet, cōpagnon ou persōne priuee. Si nous sommes tenuz de vāger l'hōneur de Dieu

*Guerre iuste pour la foy.*

de la loy cōtre l'ennemy estrāger, pourquoy non pluſtoſt contre l'intestin qui nous est plus preiudiciable, & duquel Dieu, ſa religion, & ſes ſeruiteurs & ſubiects, & nous meſmes pouuons eſtre plus offencez?

Si tout droit de ſeigneurie, prerogatiue, & domination n'eſt introduit & fondé, que ſur le droit des gens, & que le droit de conſeruer la foy eſt du droit diuin, il s'enſuit bien, que lors qu'il y a danger de la ſubuersion de la foy, l'Egliſe peut priuer toute ſorte d'infideles, & à plus forte raiſon d'heretiques, de leur domaine & ſuperiorité: d'autant qu'il faut que le droit des gēs cede au droit diuin.

Les huguenots ſe ſcandalifent à tort en l'Apologie, à la façon des anciens heretiques, de ceſte comparaifon, qu'on faiet d'eux avec les Iuiſ, infidelles, Payens, Turcs, & Sarrazins: car c'eſt vne opinion generale de Tertulien, de S. Clemēt Romain, S. Cyprien. S. Athanaſe, S. Hieroſime, S. Auguſtin, & generalement des anciens Peres, que les heretiques ſont pires de beaucoup que tous ceulx-là. Ils ſont, dit S. Clemēt, plus impies que les Iuiſ, & plus ſans Dieu que les Gentils. Les Ethniques, dit Tertullien, croient ne croyans, & les heretiques ne croyēt point en croyant. Et certainemēt, comme celuy qui n'accōplit point ce, qu'il a promis, peche plus grieuement que celuy, qui ne tiēt ou ne faiet ce qu'il n'a iamais promis: auſſi l'infidelité de l'heretique, lequel faiet profeſſion de la foy Euangelique, & qui touteſois y eſt contraire par la corruption qu'il y cōmet, eſt beaucoup plus deteſtable, que l'infidelité des Iuiſ, ou du Turc: & par conſequent, l'heretique eſt pire de beau-

*L'heretique pire que tout infidelle.*

*Heretici magis ſunt impij quā Iudei & magis, ſine Deo quam gētilēs. Ethnici nō credendo credunt, & heretici credendo non credunt.*

coup, & peche plus griefuement, que le Iuif, le Payé ou le Turc, qui n'a oncques receu la foy de l'Eugile, fuiuant (comme cite tresbien saint Augustin) le dire de S. Pierre, Qu'il leur vouldroit mieux, n'auoir point cogneu la verité, que s'en estre retirez. Outre que c'est plus grand crime de diuifer l'Eglise, que de sacrifier aux Idoles, cōme ce grand saint Denis Alexandrin aduisoit Nouatus. Aussi il n'y à point de doute, dit le mesme S. Augustin, que ce, qui est puny plus griefuement, ne soit plus gros forfait. Et l'Escripture enseigne, que l'Idolatrie n'a esté punie que du glaiue, mais le Schisme de l'engloutissement de la terre, & du feu celeste. Aussi l'atheisme ne cōsiste pas seulement à croire plusieurs Dieux, ou n'ē croire point du tout (selō que Mor-nay pretēd en la responce, qu'il à fait cōtre vous) mais aussi à ne seruir le vray Dieu, comme il faut. Pour ceste raison saint Hierosime ne doute point d'appeller Ennonius Athee, cōme aussi S. Athanase Arrius, & l'histoire Ecclesiastique vn Aëtias. Et S. Chrysostome ose biē prononcer ceste generale proposition (apres S. Cyprien & conformement à Epiphane) Personne ne doute que les heretiques ne soient pires que les Gentils: premierement par ce que les Gentils blasphemement Iesus Christ par ignorance, mais les Heretiques deschirent la verité de Iesus le cognoissants: d'auantage il y à esperance de la foy en ceux-là, mais en ceux cy vne continuelle & incessable discorde contradiction & contention. C'est chose aussi verifiee par infinis exemples & tesmoignages des anciens. Que les Heretiques sont tousiours plus cruels ennemis aux catholiques que les Payés, Et que l'Eglise

estre iuste d'executer enuers les autres , cōme estās  
 beaucoup plus tolerables. De maniere que si selon  
 ceste maxime vn Iuif ou vn Turc ne peut estre  
 Roy de Frāce, ny à plus forte raison vn heretique.  
 Mais en tout cas puis que toute autre religiō, hors  
 la seule Chrestienne & Catholique , quelque ap-  
 arence qu'elle aie, est nulle, mensongere, diaboli-  
 que, & pñicieuse : q̄ nous chaut-il qui est le moins  
 mauuais , le Iuif , le Sarrafin, l'infidelle , ou l'he-  
 retique? Qu'importe-il partant de quelle religion  
 on soit , si l'on n'est de la vtaye & vñique , & celle  
 seule, qui est de Dieu & nous peut cōduire & vnir  
 avec luy? Que nous chaut-il, qui est le pire d'entre  
 eux, puis que quiconque n'obeit à l'Eglise Cathol.  
 (quand mesmes il ne seroit Heretique , que nous  
 deuons fuir ) nous doit estre (dict le Sauueur ) en  
 mesme rang & consideration qu'un Ethnique &  
 Publicain: C'est à dire avec lequel nous ne deuons  
 auoir nō plus de commerce & de familiarité , que  
 les Iuifs auoiet avec les Publicains & Ethniques.  
 Toutefois si l'heretiq̄ quel qu'il soit, est tenu pour  
 pire & plus detestable, q̄ le Iuif, le Payen, le Turc,  
 ou infidelle, voire, disent aucuns, dix mille fois au-  
 tant, de mesmes (ce que dit Aristote souuent) que  
 l'homme meschant est dix mille fois pire , que la  
 meschante beste: que dira on de ceux qui tiennent  
 que l'heresie n'est point vn moyen d'exclusion du  
 Royaume? & de du Mornay qui en sadiete respōce  
 oze contredire impudamment ces saincts peres?  
 Qui voudroit (dit-il) ignorer, qu'infidelité ne fust  
 pire que l'heresie , & que par consequēt l'infidelle  
 ne merite plus grief traictement quel'heretique?

Par consequent si par la loy de France & de la

*Plus neces  
saire pour  
estre R.  
d'estre  
Cat. que  
homme.*

Chrestienté, vn Turc, vn Iuif, ou infidelle ne peut estre Roy, encor qu'il soit le plus proche du sang, il resulte que la loy du Royaume pour la religion est plus cōsiderable en la succession des Roys que la nature. Et si de toutes les pretendues religions autre n'est proprement & veritablement religion, que la seule Chrestienne & Catholique ( cela ne se peut nier des Chrestiens) il s'ensuit de toute necessité, qu'on doit auoir esgard seulement à la religion Catholique. Et que pour estre Roy de France il est plus necessaire d'estre Chrestié & Catholique, que d'estre hōme & le plus proche de sang masse. Qui ne dispute apres cela, merite plustost, qu'un bourreau luy responde qu'un Philosophe, comme disoit Aristote de ceux qui nient les maximes de nature.

Et ce qu'on dit, Que le mort saisit le vif, & que le Roy ne meurt iamais, & autres semblables sentences se doiuent entendre tousiours presuppōsé qu'il n'y aye vn plus proche de sang, legitime empeschement, ou obstacle d'heresie, ou autre cause Chrestienne, par laquelle le droit de succession est deuolu consecutiuelement à l'autre plus proche du mesme estoc, par la loy mesmes, sans autre declaration des hommes.

Si les loix de la Chrestienté ne peuuent porter ou permettre, qu'un heretique, ou qui sent mal de la foy Catholique, Apostolique, & Romaine, de quelque condition & garde qu'il soit, soit receu, ou maintenu aux charges du moindre officier ou Magistrat: qu'au contraire c'est vne chose sans doute, & qui est mesmes confirmee par plusieurs liures de Calvin & Beze, & receu parmy les Hu-

guenots, qu'il n'y a crime en vn Estat plus pestiferé, ny qui doieue estre poursuiui de pl<sup>r</sup> griefue peine de mort, q<sup>u</sup> celuy d'heretique, qui est celui si desputueu de sēs, qui puisse douter que ces mesmes loix n'aiēt à pl<sup>r</sup> forte raisō lieu aux charges de roi, & cōtre les heretiques, qui y pourroiet pretēdre?

Si les loix de toutes natiōs & royaumes ne peuvent comporter l'aduancement & promotiō d'un estrāger du pays aux offices & charges publiques: combien moins d'un heretique, qui est estranger, & ennemy de la foy Chrestienne: & lequel sans cōparaizon est beaucoup plus hay & à cōtre-cœur d'un chacū, & plus estrāger que l'estrāger du pays?

Si nous lisons que l'Empereur Iouinian refusa l'Empire apres le decez de Iulian l'Apostat, iusques à ce que l'armee se fust declaree Chrestienne, pour ne vouloir gouuerner, ny pouuoir commander (disoit-il) qu'à personnes Chrestiennes, combien à plus forte raison eust-il refusé & fuy de donner sa voix, & de consentir volontairement à constituer vn Empereur infidelle, ou, qui est pis, heretique sur luy & les Chrestiens? Combien à plus forte raison est-il inique & indecent que les Chrestiens & Catholiques reçoieūt & acceptent volontairement vn Apostat ou vn heretique pour Roy ou Empereur sur eux? N'est-ce pas bien se bander cōtre Dieu en faueur de ses ennemis, & se ietter biē gayemēt au dāger de perdre ce precieus ioyau de la foy tant pour eux, que pour leur posterité, & tout l'estat du Royaume? N'est-ce pas bien contre toute apparēce de raison que les membres de Christ establistent sur eux vn membre du diable, & qu'estant sur le propre d'interpreter leur



loy Salique ils y veullent ou puissent bailler autre sens, que celuy qui est conforme à la foy Catholique & à leur religiō pour s'asuiettir à vn Roy qui y soit contraire? Ne lit on pas qu'un de vos Roys anciens nommé Emond estant pressé par guerre de se rendre & soubmettre luy & son estat aux Daces, gés infidelles, ne le voulsist iamais, s'il ne luy promettoient d'estre Chrestiens, faisant ceste response, Qu'un peuple Chrestien ne pouuoit se soubmettre à celuy, qui abhorroit la Religion Chrestienne: si premierement il n'en faisoit profession? & ceste constance a esté tant estimee, que estant mort sur ceste querelle il en a obtenu tître de saint & de martyr.

Si les Payens mesmes & Idolatres, qui ont eu leurs Estats bien reglez & heureux, cōme les Romains & autres, ont prins pour le soustien & loy principale de leur Estat celle de la religiō du pays, nōmeemēt pour n'admettre ou toller aux charges de consul, de Roy ou autres publiques, q̄ ceux qui faisoient professiō de la religion receuē parmy eux ou autorisee par le Senat: que doiuent faire les Catholiques, qui sont asseurez le salut estre de leur costé, & que c'est la prouidence de leur vray Dieu Iesus Christ, qui guide & gouuerne les Royaumes & Estats? Aurōt-ils moins de zele & d'affection à l'honneur de Dieu, & bien de son seruice, que ces Payēs enuers leurs Idoles & vaines imaginations? Ou bien aurōt ils moins d'aduis, de iugemēt, & de prudēce pour la police & les moyēs de s'entretenir en paix & en repos, quand mesmes il n'y iroit rien du fait de Dieu & du salut, q̄ ces gens, qui uiuoient en tenebres & destituez de la grace de Dieu.

Il est escrit en Iosephe, que quād Isates Roy des  
 Adiabenes eust receu en soy la religion des Iuifs  
 avec Heleine sa mere, qu'elle & Ananias grand  
 Docteur de la loy, qui l'auoit instruit & excité à  
 ce, luy dissuada de declarer sa religion, & de rece-  
 uoir la circoncision, de peur que ses suiets con-  
 gnoissant ce changement de religion, ne se retiras-  
 sent de son obeissâce, & ne luy deuissent ennemis,  
 pour ne pouuoir supporter, qu'autre leur cōman-  
 dast, qui ne tint la religion du pays. Cōme de faict  
 s'en estant apperceuz ils recoururēt à Abias Roy  
 d'Arabie, & apres luy à Vologese Roy des Par-  
 thes, pour l'oster, & leur dōner autre Roy, à l'occa-  
 sion seule de l'hayne, qu'ils luy portoient, de ce  
 qu'il estoit d'autre religiō, que les Roys ses prede-  
 cesseurs. Dōt il appert, que ce a esté tousiours vne  
 opiniō ordinaire de toutes natiōs, & en tous Roy-  
 aumes que les suiets ont pensé pouuoir instemēt  
 refuser l'obeissance, & deposer celui, qui laissoit la  
 Religion du Royaume, & laquelle ils estimoient  
 estre la meilleure. No<sup>r</sup> lisons aussi qu'Anxius Roy  
 des Bulgares festāt faict Chrestie enuiron l'an 850.  
 la plus part de son peuple, & les Sacrificateurs de  
 l'Idolatrie excitarent vne rebellion de ses suiets  
 contre luy à ceste occasion. Carpualde Roy des  
 Anglois n'est pas si tost baptisé & fait Chrestien  
 enuiron l'an 620. qu'il est tué par vn nommé Rich-  
 berecch sien suiet en hayne seule de sa religion.  
 Gordas Roy des Huns sous Iustiniā festant faict  
 Chrestien, les Huns de ce offencez vniz avec son  
 frere Moageras le tuēt, priēt ses enfans de sa suc-  
 cession, y mettent ledit Moageras en leur place.  
 Idomeneus Roy de Crete ayāt voulu sacrifier son

*Roys chas-  
sez de leur  
Royaume  
par leurs  
suiets pour  
auoir chan-  
gé la reli-  
gion.*

fils contre la religion du pays il est desmis par ses  
 suiects & chassé du pays. Misteuo Roy d'Vuagie-  
 res s'estant fait Chrestien, il est chassé du Royau-  
 me par ses suiects, & meurt en exil enuiron l'an  
 1020. les Gots & Sueones tuent leur Roy Erice, de  
 ce qu'il s'estoit fait Chrestien. Les Hongres chas-  
 sent leur Roy Pierre enuiron l'an 1047. de ce qu'il  
 en auoit fait le mesme, & auoit laissé la religion  
 du pays. Cupas se reuolte avec plusieurs du peu-  
 ple contre Estienne Roy d'Hongrie, à cause qu'il  
 estoit Chrestien. Le Roy de Norigues enuiron  
 l'an 1000. est tué par son peuple à son retour de  
 France, pour auoir quitté la religion du pays &  
 prins Baptême. Sigibert (dict le petit) Roy des  
 Anglois ou Saxons orientaux est tué par coniura-  
 tion des siens, pour s'estre rendu Chrestien. Les  
 Perses enuiron l'an 500. deposent & emprison-  
 nent leur Roy Cabades, & y mettent en sa place  
 vn sien frere, à cause que contre leur religion il a-  
 uoit fait vne loy, par laquelle il introduisoit la  
 communauté des femmes: & toutefois leurs Rois  
 estoient faits par succession de mesme que les no-  
 stres, comme remarque S. Gregoire le grand. Et est  
 notable du mesme Cabades, qu'ayant recouert  
 son Royaume il feit mettre à mort beaucoup de  
 milliers de Manichiens, par ce qu'ils auoient se-  
 duit & rendu de leur religion son fils Phatuarsan,  
 & qu'ils luy promettoient de le faire declarer par  
 son pere son successeur. En l'histoire des Indes  
 Orientales nous lisons, que le Roy Syonis s'estant  
 fait chrestien quasi tout son Royaume s'est deparry  
 de son obeïssance à moins de seize mois, pour ceste  
 seule occasion. Aussi Barthelemy Roy de Iappon

ayant deliberé de se faire baptiser avec sa famille les principaux de ses suieſts coniuèrent contre luy & taſchent d'y en mettre vn autre en ſa place.

Tous leurs liurets ſe targuent grâdement contre ceſte opinion des Catholiques à la façon (reſ-  
moing Lucifer) de Conſtantiuſ Empereur Arrié,  
du commandement de Dieu, qui porte, *Qu'il faut*  
eſtre ſuieſt, rendre hōneur & obeir aux Roys, aux  
Princes & à toutes puiſſances. Mais qui ne voit, *Reſponſe*  
*au cōman-*  
*dement de*  
*Dieu d'o-*  
*beir aux*  
*Roys.*  
q̄ ce n'eſt rien à propos de la queſtion, de laquelle  
on eſt en différent ? ſçauoir ſi l'on doit receuoir en  
roy le R. de N. ou autre Heretique ou non. Le cō-  
mandement de Dieu parle de celuy qui eſt ja roy  
eſtably & nous diſons que le R. de N. n'en eſt pas  
encores, graces à Dieu, qu'il n'en ſera iamais avec  
ſon ayde, & qu'il n'en peut eſtre par droit & raiſō.  
Ce ſont deux faits fort diuers, & ils nous obieſtēt  
ceſt argument, comme ſil eſtoit Roy. Toutesſois  
mettons le cas, qu'il fuſt deſia receu, ou comme  
heretique, ou cōme Catholique, & qu'apres il de-  
uint heretique : Nous diſons qu'en ce cas nous  
ſommes aux termes, que nous auōs touché cy de-  
uant : c'eſt que du commandemēt general d'obeir  
aux Roys il y a diſpence, ou pluſtoſt exception ex-  
preſſe portāt non ſeulement liberré aux chreſtiens,  
ains inhibition de ne receuoir l'heretique en nos  
villes, & maiſōs, nō meſmes lui faire aucū hōneur.

S'ils conteſtent, comme ils font qu'en ceſte ex-  
ception les Roys & Princes ſouuerains n'y ſont  
point nommez : c'eſt tout de meſme, comme ſi  
nous leur diſions, qu'au commandement general  
d'obeir aux Roys l'heretique n'y eſt point expri-  
mé notāment, & que par meſme raiſon qu'ils vou-

dront distraire le Roy du commandement contre l'heretique, nous pourrons aussi exempter l'heretique du commandement general d'obeir au Roy, mais bien plus iustement, que c'est l'escriture mesme, qui l'exempte, ou de l'autre costé il parle en termes generaux des Roys & Princes. Et le Roy doit estre d'autât plus comprins en ceste exceptiõ, que cela est conforme à la loy expresse & particuliere de Dieu, de ne recevoir en Roy vn Idolatre, ny autre qui ne tint la Religion Iudaïque.

Mais encores que l'exception de l'heretique ne fust point si formelle en l'escriture, nous disons, que dans le commandement general d'obeir aux Roys, l'heretique n'y peut estre comprins ny entendu en aucune façon. Et en voicy la raison: Car comme ce commandement general d'obeir aux Roys n'est pas tant vn commandement propre de Dieu, comme c'est vn commandemēt qui depend de la loy naturelle & du droit des gens, lequel le droit diuin ne tollit point, mais bien le bonifie: aussi l'autre commandemēt, qui est vne exception du premier, de ne honorer, ny obeir à l'heretique, n'est pas tant vn commandement propre de Dieu, qu'il depēd de la mesme loy naturelle, & du droit des gens. Lequel deffend de permettre simplement en vn Estat nouveauté ou contrarieté d'opinions en la foy & doctrine de la religiõ de chacune gent & nation, quand elle n'excede point les termes du sens naturel, & que l'on a iuste occasion d'ignorer la religion Chrestienne par defect de la lumiere supernaturelle: ce qui est aurāt, que de n'y permettre vn heretique. Et partant tant s'en faut, que le commandement general, qui est d'obeir aux

Rois se doïue entendre sans consideration de leur religion, qu'au contraire il requiert & presuppõe necessairement, que suiuant l'autre loy naturelle des gens, ils tiennent la Religion de l'Estat: qui est autant que de dire qu'ils ne soient heretiques ou innouateurs en la foy ou religion, si Dieu par vne lumiere extraordinaire & diuine, corrigeant ou purgeant ceste loy des gens, ne inspire autrement les suiects. Si donc la Religion Chrestienne & Catholique a esté vne fois receüe & establie en vn Royaume, pourquoy sera il permis au Roy de la changer en sa personne? en sa Royale Maiesté, ou en son peuple, non plus que selon le droict des gens il ne pourroit humainement faire d'une autre religion: & qu'il n'y a point d'apparence que Dieu ay voulu que la condition du Christianisme & de sa religion soit pire ny plus suiecte à changement que celle du Diable? Dauantage ce second commandement de ne honorer l'heretique estant conceu par negatiue doit estre obseruè en tous temps, en tous lieux, & de toutes personnes. Ce qui n'est pas de mesme de l'autre, qui est affirmatif, lequel n'a lieu que selon les circonstances, suiuant la nature des preceptes negatifs & affirmatifs, comme tresbien enseignēt les Philosophes & les Theologiens.

Mais quād bien toutes ces considerations cesseroient, n'ont ils pas apprins de leur principal maître en son institutiō, *Opinion de Calvin touchant l'obissance qu'on doit aux Roys,* Que tout le commandement qui est donè de Dieu d'obeir aux Roys & de souffrir d'eux toute dominatiō desordōnee ne s'entēd que pour le regard des personnes priuees. Car s'il y a des Magistrats constituez pour la defence du

peuple pour refrener la trop grande cupidité &  
 licence des Roys ( comme font possible aujour-  
 d'huy en chacun Royaume les trois Estats quand  
 ils font assemblez ) à ceux, qui seroient constituez  
 en tel Estat, tellement ie ne deffendray de s'oppo-  
 ser & resister à l'intéperance ou cruauté des Roys  
 selõ le deuoir de leur office: que mesmes fils dissi-  
 muloient, voyans que les Roys desordonnement  
 vexassent le pauvre populaire, i'estimerois deuoir  
 estre accusée de periure telle dissimulation, par la-  
 quelle malicieusemēt ils trahiroient la liberté du  
 peuple, de laquelle ils se deuroiēt cognoistre estre  
 ordonnez tuteurs par le vouloir de Dieu. Nous  
 auons bien voulu transcrire icy le dire de leur ora-  
 cle, non pour l'approuuer en tout, mais afin que  
 l'heretique ayē la gorge coupee par son propre  
 cousteau, & qu'il ne face plus tant de parade de  
 Dieu, avec lequel il n'a ny part ny quart, ny aucu-  
 ne société. Car si ces Officiers de l'Estat ( comme  
 sont sans doute les Courts de Parlemēt, les Estats  
 generaux & les Princes & officiers de la Courõne  
 bien vniz, mesmement apres le decez du Roy, &  
 lors que la successiõ est ouuerte & disputee : & en  
 l'Empire les Electeurs ( dit Martir ) doiuent selon  
 Dieu soubs peine d'estre pariures, non seulement  
 desobeir, mais s'opposer & resister au Roy abusant  
 de son pouuoir, mesmes es choses, qui ne sont cõ-  
 tre la foy & la religiõ, que doiuent ils y faire en tel  
 cas? Et si resister au Roy n'est autre chose, qu'em-  
 pescher qu'il ne face ce qu'il veut, & le destituer &  
 demettre autant qu'est en foy, & se fortifier à ces  
 fins de celuy, ou ceux, qu'on pourra du pays ou e-  
 strangers, & de tous moyens propres à ce: si cela est

permis en cas des mœurs, de la police, & des biens & des loix humaines & pour la vie du corps : que ne fera il pour la foy, pour la cause de dieu & pour la vie de l'ame ? Et si demettre le Roy, pourquoy non à plus forte raison ne le recevoir avec la qualité de l'heresie, qu'on sçait estre non seulement incompatible avec la religion, ains qu'il l'y est contraire comme la mort à la vie, demeurant la parole de Dieu infallible, Que le deserteur de la foy ne machine que mal en son cœur, & qu'il seme dissensions en tout temps, & que l'heresie s'espand comme vne gangrene ou chancre, tellement, que par tel dire & la propre confession de Calvin il résulte que selon Dieu on ne doit, ny ne peut iustement recéudir ou recognoistre pour Roy vn heretique, qui ne peut que nous forcer ou violanter en nostre religion, & celle de tout l'estat.

*L'heresi.  
que ne pé-  
se qu'à  
mal.*

N'est-ce pas vn commandemēt exprez de Dieu & aussi formel que d'obeir & estre suiects aux Roys, que de faire prieres & oraisons pour eux, & pour tous ceux qui sont constituez sur nous ? & toutesfois l'Eglise, qui est l'interprete de l'Ecriture n'a elle pas eclipsé & osté les Roys & Princes heretiques ez oraisons publiques, où les Roys sont nommez par prerogative d'honneur, de respect & service, & ce en consequence du susdict commandement, de ne honorer l'heretique. Car l'on sçait que c'estoit vne ancienne coustume de l'Eglise d'exprimer le nom du Roy ou de l'empereur parmi les plus saintes prieres & hauts mysteres de la Messe, comme elle faict bien encor. Toutesfois elle l'a prohibé & defendu, lors qu'ils se sont trouvez heretiques. Comme nous lisons aux epistres du Pape

*L'Eglise  
ne prie  
pour le roy  
heretique.*



Leon premier, & en plusieurs autres lieux, & quoy cy apres il se verra par exemples: nous enseignant & instruisant par là, que si l'heresie nous absout de l'obligation de prier pour eux specifiquement, & mesme au lieu d'honneur, à plus forte raison de leur obeïr, veu mesmement que de prier pour eux no<sup>9</sup> y sommes induits par charité, voire, cōme dit S. Paul, par nostre propre interest, & autant, que nous desirōs de passer vne vie trāquille & douce.

N'est-ce pas vn commandement de Dieu, & le premier (dit S. Paul) qui a promesse speciale de recompence en ceste vie, que de honorer, & obeïr à pere & mere, & en consequence duquel s'ensuit l'obeïssance & seruice enuers le Roy: Toutefois si l'heresie, sans aucun doute, & au consentement de tous les Theologiēs & Canonistes suiuant le sens de l'Escriture sainte, absout & depestre les enfans du ioug, de la cohabitation, & de la puissance paternelle, & de tout droit, que leurs parens ont de leur pouuoir commander en toutes choses, comme en leur propre, au cas qu'ils soient heretiques, sans qu'il soit besoing d'autre excommunication: combien à plus forte raison les suiects de toute la conuersation, suiection ou puissance Royale: veu que le deuoir enuers les parens est d'un liē plus estroit & de tout droit diuin, naturel & humain, & cause de celuy enuers le Roy, pour estre censé cōme vn second pere: & aussi que nous deuōs à pere & mere, plus qu'aux Roys, voire plus (disent les Theologiens) qu'aux Anges, ny qu'à la Vierge mesme. Et suyuant cela (dict saint Hierosme) Marche hardiment, foulant la teste de ton pere, pour embrasser l'enseigne de Iesus Christ. Et

*On doit  
preferer le  
seruice de  
Dieu à  
tout autre.*

apres luy saint Cyrille, Où la Religion est violee,  
 le bon Chrestien ne fait estat de la reuerce de ses „  
 parens, comme estant chose inutile & perilleuse, „  
 il quitte l'amour enuers ses enfans & ses freres, „  
 prefere la mort à la vie, esperant trouuer par ceste „  
 mort vne resurrectiō plus glorieuse. Et lōg temps „  
 deuant ces deux, saint Ignace : Ne hante point „  
 l'heretique, quand bien il seroit ton pere, ton fils, „  
 ton frere, ou domestique. Conformement au dire „  
 d'Aristote, Que pour la verité il faut rompre les „  
 droicts de famille & de parenté, & à ce que par la  
 loy il estoit enioinct aux peres, de deferer en iuge-  
 ment, voire de tuer leurs enfans, comme aussi au  
 frere son frere, & à l'amy son amy, au mary sa fem-  
 me, s'ils les auoient vouldus seduire de la foy, &  
 les induire à idolatrie, au regard de laquelle l'he-  
 resie est beaucoup plus detestable. N'est-ce pas ce  
 que nostre Seigneur vouloit dire, Que cēluy n'est  
 son disciple, qui ne hait pour son seruice & pere  
 & mere, & sa femme?

N'est-ce pas vn commandement de Dieu aussi  
 formel, que celuy pour les Roys, d'obeir & ren-  
 dre double honneur aux Pasteurs de l'Eglise, & à  
 tous ceux, qui sont constituez pour veiller sur nos  
 ames : & toutesfois l'heresie ne nous deliure elle  
 pas de ce deuoir, & ne les destitue & degrade elle  
 pas de soy mesmes cōme nous auons dit du Pape?

N'est-ce pas vn cōmandemēt de Dieu à la fem-  
 me de seruir & obeir à son mary? Et au mary d'ay-  
 mer & secourir sa femme, & à tous deux de viure  
 ensemble en bonne vnion, cohabitation, & com-  
 munication de biens & de la personne, & de se  
 rendre l'un à l'autre le deuoir de mariage? n'est-ce

*Le maria-  
ge se rōpt  
par heresie*

pas vne liaison indissoluble de soy, que le maria-  
ge? toutesfois si à l'explication & selon la prati-  
que de l'Eglise, l'heresie & apostasie, voire la sim-  
ple infidellité en certain cas, est cause suffisante  
pour la separation, comme estant fornication spi-  
rituelle, beaucoup pire, & non moins condamnée  
de Dieu, que la fornicatiō corporelle, de sorte qu'é-  
ce cas Dieu dōne priuilege, dispence, & liberté à la  
partie Catholique de se retirer de sa compagne, &  
luy denier tout deuoir de mariage, tout office &  
seruice, pour le moins iusques à la conuersion, ou  
bien, si leur diuorce a esté fait ou autorisé par  
sentēce iudiciaire, iusques à tousiours, & tant qu'il  
luy plaira: nous disons, que si l'on est absouls & de-  
liuré du debte & lien de mariage par le moyen &  
à cause de l'infidellité, de l'heresie, ou de l'aposta-  
sie, à plus forte raison du lien de suiection & ser-  
uitude, qui est beaucoup moindre, & de l'obeis-  
sance, & seruice que le suiet ou vassal doit au Roy  
ou seigneur, voire quand bien apres il se reduiroit  
à la foy Cathol. si vne fois il a esté déposé ou priué  
par iugemēt du Pape, ou de l'Eglise, ou qu'il n'ayt  
esté retraicté par les mesmes? Si aussi la disparité  
& differēce de Religio non seulemēt empesche le  
mariage futur, mais aussi dissout celui, qui est fait,  
combien à plus forte raison empeschera elle la re-  
ception ou coniection d'un Roy infidelle here-  
tique, ou apostat en un estat ou Royaume Catho.

*Le mai-  
stre here-  
sique pert  
la puissan-  
ce sur son  
serf.*

N'est-ce pas un commandement de Dieu, à tous  
les serfs & seruiteurs d'obeir, & d'estre suiects à  
leurs maistres, bien qu'infidelles: toutesfois ne  
voyons nous pas que la pratique en est toute au  
cōtraire en la Chrestienté, & que suiuant plusieurs

{ 612 } { 612 }  
{ 613 } { 613 }

{ 612 } { 612 }  
{ 613 } { 613 }

Conciles & constitutions, la seule foy Chrestienne deliure & absout les serfs du Iuif, du More, ou autres infidelles, de toute suiection, seruitude, & deuoir euers eux: ou, pour mieux dire, la seule infidelité de leur maistre le prine & despoüille de tout droit de maistrise, & seigneurie sur vn Chrestien.

Le mesme n'a il pas esté tousiours ordonné & obserué pour le regard du serf Catholique enuers son maistre heretique, l'heresie duquel le despoüille pareillement de toute authorité & puissance sur son serf Catholique, & la raison qui est du seruiteur au maistre, n'est elle pas la mesmes du suiect au seigneur ou Roy?

Or si le peril & danger de perdre la foy est la cause principale de l'entiere & legitime separation du fils contre le pere, & de la femme contre le mary, de la brebis contre son pasteur, du seruiteur contre son maistre, & qu'iceluy est encores beaucoup plus grand de la part du Roy & Seigneur heretique, ne sera il donc pas permis au suiect, ou plustost n'est-il pas obligé de se separer & aliener entierement de la conuersation, du seruice, obeissance & suiection de tel Roy, plustost que se mettre en danger de perdre la foy? N'est-il pas donc à plus iuste tiltre obligé à ne le receuoir, ne s'y soubmettre, & ne le cognoistre volontairement & librement, & s'il s'en peut passer ou depaistrer? La raison que saint Paul donne pour le regard du mariage, n'a elle pas lieu aussi bien en tout le reste? C'est par ce (dict-il) que Dieu n'a point appellé le Chrestien à vne seruitude & suiection, ains en vne vraye paix & tranquillité, c'est à dire, que comme la partie fidelle n'est point

*Danger  
de perdre  
la foy no<sup>u</sup>  
fais quit-  
ter la suie-  
ction d'un  
Roy here-  
tique.*

tellement abstraincte au lien de mariage, qu'elle soit tenue à ceste occasion de faire rien, qui soit au preiudice de Dieu, ou au peril euidét de la foy: & que si l'on ne peut conseruer la paix & la concorde maritale, qu'aux despens de la religion & du salut, il vaut mieux faire entier diuorce pour aspirer & pretendre à la vraye paix, qui gist à estre bien avec Dieu, & ne perdre point la foy. Aussi le Chrestien n'est point tenu de receuoir ou obeir à vn Roy qui a delaisié ou se depart de la foy Chrestienne, au danger de la religion, & au tres grand scandale & trouble de la Chrestienté. Car toute suiection du Chrestien presuppose, que ce soit sauf l'interest de Dieu, de sa Religion, & de la paix de l'Eglise, & de la conscience. Ces deux poincts sauuez & gardez, il est permis apres honorer, recognoistre, & obeir à pere, mary, Roy, maistre, & Pasteur: mais autrement ils nous doiuent estre en mesme rang & consideratiō que les plus estrangers & incognus du mode, n'estans tenus à leur obeir en tel cas, que lors seulemēt, que Dieu y est seruy: c'est à sçauoir, routes & quantes fois, qu'en leur desobeissant il y a dāger, que cela ne reuiēne & retombe au dommage de la foy Chrestienne, & à rebuter & scandaliser tellement les infirmes, que cela puisse estre occasiō, qu'ils delaisient à receuoir la foy, ou qu'ils faigrissent contre la Chrestienté. Comme nostre Seigneur pouuoit bien par iuste raison se deliurer de payer le tribut, neantmoins pour fuyr scādale, il a commandé qu'il fust payé. De mesmes S. Paul ordonne que la femme suiecte au mary infidelle, & que les serfs & suiets fidelles obeissēt aux maistres & seigneurs infidelles; mais il adioust iusques

ques à quoy, & pourquoy: afin, dict-il, que le nom de Dieu & sa doctrine ne soit blasphemée en eux, monstrant bien, que la consideration de scandale, qui en arriueroit par fois cōtre toute l'Eglise & la foy Chrestienne, est la propre & principale raison, pour laquelle vn Chrestien doit selon Dieu & en sa cōscience rendre subiection & obeissance à son maistre ou mary infidele. C'est ainsi que plusieurs, *Vn fidele n'est tenu obzir à l'infideles que de peur de scandale:* & mesme de nos aduersaires, interpretent le dire de S. Paul aux Romains. Qu'on doit estre subiects à toute puissance, voire pour la conscience, c'est à sçauoir d'autrui, de peur que s'ils voyent, que les Chrestiens n'obeissent point au Magistrat, ils ne se scādalisent contre la religiō Chrestienne, pour dire (comme dit S. Chrysostome) qu'elle ne sert qu'à mouuoir sedition & à mutinerie: & que par cōsequent ils ne se rendent plus fascheux, & persecuteurs de la religion Chrestienne, au lieu de s'y cōuertir & l'embrasser. Ce que ne peut auoir lieu, qu'ē vn Estat ou Royaume infidele. Tellement que par là, la distinction des Royaumes Chrestiens ou infideles est necessaire pour l'intelligence du commandement de Dieu, touchant le deuoir du subiect & du seruiteur pour la diuersité qui s'y trouue de la raison de la loy, & de ce que peut seruir ou nuire à la religion, & au progres de la foy, de l'honneur de Dieu, & de la paix de l'Eglise. A quoy visent toutes les loix de Dieu.

Finablement qui ne voit, que le cōmandement d'obeir au Roy, ne peut faire rien pour le R. de N. quand bien il seroit vne fois receu, & paisible: Car ou il s'entend de celuy seul, qui est le vray & iuste titulaire & possesseur, & lequel aye esté receu, &

*Le cōman-  
dement de  
Dieu ne  
fert en ce  
lieu.*

qui s'y cōporte selon les formes, vsances & loix du Royaume, comme il est certain, dict S. Chrysostome, que la doctrine Chrestienne ne destruit point les polices du monde, ny les formes & regles d'estat, ains les cōfirme, & ameliore bien plustost: ou bien de tout autre, qui commandera, & se pourra rēdre maistre de ce Royaume, soit avec droict, ou sās droict. Si c'est seulement du premier, & que par nos formes anciēnes, vsances & obseruatiōs, & selon la loy vniuerselle de la Chrestienté, & particulieremēt de cest estat, nul ne puisse auoir iuste tiltre sans religion & sans tiltre de vray Catholique, & que l'heresie, ou l'Apostasie priuēt & despoüillēt leur hoste du droit de toute sorte de supēriorité, & preminance sur les Chrestiens selon ce mesme commandement de Dieu, qui se rapporte aux reiglemens & polices humaines, nous ne pouuons donc recognoistre vn heretique pour Roy.

S'il ne s'entend aussi, que de celuy qui commāde à la iournee, & qui est le maistre de l'estat, ou le pl<sup>us</sup> fort pour le temps qui court, comme estoiet pour lors les Empereurs, & quasi tous les Roys & Princes du monde, qui auoient occupé l'estat, & la liberté de la Seigneurie du peuple Romain: & que la patience Chrestienne consiste de ne s'entremettre point, ny en particulier, ny en general, des affaires d'Estat & du monde, que par simple obeissance, que ie ne die niefserie, voila le moindre cōpetiteur du R. de N. ou autre, qui se pourra rendre maistre de l'Estat, du tout, ou en partie, sans droict & ou avec droict: lequel a vn aussi grād aduantage par là que luy. Et par consequent, qui ne voit que d'une façon ou d'autre, c'est alleguer ce

commandement hors de tout propos & du subiect, dont il est question. Auquel ils n'ont qu'à prouuer, qu'un heretique puisse estre Roy legitime avec son heresie: car en ce cas lon luy accorde toute obeissance & seruice, sans qu'il faille que Dieu parle: autrement lon proteste de ne luy pouuoir iustement rendre non plus d'honneur, qu'on feroit au plus vilain roturier & gueux de France, ou si Dieu, pour nos pechez luy donne moyen de nous forcer, comme lon feroit à vn Tamberlan & Tyran parfait, brief autant que la violence & la force nous y pourra contraindre.

De opposer & estendre au faict du crime d'heresie, comme font tous ces liurers, la souueraineté des Roys, soit de France, de Nauarre, ou d'ailleurs, comme s'ils pouuoient iustement, & en vertu de leur puissance legitime au tēporel, estre heretiques, & faire la guerre à Iesus Christ à leur plaisir, sans rien perdre de leur Maiesté & droicts, & sans aucune contradiction legitime, & aussi licentieusement, que pourroit faire l'Empereur Neron, selon les hommes, deuant que l'Empire fut christianisé: qui ne voit qu'il n'y a chose au monde si impertinente, que cela? veu que pour le respect de la foy & de tout ce, qui touche le salut de l'ame & le spirituel, aucun ne peut nier, que tous Rois Chrestiens ne soient subiects selon Dieu & de droit voire humain à l'Eglise, aussi bien qu'à Iesus Christ, qui est son chef & espoux, aussi indiuisible & inseparable pour le moins que le Roy du Royaume, & le mary de sa femme: & parrant aux Conciles, à la discipline, iustice, & iurisdiction de l'Eglise, & aux peines temporelles qui en depen-

*Rois Chrestiens  
sont corn-  
ment sou-  
uerains.*



ce moyen autant qu'elle ne se dict, & ne peut s'entendre puissance souueraine que par comparaison de toute inferieure seigneurie & puisſance de meſme eſpece, ſçauoir au temporel, & par conference des autres Roys & Seigneurs, qui doiuent hōmage ou tribut temporel. Mais lors que telle puisſance ſera cōparee à celle de Ieſus, qui eſt le vray & le ſeul Roy ſouuerain des Chreſtiens, & notammēt du Royaume de France, des & depuis qu'il a eſté chriſtianisé, c'eſt à dire rendu ſubjet à l'Egliſe de Ieſus Chriſt (ce qui n'eſtoit pas du temps de Nero ny de Pharamon) & par conſequent à la puisſance qu'il a donnee & eſtablie en ſon Egliſe ſon eſpouſe, ſur tous ceux qui ſont, ou qui veulent eſtre dits enfans de ce mariage, & auoir part en ſon Royaume, ſoit ça bas, ou là haut : en ce cas, & pour le regard des loix de Dieu & de l'Egliſe, nous ſommes tous compagnons du Roy & les eſgaux en obeiſſance & ſubiection. Car comme le plus petit, il ſe agenouille & proſterne deuāt le moindre Preſtre qui ſoit, & prend à hōneur & benediction de luy faire chacun iour offrande & hōmage à deux genoux, & de pouoir baiſer, dict S. Ambroiſe, les mains des Prelats de l'Egliſe, & les pieds des ſeruiteurs des ſeruiteurs de Dieu, qui ſōt actes certains & apparās de ſoubmiſſion, ſubiection, & de minorité. A meſme fin il a entree & aſſiſtance ez aſſembles de l'Egliſe en vn Concile general, non pour ordonner ny opiner, ou auoir voix deliberatiue avec les Prelats (ce qui n'a eſté iamais veu, ny approuué entre les Catholiques) mais principalement pour propoſer les doubtes & maladies de ſon Royaume, & pour ſouſcrire, & promettre

*Le Roy  
d'Eſpagne  
baiſe les  
4 doigts  
premiers  
à tous E-  
neſques  
qui le vont  
voir : Et  
tous Roys  
Chreſtiens  
le deſſus  
du pied ou  
ſon liere du  
Pape.*

pour luy & pour ses subiets l'observatiō, sō assistā-  
ce, & l'adionction de la puissance tēporelle & ter-  
restre à la tuition & deffense de ce, que y sera or-  
donné, cōme son fils, inferieur, & subiect, & reco-  
gnoissant appertemēt, q̄ sa souueraineté ne regar-  
de en façon quelcōque l'Eglise, & ne s'estend au-  
cunemēt sur elle, ny sur les loix & saincts decretz.

Ausquels les propres subiets, ny cōme subiets &  
inferieurs, ny autrēmēt ne peuuent estre obligez ny  
en ce, qui est de la foy, ny en ce qui est des mœurs,  
ny en quelque façon que ce soit, qu'en consequēce  
de la subiectiō que le Roy mesmes y a ou doit: &  
selon la mesme mesure & proportion du droict.  
D'autāt qu'il est certain qu'autre ne peut faire loy  
(nous disons loy) de son auctorité sur ceux d'un  
estat, que celuy qui y cōmande, ou lequel a droict  
de superintendence & souueraineté sur luy-mes-  
me. Car la difference de loy & de conseil est en ce,  
qu'on peut accepter ou refuser le cōseil sans peché  
ny peine: mais la loy porte obligatiō d'estre neces-  
sairement receüe & observee par les subiets de l'au-  
teur d'icelle, si l'on ne veut tōber en peché & en  
encourir les peines. Ou dōc les decretz de l'Eglise,  
faits principalement en vn Concile general, sont  
loix ou cōseils sur tous & chascuns Chrest. qui sont  
de l'Eglise, & notāmēt sur les François & leur Roy,  
qui sont d'un Royaume incorporé à icelle. De ne  
accorder que le secōd ce seroit s'opposer par trop  
à Dieu, qui luy a commis priuatiuement à tous au-  
tres la charge souueraine, & le régime & gouver-  
nemēt supreme des ames sans exceptiō des Roys:  
& parāt le cōmandement & la puissance de ordō-  
ner & faire loix sur tout ce, soit tēporel, soit spiri-  
tuel, qui peut nuire ou seruir à la foy, qui est la vie

des ames. Si aussi elles sôt loix, elles ny leur auctorité ou force ne depēdent point du consentement ny du Roy, ny d'aucū autre, qui que ce soit. Et par-tāt il faut necessairemēt qu'elles portēt commādemē tāt sur luy, que sur ses subiets. En consequēce donc de ce, que le Roy y est luy-mesme obligé & astringēt: de droict ou de faict, ou de to<sup>e</sup> deux que c'est vne loy sur le Roy, comme Chrestié ou chef d'un Royaume Chrestié, que son consentēmēt n'y est point requis à ces fins, & pour cest effect (car vueille ou ne vueille, la loy est tousiours loy, & telle qu'il ne peut iustemēt ny par droict & raison y refuser obeissance, ny empescher celle d'autrui, non plus pour le moins qu'il ne peut empescher legitimemēt l'obeissance de l'espagnol enuers son Roy) c'est pourquoy ses subiets, comme subiets, & non seulemēt comme Chrestiens, y sont obligez & tenus selon Dieu, & selon la propre nature de la loy: tout de mesme, que les subiets à la iustice d'un Baron, d'un Comte, ou autre Seigneur, qui est subiet au Roy & à ses loix, en consequence de sa subiection ils sōnt pareillement subiets au Roy mesme. Et si nous maintenions son autorité ou consentement y estre requis, il faudroit accorder par consequent qu'elle n'est point loy, ou que la volonté du Roy seroit par dessus l'Eglise, & la loy des loix de l'Eglise, mesmes pour le regard de ses subiets. Ce qui seroit vne tres-grande impieté.

Nous ne voulōs pas nier que plusieurs Roys & Princes, n'ayēt empéchē par fois l'executiō des loix de l'Eglise en leurs terres. Mais la question est s'ilz le deuoiēt, ou s'ils l'ont peu iustement en Dieu & cōscience, sans peché de rebellion, & sans faire la

fencé d'ailleurs plus griuemet q̄ par nostre soubmission,selō que l'Eglise sçait tresbiē iuger & prescrire en telles occasiōs. Qui conteste au cōtraire, celuy la, quel qu'il soit, se monstre plus Turc que Chrestié, plus Athee, que fidele, plus Tyrā q̄ Roy, plus beste qu'hōme, & en general priué & ennemy du sens commun du monde Chrestien.

Nous ne pouuons à ce propos passer sous silēce, le iugement qui a esté donné par le Pape contre le Roy de N. par la Bulle de sa saincteté du 21. Sept. 1585. par laquelle en cōfirmāt & executāt le decret du Cōcile general de Latrā, elle declare & pronōce le Roy de Nau. heretique notoire, & relaps: & comme tel, criminel de leze Majesté diuine, inhabile, incapable, & priué du droict du royaume de Nauarre, de l'estat de Bearn, de toutes Duchez & Seigneuries, & de rout droict de succession aux Principautez, Duchez, & notāment au royaume de France, avec inhibition à tous & chacun des Catholiques de ne le receuoir, ny luy obeyr aucunement, soubz peine d'excommunication.

*Bulle du  
Pape cōtra  
le R. de N.*

Car cōme nous ne trouuons point estrange, que les Huguenots festudient à debatre l'auctorité & la puissance du Pape sur ce: aussi ne pouuons nous point penser, qu'il y aye aucun bō Catholique, qui en vueille ou puisse iustement disputer ou douter, puis que nous voyōs qu'elle luy a esté attribuee & confirmee par le S. Esprit. Lequel en interpretant l'Escripture saincte, a dicté le susdict Concile de Latran, & a ordonné en iceluy (car ainsi parlent les Apostres d'un Concile. Et nous a semblé & au S. Esprit.) Que toutes les puissances seculieres, de quelque degré & prerogatiue qu'ils soyent, facēt

*Cōcile de  
Latrā cō-  
tra le R. de  
Nauarre.*

à leur aduencement serment public, d'exterminer de tout leur pouuoir les heretiques: & à faute d'y satisfaire, que le Pape absolue & exempte du serment de fidelité non seulement leurs subiects, mais aussi leurs vassaux, & expose leurs terres en proye aux Princes Cathol. Si ce cōcile n'est point legitime, receuable & obligatoire, pourquoy en seront les autres plustost? Si ce n'est l'Eglise catholique, la vraye espouse du Sauueur, & nostre mere, qui a esté assemblée en iceluy, où estoit-elle donc pour lors? Si elle n'estoit en tous ces Euesques & Princes Chrestiens, & autres qui faisoient l'Eglise? Si telle forme d'assemblée ne represente au naif tout le corps de la Chrestienté, quelle autre doncques? Si tous ensemble ne peuvent faire vne loy qui soit authentique, & inuiolable pour la Chrestienté, qui dōc avec plus d'auctorité & de raison? Si lon souffre que ce qui a esté résolu, receu, & approuué avec vn si general & commun consentement, soit mis en dispute, & reuocqué en doute, y a il chose si claire, & si veritable, qu'on n'obscurecisse, & qu'on n'esbranle par dispute? Reste-il aucune consultation, arrest, iugement, ou autre moyen au monde, pour arrester & refrener l'incertitude ou temerité des opinions, & des iugemens des hommes? Et pour le regard du R. de N. qui veut paroistre ne decliner point l'autorité & le iugement d'un Concile, soit national, soit general, mesmement pour la doctrine de foy, & pour son instruction & certitude de ce, qu'il doit croire, y a il donc rien qu'il puisse iustement repliquer ou opposer au decret de ce Concile? & que parant estant heretique, ou pour le moins n'estant

*Le R. de N.  
se voulant  
soumettre  
à un nou-  
veau Conci-  
le, ne peut  
reietter le  
decret du  
Concile de  
Lairan.*

point Catholique, & exterminateur des heretiques (notamment à la façon que ce Concile l'entend, afin que nous n'equiuoquions sur les mots) il ne soit legitimement priué par le Pape de toute seigneurie, domination, & de tout droit de succession ?

Toutesfois quand ce ne seroit qu'une ordonnance purement politique, ou loy pragmatique faite entre les Princes chrestiens, & leurs subiects en vne diete, parlement, ou assemblee generale d'estat de tous les royaumes, seigneuries, estats & nations chrestiennes, encor n'y auroit-il point apparence quelconque entre les gens d'honneur & de iugement de la debattre. Mais à plus forte raison, quand nous voyons que c'est vne loy Conciliere, c'est à dire du S. Esprit, que Dieu a promis deuoir assister, & interieurement presider à son Eglise & aux Conciles Generaux, comme le Pape y preside exterieurement, ou pour parler plus clairement avec l'Ecriture, que c'est vne loy cōtractuelle, & vn pacte general fait entre Dieu, les peuples, leurs Rois & Princes Chrestiens, receu & esmologué en assemblee generale, de ne receuoir ny permettre sur eux iamais aucun Empereur, Roy, ou Seigneur heretique. Quand lon ne voudroit auoir esgard au seul Pape, & à ce grād nōbre d'Euesques & Prelats qui y ont esté assemblez, estās plus de 1400. & lesquels ont fait ceste loy: encores le grād nombre & la qualite des Ambassadeurs des Empereurs du couchāt & du leuāt, des rois de France, de Ierusalem, d'Espagne, de Cypre, d'Angleterre: & generalement de tous les Rois, Ducs, grands Princes, Estats, & seigneuries de la Chrestienté, qui y ont

*Authori-  
té d'un  
Concile.*

assisté, qui y ont requis ladite loy, qui l'ôt approu-  
uee & cōsentie, & lesquels se sont souzmis & obli-  
gez par leurs propres seings manuels de la part, &  
suiuant la charge & procuratiō expresse de tous  
les Princes & Peuples Chrestiens, est plus que suf-  
fisant moyen, à faire que chacun y acquiesce.

De maniere que quand bien le Concile, l'Eglise,  
ny le Pape n'auroit de sa propre nature & consti-  
tution de la part de Dieu ceste auctorité (comme  
il a la souueraine puissāce externe & Monarchi-  
que, & la iurisdiction pour tout ce qui cōcerne le  
spirituel, & qui tend à la fin de la loy de Dieu, ou  
qui viē en cōsequēce d'icelle sur toutes person-  
nes qui sont subiectes à icelle) de priuer ou decla-  
rer les Roys & tous Princes souuerains prieuz  
pour l'heresie, de tout cōmandemēt & dominatiō  
sur les Catholiques: quād mesmes aussi en la pro-  
messe que les Roys, Princes & peuples ont fait au  
Baptisme, ou par la profession de foy de bouche  
d'estre Chrestiens ne seroit cōprinse (cōme elle est)  
la promesse de seruir en leur charge à Iesus Christ  
& à l'Eglise, avec soubmissiō de perdre plustost &  
la vie & le Royaume, que la foy & l'obeissāce que  
ils leur doiuent: toutesfois leur seule volōtaire sub-  
missiō, subscriptiō, & cōformité par pratique à la-  
dicte ordonnance du Concile tēsmoigne assez, ou  
que telle puissāce est de Dieu, ou quoy que ce soit  
ils ont recognu telle auctorité estre en l'Eglise, &  
au Pape: ou biē qu'ils leur ont nō seulemēt remis,  
cedé & trāsporté, & deferé deslors par leurs Eues-  
ques, Ambassadeurs & deputez, telle puissāce: ains  
ont promis & se sont liez les mains par vne gene-  
rale approbation & cōmune obseruāce & prati-

que continuelle des peuples de n'y pouuoir pour-  
ueoir, receuoir, ou toiller vn heretique: & les rois  
de ne pouuoir paruenir, & moins vouloir iouyr &  
vser de l'administratiō & gouuernemēt du Royau-  
me, qu'entant qu'ils sont & font sermēt de Catho-  
lique, & de la mesme foy, que ledict Cōcile. Et ce-  
la n'est-il pas plus que suffisant pour y obliger &  
eux & leur posterité & leurs estats, & empescher  
qu'aucū n'y puisse venir ny estre souffert iamais au  
contraire? Car autrement ce seroit ancātir la puis-  
sance des Monarques, qui ne se la peuuent attri-  
buer iustement eux-mesmes par vsurpation, ains  
seulemēt autāt qu'elle leur a estē vne fois remise,  
compromise, & deferee par le peuple, n'y ayant  
puissance, auctorité ou preeminence quelcōque,  
qui soit mieux fōdee, que celle qui est establie par  
consentement & submission volontaire.

*Origine de  
la puissance  
des Rois &  
monarques  
sur le peu-  
ple.*

D'imputer à la faineantise & stupidité des rois,  
des Empereurs, des Princes, & des peuples de ce  
temps là qui estoient l'an 1214. & depuis, ceste  
grande obeissance, respect, ou concession, nous se-  
rions nous mesmes plus abestis cent fois, de tenir  
pour faineants & stupides ces grands & tres-illu-  
stres personnages, de l'honorable memoire des-  
quels, toutes les histoires sont pleines. Est-il ima-  
ginable que tant de Rois & Seigneurs souuerains  
se soient iouzmis à l'auctorité des Euesques en vn  
Concile, & particulierement du Pape, si la raison,  
leur grande vtilité, & l'extreme necessité, leur de-  
uoir, & Dieu mesmes ne les eust faict plier à ceste  
condition? Car quelle autre vertu ou puissance  
pourroit faire, que cent millhōs & milliades d'hō-  
mes obeissent d'eux mesmes à vn? les forts aux

*La submis-  
sion du mō  
de au Cō-  
cile & au  
Pape est de  
Dieu.*



foibles? les gaillards & en aage robuste aux vieillards moribôdes? les nobles aux gens de vile naissance? les gens de guerre aux defarmez? Bref, est il possible, qu'il y aye eu quelque temps, auquel les plus puissans se soient volontairement assubiectis aux plus foibles?

*Singulari  
tez du Cō-  
cile de La-  
ran.*

Aussi nous obseruons que comme ce Concile est le plus grand, que iamais a esté en nombre de Prelats, venus de tous les quatre coings du môde, & d'Ambassadeurs de tous les Roys, Princes, & Estats Chrestiens, tant du leuant que du couchât: aussi il n'en y a point, qui nous puisse représenter mieux toute la Chrestienté ensemble, & ce, qui peut estre, de l'intention de Dieu, du sens de l'Escripture sainte, de la foy de l'Eglise, du commun & vniuersel sentimēt des gens, sur la loy & raison naturelle, & sur les moyens de conseruer la Religion Catholique, & vn estat Chrestien en paix & repos. C'est aussi le seul & vnique Cōcile (non sans grand merueille, & vne singuliere prouidence de Dieu) qui se lise auoir esté accordé, cōuoqué, tenu, célébré, receu, obserué, & executé tout soudain, & de temps en temps, avec l'vniuersel accord pacifique, & commun consentement libre de tous les Princes & peuples Chrestiens, sans aucune dilation, interruption, opposition, ne contradiction quelcōque: si bien, qu'il a esté de telle auctorité & reuerence en toute la Chrestienté, tant de l'Eglise Grecque, que Latine, que l'on en a tiré les cinq commandemēs generaùx, qu'on appelle de l'Eglise: & qu'il se peut dire avec verité, que, soit pour la foy, soit pour les mœurs, la discipline & police Ecclesiastique, il a esté tousiours gardé inconcusse-

ment pour loy, norme & reigle de l'Eglise : & duquel la pluspart du droit canon & ecclesiastique a esté tiré & compilé. Le Pape Innocent 3. qui y a presidé, ayant esté d'ailleurs de telle estime, pour la saincteté & suffisance, enuers tous les chrestiens, tant de son temps, que depuis, qu'il en a acquis & retiré le tiltre d'Apostre Romain : & que toutes ses ordonnâces & actes ont esté receus, approuuez & suiuis en tout & par tout, comme vn oracle, chose que Plarine a bien voulu obseruer pour fort singuliere & rare.

*Depositi-  
on d'un Prin-  
ce hereti-  
que pratiquée.*

Et pour le regard de cest article, concernant le fermét des Rois & Princes pour la foy catholique, leur expoliatiō & priuatiō à cause de l'heresie, l'un & l'autre a esté tousiours depuis inuiolablement gardé, & la deposition fut deslors pratiquée par ce mesme concile, à l'adueu, souzmission, approbatiō & consentement de l'vniuersel monde Chrestien & Catholique, & singulierement des François, & de nos Roys, contre Raimōd Comte de Thoulouze, les Comtes de Foix, Gaston de Bearn, & autres leurs cōplices, lesquels pour estre heretiques, furent excommuniez par decret dudit Concile, pronōcé par la bouche du Pape, & si furent aussi priuez dudit Comté de Thoulouze, & de toutes leurs terres, & icelles donnees à Simon Comte de Mōtfort, chef de la ligue & de la Croisade, à la mesme façon & maniere que le R. de N. a esté priué de ce Pape, suynant ledict Concile.

*L'heresie  
du Roy de  
N. condamnée.*

Nous dirons d'auantage, & qu'il est fort cōsiderable en ce faict, que ce fut pour mesmes heresies que le R. de N. tiēt & croit, & notamment pour le regard de la Messe, ainsi qu'il est porté plus ample-

ment par les actes & decrets dudiect Concile. Enquoy il appert en passant, qu'on ne peut douter, si le R. de N. est heretique, parce que ce Concile declare heretiques ceux qui tiennent pour foy chrestienne, les opiniõs que croit le R. de N. & les Huguenots au contraire de la profession de foy dressee audiect Concile.

*Le Pape  
peut dõner  
les biens  
d'un here-  
tique en  
praye.*

Que vn Chrestien puisse trouuer estrange, que le Pape donne les biens & estats d'un heretique en proye, il n'y a point d'apparence: tãt parce que (comme dict S. Augustin cõtre les heretiques de son temps) c'est appeller fausement ces biens ou estats leurs, lesquels ils ne peuuent posseder, ny par droit diuin, par lequel tous les biens appartiennent aux catholiques & iustes, ny par les loix humaines, qui les en priuent & despouillẽt: qu'aussi parce, que si le Pape peut le declarer heretique, l'excommunier, & absoudre les subiects de toute seruitude, & obeyssance: si les subiects, ou ceux, qui peuuent auoir interest à sa succession, ou depouille, sont nonchalans, ou n'ont le moyen de le chasser, soit sans guerre ou avec guerre, quel doute y a il, qu'on ne puisse appeller, ou prouoquer les autres Princes chrestiens à l'ayde de la foy chrestienne contre tels heretiques? & qu'icẽx par le droit de guerre, & en recompence des frais n'en puissent demeurer iustes acquerẽurs & legitimes possesseurs? Et nõ seulement le Pape, mais aussi le moindre Euesque peut iustement, voire droit en Dieu & cõscience rechercher à ces fins l'ayde d'un Prince catholique, soit du pays ou estranger: & y exhorter tous les catholiques ses subiects, & autres, par la mesme raison que S. Augustin recommande

mande tant l'Euesque Maximiã en Aphrique, d'a-  
 uoir employé le secours de l'Empereur Chrestien  
 contre les Donatistes, nō tant (dict il) pour se vē-  
 ger d'eux, que pour defendre son Eglise. Ce que s'il  
 eust delaisié, sa patience n'eust pas esté tant à louer  
 que sa negligence à blasmer iustement : & S Paul  
 (adiouste il) ayant recouru à l'ayde de l'Empereur  
 Romain, bien que infidelle, & ayant requis l'ayde  
 des loix Romaines, il ne l'a pas fait tant pour es-  
 pargner sa vie, que pour pourueoir au bien de l'e-  
 glise, ayant laisné par là vn beau enseignemēt & e-  
 xemple de ce que deuoient faire les Prelats & les  
 dispensateurs de Iesuschrist toutes fois & quantes  
 que l'Eglise & la foy estant en danger & peril, ils  
 pourroient trouuer des Empeteurs & Princes Chre-  
 stiens pour les appeller & exhorter à leur ayde &  
 secours. Suivant cela nous lisons, qu'en l'an  
 940. Orho l'Empereur fit trancher la teste à Bozo  
 roy d'Arles, pour auoir doné vn soufflet à l'Eues-  
 que, lors qu'il disoit la Messe. Et Theodose le ieune  
 fit la guerre à Varanes roy des Perses, à l'instance  
 & poursuite des Euesques & Chrestiens ses sub-  
 iects: afin de les deliurer de la persecution de leur  
 Roy, comme il aduint par le traitté de la paix. De  
 pietédre pour nullité cōtre ceste sentēce du Pape,  
 comme ils font, que ç'a esté par defect, & luy non  
 ouy, cela est trop ridicule. D'autant que le crime  
 est si flagrant, & la notoriété du fait si apparente,  
 qu'il n'y est point besoing de prenuēs, non plus  
 qu'il fut lors contre le Comte Raymon & les au-  
 tres, lesquels furent en effect & realement depof-  
 fedez par ledit Mōrtfort, apres la victoire gaignee  
 sur l'armee des heretiques, cōposée de plus de cēt

*Recourir  
au secours  
d'un Roy  
Cath.*

*Non eius  
fuisse lan-  
danda pa-  
tientia, sed  
negligētia  
merito cul-  
panda.*

*Bien procé-  
der cōtre la  
R. de N.*

mil combatans par huiët mille Catholiques, & apres vne guerre de 15. ans faicte à l'instance du Pape par le commandemēt des Rois Philippes Auguste, diët Dieu-donné, & le conquerant, & des deux Louys pere & filz. Combien que le dernier Comte Raymon fist en fin abiuration solemnelle de son heresie, sur quoy intervint la Pacification

*Le dernier  
Comte de  
Tholozè  
abiura son  
heresie.*

& le mariage de sa fille Ieanne, diët par aucuns Anne avec le frere de Saint Louys nommé Alphoncè Duc de Poictiers: toutesfois si ne peut il empescher qu'une bonne partie de ses biens ne demeurassent aux heritiers dudit Montfort, & la ville de Serres au Pape, & qu'il ne fust adstrainct, nonobstant la pretètion de l'Anglois au cōtraire, de tenir à foy & à hōmage dudit S. Loys son Cōté, & luy laisser les meilleures de ses villes pour gage & seurèté, outre le demantellemēt de Tholozè: & de plusieurs autres villes avec cōditiō, que tout le cōté demeureroit audit Alphoncè, & qu'il seroit vny à la couronne, s'il mouroit sans hoirs masles.

*Tholozè  
vny à la  
Couronne  
& cōmēt.*

Ce qu'aduint: & par ce seul moyen le comté a esté annexé à la Couronne sous Philippes le hardy. Ledit Gaston de Bearn fust aussi tenu à ceste occasion, & par mesme moyen faire le premier hōmage du Viscōté de Bearn à nos rois. Tellement que tous ces quartiers là, & Bearn norāment ont esté acquis en souueraineté à ceste Couronne par le seul tiltre de la deposition des heretiques, & que leurs biens sont à qui s'en peut rēdre maistre.

Partāt si la decisiō d'un Concile general, cōme celuy de Latran, ne sert pour tenir à heresie toute opiniō cōtraire, & pour cōvaincre toute l'opiniastreté du mode sur ce qu'on voudroit, qu'ō receust

en la Chrestienté vn roy heretiq. dequoy pourra-il  
determiner en matiere de la foy, si on luy oste l'au-  
torité & pouuoir de iuger au faict de la police &  
reiglemēt de la Chrestienté? Si la Bulle du Pape sur  
ce contre le R. de N. n'est bien venuë par celuy  
qui en a eu la puissance, il faut dire resolumēt qu'il  
n'y a eu iamais aucun bon & legitime iugeinēt fait  
au monde: puis qu'il ne s'en trouuera point qui  
aye esté faict avec plus de puissance legitime, non  
seulement pour ce, qu'elle viēt de Dieu, mais aussi  
pource que le Concile & toute la Chrestienté, Prin-  
ces & peuples l'ont consentie, deferee, donnee &  
compromise à la saincteté si authentiquemēt. Le-  
quel en a iouy tousiours sans contadiction, si que  
on ne trouuera point puissance d'Empereur, de  
Roy, de Monarque en chose que ce soit fondee &  
auctorisee par vn acte si solemnel. Dōt nous lais-  
sons à pēser, que si nos Rois & les majeurs du R.  
de N. l'ont receuë & pratiquee contre autrui, ou  
eux mesmes, si luy & les autres successeurs de leurs  
estats iouyssent de plusieurs droicts à ceste occa-  
sion, au preiudice des successeurs & des heritiers  
expoliez: pourquoy ne sera elle gardee contre eux  
mesmes, si vn pareil cas y eschet? & pourquoy ne  
feront ils mesurez de mesme mesure & loy, dont  
ils ont vsé enuers les autres? Nous laissons aussi à  
penser si rompre ou venir au contraire de ceste  
loy n'est pas non seulement rompre la loy de l'E-  
glise & de Dieu, & resister au S. Esprit, mais vio-  
ler vne des principales loix & vsances de ce roy-  
aume & de toute la chrestienté, & s'opposer  
directement en beste sauuage à ce, que tout  
le monde a tenu pour loy, iustice, droict, raison,

*La Bulle  
du P. P. cō-  
tre le R. de  
N. sainte.*

& deuoir.

*L'Angle-  
terre est au  
P.P.*

Ce que nous auons dit de la Bulle du Pape contre le R. de N. peut seruir pour les séblables Bulles iectées par les derniers Papes contre vostre Elizabeth: mais il y a encorés en celles icy d'autant moins de doubte, que les Papes l'ont peu faire par droict & puissance de fief, estant certain que l'Angleterre & l'Hibernie sont du Patrimoine de S. Pierre, & ont esté tenus par lōgues centaines d'ans à foy & hommage du S. siege, le cēs & tribut annuel, ayant esté tousiours payé iusques à Henry 8. qui se reuolta contre le Pape, l'an 1554. Et nous disons, que le Pape peut nō seulement declarer vos Rois inhabiles de vostre Royaume: mais il se le peut attribuer en cas d'heresie ou felonie aussi iustement pour le moins, qu'environ l'an 1203. Philippes Auguste cōfisca les Duchez d'Anjou, Guyenne, Normadie, Touraine, le Maine, & tous les pais où vostre Roy Iean pouuoit pretendre aucū droict pardeça la mer, & que les Rois d'Angleterre tenoient en foy & hommage ligue du Roy de Frāce à cause du parricide que ledit Iean auoit commis en la personne du ieune Artus son nepueu, Duc de Bretagne, & successeur legitime du Royaume d'Angleterre. Et pour ceste mesme cause ledit Iean rendant l'hommage dix ans apres au Legat d'Innocent 3. pour leuidicts Royaumes d'Angleterre & d'Hybernies, non seulement comme vassal, mais aussi cōme tributaire, il cria mercy de son peché, & pour couvrir & expier ce parricide, il augmēta le tribut annuel qui estoit d'un sterlin pour feu de mille marcs de sterlins.

Et de dire avec du Mornay, que vostre-dict Roy

Henry voulant sortir de ceste tutelle, à laquelle il se voyoit assubiecty par la superstition de vostre bon Roy Inas, fist declarer par les Estats, que le Pape ne seroit plus recogneu souuerain d'Angleterre: & que c'est l'occasion, que les Catholiques superstitieux & les Iesuites y contredisans sont iustitiez en vostre pays, cōme criminels de leze Majesté, ne vous semble il pas faire vne bellé ouuerture, pour bouleuerfer tout le monde contre tous Rois & Seigneurs? Y a il, comme nous auons dict, plus iuste loy, droit, ou moyé d'acquisitiō, que celui qui se faict par donatiō, obligatiō, & souzmission frāche & volōtaire, sans force ne violēce des Rois & des peuples ensemble? Et quād il n'y auroit en ce aucū tiltre plus ancien, y a il prescription ou possessiō immemoriable meilleure que celle qui est de huiēt cens & tāt d'ans: puis que ce Inas viuoit l'an 720? Où est l'Empereur, Roy, ou seigneur temporel, qui puisse produire & alleguer vn si bon, ou meilleur droit sur prouince, ou terre qu'il aye? Ceux qui ont recherché toutes les pācartes du tresor de Frāce, n'ont-il pas obserué que le plus ancien tiltre, que nos rois ayēt, n'est que depuis Philippes le Conquerāt, qui viuoit l'an 1220. Qui ne sçait la resolutiō que nostre Frāçois premier dōna sur la dispute que faisoiet deuāt luy ces grāds personages Catalan, Budee, & autres, de la donatiō de Rome faicte par Cōstantin, Que qui voudroit (dit-il) exiger & rechercher les tiltres & raisons de tous les Rois & Seigneurs du monde sur ce qu'ils iouyssent, auroit bien affaire de les y trouuer si biē fondez que le Pape est pour le regard de ce qu'il iouyst. Où est-il dict, qu'on ne puisse donner à

*L'Anglo-  
terre rebel  
le au P.P.*

*L'antiqui-  
té des til-  
tres du Tre-  
sor.*

*dire du roy  
François.*



*L'Eglise  
peut auoir  
toute sorte  
de biens &  
seigneuries*

*Les Pre-  
stres chefs  
& Princes  
du peuple.*

Dieu & à l'Eglise 'des' royaumes & Seigneuries  
aussi bien que la vefue de l'Euāgile des deniers, &  
comme les anciens Chrestiens iettoiēt tous leurs  
biens aux pieds & aux mains des Apostres & leurs  
successeurs? Où est-il dit que l'Eglise de Iesuschrist  
ne puisse rien posséder? ou qu'on ne luy puisse rien  
doner? Où est-il dit (quelque passage de l'escriture  
que les Ministres puissent au contraire tirer par  
les cheueux) que pour estre Prestre, ou Pape, l'on  
perde son patrimoine: ou qu'on soit incapable de  
succession, ou d'election, ou de domination tēpo-  
relle, ou de pouuoir posséder toute sorte des biens  
de ce monde, & qui est plus, d'en pouuoir auoir  
l'administration, & distribution, voire estre rois &  
souuerains en la tēporalité? Au cōtraire toutes les  
fois, q̄ Dieu mesme a mis des Magistrats & chefs  
sur son peuple, de son auctorité, de sa main imme-  
diatement, sans obseruer l'ordre de succession, ou  
d'election, ne voyons nous pas qu'il les a prins de  
l'ordre des Leuites ( que nous appellons Diacres)  
ou Prestres, tesmoing Moysē, Helie, Samuel, les  
Machabees, & leurs successeurs? cōme il est entré  
en fureur lors que le peuple a demandé des chefs  
d'autre estat & vacatiō? Et la pratique de la chre-  
stienté à receuoir & Prestres, & Moynes à roya-  
mes, n'y est elle pas conforme? Constans l'Empe-  
reur n'a il pas esté esleué de Moine à l'Empire par  
Cōstātin le tyran son pere l'an 414. Nōstre Theo-  
doric n'a il pas esté appelé de Moine & du Mo-  
nastere au royaume l'an 681? & Chilperic 2. de  
Moine & Prestre l'an 722. & en Pologne l'an 1020  
Cazimir de Moine & Diacre de Clugny? & l'an  
1382. Vladislaus de Moine de S. Benigne de Dijon?

En Arragon raimirus 2. de Moine l'an 1126. En Hongrie Calomannus d'Euesque l'an 1095? En Nortuuegie Magnus 3. de Moine est restitué au royaume. En Portugal Iean de bastard & Moine, est faict roy l'an 1384. Et nous y auons veu de nos iours Emanuel faict roy de Prestre & Cardinal (chose iamais plus veüe) & ainsi és autres royaumes. Et anciennemēt n'a il pas esté obserué en plusieurs nations & estats, & par diuers tēps, que les rois estoient Prestres? Mais bō Dieu où est-il dict ou escrit, ou biē où a il esté iamais ouy, qu'un vassal ou subiect se puisse de soy mesme & de son auctorité exempter & soustraire legitimelement de l'obeyssance & seruice de son souuerain seigneur, & estre iuge & partie tout ensemble? Quand vos rois & vostre nation a voulu desnier cy deuant l'hōmage à nos rois pour semblable dire & pre-texte de leurs Parlemens ou estats generaux, nos rois & majeurs ont ils prins cela pour argēt comptant? Peut on donc trouuer mauuais qu'à leur exemple les Papes taschent d'auoir raison de la felonnie des Anglois leurs vassaux? N'est-ce pas estab-  
 lir des droicts, reigles, & opiniōs pires, que Turquesques? Le monde, les Princes, & Seigneurs singulierement n'ont-ils pas le iugemēt bien corrompu, que de laisser viure ces semēces de poison d'estat, & autheurs de telle seruitude volontaire & fantastique? En quelle cōfusion allōs nous tōber si cest article de foy des heretiques est receu du monde? Cela soit dit par digression.

*Felonnie  
de l'An-  
gleterre.*

De supposer, cōme ils font, que ce Cōcile & les autres decrets canoniques, qui priuent les heretiques de tous domaines, fiefs, & successions, parlēt

*Le Cöcil de Latran parle des Rois.* seulement des particuliers & non des Seigneurs ou des Rois, c'est estre bié hardy & impudét, veu que c'est säs auctorité quelcöque, mais principalemēt parce que ces mots qui s'y trouuēt, *quibuscunque nominibus censeantur, quibuscunque fungantur officiis*, de quelque tiltre, nom, grade, & office qu'ils soiēt, ne le peuuent permettre, & y contredissent entiere-

*Quia est imperatori cū Ecclesia.*

Et certainement y a il rien si absurde, que de diuiser & retrācher les Rois du corps de l'Eglise, à la façon de l'heresiarque Donatus, que nous lisons souloir dire, *Qu'a de cömun l'Empereur avec l'Eglise?* Ne seroit-ce pas la chose la plus ridicule du monde que la Chrestieté, ou pour mieux dire, que l'Eglise, qui cömande de la part de Dieu aux Roys, comme à leurs subiects, eust tissü des toilles d'araigne pour defence & rampart contre les mouches, & le danger ou dömage, que les particuliers heretiques, peuuent causer à la diminution de la foy Chrestienne: & qu'elle n'eust point pensé & pourueu d'aucun remède cötre les frelons ou corbeaux, & les Rois ou Princes heretiques, ou Apostats, de qui la puissance & malice n'est moins cause de la perte de l'estat, que le mal de la teste de l'indisposition de tout le corps: brief qui peuuēt plus nuire à la religion Catholique en vne heure, que toute la ruze, malice, & pouuoir de ces autres en mille ans? C'est chose qui n'est aucunement imaginable de la sagesse de Dieu, & de l'assistāce qu'il a promise certainement, & pour tousiours à son Eglise contre le Prince du monde & les portes d'enfer. Quand il n'y auroit que la seule auctorité du Pape, & que Dieu nous commande d'obeyr à

toutes puissances & à nos superieurs, autant spirituels que temporels, en tout ce qui n'est contre luy, cōment peuuent les Catholiques dōner contentement au contraire pour le R. de N. leur conscience sauue? car d'entrer en negatiue de la puissance du Pape, c'est le fait d'un ignorāt & malicieux: se cōtēter aussi des respōces ordinaires des heretiques, que le monde a esté abuzé, & q̄ le Pape n'est qu'un Antechrist, & l'Eglise romaine qu'une Synagogue de Sathā, cela est bō enuers des fols tout à fait, qui prennent la licence de croire ce qu'il leur viēt à la fantasie. Par ainsi, tant que ceste opinion ne pourra auoir de lieu enuers les Catholiques, ny aussi par consequent la recepțiō ou tollerāce d'un roy heretiq. puis qu'elle n'est appuyee, & ne peut auoir meilleure raison ou motif, que telle opiniō, laquelle n'est pas moins pleine de follie & d'impieté, que la consequence, qu'ils en inferent.

Quant à ceux qui sont separez de l'Eglise, ils ne peuuent se scandalizer qu'à tort de l'obeyssance & creance, que les Catholiques ont en ce au Pape & à l'inspiration du S Esprit faicte à l'Eglise assemblée en un general & legitime Concile, qui est autant qu'à tout le corps & communauté des Chrestiens inspirez de Dieu: puis qu'ils deferēt tant au moindre de leurs Ministres, que de tenir le Pape pour Antechrist à leur seul dire, & sur l'assurance de leur seule & particuliere opinion & inspiratiō pretendue du S. Esprit. Combien qu'ils la veulēt coulorer de l'escriture, mais aussi mal à propos, que rien plus.

Parce principalement qu'ils ne desferent pas moins de puissance à chacun de leurs Ministres,

*Les Huguenots desferent plus aux Ministres que les Catholiques au Pape.*

*Les hereti-  
ques depos-  
sèdent les  
Seigneurs  
pour estre  
Catho.*

que celle qu'ils disent, que les Papes ont vsurpee sur les Rois, & pour entreprendre d'absoudre en conscience leurs subiects de leur subiection & obeïssance, en cas de cōtraire religion. Qui fait que les Calvinistes pensent tenir iustemēt Geneue cōtre les Seigneurs anciens & legitimes, l'euesque & le Duc de Sauoye, que la Bulle ou declaration que Farel & Calvin leur en ont fait de la part de Dieu leur disant qu'ils n'estoiēt tenus selō la liberté de la foy chrestienne d'obeir aux Idolatres, tels qu'ils les tiennent. Quelle plus belle iustification peult alleguer vostre Royne de la longue prison & detēssion de la Roïne d'Escoffe, & de la cruelle & barbare execution cōmise en sa personne (qui crie à Dieu vengeance, laquelle nous nous assurons qu'elle sentira biē tost) sinō qu'elle estoit de la religion Papistique? quelle de sa propre rebellion cōtre le PP. sinon qu'elle le feint Idolatre. Quelle autre meilleure cause scauroient-ils alleguer de tant de rebellions, seditiōs & guerres, qu'ils ont excitē au monde contre les Seigneurs, depuis qu'ils y sont, que leur liberté de cōscience, en laquelle ils comprennent ensemble la libettē & exēption de l'obeïssāce enuers leur R. ou Seigneur infidele? N'estoit-ce pas le dire ordinaire des Lutheriōs, cōme a raportē Erasme en vne epistre, Qu'ils aimoient mieux obeir au Turc nō baptizē, qu'au Turc baptizē, entēdās parler de l'Empereur Charles le quint? Quelle autre iustificatiō ou couleur prennent ces Vualōs & Gueux de Flādres de s'estre d'eux mesmes dēliurez de l'obeïssāce de l'Espagnol leur naturel & legitime Seigneur pour se ranger souz la subiectiō de vostre Roïne d'Angleterre, que la for-

ce, qu'on faisoit à leur cōsciēce, priuileges, & bour  
ses : & q̄ la foy Chrestienne dōne liberté de se sou-  
straire du seigneur infidele, biē que legitime, & de  
se souzmettre à vn autre tel quō veut, cōbiē que  
au cōmencemēt ils n'entonnassēt que toute subie-  
ctiō enuers leur Roy. Quelle autre raison produi-  
sent les Lutheriēs en Allemaigne d'auoir secoué  
entieremēt le ioug des Euesques, Abbez, ou autres  
Ecclesiastiques leurs seigneurs tēporels, que de ce  
qu'ils sont de cōtraire religiō à la leur, & qu'ils tiē-  
nēt en effect que l'erreur d'un Seigneur en la foy,  
le despouille & priue de toute auctorité, droit, &  
biēs ? Et neantmoins il n'y a pas plus d'argumens  
prins de l'escriture ou d'ailleurs qu'un sujet doie  
obeir à son Empereur ou à son Roy lays, qu'à tout  
autre Seigneur tēporel, voire Ecclesiastique. Car le  
cōmandement de Dieu est general d'obeyr à tous  
ceux qui sont cōstituez sur nous, en quelque degré  
ou qualité de puissāce ou prerogatiue, que ce soit :  
& s'entēd aussi biē d'un Prestre, que d'un gendar-  
me, mesmemēt quād il n'y va que du tēporel & de  
ce qui n'est point cōtre Dieu. Et bō Dieu si la pre-  
tendue qualité d'infidele, idolatre, abusé, voire de  
Prestre, Clerc, ou Moine est à leur opinion suffi-  
sante selon Dieu, pour non seulement absoudre  
vn subiect de tout respect & deuoir enuers le Pa-  
pe & tous autres Seigneurs Ecclesiastiques, mais  
encor de les chasser & tuer, & de changer l'vsur-  
pation & occupation de leurs biēs propres & pe-  
culiers (qui n'est en bon François qu'un pur lar-  
recin, vrollerie, ou sacrilege) en bon acquest, iuste  
tiltre, & legitime possession : la qualité d'here-  
tique peult elle estre de moindre efficace en-

uers nous, qui la tenōs aussi certaine q̄ nostre propre foy? & ne sommes nous pas les plus insensēz & aucugles du mōde, si nous ne practiquōs cōtre eux la mēme reigle de droit & de iustice, qu'ils ont estably, & qu'ils obseruēt cōtre les Catholiques & qu'ils maintiennent en effect estre cōforme à la parole de Dieu? puis qu'il n'y a point clause derogatoire en l'escriture plus de l'un que de l'autre?

*Les heret.*

*blasphēes les*

*Catho. de ce*

*qu'ils font.*

Donc si le Pape & les Catholiques ne font riē & ne pretendent rien contre le R. de N. heretiq. qui ne soit cōforme, & beaucoup moins que ne sont leurs propres maximes, & decisions, actions & deportemens: que iceux n'ayent obseruē & practiqué les premiers de nostre siecle, bien que mal à propos & à rebours: d'autāt que( quand mēmes les Cathol. seroiēt infideles ) autre raison est d'un seigneur infidelle de tousiours estably, que d'un nouveau, quelle impudence est-ce dōc qu'ils criēt contre les Cath. comme au loup à ceste occasiō: si ce n'est autant qu'ils nous cuident mener par le nez, cōme buffles, & baudets? Car si nous practiquons l'escriture selon leur propre sens, & à leur mode cōtre ceux qui sont, & que nous tenōs pour heretiques, & pires qu'infideles, que faisons nous, qu'ils ne fassent, & qu'ils n'enseignent estre en tel cas du commandement de Dieu? Et s'ils rendent par leur religiō les Princes, Rois & Seigneurs Catho. destituables & desnuez en effect non seulement des tributs, de tout grade, ou commandement: mais encor de leur propre domaine, voire bien souuēt de la vie, & ce beaucoup plus volontiers, dēs qu'ils le peuuent, qu'ils ne font des personnes priuees, pour ce seulement, qu'ils les tien-

nent pour heretiques ou infideles, commēt sommes nous si fors de pouoir craindre ou doubter leur en faire de mesme ? Certainement cela passe toute stupidité humaine . Si l'on dit que tous eux n'accordent pas par leurs escrits ceste propositiō, il ne nous chaut de ce qu'ils disent : car ils se font le bec, cōme ils veulēt, & selon qu'ils sont les plus forts, ou les plus foibles, & qu'ils veulent trōper. C'est assez que en effect ils la sçauent tresbiē pratiquer au grand domage de la Chrestienté, & non moins grande hōte & vergoigne des Princes & estats, qui ne s'en sçauent prendre garde qu'apres le coup, & lors qu'il n'y a plus de remede.

S'ils nous disent, que c'est l'authorité seule de la Parole de Dieu, & nō celle de leurs Ministres, qui les absout de toute obeyssance de subiect enuers vn Papisste, & que c'est son infidelité qui le destitue de toute puissance sur vn fidele : mais que le Ministre n'est qu'interprete & trucheman de la volonté de Dieu, nous en disons le mesme du Pape, & de nos Prelats. Car il n'y a personne de nous qui ne sçache bien, qu'aucū ne nous peut proprement absoudre du deuoir que nous auons à Dieu d'obeyr à nos Rois & Seigneurs, que Dieu mesme qui en a faict la loy : mais aussi que ce que le Concile & le Pape en fait, c'est cōme le iuge principal, & interprete legitime de l'escriture, & des peines contre les violateurs de la foy, nous enseignent en quels cas Dieu veut & entend que nous obeyssions aux Rois, & en quels cas non . Et afin d'euitier dix mil scandales, seditions, & troubles, qui arriueroyent en la Chrestienté, si chacun particulier, ou, si toutes les inferieures puissāces l'en

*Le Concile  
& le P. P.  
iuges du  
sens de l'e-  
scriptura.*



vouloient rendre iuges, & practiquer l'Eſcriture à leur mode & paſſion, Dieu a donné ceſte aucto- rité aux Prelats & à l'Egliſe: mais l'Egliſe, pour preuenir infinis inconueniens, qui arriueroyent, ſi chacun Eueſque entreprenoit de iuger en tel cas cōtre vn ſouuerain, pour abſondre leurs ſubiects, elle a policé & ordonné, que telle cognoiſſance ſeroit reſeruee en deſaut d'un Concile, au ſeul Pape p̄ſuatiuemēt aux autres: par ce, qu'il eſt croyable, qu'il y apportera plus de liberté, & autant de prudence & circonſpection, & moins de paſſion, que tout autre, comme pere commun de tous les Princes Chreſtiens, outre qu'il a la plenitude de puissance ſur les choſes ſpirituelles.

*Le Concile de Latran n'a riē entrepris ne ſurſe.* Ce qui eſt fort neceſſaire d'entendre, afin qu'on ne penſe point que ce Concile de Latran aye entrepris plus de puissance que l'eſcriture n'en donne en tel cas à l'Egliſe & aux Prelats, & que ce qu'il a transferee ou reduicte au ſeul ſouuerain Eueſque, chef externe de la Chreſtienté, luy eſt auſſi biē permis, qu'il a eſté au peuple de pouuoir cōpromettre toute ſon autorité entre les mains d'un Roy, & que ce n'eſt pas vn droit nouueau, ny pour l'eſſence de la choſe, ny pour la forme: mais ſeulement vne declaration du droit diuin & commun, qui eſtoit en vſage en l'Egliſe diuerſement: Par conſequent qu'on ne peut imputer au Pape aucune uſurpation de ce droit, qui luy eſt pluſtoſt charge, que prerogative, & cōme charge & obligatiō d'y proceder: que ce n'eſt pas choſe qui depende ſimplement de ſa volonté, mais à quoy il eſt tenu enuers Dieu, & toute la Chreſtié- té, comme tout autre iuge & ſeigneur, à faire iu-

stice, quand le cas se presente.

Et tant s'en faut, que ce soit vsurpation au Pape, de declarer les Rois priuez de leur grade, en cas de preuarication & desertion de la foy, ou autre faict qui touche la religion, que nous ne trouuôs rien qui soit de si ancienne coustume, ny de si ordinaire stile és Bulles, rescripts, & briefs des Papes, que ceste clause, Si aucun, soit Roy, Prestre, iuge, ou autre personne seculiere, tasche de venir au contraire du contenu en ceste presente constitution, qu'il soit priué de la dignité, de sa puissance, & honneur: & qu'il sçache que pour tel forfait & iniquité, il est coupable & subiect au iugemēt de Dieu. Et s'il ne faict restitution ou digne penitence, qu'il soit forclos de la communiō du precieux corps & sang de nostre Seigneur. Ceste forme de sanction & de peine contre les contreuenans aux constitutions de l'Eglise ne se lit pas seulement és vieux tiltres des archiues, thresors & bibliothèques des principales Eglises & Monasteres de ce royaume, mais ce qui est fort notable, & hors de toute calomnie & exception, il se trouue dans le registre des briefs & bulles de Sainct Gregoire le grand (lequel Calvin mesme est contrainct confesser auoir esté tressainct Pape, & legitime pasteur de l'Eglise) & notamment en l'epistre ou brief, par lequel il dōne certains priuileges à vne Abbaye edificee & dottee en la ville d'Authun, par Brunechilde, autrement Brunchault, roine de France, regente & tutrice pour lors des Rois Theodebert & Thierry ses nepueux, en quoy nous obseruons deux choses, l'une comme l'excommunication & priuation de la communion du saint

*Deposition  
des Rois  
par le P.P.  
ancienne.*

Sacrement a esté deslors estimee plus grande peine contre les Rois, que leur destitutioñ: l'autre, que si nos Rois n'estoient subiects dès leur propre cōstitution & cōuerſion à la foy, à pouuoir estre desmis de leur royauté pour offence quelcōque enuers Dieu, la foy, & l'Eglise Catho. est-il croyable que ce grand amy de Dieu S Gregoire l'eust voulu entreprendre contre Dieu, drôict & raison, & en charger ſa conſcience? Est-il croyable que les Rois deslors qu'ils auoient le cœur tant à la grandeur, euſſent permis que les Papès les y euſſent voulu ſoumettre? Est-il croyable qu'ils euſſent receu, ou pour le moins, qu'ils euſſent recherché, ny qu'ils ſe fuſſent ſeruis de leurs briefs & bulles contenant telles clauses contr'eux? Si nos Rois y estoient deslors ſubiects, & pour le moins y ont preſté, comme il appert par là, tout leur conſentement, qui les en a exemptez ou peu exempter depuis? De quoy peuent leurs ſucceſſeurs ſe plaindre, puis que leurs deuāciers & autheurs n'en ont point faiēt de plainte: ains en ont ſuby conſignatiō? & ne leur ont laiſſé la Couronne, que avec telle obligatiō? Cōbien, comme nous remarquons cōtre ces forgerōs d'electiō, dudiēt S. Gregoire ſur les Euangiles, que nos Rois fuſſent faiēts pour lors par ſucceſſion. Nous liſons, meſmes en l'hiſtoire des Rois d'Eſpagne, comme Roderic le dernier des Rois Goths fuſt declaré Roy de toute l'Eſpagne generalemēt enuiron l'an 706. par le Pape Iean 7. & ſon cōſeil ou Senat du Clergé, apres auoir declaré priué & demis de la royauté le Roy Vitiza, & ce principalemēt, pour ſa vie laſciue & ſceleree, & les vexations qu'il faiſoit aux Eccleſiaſtiques,

*Le R. Vi-  
tiza depof-  
ſedé par le  
Pp.*

stiques, qui en appellarent à Rome : combien que les Roys y fussent souuerains, faicts, & establis par succession, cōme les nostres, & qu'iceluy eust succédé à son pere Ægice. Et dit l'histoire, que ledit Vitiza estant aduertit de la poursuite, qui se faisoit à Rome contre luy, & craignant que les Ecclesiastiques ne diuertissent & souz-leuassent le peuple de son obeïssance, il les engagea au contraire avec soy par communauté de vices, faisant vne ordonnance, par laquelle il permit, voire commanda à tous les Ecclesiastiques, qu'à son exemple ils eussent à auoir des fēmes & des cōcubines en tel nōbre qu'ils voudroient. Et notamment il defend à grosses peines, de ne receuoir, ny auoir aucun esgard aux bulles & constitutions des Papes. Et afin que personne ne se peust opposer à luy (prenant son pretexte toutefois de vouloir establis vne paix & repos eternal) il desarme ses subiects, & faict ruiner les forteresses, & desmâtelier toutes les villes, sauf trois, où il mit granison, & rappella les Iuifs avec plus grands priuileges, qu'il n'en laissa aux Ecclesiastiques, afin de s'en fortifier contre le decret du Pape. Toutefois il ne peut si bien faire, que Dieu n'authorisast par effect le iugement de sa saincteté, pour donner moyen & force audit Roderic, qui n'estoit au parauāt qu'un des princes du Pays, d'estre recogneu & obey en Roy, apres auoir depossédé realement Vitiza, luy auoir creué les yeux, & l'auoir enuoyé en exil, de mesme qu'iceluy auoit faict à son pere Theudofrede. Nous laissons la deposition de nostre Roy Childeric interuenue l'an 751. par l'autorité ou conseil (car en ce faict tout reuiert en vn) du Pape Zacharie, &

*Roy depose  
par le  
TP.*

*La mēson  
ge de Bes-  
loy descou-  
uerte en ce  
fait.*

*Le Pape a  
peu souf-  
ferts de pa-  
ser les  
Roys.*

l'absolution qu'il donna aux subiects du serment  
faict audit Roy à cause de sa feneantise, par ce que  
elle est cognue à tout le mōde. Nous laissons aulli  
celle de Boleslaus roy 2. de Poloigne, lequel ayant  
esté excommunié & desnis du royaume par Gre-  
goire l'an 1080. à cause du meurtre commis en la  
persōne de S. Stanislaus Euesque de Cracouie fut  
chassé par ses subiects, & Vladislaus esleu en son  
lieu. Le mesme Gregoire en fit autant cōtre l'Em-  
pereur Henry 4. à cause des indues distributions  
des Eueschez & son heresie. Lequel voyant tous  
les Princes & villes luy desnier obeïssance, à ceste  
occasion fut cōtraint de recourir à penitence & à  
l'absolutiō du Pape Alex. 3. n'en fit pas moins con-  
tre l'Empereur Federic, lequel ne peut estre remis,  
qu'après vne grande penitēce, & soubmission en-  
uiron l'an 1170. Mais nous desirons bien que tant  
ces exemples, qu'infiniz autres soient prins pour  
tesmoignage, que la Chrestieté a attribué aux Pa-  
pes ceste prerogatiue sur les Roys ou pour mieux  
dire, qu'elle a estimé leur appartenir de droict di-  
uin & positif ne se trouuant point en toute l'anti-  
quité, que personne l'aye mise en doute, ou cōtro-  
uersee. Ce q̄ quelqu'un eust fait sans faute, mesmes  
les interessez & leurs peuples, si ce n'eust esté qu'v-  
surpatiō ou cōcession puremēt volōtaire. Et si cela  
n'est suffisant pour cōtēter le plus malaisé à ferrer,  
ces gēs là ne voient ils point, que desniant en ce la  
iuste puissance de l'Eglise & du Pape, il faut qu'ils  
tōbent en ceste absurdité, q̄ d'accorder, que la plus  
part des estats de la Chrestieté, qui ne se possèdent  
que par ce moyē, ne sōt qu'vsurpatiōs & tyrānies.

Nous ne nous pouuons esmerueiller assez de

l'ignorance ou malice de ces gens, qui cuident pou-  
 uoir annuller ceste puissance du Cōcile & du Pape  
 en ce, que la France a ce priuilege, que le Roy ou  
 ses officiers ne peuuent estre excommuniez ny de-  
 posez. Car ne voient ils pas bien, qu'en cela mes-  
 me, qu'ils appellent ceste exemption priuilege an-  
 cien, ils fondent & establisent infinimēt le droict  
 & l'antiquité de l'autorité de sa saincteté. Si c'est  
 vn priuilege, c'est donc vne exception & dispence  
 des loix establies pour les autres Roys: car si iceux  
 pouuoient prendre pareil droict d'eux mesmes, en  
 vain diroit on que le Roy a ce priuile. De plus per-  
 sonne ne peut dire, qu'il aie priuilege, fil ne l'a ob-  
 tenu de celuy, qui l'a peu dōner: il faut donc qu'il  
 soit accordé par vn supérieur. Car nul ne peut dō-  
 ner priuilege à soy-mesme. C'est chose trop exor-  
 bitante de croire avec Besloy que c'est vn droict,  
 auctorité, & dignité nec & incorporee avec la  
 Majesté de nostre Roy. Car il faudroit en ce cas,  
 que Dieu eust parlé, & que luy mesmes l'eust ex-  
 empté & à ses officiers de ses loix, pour lesquelles  
 s'encourt l'excommunication. Il ne peut donc a-  
 uoir ce priuilege, que du Pape seul. Car de toute  
 l'Eglise, ou d'un Concile, ils y sont contraires. Si  
 donc ce priuilege ne prouiet que des seuls Papes,  
 fil est iuste & bien venu, si d'ailleurs tout priuile-  
 ge est derogatiō du droict general, il s'ensuit bien  
 qu'ils font, que le Pape puisse commander au Roy,  
 & qu'il soit son supérieur en la spiritualité, & (ce  
 que nous serions bien marris de penser) en la tem-  
 poralité, & qu'aussi sans ceste concession des Pa-  
 pes le Roy & ses officiers sont subiects par la  
 commune disposition du droict Canon, & des

*Le priuile-  
 ge de la  
 France  
 quel?*

Conciles de l'Eglise à l'excommunication & de-  
position, s'ils commettent chose indigne, & qui la  
merite : mais qu'au contraire c'est la seule grace,  
dispêce, & autorité des Papes, qui les en preſerue.

*Papiſte  
nom hono-  
rable.*

Toutesfois puis que le cas d'excommunication  
& destitution pour cause d'heresie est formelle-  
ment & par expres comprins dās l'Eſcriture ſain-  
cte contre tous, ſans aucune diſtinction de perſon-  
ne priuee ou publique, comme nous auons dit ; &  
que ſans doute quelconque le Pape ne peut derro-  
ger en aucune façon au droit diuin, iceux eſten-  
dans neantmoins ce priuilege iuſques à l'hereti-  
que, & que le Roy & ſes officiers ſoient exempts  
de la loy de Dieu par le moyen du Pape, ne font ils  
pas plus, que iamais aucū Canoniſte n'a oſé faire ?  
Ne luy imputent ils pas plus de pouuoir en cui-  
dant l'en degrader, que le plus grand Papaut du  
mōde, Papiſte, ou Papicole (ce ſont leurs mots par  
leſquels ils louēt plus le Papat, qu'ils ne penſent :  
car pour eſtre tiltres de deſhonneur le Papat doit  
eſtre donc choſe honorable, & loüable par la meſ-  
me raiſon, que ces mots Sophiſte, Theologiſtre,  
Grammatiſte ne ſonnēt mal aux Grecs, qu'autant  
que ſophe, ou ſage, Theologien & Grammerien  
ſont prins en bōne part) ſeroit bien marri de faire ?  
Nous accordōs volontiers le ſuſdit priuilege : mais  
nous diſons, qu'il ſe doit prendre ſelon qu'il eſt  
couché, & qu'il ſe doit reſtreindre au pied de la  
lettre & pour les ſeuls cas, pour leſquels il a eſté  
oſtroyé, & par conſequēt ne ſpeciſiāt & ne cōpre-  
nant point l'article ny les cas de l'heresie, qu'elle  
ne ſ'y peut raiſonnablement eſtandre ny entendre  
ſans grande impieté : veu que ce ſeroit directemēt

contre la loy diuine, & la pure & claire parole de Dieu: à laquelle il n'est croyable, q̄ le Pape veuille ou puisse aucunement destroger, mesmement n'en parlant point, & par ainsi tousiours le Roy heretique demeure excommunicable, de mesme que tout Chrestié. Et quand bien ce ne seroit que contre le susdit Concile de Latran, encor faudroit-il, que ce priuilege, sil comprenoit le cas d'heresie, cōtint aussi vne clause derogatoire à iceluy. Mais puis qu'il n'y a rien de tout cela, il s'ensuit par eux mesmes, que le Roy, ses officiers, & to<sup>9</sup> autres peuvent estre excommuniez en France pour heresie, pour laquelle ils ne sont dispensez aussi bien qu'en toutes les autres natiōs leurs Rois & officiers, veu mesmement que tous autres Roys pretendent ne despēdre que de Dieu, non moins que sa Majesté. Et la seule pratique, dont nous auōs veu vser encores de nostre tēps contre les officiers du royaume, les demātiroit autrement. Car ny les Roys, ny les Cours de Parlemēt n'ont iamais pretēdu estre exempts en tel cas de la iurisdiction de l'Eglise, ny des peines des loix cōtre les heretiques tant spirituelles, q̄ corporelles: ains au contraire toute sorte d'officiers heretiq. ont esté pour ceste seule occasiō & excōmuniez, & degradez, & executez à mort. Et puis q̄ les officiers, selō leur propositiō, sont compris en mesme priuilege ou exemptiō de l'excommunication, qui ne voit, que se trouuāt appertement faulce pour les officiers, le mesme ne soit aussi pour le regard du Roy & que les anciēns ne l'eussēt aussi biē pratiquee cōtre eux, si le cas fut escheu?

De traicter ou disputer en ce lieu, cōme ils font, si toute excōmunication du Roy ou d'autre prince

*Les officiers & Princes excommuniez & bruslez pour heresie.*



porte en soy inseparablemēt sa destitution ou deposition, c'est s'elloigner aucunement de nostre fait, auquel le Pape cōioint & exprime l'un & l'autre. Si est ce que pour contenter les curieux & respōdre en vn mot à tout ce, que les aduersaires scaient alleguer au cōtraire, combien qu'il face plus pour, que cōtre, nous dirōs en passans, Que toute excommunication, pour quelque forfait que ce soit, si elle n'est reparee & purgee dans l'an par repentāce, emporte iuridiquemēt & le temps passē, la degradation & priuation de toutes dignitez & honneurs: mais l'excōmunication, qui interuient pour cause d'heresie, a cela de plus, qu'elle comprend en soy par vne suite ou concomitance necessaire la deposition de toute charge, & grade sur les chrestiens & Cath. contre qui que ce soit, sans qu'il soit besoing d'autre plus particuliere expression, extention, ou declaration. Et la raison en est bien appārente, Que là où l'excōmunication peut seruir de peine & remede suffisant (cōme elle peut sur celuy, qui demeure en la foy de l'Eglise, & lequel n'estime pas la priuatiō de tous ses biens non pas mesmes la mort propre estre si griefue perte, ou peine, que d'estre hors l'Eglise & demeurer priué de la communion & participation d'icelle, & par consequent d'estre entierement separé de dieu mesmes, & des moyēs de son salut, & subiect à damnation eternelle) il n'est point besoing y apporter tout à coup celuy de la demission, qui est moindre perte en son endroit que perdre Dieu. Mais au cas d'Apostasie ou d'heresie, qui mettent de foy & de leur nature les gens du tout hors de l'Eglise, & par le moyen desquels ceux qui en sont

*L'excommunication pour heresie comprend la deposition d'autorité sur les Chrest.*

entachez, sont bien aise, & prennent à grand grace d'en estre distraits, ne voit on pas, que s'il n'y auoit contre eux autre punition, que l'excommunicatiō & la seule separation de l'Eglise & priuation, par exemple, d'ouyr la Messe, que ce seroit chose ridicule de les pēser punir & corriger par ce, en quoy ils estiment receuoir grāde faueur, & estre confirmez dauantage en l'opinion, qu'ils adorent & ayment sur toutes choses? Car, cōme disent tresbien S. Hierosme & S. Ambroise, to<sup>r</sup> les autres crimes, ou pour mieux dire, tous les autres pecheurs sont chassēz de l'Eglise par l'ordonnance de l'Euesque, mais le seul heretique en est chassē par la sentence de sa propre volōté, cōme Iudas le traistre se condamna soy-mesme. Et c'est ce que S. Paul entend, quand il dit, Que l'heretique est cōdamné par son propre iugemēt sans (cōme l'explique S. Cyprien) " qu'il puisse se defendre ou s'excuser pour dire, que " personne ne luy en a rien dit, ne l'a point admone- " stē, ny enseigné, instruit, ny corrigé ou bien vser de quelque autre semblable excuse de son erreur. Mais puis que l'heretique est du tout hors l'Eglise, & qu'icelle n'a aucun soin de dehors (dit S. Paul) si toute sa puissance ne s'estēdoit qu'inclusi- uement iusques à l'excomunicatiō, ou bien, pour mieux dire, que telle excommunicatiō ne cōprint la depositiō de toute authorité sur les Chrestiens, il faudroit dire que l'Escripture n'auroit laissē aucun remede aux Chrestiōs cōtre vn crime si perfide & detestable, que l'heresie. Et toutesfois nous auons monstré, cōme elle defend de faire ou rēdre aucun honneur à tout heretique, & qu'ayāt donné pou- uoir aux Prelats de regir l'Eglise & les Chrestiens,

*L'hereti-  
que n'a  
nulle ex-  
cuse.*

ils l'ont donc de toutes les choses sans lesquelles telle puisſance ne ſe peut accomplir & executer, & partant pouuoir de faire & ordonner ce, qui eſt neceſſaire pour la conſeruacion de la foy & pour cōprimer tous les meſchās, qui peuuent la trauailler & ce tant par peines temporelles, que ſpirituellen.

*L'excom-  
munication  
nulle ſans  
la depoſitiō*

Si donc il n'eſt aucunement croyable que Dieu aye laiſſé la Chreſtienté & ſon Eglife ſans quelque remede ſuffiſant & punition propre cōtre les Heretiques & Apoſtats, qui luy ont eſté ja ſubiects par la profeſſion & ſermēt de la foy Chreſtienne, & plus encores cōtre les Roys, que contre les autres, d'autant que leur grand pouuoir eſt plus redoutable, dangereux, & nuifable, que n'eſt celuy des particuliers: & puis qu'il n'y en peut auoir de autre, que leur oſter le moyē & l'auctorité, par lequel ils peuuent plus nuire aux fidelles & à la foy, qui peut douter que leur deſtitution ne ſoit inridique, de l'intention & commandement de Dieu & de l'Eglife. d'un reiglemēt & police tres-Chreſtienne, & d'une neceſſaire conſequence de croire en dieu & de pouuoir oſter tous empēſchemēs au cōtraire? Autremēt ſans cela qui ne voit, que l'excommunication ſeule & ſimple contre vn roy ou Monarque rebelle & obſtiné n'eſt qu'ou inutile, ou bien vn'allumere, & autant de ſouffre, pour eſchauffer ſon indignation & cholere cōtre l'Eglife & les bōs Catholiques? & qu'elle nuiroit plus ſans comparaiſon à l'honneur de Dieu, & au repos & conſeruacion de l'Eglife, & à la manutention de la foy, qu'elle ne pourroit apporter de bien pour la  
 » raiſon, qui eſt en l'eſcriture, Que tout Apoſtat ou  
 » deſerteur de la foy ne faiēt que machiner & con-

spiriter du mal, d'un cœur meschant, cruel, & selon.  
 Et aussi qu'aucun ne peut, ny doit estre Iuge (dict  
 l'Ecclesiastique) sil n'a la puissâce & la force d'ar-  
 racher les pechez, suivant ce, que disoient les an-  
 ciens, Qu'un crime condamné & non chastié ex-  
 cite tousiours plus de mal & de rebellion, que dis-  
 simulé. Et de cela l'histoire Ecclesiastique est plei-  
 ne d'exemples des Empereurs, Roys, & Princes,  
 & notâment de ceux, qui ont esté heretiques. Les-  
 quels se voyant excommuniez ou du Pape, ou des  
 Patriarches, ou des Euesques en sont deuenus plus  
 insolens, & cruelz, & cõtre eux, & contre l'Eglise.  
 Et ce seroit accuser Dieu & son Eglise trop impu-  
 demment d'imprudence ou mauuais cõseil de ce,  
 qu'ils n'auroient sceu pouruoir mieux contre tel-  
 les gens à la seureté & conseruation de la foy, que  
 par simple excommunication. Ce que nos peres  
 ayant cogneu tres-biẽ ils ont par cõsequent quasi  
 tousiours (mais sans doute tousiours depuis Char-  
 lemaigne, que l'Eglise s'est veuë fortifiée de Prin-  
 ces, & Roys Chrestiens, & luy estans enfans obeis-  
 sans & souples, & singulierement de nos Roys, *Depuis*  
 qui ont tousiours esté, mesmes depuis lors les pro- *Charlemai-*  
 recteurs & executeurs des Decrets de l'Eglise & *gne la de-*  
 des Bulles Papales, pour les choses concernâtes la *position*  
 foy contre tous les Princes preuenus ou condam- *en usage*  
 nez par eux) vny, & conioint la deposition avec *tousiours*  
 l'excommunication des Roys, Princes & Seigneurs, *pour heresie.*  
 tant tẽporels, que spirituels, pour heresie (car pour  
 l'Apostasie manifeste on ne lit gueres, ou du tout  
 point que la seule deposition : car qui ne voit que  
 l'excommunication y seroit ridicule?) cõme tres-  
 bien tesmoignẽt les constitutions des Papes Gre-

goire septiesme, & Urbain enuiron l'an 1076. & 1090. canonisees & suiuiues par leurs successeurs & tous les Iuristes.

Et par consequent si ceste opinion est veritable (comme elle ne peut estre autrement apres l'autorité & approbation de tant de gens) ne s'ensuit il pas bien euidément qu'ils ont tousiours esté par mesme moyen despossédez iuridiquemēt par l'Eglise ou les Prelats. Qui est cause q̄ ces deux mots excommunier ou deposer se lisent confusēmēt es auteurs : car ce qu'un Historien a dict seulemēt excommunié, l'autre recitant vn mesme faict dict deposé ou priué de dignité, comme estāt vne mesme chose ou pour le moins deux choses vnies, & inseparables en cas d'heresie. C'est aussi (chose qui est plus que suffisante pour couper broche à toutes disputes & calomnies) vne resolution generale de tous Catholiques, nō de la Ligue seule, que disent les ignorās, ny de l'opinion, comme dit Mor-nay, vn article de foy des Iesuites (combien qu'ils en puissent cōstruire aussi licitemēt pour le moins que luy, que leurs Ministres, & tous leurs Moynes defroquez, de qui seuls ils tiennent leur foy & l'interpretation de l'Ecriture) moins vne proposition trop dangereuse (comme disent tous leurs liurets) ains c'est vne doctrine tressalutaire & preseruatue de la Chrestieté, & vne commune opinion de tous les Theologiens & interpretes de l'Ecriture sainte, comme aussi des Canonistes (lesquels nous prions de vouloir communiquer chacun au vulgaire leurs raisons par quelque traité expres) Que les Chrestiens ne doiuent endurer iamais, que l'Apostat & l'heretique, apres mesmemēt qu'il est de-

*La deposi-  
tion est de  
sous les  
Theologiens  
& canonis-  
tes.*

claré par l'Eglise tel, & qu'il est excommunié pour telle occasiō, puisse non seulement paruenir & estre receu à commander de nouveau en Roy, ou à tenir charge quelconque sur les Catholiques (car ce seroit chose trop nouuelle & mōstrueuse au monde) mais non pas mesmes à continuer leur domination, empire, & regne, quelques coustumes, ou loix nationales, qu'il y aye. Parce qu'elles prennent leur limitation, exposition, & sens de ceste opinion & foy Chrestienne. Et cela se fait non seulement en peine de leur desertion, & reniement, & pour euitier le malheur, qui accōpagne leur regne, mais aussi & principalemēt pour le trop grād danger, qu'il y a, que les suiets perdent la foy, ou à l'exemple d'un tel superieur & seigneur, dequoy il n'y a rien si ordinaire, facile, & naturel, ou par la force & contraincte, qu'ordinairement tels vsent pour en deuoyer leurs subiects & seruiteurs, & que facilement ceux, qui sont subiects à la iustice d'autrui peuuent estre seduits ou forcez par iceux.

*Les loix  
des pays  
interpre-  
tees par  
cette opiniō  
de deposi-  
tion.*

Et de fait comment peut on sauuer de malice, aucuglemēt, ou bestise tous ces auteurs de libelles qui confessent de croire, que les Roys peuuent estre excōmuniez par l'Eglise ou les Prelats (si ce n'est selon aucuns d'entr'eux qu'ils soient dispensez au contraire) & lesquels desniēt qu'ils puissent estre depossedez de droict, ny par aucun iugement? Car s'ils accordēt que les Roys sont suiets & inferieurs à l'Eglise & aux prelates, iusques à ce poinct, qu'ils peuuent estre excōmuniez par eux: comment leur peuuent ils desnier le pouuoir de les deposseder? Si excommunier n'est autre chose (car ceux qui pensent auoir obseruē l'antiquité de l'Eglise

*Excōm-  
muer est  
deposer le  
R. en par-  
tie.*

& la differēce qu'il y a entre anatheme & excommunication, disent que le premier emporte la separation spirituelle & interne du corps mystique de l'Eglise, avec la dānation eternelle, & l'excommunication la separation externe du corps visible de l'Eglise, & de la societē, conuersation, & assemblée des Chrestiens) que chasser des Temples en leur vie, & apres leur mort y denier la sepulture, & les exclurre des Synodes, cōsistoires, & generalement de la compagnie des fidelles & de tous les lieux, où les assemblees de l'Eglise se tiennent dans le royaume. Si excōmunier le Roy n'est donc autre chose qu'exclurre & chasser le Roy d'une partie de tels lieux de son Royaume, s'il est iuste & licite de le chasser d'une partie, pourquoy non du tout, veu que les mesmes raisons, qui font pour l'un, font aussi pour l'autre, sçauoir que cela luy serue de chastiment, afin de se recognoistre, & à l'Eglise de preseruatif, afin que ce troupeau ne soit infectē par la brebis galeuse. Si les Tēples & tous ces lieux des assemblees de l'Eglise (mesmement pour le regard de telles gens qui ne recognoissent autre saintetē ny spiritualitē du lien des Temples, que de celui du marchē, ou du Palais) font partie du temporel du Royaume, & que l'Eglise puisse chasser les Roys de ceste partie du temporel, n'est ce pas bien accorder aux Prelats puissance, iustice, & iurisdiction, voire au tēporel sur les Roys, pour pouuoir les deposseder en ceste partie? S'ils disoiēt encores, que toute la puissance de l'Eglise fut à deliurer & absoudre les Chrestiens de tout commandement, que le Roy leur puisse faire, de ne bouger pour la presence des Tēples, & qu'il est permis ou

cōmandé de droict à tout Chrestien de ne s'y tenir point, moins y faire aucun acte de religiō, tant que les Roys excōmuniēz s'y trouuērōt, cela seroit aucunemēt compatible & tolerable avec leur autre opinion de ne pouuoir rien sur eux. Mais ce n'est pas leur quitter la place, que de leur commāder & enioindre d'en sortir eux mesmes, ny que de les en chasser en effet & leur fermer les portes sur le nés, selon ce que signifie & emporte la nature de l'excommunication, & suiuant ce que nous lisons les saints Euesques S. Ambroise, S. Chrysostome & plusieurs autres auoir faict & cōtre Empereurs & cōtre Roys. La parole de Dieu est elle plus expresse de les priuer de tout cōmandement en cest endroit, & de les chasser de tous lieux de l'eglise, que de tout le royaume? Le cōmandement de Dieu de n'honorer ny obeir voire aux choses indifferātes à nul heretique, n'est il pas cōceu en plus forts termes & plus expres, que celui de l'excōmunier. Si excommunier le Roy n'est en rien contraire à l'obeissance, que tout Chrestien son subiet Prelat ou autre luy doit, pourquoy en sera donc là deposition ou l'exclusion? Finablement par mesme raison qu'ils prouueront l'excommunication, & que elle est non seulement licite, ains du cōmandement de Dieu contre les Roys, il sera aussi aisé de prouuer pareillement leur deposition en cas d'heresie.

Ceux qui pēsent au cōtraire, qu'ils debatēt tout leur sou cōtre les facultez, escolles, & vniuersitez de Theologie, & du droict, qui ne sont pas moins parties, que les Iesuites, qu'ils haïsēt & craignent tant cōme leurs antagonistes. Le R. de N. pensoit tirer bien prudemment desdictes facultez

*L'Eglise  
commande  
aux Roys.*

*Le R. de  
N. a toutes  
les Vni-  
uersitez  
contre luy.*



& singulieremēt de la Sorbone quelque responce sur ses lettres, dequoy il se peust seruir à l'aduenir, ou directement ou indirectement. Mais il a trouué, qu'il auoit affaire à gens trop aduisez & clers-voyans : par ce qu'ils ont déclaré par leur sage silence mespriser, condamner, & reprouuer entieremēt toutes ses palliatiōs, excuses, droicts, noms, raisons, & pretensions. La pratique ordinaire de l'Eglise est conforme à telle opinion d'excommunication & de position ensemble d'un Heretique. Car suiuant cela il ne se voit point, que tant, que l'Eglise a eu moyen de refrener les Empereurs, Princes, Roys, & Seigneurs heretiques, qu'elle ne les aye tousiours non seulement excommuniez & chassez, hors la compagnie & conuersation des Chrestiens, mais aussi commadé aux suiets de ne les receuoir, ny leur obeir : & qu'elle n'aye pareillement exhorté & incité les Princes Catholiques à leur courre sus, & à les chasser & desposseder en effect de toute auctorité sur les Catholiques.

*Distinction  
notable.*

Quant à toute autre sorte d'infidellité ou de religion, il faut (disent les Docteurs vnanimement) distinguer. Car ou il est questiō d'un infidelle, soit Iuif, Turc, ou autre, qui veut de nouveau commander sur les Chrestiens, & estre receu par succession ou autrement à un Royaume ou Empire Chretien, ou bien obtenir charge ou office sur les fideles : & c'est chose, qui ne se doit tollerer ny permettre en façon quelconque pour plusieurs raisons : mais principalement par ce qu'elle tourneroit à trop grand scandale & contumelie de la Chrestienté, & seroit se precipiter à vne grāde corruption & dāger de la foy, tant pource que les in-

fidelles mesprisent d'autât plus la Religion Chrestienne, qu'ils cognoissent les defaults & vices des Chrestiens. Qui est la cause pourquoy S. Paul defend de plaider deuant eux, que par ce que les Seigneurs font chager aisement la foy à leurs suiets s'ils ne sont bien constants & vertueux, ce qui n'est pas d'ordinaire aux hōmes: Ou bien on parle d'un infidelle, qui est ja receu & estably Seigneur, Roy, ou officier en un estat infidelle, en ce cas la foy Chrestienne prise & considerée seule en soy n'absout point le subiect, qui se faict Chrest. de sa subiection: ny l'infidellité en soy & simplement prise ne priue pas l'infidelle de sa domination, superiorité, seigneurie & commandement sur les Chrestiens, par ce que (cōme dit tresbien S. Thomas) la distinction de fidelle & d'infidelle est du droit diuin lequel ne tollit point le droit humain, ny la loy naturelle, ains seulement le peché, toute fois tel infidelle en peut estre priué iustement par sentence ou ordonnance de l'Eglise qui se doit executer par les Princes Chrestiens. Et icelle le faict par fois & par fois non, selon qu'iceluy abuse de sa puissance contre les Chrestiens, & qu'elle y voit plus ou moins d'aduancement pour la foy, ou de peril, scādale, ou retardement au cōtraire. Et l'Eglise peut faire cela ordinairement & iustement, où il n'y a à craindre plus grād mal, & ce selon le droit de nature, tant pour recouurer les terres & prouinces, que les infidelles occupēt & vsurpent sur la Chrestienté, que pour deliurer les Chrest. de leurs persecutiōs & vexatiōs, & empescher qu'ils ne soient seduits en la foy, ou par leurs blasphemies & fauces persuasiōs, ou mesme par persecutiōs manifestes.

*L'Eglise  
peut depo-  
ser les in-  
fidelles.*

*Cause de  
la guerre  
contre les  
sarrazins.*

A cela se raportent les guerres des Machabees & toutes les guerres appellees sainctes, croisades, & expeditions des chrestiens tant deça, qu'outre mer, contre les Turcs & Sarrazins detenās & occupans les Royaumes & terres qui ont esté subiectes & acquises à la foy chrestienne, à Iesuschrist, & à l'Eglise. Lesquelles ils ne peuuent prescrire cōtre eux par aucun temps immemorial, ne fust-ce qu'ils sont tousiours possesseurs de mauuaise foy. c'est ce que (cōme nos Historiēs Froissard & Mōstrelet tesmoignēt) les anciēs appelloiēt venger la mort de nostre Seigneur, nō qu'ils n'en vouliussēt qu'aux Iuifs, moins que ce fust pour les faire chrestiens à coups de poings, & force d'armes, car mesmes estans prisonniers, ils estoient en liberté & choix de croire ou nō: mais d'autāt qu'ils vėgeoiēt & vouloient recouuer à Iesuschrist les pays, que l'escriture declare lui estre acquis par la conuersiō des peuples à la foy, en recōpense & merite de l'opprobre de la croix? & que c'est vne grāde cōtume lie & iniure faicte à Iesuschrist d'estre despouillē de sa possession, & que les siēs ne luy sçachēt conseruer & en son obeysance & creance ses pays, aussi bien qu'on faiēt aux Princes terriēs les leurs. Dont l'opiniō de Luther a esté à bon droit tenuē pour heresie, disant, Que c'estoit mal faiēt de faire la guerre au Turc, parce qu'il est en cela cōtraire à plusieurs conciles.

De là viēt pareillement la loy, que le grād Constantin fist biē tost apres auoir receu la foy enuiron l'an 320. Que tous les chrestiens, qui estoient seruiteurs ou serfs, fussent exempts & libres de la puisssāce de leurs maistres & seigneurs qui tenoient la religiō

Iudaique

Judaïque, & qu'il ne fut permis au Iuif sous groſſes peines d'eſtre ſeruy ny d'acquérir ou retenir domination & maiſtriſe, ou auoir charge & preeminence quelconque ſur les Chreſtiens.

De là auſſi procede, que tant ſ'en faut, que les Chreſtiens de Perſe, qui ſ'eſleuerent en armes contre la perſecution, que leur Roy Varanes infidelle leur faiſoit, & leſquels recoururent à l'ayde & ſecours des Romains & de l'Empereur Theodoſe 2. en l'an 445. ayent eſté blaſmez d'aucune note de rebellion pour ce regard, ny de peché cõtre Dieu & leur conſcience, que nous liſons, que ce grand Patriarche de Conſtantinople nommé Attic, & que les Eueſques Catholiques de Grece ſ'en rendirẽt les approbateurs, fauteurs, & ſolliciteurs enuers l'Empereur: afin qu'il vengeaſt leur querelle, qui eſtoit cõioincte avec celle de la Religión Chreſtienne, de ſorte qu'il y enuoya vne groſſe armee: par le moyen de laquelle les Chreſtiens furent remis en toute entiere & pleniere liberte; la perſecution prenant fin (dit Nicephore) avec la guerre. Et Dieu voulut bien teſmoigner & par l'apparition des Anges, & par pluſieurs victoires miraculeuſes, qui y aduindrent, & leſquelles ont eſté les plus grãdes, que les Romains ayent iamais obtenu ſur les Perſiens, & par la reſioũſſance publique de la Chreſtienté, & par infiniz liures faits & compoſez dès lors à la loüange & recommandation de telle guerre, & meſmes par l'imperatrice, combien la cauſe & les fins d'icelle luy eſtoient agreables. Or c'eſt choſe ſans doute, que nulle raiſon n'a lieu cõtre l'infidelle de touſiours ſoit à ne le recevoir, ſoit à ne le continuer, qui n'en aye, & qui ne ſe

*Les Chreſtiens de Perſe ſ'eſleuent contre leur R.*

doieue obseruer beaucoup plustost cōtre tout Apostat, & encore plus contre tout heretique: & en ceux-cy tant par forme de peine & punition, que de precaution, preſeruatif, & deſenſif, cōme eſtans ordinairement (or les loix ſe font de ce qu'arriue le plus ſouuent) plus grands ennemis & perſecuteurs de la foy, que les infidelles, contre leſquels le dernier ſeulement a lieu: mais principalement & cela touſiours & en tous cas pour ne les receuoir de nouueau à auoir iamais autorité, & preemināce en ou ſur vn eſtat Chriſtianizé. Et la raiſon en eſt tres-grāde. Car cōme vn qui eſt ſuiect & obligé par ſerment, doit obeir à ſon Roy ou ſeigneur: auſſi celuy qui eſt ou a eſté fidelle, & qui ſ'y eſt obligé par ſerment, doit obeir à Ieſuschr. ſon Roy, & à l'Egliſe ſa maiſtreſſe & Roynce. Et ceſtuy-cy ne doit, ny ne peut iuſtemēt non plus varier, que l'autre. Et comme l'autre, ſ'il reſuſe, peut eſtre puny & contrainct corporellement de tenir le ſerment de fidelité, auſſi de meſme l'Apoſtat ou l'heretique, quel qu'il ſoit, peut eſtre contrainct corporellement & par priuation des biens à tenir la foy, fidelité, & obeiſſance qu'il a promis à Ieſus Chriſt & à l'Egliſe, & au Baptême, & par la profeſſiō de foy. Car ſi la contrauention aux loix humaines eſt chaſtiee & vengée iuſtemēt par priſons, banniſſement, perte de biens, voire par la mort, n'eſt-ce pas choſe hōteuſe & indigne, qu'il ſoit permis parmy les Chreſtiens rompre impunement les loix diuines, & celles de la creance, leſquelles touteſois iamais perſonne ne viole, ſans qu'il le paye. Et d'ailleurs ſ'il eſt permis à vn Royaume & Republique de conſeruer ſes droicts meſmement contre ſes

*Obeir à  
Dieu & à  
l'Egliſe  
auſſi toſt  
qu'au R.*

suieçts, pourquoy nō à l'Eglise & à la Chrestienté les siens: puis que Dieu l'ayant armee de grās peuples & forces ne l'a peu faire pour meilleure fin, que pour sa gloire: & afin de les employer à la cōseruation de son cult & religiō principalement cōtre les suieçts, & officiers & particuliers? Mais cela n'a point de lieu à l'infidelle de tousiours, nō plus que qui voudroit forcer ou punir quelqu'un, pour ne tenir vn vœu, que ne luy ny ses peres n'ōt point fait, & de se marier, ou biē de tenir la foy à vne femme, à laquelle il ne l'a point dōnec, ny pmise. Bien y peut on contraindre celuy, qui a fait le vœu, ou qui est ja marié & lequel s'y est obligé par pmesse.

Cela soit dit pour responce à l'ignorāce, & pour confusion de la malice de ces escriuains du R. de N. qui estiment le plus grand argument qui soit pour luy, de ce que S. Pierre n'a point dépossédé Neron, ny deliuré ses subieçts de son obeissance: comme si vn infidelle estoit aussi suieçt à l'Eglise, qu'un Chrestien: comme si l'Eglise seroit à blāmer d'empeschē qu'un infidelle ne commandast à la Chrestienté, quelque droict ou tiltre humain qu'il peut auoir, ou si elle reprenoit, ou excommunioit le Prince Chrestien, qui se trouueroit incestueux avec sa mere, d'autāt que S. Pierre n'a point excommunié ny reprins Neron d'un tel acte: & cōme aussi si Constantin & les autres Empereurs Chrestiens auoient fait mal de defendre la foy par armes tant en leurs suieçts, que les estrangers, parce que le Sauueur a commandé à saint Pierre de rengainer & ferrer son espee. Mais au contraire le dire de S. Augustin est tres-veritable, *Que distinguāt les tēps l'on entēd & l'on accorde l'escriure,*

*Argument  
des Hug.  
inepte.*

faincte. Autre deuoir est du temps, que l'on est sujet, autre quād l'on est deuenu maistre. Ainsi autre deuoir est de la Chrestienté tributaire & esclauue en effect & de droict aux Princes & Estats de l'idolatrie, ou infidellité: autre quand elle deuenue la maistresse & dame & par effect & de droict, cōme des pays, où elle peut faire obseruer ses loix, ou mesme de droict seul, comme de toute la Turquie. Brief autre chose est de la puissance & liberté d'un maistre, autre de l'obligation ou suiection d'un valet. Et de separer les Roys & Princes des Estats de la Chrestienté, du corps & des loix d'icelle, qui ne voit que c'est chose non moins absurde, que de diuiser vn Royaume, ou vne nation en deux corps: & comme si les Roys & officiers de la Chrestienté n'estoient, ou deuoient estre Chrestiens, aussi bien que les officiers François, sont François, & subiects aux loix de France, & que les François Chrestiens sont Chrestiens & subiects aux loix de la Chrestienté? Finablement y a il personne, qui ne s'offense grandement de l'impudence de ces gens là, & notammēt de l'Aduocat Belloy le fameux à employer le nom de la parole de Dieu en sens si contraire à son intentiō? Dieu, disent ils, choisit de sa main, & donne les Roys heretiques, pour nostre chastiemēt, & pour estre les bourreaux de sa iustice, que partant c'est murmurer & contester contre la sapience diuine, que de leur resister. Mais qui ne voit cecy estre vne notoire ineptie par vn dire semblable: Dieu enuoye la famine, partant c'est mal faict de s'y opposer ou preuoir par police ny aucune prudēce ou puidence humaine. La peste & la guerre sont autant de

*Les Roys  
Chrest.  
ne doiuent  
estre sepa-  
rez de la  
Chrestienté.*

fleaux de la main de Dieu, c'est dōc mal faict de se-  
 parer & de chasser du cōmerce des hōmes les in-  
 fects, ou ceux, qui en sont frapez. Le mesme disoit  
 Luther du Turc, q̄ c'est vn des marteaux de Dieu  
 pour le chastiement des Chrest. que c'estoit donc  
 mal faict de luy faire la guerre, & que de luy resi-  
 ster ce n'estoit rien moins que resister à Dieu. Qui  
 sont propositions toutes si apparemment fauces,  
 qu'elles se confutent d'elles mesmes, enuers ceux  
 notamment, qui n'ont point donné leur entende-  
 ment en proye aux passiōs de telles gēs. Et ce qu'ils  
 alleguēt en confirmatiō de leur dire, que les Papes  
 heretiques n'ont point esté depossédez par ce que  
 ils ont esté choisis de Dieu pour punir son trou-  
 peau, n'est il pas suffisant pour les conuaincre? Car  
 quād bien il seroit vray, qu'il y en eust eu d'hereti-  
 ques (ce que n'est pas) qui ne voit que tel faict, &  
 q̄ la tolerāce d'iceux, par malice ou impuissance de  
 ceux qui y pouuoient apporter lors le remede, ne  
 peut preiudicier aucunemēt à la verité du droict,  
 ny de ce, que se doit par raison? & que partāt, com-  
 me les Papes heretiques doiuent estre depossédez,  
 au consentement de tous, de droict, & selon Dieu,  
 cōbien que de faict ils n'en ont pas esté tousiours?  
 Aussi il s'en ensuit le mesme pour le regard des  
 Roys Chrest. ou de la Chrestieté, cōbien que nous  
 n'en eussions aucun exēple en toute l'antiquité. Et  
 toutefois si l'argumēt pris du fait est receuable, les  
 Roys y sont d'autāt plus suiects, que les Papes, que  
 nous trouuons (cōme il se dira) plusieurs exemples  
 de la depositiō des Roys ou Empereurs, & des Pa-  
 pes nul du tout: mais bien souuēt des Patriarches,  
 Archeuesques & autres Prelats, cōme il a esté pra-

*L'exemple  
 des PP.  
 hors de  
 propos.*



étiqué ces dernières années, cōtre ce truches iadis  
Archeuesque de Cologne heretiq. à l'approbation  
de l'empire & de toute l'Allemaigne & chrestié.é.

Le R. de  
N. heret.

De mettre en doute parmy les Catholiq. mes-  
mement si le R. de N. qui a renié la foy Catholique  
est heretique, & si les Huguenots en sont pareille-  
ment apres tant de Conciles, apres le iugemēt du  
Pape, qui en est le vray iuge, apres le commun ac-  
cord & consentement de tout le monde Catholi-  
que, qui est codamné pour tel, apres tant d'actiōs,  
deportemens, & declarations heretiques & obsti-  
nees, disant qu'il scait en son cœur, & cōfesse fran-  
chement de bouche qu'il est trespersuadé (i. opi-  
niastre) que la verité est de sa patt, & non des Ca-  
tholiques en vne centeine d'opiniōs, que l'Eglise,  
les Cōciles, les facultez de Theologie, & les Eues-  
ques ont déclaré pour hereses apres q̄ nos Roys,  
les Cours de Parlement ont bruslé les sectateurs  
d'icelles pour heretiques : & que les Estats gene-  
raux les ont chassé du Royaume pour tels : c'est se  
mocquer trop du mōde, comme si en l'Eglise Ca-  
tholique on n'auoit sceu encor apprédre à parler &  
entédre les mots, ou bien si on nous vouloit per-  
suader, que le Soleil prinst sa clarté de la Lune, ou  
de quelque comete errante. Combien que pour la  
matiere, que nous traictons, il importe fort peu de  
quelque religiō est le roy futur, Athee, Iuif, Turc,  
Lutherien, Anabaptiste, Caluiniste, heretique for-  
mé, ou non: car c'est assez pour deuoir estre excluz  
de la succession du royaume, qu'il apparaisse qu'il  
n'est Catholique, c'est dire, de la mesme creance  
& Religiō du Royaume, de Clouis, de Charlemai-  
gne, de S. Loys, & des feuz Rois Cathol. leurs suc-

cesseurs qui ont esté tous receuz selon la loy Salique, & notamment Henry III. Ce que nous ne pensons point qu'aucun puisse nier du Roy de N. qui condamne ce qu'ils ont approuué, & lequel casse leurs fondations & demolit les Eglises, qu'ils ont basti au nom des Saints, & lequel est d'autant plus damnable (comme dit tresbien le Pape Urbain de ceux qui defendent l'erreur d'autrui) par dessus ceux qui errent, que non seulement il erre, mais qu'il deffend leur erreur, qu'il les y confirme, & donne occasion aux autres de pecher.

Nous ne trouuons pas nouveau, que ceste pail- *Estrange*  
larde d'heresie, qui se dit la vraye espouse, s'escrie *qu'un Ca-*  
sans honte & vergongne, que le R. de N. est Ca- *thol. dont*  
tholique, qu'il est son fils naturel & legitime: & *que le R.*  
que la succession luy appartient. Nous ne trouuons *de N. soit*  
pas extraordinaire, que ses ruffians, ou que ses au- *heretique.*  
tres enfans, qui sont ja aucuglez ou de passion, ou d'interest, combattent impudemment, & se facent mourir pour ceste querelle. Mais que l'enfant de la vraye espouse, & celuy qui se dit Catholique, soit de ceste opinion, qu'il la fauorise au contraire, qu'il ne s'y oppose vertueusemēt de tout son pou- uoir, & auoir, pour le faire tenir pour heretique, & fils naturel, certainemēt c'est chose, qui est trop contre nature, & contre tout bon iugement. Car il s'ensuit bien infalliblement, ou que nous sommes de l'Eglise de Iesus Christ, & le R. de N. de la Synagogue de Sathan: ou au contraire il faut que ce soit l'un des deux: veu qu'il n'y a aucun moyen, & que deux contradictoires ne peuuent estre vrayes ensemble. Si le Catholique ne peut croire autre chose, sinon qu'il est de l'Eglise de Iesus

*Heretique  
qui.*

Christ, il s'en suit bien que par la necessité de ceste  
 creāce, il ne peut croire aussi, sinon que le R. de N.  
 „ est heretique, de la maison & Synagogue de Sa-  
 „ than. Celuy-là est heretique (dit Origene) qui fai-  
 „ sant professiō de croire en Iesus Christ, croit de la  
 „ verité de la foy Chrestienne autrement, que ne  
 „ porte la tradition de l'Eglise de succession en suc-  
 „ cession, & de main en main. Celuy est heretique  
 „ (dit S. Augustin) qui suit, ou produit vne nouvelle  
 „ opinion pour son profit particulier, & principa-  
 „ lement poussé d'ambition, de gloire, & de princi-  
 „ pauté. Celuy-là (dit S. Cyprien) cuide-il estre avec  
 „ Iesuschr. qui fait contre les Prestres de Iesuschr.  
 „ Qui se separe de la societé & communiō du cler-  
 „ gé, & du peuple, cestuy-là porte les armes contre  
 „ l'Eglise, & combat contre la disposition de Dieu,  
 & est ennemy de l'autel, & rebelle contre le sacri-  
 fice de Iesus Christ. Eussent ils peu parler plus ex-  
 pressément, ny depeindre plus visuellement le R. de  
 N. monstrans en vn mot qu'il est heretique en ce,  
 que scachant certainement que les opiniōs, qu'il  
 tient en la foy, sont cōtre le iugement & sentimēt  
 de l'Eglise catholique Apost. & Rom. qui est (selō  
 les vrayz catholiques, & les SS. Peres) la vraye E-  
 glise, bien qu'il ne l'accorde pas, de laquelle les  
 Euesques & Prestres sont les Ministres, & les Ca-  
 tholiqu. enfans, neantmoins il les croit opiniastre-  
 ment. S'il estoit credible, qu'il le peust ignorer, il  
 seroit raisonnable, qu'il en fut instruit, & ne meri-  
 teroit point ce pendant ce tiltre infame, mais tant  
 s'en fait qu'il vueille estre enseigné, selon que la-  
 dictē Eglise, & les Prelats d'icelle tiennēt, que tout  
 au contraire il confesse scauoir tresbien leur cre-

ance, & nie qu'elle soit la vraye Eglise, ny qu'ils soient les vrais Pasteurs, moins qu'ils sçachent la vraye doctrine, pour luy en faire part, ayant faict imprimer dans son opposition contre la bulle du Pape qu'il a malicieusement & faulxement menty (tant il est accoustumé au ramage & honnestetez des burrieres du Petit pont) l'accusant d'heresie, & que c'est luy mesme qui est heretiq. & vn galant. Et partant qui ne voit ceste piperie & cauillation toute manifeste? & comme il est impossible qu'enners les cathol. qui ne tiennét aucun pour catholique, qui ne soit vni en foy avec l'Eglise catholique. Apostol. & Rom. & toutes opinions y contraires pour heresies, le R. de N. ne soit pur heretique & reiettable par toute la chrestienté? ny que par consequent nous ne puissions conclurre avec Tertulien que celuy, qui est heretique, ne peut estre dit chrestien? Vn Turc, vn Iuif, vn Athee, qui ne sçait qu'est la foy chrestienne & catholique. peut douter quelle opinion en la foy est heretique: mais qu'un catholique. qui ne doute point de la verité de sa foy, puisse estre en suspens, que le contraire à icelle ne soit heresie & mensonge abominable, cela passe toute imagination. Car il ne peut estre nō plus en doute, si le Roy de Nauarre est heretique, qu'il peut douter si luy mesme est catholique: comme qui accorde vne chose estre blanche, est contraint confesser, que celle qui est contraire, est noire: & qui accorde la religiō de l'infidelle estre meschante, il faut qu'il cōfesse, que celle du fidelle est bonne: & l'infidelle n'est pas plus contraire au chrestien ou fidelle, que l'heretique au catholique.

Si le R. de N. n'est heretique, il sen suit dōc, que

*Piperie  
du R. de  
Nauarre.*

*Ou les Ca-  
tholiques  
ou le R. de  
N. heretiq.*

le Roy qui tient le contraire en la foy, que luy est heretique: si le Roy de N. n'est heretique selō les loix des Catholiques & de l'Eglise Chrestienne, il n'y eut oncques heretique: voire s'il n'est relaps (& par tant indigne de droict, & sans dispēce de tous honneurs, quand mesmes il reuiendrait à resipiscence) il n'en y a eu iamais aucun: les Huguenots ne sont point heretiques, les Anabaptistes & Lutheriens ne sont point heretiques, & noz peres ont esté bien ignorans, ou malicieux, de les auoir faict brusler comme tels. Le mesme se peut dire des Trinitaires, Deistes, Arriens, Macedoniens, Nestoriens, Euthiciens & autres.

*L'on est en  
differenc.  
de la sub-  
stance de la  
religion.*

Car de dire avec leur Apologetique, que l'on n'est contraire ny en differēt, que des ceremonies externes (comme s'il y en auoit des internes) c'est à dire, des choses, qui n'importent le salut de l'ame, l'on appelle cela brides à veaux, ou bien propos d'Atheiste, qui ne faict differēce des ceremonies, ny de la substance, qui ne croit ne ame, ne autre vie, ne moyēs aucuns à salut: ains tient tout ce qui est de Dieu & de la religion, pour problematique & indifferent. C'est aussi chose bien certaine, que les vrais Huguenots & leurs Ministres chantēt bien au contraire, tenant l'Eglise Catholique pour reprouuee en la foy & doctrine, bref, pour la Synagogue de Sathan, & qu'ils disent meriter d'estre chassée de leurs villes, & pays, à l'occasion (dit Marmet) qu'il y a autant à dire entre leur religion & celle des catholiques que de l'enfer au Paradis. Aussi'il n'est non plus aisé de les maintenir paisiblement ensemble en mesme egalité, que de bastir deux maisons sur vn mesme fondement, de join-

dre Paradis avec l'enfer, & d'accorder Dieu avec le diable, comme parle saint Paul. Et quand tout cela cesseroit, & qu'il seroit vray, que le R. de N. ne seroit contraire à l'Eglise Catholique que sur des ceremonies, ce luy sera vn pauvre merite deuant Dieu, & peu d'honneur enuers la posterité, qu'il aye esté cause d'un si grand schisme, & de si grands maux, pour si peu de chose.

De pēser offusquer, ou creuer les yeux du monde, pour pouuoir exempter ou lauer de ceste rache d'heresie le R. de N. par ce qu'il dit croire en Dieu, le vieil & nouveau Testament, les Symboles de la foy, vne Eglise Catholique, pour laquelle il desire espandre son sang contre les infidelles (garde souz ce nom les Catholiques, car autres infidelles ne cognoit & n'ataque il point.) Bref, qu'il consent subir son iugement, quand elle sera bien assemblee en vn saint Concile libre & legitime, general, ou national: Qui est celuy si ignorant de l'antiquité, qui ne sçache, que tous les heretiques, qui iamais ont esté, ont faict de bouche & par escrit semblable declaration & soubmission: mais que ce n'estoient qu'eschappatoires, quand il estoit questiō d'approcher de plus pres, & quand on venoit à leur représenter l'Ecriture sainte, Ce ne sont (dit Tertullien) que disputes & contentions sans fin, à qui l'entend mieux, & qui rapporte plus fidellement vn passage à l'autre. Si l'on auoit tenu & celebré vn Concile, ils n'auoient pas faute de repliques que ce n'estoit pas l'Eglise Apostolique, mais Apostatique & l'asyle de Romulus (dit saint Augustin des Donatistes) ou le bourdeau & la Synagogue de l'Antechrist (dit saint

*Le dire du  
R. de N. cō  
mun à tous  
heretiques.*

*Obiets des  
heres.cõtre  
les Conciles*

Hierosme des Luciferiẽs) que c'estoient des hommes, qui auoient erré grandemẽt qu'ils n'auoient pas bien suiuy l'escriture sainte, & que c'est celle la seule, à laquelle nous deuons croire, & nous soubsmettre: & qui seule a force & auctorité, pour nous commãder au faiẽt de la foy: que c'estoit vne assemblée des seuls Euesques, prestres, Moynes, & Ecclesiastiques, faiẽte sous l'Antechrist de Rome, tous leurs ennemis, idolatres, casars, idiots, ignorans, aueugles, & abandonnez de Dieu & du saint esprit: qu'ils ont fait office de iuges & parties, puis qu'il estoit question de reformer les abus: qu'il ne faut croire à tout esprit, mais l'esprouuer s'il est de Dieu: que ceux, qui poursuiuoient la reformation de l'Eglise, n'y auoient point esté ouys: que leurs Ministres enuoyez de Dieu, n'y auoient point eu voix deliberatiue: qu'ils n'y auoient point eu de sauẽcõduit asseuré: ains qu'ils y auoient esté brulez, & mille autres semblables sornettes, & balliuernes pour equiuoquer sur le nom de l'Eglise, & le sens de l'Escriture: & afin d'annuller & affoiblir l'auctorité des conciles tenus contr'eux, & se iustifier en leur opiniastreté.

N'est-ce pas ce que l'histoire Ecclesiastique, & les anciens Peres nous tesmoignent, que disoient les Arriens, singulierement contre le premier general cõcile de Nice, voire durant 300. ans apres, les Macedoniens de celuy de Constantinople, les Nestoriens de celuy d'Ephese, les Euthiciens de celuy de Calcedoine, qui sont les quatre grands & premiers conciles generaux tenus consecutiue-ment dans les 500. ans premiers apres nostre Sauueur: & lesquels tous tãt s'en faut qu'ils aient serui

pour la conuersion des heretiques, qu'iceux les condamnoient, escrinoient cōtre, & en brusloient les exemplaires. Tellement qu'il s'est passé long temps deuant que plusieurs Roys & Empereurs les ayent voulu autoriser faire obseruer & recevoir en leurs Estats: Ains au contraire ils bannissoient & mettoient à mort ceux, qui y adioustoient foy. Le diable n'usant d'aucun artifice, opposition, calomnie, & mesdisance contre le saint concile de Trente, qu'il n'aye practiqué cōtre la plus part des autres conciles generaux, & singulierement contre ces quatre premiers, lesquels neantmoins les catholiques ont eu tousiours en mesme respect, que les quatre Euangelistes, comme dit S. Gregoire.

N'est-ce pas aussi chose obseruee en l'Eglise, tesmoignée par les anciens Peres & Docteurs, que tant s'en faut, que les heretiques se conuertissent par la voye des Conciles, qu'ils en deuiennent plus obstinez: que les conciles ne seruent, que pour ceux qui sont dans l'Eglise, & pour confirmer & y retenir les seuls catholiques, non seulement par instruction, mais par leur autorité? Se lit-il iamais vn seul heretique auoir esté vrayement reduit par vn concile, ains au contraire, qu'il ne s'en soit plus endurcy & opiniastré, que deuant? Et l'on peut esperer mieux du R. de N. & de nos Huguenots? C'est auoir le iugement trop foible, & se promettre des miracles inouys à sa poste. C'est se moquer trop manifestement de saint Paul, qui ne veut point, qu'on s'empesche à la conuersion & instruction d'un heretique, apres la seconde admonition & enseignement. Nostre foy (dit Tertullien) doit obeir à saint Paul deffendant de conferer de



*Vinci pos-  
sunt, con-  
vinci non  
possunt.*

la foy avec vn heretique , apres qu'il aura vne fois  
esté reprins & instruit. Et la raison en est tresbelle  
en S. Ambroise. Car l'on voit (dit-il) le plus souuér,  
„ que les grandes & frequētes admonitions font les  
„ gens plus endurcis & obstinez au mal : & semblēt  
„ cōme les contraindre de se rendre plus diligēs à la  
„ perdition de plusieurs. Et selon cela les heretiq. di-  
„ soit S. Gregoire nazianzene, peuuēt estre vaincus,  
mais non conuaincus. Car dit l'autre S. Gregoire  
Romain, les heretiq. ne cherchēt point de parue-  
nir à la verité par leurs disputes & demādes, mais  
seulemēt d'estre veuz les vainqueurs. Escoute (dit  
S. Chrysostome) toy hōme fidelle, qui debars vo-  
lontiers avec l'heretique, que les Phariziens ont  
esté vaincus du Sauueur, mais nō satisfaiçts : & toy  
disputāt avec l'heretiq. le peux tu cōtēter, encores  
que tu le rendes vaincu ? Es tu plus fort que Iesus  
Christ, de satisfaire & faire acquiescer ceux qu'il  
n'a peu faire acquiescer. Et S. Bernard, Ils ne peu-  
uent estre cōuaincus par raisons, d'autant qu'ils ne  
les entēdent pas, n'y corrigez & conuertis par au-  
cthoritez, d'autant qu'ils ne les reçoient point, ny  
fleschis par cōseils & instructiōs, d'autāt qu'ils ont  
le sens & entendemēt subuertie & renuersé (cōme  
dit S. Paul.) C'est chose esprouee (adiouste-il) ils  
aymēt mieux mourir, que se reduire. N'est-ce pas  
aussi le dire de l'Escripture, Qu'il est difficile corri-  
ger celuy, que Dieu a mesprité. Et Sulpice Seuer  
avec tous les Historiēs ne tesmoignent ils pas no-  
tammēt que tous les Cōciles & conferēces entre  
les Arriēs & les Cath. n'ont riē profité pour la re-  
duction des Arriens, eux demeurās tousiours opi-  
niastres en leur perfidie, Qui esmeut (dit-il) les Ca

tholiques d'enuoyer à la fin vers l'Empereur Cōstantius, pour luy rapporter & declarer qu'ils connoissoient par experience, qu'il estoit impossible d'auoir paix, & de s'accorder avec les heretiq. Ce q̄ nous serios biē marris d'estre dit pour diminuer la sacree authorité de l'vsage des Cōciles, moins encorés, que nous ne les desirions beaucoup plus qu'eux, pour autres cōmoditez & plus importātes la santé de ceux, qui sont en vie, c'est à dire, qui ont la foy, ou qui n'en sont du tout point priués : mais seulemēt pour mōstrer, qu'ils ne sont ny necessaires, ny vtils pour le regard d'eux qui sont morts en la vie spirituelle. Lesquels ayāt moyse & les prophetes & en abusant, cōme l'on voit, qu'ils font, il n'est gueres à croire qu'ils deuiennent meilleurs, quand bien l'on leur feroit voir Paradis ou l'enfer ouuers, ny qu'ils facēt mieux leur profit d'un Cōcile, q̄ de l'escriture sainte, veu qu'ils ne peuuent le demāder, que pour la mesme ruze, qu'ont faict cy deuāt tous les heretiq. & notamment par ce qu'ils ont ceste opiniō que le pape ne l'accordera iamais. Car c'est ce qu'ils escriuent, Que d'en parler aux Papes c'est autant, que les attacher au Caucaſe, ou leur faire tourner la rouë d'Ixion, & le caillou de Sifispe. Et par ce moyen ils pēsent gaigner temps, coniurer la tempeſte, & ietter de la poulciere aux yeux des ignorans & des gens non entendus ny experimentez en ces choses.

*Pourquoy  
les Cathol.  
desirēt vn  
Concile.*

Ce sera aussi pour seruir de respōce à leur belle Apologie & declarations, disans, pour endormir les mulots, Qu'il ne faut vser q̄ de patience, obeissance, & d'oraisons enuers Dieu, contre vn Roy heretique, & que c'est Dieu seul, qui le peut, ou doit oster par mort: que l'heresie aussi est vne ma-

*Commēt le  
glaiue a  
lieu contre  
l'heretiq.*

*Verbo esse  
agendum,  
disputatio-  
ne pugnan-  
dum, ratio-  
ne vincen-  
dum.*

*Qui doit  
résister au  
R. hereti-  
que.*

*Le Roy est  
le fils aîné  
de l'E-  
glise.*

ladie de l'ame & de l'esprit, ou le fer & le feu ne  
peuvent mordre : qu'elle ne se guarit, que par les  
medecines & armes spirituelles, qui sont admoni-  
tions, prieres, ieusnes, bonne vie, & conciles: qu'il  
faut agir contre eux de paroles, combattre par di-  
sputes, vaincre par raisons, comme parloit S. Aug.  
au commencement. Car peut estre que cela auroit  
quelque apparence pour le regard du deuoir de cha-  
cun particulier enuers vn Roy heretique, d'autant  
que se remuer seul, & sans ordre de ceux qui ont  
autorité, ce seroit plustost actiō de fol, que de sage:  
mais pour celuy des officiers de la couronne, des  
estats generaux de la France, des cours de Parle-  
ment, qui sont les tuteurs du royaume. estat veuf, les  
colonnes de l'estat, les yeux de la France, les execu-  
teurs du serment solennel des Roys, & lesquels  
n'ont qu'un mesme serment pour la iustice enuers  
dieu & Cesar, aux loix de dieu & du royaume en  
tout temps, & souz quelque Roy que ce soit, sans  
que le changement apporte aucune mutation en  
leur deuoir & office, il n'y a point de propos: moins  
pour le regard de toute la chrestienté, qui est la  
mere de ce Royaume & du Roy, comme de son  
premier fils aîné, ainsi que nous lisons que le cō-  
cile d'Orléans tenu souz nostre premier Roy chre-  
stien, l'appelle le fils de l'Eglise cath. car ce seroit  
autāt, cōme si le christianisme ne depēdoit en Frā-  
ce, q̄ de la volonté du Roy, & cōme si Dieu n'auoit  
point pourueu entre les chrestiens de moyē propre  
pour maintenir sa religiō, aussi bien que le seruice  
des Roys. Cela a trop d'impieté, & de bestialité  
auec foy. Quant à la consideration de l'heresie  
seule es particuliers, si elle estoit sur ses premiers  
accès

accès & en des gēs simples, qui ne seroient qu'en  
 erreur, & non encores resolu & endurcis en leur  
 opiniaſtreté, il y pourroit auoir quelque raiſo: car  
 nous voyōs que S. Auguſtin & autres grands per-  
 ſonnages ont eſté vn tēps de ceſte opiniō, toutes-  
 fois l'experience, cōme il dict, leur a mieux mon-  
 ſtré tout le cōtraire, que toutes les raiſons du mō-  
 de. Ils criēt (dict-il) que Ieſuſchriſt n'a forcé per-  
 ſonne pour croire: mais ils le doiuent recognoiſtre  
 en S. Paul, le forçant deuant que l'enſeigner. Et il  
 faiēt ſouuent ceſte diſtinction du temps, que l'E-  
 gliſe eſtoit ſur la legitime domination des Payēs,  
 de celuy auquel l'authorité d'iceux luy eſt deuou-  
 luē. Les vrais preſcheurs de ces gens là, ce ſont les  
 Ediēts des Rois, leurs officiers, & armes. Tous les  
 ſermons (diſoit ce grād Theologiē & Eueſque Na-  
 ziāzene à l'Empereur) que ie pourrois faire pour  
 la ſaincte Trinité aux Arriēs, ne ſçauoiēt iamais  
 auoir tāt de force, pour cōbatre ou eſteindre l'he-  
 reſie, & aduancer la vraye doctrine, cōme vn ſeul  
 de vos Ediēts. Cela aura lieu à plus forte raiſon,  
 lors & depuis que par le temps ceſte maladie cō-  
 tagieuſe d'herēſie ſ'eſt couuēe & eſtēdue iuſques  
 aux bras, aux mains, & aux ongles, & qu'elle ſ'eſt  
 doublee & tournée en faction & rébellion. Car  
 c'eſt faute de iugemēt, & vne pure folie d'appoſer  
 l'emplatre à la teſte, puis que le mal principal eſt  
 tōbé aux mains & aux ongles. C'eſtoit auſſi contre  
 ſemblables gens que Simon diſciple de Socrates  
 auoit couſtume de dire, Que la vertu ne ſe peut  
 enſeigner. Ioinēt à ce l'opinion de ce grād per-  
 ſonage d'Eſtat Cicerōn, & de tous les Anciens,  
 Que la factiō & rébellion ne ſe guerit, que par ar-

*Hec opinio  
 nō cōtradi-  
 centiū ver-  
 bu, ſed de-  
 mōſtrantiū  
 ſuperaba-  
 tur exēplis*

*Folie de  
 penſer ve-  
 dire les  
 Hug. par  
 diſputēs.*

*Calwin en  
son Instit.  
diēt que les  
armes doi-  
uent seruir  
au ſaiēt de  
religion.*

mes, & ne se finit que par la mort : se rapportent  
tresbiē à ce les mots de leur Pape & premier mai-  
stre, Que c'est chose trop absurde & faulce d'esti-  
mer les defences propres aux affaires de ce mōde,  
comme sont la iustice & les armes, estre nō seule-  
ment differentes d'auec les defences spirituelles,  
mais aussi contraires, & tellement repugnantes,  
qu'en matiere de religion, elles ne puissent auoir  
lieu. Nous sommes frappez tout ensemble & cō-  
ioinctement de ces deux maladies, de l'heresie  
& de la rebellion : lesquelles l'on ne guerit iamais  
par breuets, ny par parolles ou remōstrāces. C'est  
ce qui les entretient d'auantage (disent les anciēs)  
en leur cōtradiction, opiniastrētē, & outrecuidā-  
ce. Il y faut le cautere, ou le feu, par la commune  
practique de tous les siecles, nō pour les cōtrain-  
dre de croire, ou donner leur foy de nouueau à  
Dieu, car c'est vn acte pur, libre, & qui requiert  
vne ayde de la lumiere supernaturelle, cōme la re-  
ligion est supernaturelle : mais afin de les contenir  
& leur faire garder la foy qu'ils ont dōnee : & aussi  
afin qu'ils n'empeschent le cours de la foy, pro-  
uoyāt en ce (cōme diēt vn anciē) plus à la paix pu-  
blique, que lon ne fait force à la volonté des gēs.  
Aussi lon ſçait bien que Dieu ne les permet arri-  
uer iamais en vn Estat, ny que les particuliers y  
tombent qu'en son indignation, autant qu'il veut  
chastier, purger & couronner les esleuz, & autant  
qu'il punit & rend les heretiques instrumens &  
vaisseaux de son ire, & qu'il desſeigne les perdre  
par là, & en leur corps, & en leur ame tout ense-  
mble, cōme gens reprouuez. Et de fait, ne seroit-ce  
pas chose pleine de riſee, qui voudroit attendre à

*L'heresi-  
que pour-  
quoy per-  
mis de  
Dieu.*

pacifier l'Estat, iusques à ce que les Ministres qui  
 viuēt du mestier, ou que vn Viuās, Beau-pré, & les  
 autres principaux capitaines & mēbres de l'Hu-  
 guenoterie, que nous auōs nommé cy deuāt pour  
 môstres de nature, fusēt reduits & amenez à meil-  
 leure vie par sermōs & exhortatiōs? Ces-gēs vou-  
 droiēt-ils plus beau jeu, sinō que souz pretexte de  
 se laisser instruire, ils nous puisēt picourer, coup-  
 per la gorge, & se saisir des villes du Roy, comme  
 ils ont faict, tāt que ceste opinion de prescher &  
 d'instruire seulemēt le mōde a eu son cours? Ceste  
 gradation est cōfirmee par tous les anciens, qu'il  
 est difficile de conuertir vn Payen, plus encor' vn *Difficile*  
 Iuif, mais plus que tous, vn heretique, comme ce *conuerser*  
 peché irrite plus Dieu, & nous rēd plus indignes, *l'heresi-*  
 de sa grace, & priuez de sa lumiere, que nul autre, *que.*

La matiere dont il est question, & les poincts  
 controuerfés & differens sur la religion entre les  
 Cathol. & les Huguenots ne sont point indecis  
 souz la correction de la Declaratiō du R. de N. ny *Les diffé-*  
 qu'à ceste occasiō il soit necessaire d'vn Cōcile ge- *rens de la*  
 neral. Tous ces poincts ont esté cy deuant & par plu *relig. re-*  
 sieurs fois & en diuers tēps proposez, disputez, de- *salus.*  
 bātus, iugez, & resolus, voire aucuns à la submissiō  
 & confession volōtaire de leurs propres heresi-  
 ques, comme notāment celuy du S. Sacrement de  
 l'Autel de Berengarius par quatre & cinq fois, &  
 en diuers Conciles. Et par ce moyen telles opi-  
 nions en sont demeurees du tout estreinctes & as-  
 sopies, sans Ministres, & sans auditeurs, ius-  
 ques à Caluin ou Luther. Il y a eu iūfiniz Ar-  
 rests & iugemens donnez & executez en di-  
 uers siecles, & par diuers Euesques, Conciles, &

*Argumens  
infallible  
pour la re-  
lig. Cath.*

Monarques au profit de l'Eglise Catholique. Apostolique & Rom. cōtre leurs erreurs & opinions, demeurant le dire de Gamaliel pour vn argumēt infallible de la verité de la foy des Catholiques, Que si telles opinions contraires eussent esté de Dieu, elles eussent subsisté & preualu dés lors: aussi que n'ayant point duré, il s'ensuit bien qu'elles ne sont point du coing de Dieu. C'est chose, que il n'y a personne qui ne sçache que ceux qui ferment les yeux en plein midy. Les histoires & les liures des Peres, & les quatre Tomes des Conciles en sont tous pleins. Les peut lire qui veut, & la seule face exteriere de l'Eglise Cathol. qui en est demeurée victorieuse & maistresse du champ, en sert de preuve autērique à qui la sçait ou veult cōtēpler, outre les recueils & extraits q̄ plusieurs gens doctes en ont faiēt de nostre tēps. Et si en ce qui tōuche sō exclusiō du Royaume cōme heretiq. il n'en veut pas croire le susdi. Cōcile de Latran, pouuōs no<sup>s</sup> esperer q̄ il croie aux autres volōtiers?

*La ruzze  
des Hu-  
guenots.*

Mais, ie vous prie, voulez vous descouvrir leur ruzze, ils criēt pour leur maxime & fondement de religion, Qu'il ne faut rien croire, que ce, qui est expres en l'escriture sainte: que tout ce qui est du salut & de la foy y est cōprins en termes clercs: & qu'on l'entend aussi intelligiblemēt & facilemēt, qu'il se peut lire: ou bien qu'il faut que le S. Esprit en dōne particuliere instruction & reuelation aux predestinez. Car de ces deux opinions ils n'en sont pas encor bien d'accord entr'eux, quelle seule ils doiuent embrasser. Cela posé, ou l'une, ou l'autre, estant suyuē, que leur peuuent donc seruir les Conciles? Est-ce d'apprendre à lire la

Bible? Est-ce pour dōner visiblement ou avec toute certitude les particulieres inspiratiōs du saint Esprit à vn chacū qui en doubtera, ou qui en voudra? Il faut necessairement qu'ils renoncent & se departent de l'une ou de l'autre de ces opinions, pour dire, Ou que tout ce qui est de la foy, n'est pas clair & expres en l'escriture, Ou que le Cōcile ne sert de riē pour l'expliquer, & pour l'instruction de la foy. Ils tiennent que l'Eglise de Dieu, à laquelle on doit croire, est invisible, donc ils ne croient pas à celle qui est visible en l'assemblée generale d'un Concile: ains la tiendront, cōme ils font, pour l'Eglise & cōseil des malings. Ils croyēt *Concile nō* que les Cōciles tant generaux que nationaux, provinciaux, & particuliers peuēt errer en la foy, & *necessaire* qu'ils sont subiects à l'examen de l'escriture deuant *ny vtile* q de les recevoir, & y adiouster foy. Qu'est-il besoing dōc de les assembler, pour leur regard, estāt *aux Huguenots.* trop certain qu'on ne doit estre tenu de croire à celui, qui peut mentir & errer, & que ce ne seroit tousiours que circuit, suites & recheutes en la premiere question, doute, ou examen, si la foy controuuēe soit resoluē ou non, est cōforme avec la parole de Dieu, & si le sens que luy dōne le Cōcile est veritable? Et par cōsequent, encor qu'il semble en apparece que ceste cōdition soit fort receuable & pertinēte, si est-ce que par ce moyen tāt s'en faut qu'un Cōcile nous puisse esclarcir & faire certains du vray sens de la parole de Dieu, que au cōtraire il nous en rēd plus douteux & incertains, nous mettant en doute de la foy & fidelité de tous ceux, qui y peuuent de droict auoir voix, soit consultatiue, soit deliberatiue, ou definitiue.



*Iamais lay  
n'a eu voix  
en vn Con-  
cile Cath.*

Lesquels toutesfois Dieu a laissé pour tesmoins & truchemens de sa parole. Car en fin, de ceste sorte, qui sera le iuge & du Concile & de la parolle de Dieu? Outre ce, si'en ce Concile les seuls Prestres, ou Prelats, y opinent, comme emporte la nature d'un Concile, ce ne leur sera qu'une synagogue de malings: si les laiz ensemble, les Prestres ne le permettront iamais, ou ne s'y trouueront pas, cōme cho

» se inouye (dit S. Athanase) que iamais dès que le  
 » mode est mode, le iugement de l'Eglise aye pris son  
 » auctorité, ou d'un Empereur, ou, que ce soit, d'au-  
 » cun autre seculier: ny qu'onques cela aye esté tenu  
 » pour iugement. Aussi c'est chose monstrueuse que  
 les iuges & les parties opinent ensemble. Si telle  
 assemblée n'est que par maniere de colloques, cō-  
 ference, consultation, ou dispute, qui en a iamais  
 veu sortir des arrestz, ou resultats? & quand bien  
 lon tōberoit d'accord, qui n'arriua onques, s'y tiē-  
 dra qui voudra. Car quelle loy nous y peut astrain-  
 dre? A quel propos dōc demandent-ils un Concile

*Demande  
d'un Cōci-  
le fraudu-  
leuse.*

pour remede de nos miseres? N'est-ce pas se moc-  
 quer du monde & de Dieu, & amuser vn chacun,  
 afin qu'on ne pense ny pouruoye d'ailleurs à leurs  
 menees? Ce sont les drogues trop esuantees & re-  
 muées par tāt d'heretiques, qu'il n'y est tropé, qui  
 ne veut; ioinct qu'il n'est pas permis aux Catholi-  
 ques d'entrer en dispute des choses concernant la  
 foy, cōme fils en doubtoiēt (car la foy est tres cer-  
 taine) ains seulement pour l'esclarcissement de la  
 verité, & autāt qu'ils ont à faire à gens qui doutēt,  
 & lesquels se veulent instruire. Et n'y ayāt que le  
 Roy de Nauarre qui demande pour son instructiō  
 particuliere (dit-il) un Concile. Qui a iamais leu vne

semblable demande:& moins encor, qui a iamais *Nul Cōcile*  
 veu assemblee d'un Concile, soit general ou autre, *general*  
 pour si legere occasion & expectatiue? car ces Mi- *pour l'in-*  
 nistres se gardent bien de se monstrier si irresolus *struction*  
 que de demander un Cōcile pour s'instruire. Tout *d'un parti-*  
 au contraire, ils assurent & sont prests de se faire *culier.*  
 brusser sur ceste querelle, qu'ils sont enuoyez ex-  
 pressément de la part du S. Esprit, pour instruire  
 tous les Papes, Euesques, & tous ceux, de qui les  
 Conciles ont esté composez par tous les siecles  
 passez. De dire aussi, comme font plusieurs, qu'un  
 Concile n'est point chose impertinente, quand il  
 ne deuroit seruir que de pretexte & couleur de la  
 conuersion du R. de N. & afin qu'il se puisse reti-  
 rer plus honnestement & avec plus d'honneur du  
 party des heretiques, & monstrier qu'autre chose  
 ne l'a faict Catholique, que la force de la raison,  
 qui luy a esté enseignee par le Cōcile: outre qu'en *Le Concile*  
 ce cas il faudroit qu'il s'y trouuast en persōne, ce- *ne doit ser-*  
 la est si impudent & impie, que la meilleure respō- *uir de pre-*  
 ce, qu'on y puisse faire, c'est de n'y faire point re- *texte.*  
 sponce, & laisser les fols avec leur folie. Ils nous  
 accusent ou blasme de peu de charité, de ne vou-  
 loir regagner un Prince, de plaindre un Concile  
 pour un Prince, sur qui regarde ce Royaume, un  
 Prince, disent ils, suiuy de tant de milliers d'ames:  
 mais nous leur respōdons, q la prudēce est la gui-  
 de de la charité, & qu'elle ne s'estend point plus  
 outre que l'esperance reiglee. Que le Royaume ne  
 regarde que sur celuy à qui le droit de succession  
 peut toucher, cōme estant du sang baptizé, sans  
 s'arrestier ou mettre en cōpte celuy qui y a renon-  
 cé soit heret. ou apostat, qui en ce fait est moins

beaucoup que le bastard, biē qu'il soit proche d'aill  
leurs, avec nō moindre raison que nos anciē n'ōt  
mis au nōbre des Rois ceux qui n'ont esté sacrēz.  
D'auātage, qu'il n'y a nō plus d'apparēce que ceux  
de son party se rendēt Catholiques avec luy pour  
lors, qu'ils n'ont fait cy deuant, quand il en a faiēt  
profession durāt quatre annees. Finalement qu'il  
nous a trompez par sa feinte dissimulatiō & beau  
semblāt en rāt de choses que nous sommes aprins

*Nul Cōcile  
national  
biē provin-  
cial i. d'une  
province  
Ecclesiast.  
& meiro-  
politaine  
non profa-  
ne, ou de  
gouverne-  
ment.*

ne nous y amuser plus, mesmement sur telle frip-  
perie & vieux haillō, ou bien si vous voulez sur tel  
jargon propre à tous heretiques, sans qu'il practi-  
que plus auant sur nous & à nos despens la deuise  
commune de la nation, Biarnés faux & courtés.

*Nul Cōcile  
peut deci-  
der de la  
foy avec  
certitude  
que le ge-  
neral.*

N'obseruez vous pas comme ils font autant de  
cas d'un Concile national, que d'un general, com-  
me si en toute l'ātiquité Chrest. lon auoit onques  
ouy parler de Cōcile national, nō plus qu'on ne lit  
point qu'une nation comme natiō puisse estre iu-  
ge legitime de la foy Cath. c'est à dire vniuerselle,  
comme si on ne croyoit aux Conciles, que cōme à  
des consultations d'Aduocats, & autāt que lon est  
capable de leurs raisons, & non cōme à des iuge-  
mens asseurez, & par leur auctorité: cōme aussi si  
le pouuoir & les bornes d'un Concile national e-  
stoient telles, & d'aussi grāde estédue és questions  
de la foy, que d'un Concile general, qui avec cer-  
titude suiuit la promesse de Dieu, decide de nou-  
veau, non seulement des mœurs (cōme pourroit  
vn provincial ou national, s'il en y auoit) mais de  
la foy aussi: d'auantage, comme si le S. Esprit auoit  
esté aussi bien promis & asseuré à chasque mēbre  
de l'Eglise & particulier, cōme à tout le corps v-

niuersel & à l'Eglise Catholique. en outre, comme si toute l'Eglise assemblée en vn Concile general. *Lon n'est tenu de croire à vn Concile particulier.* pouuoit errer, aussi biẽ qu'une Eglise nationale & particuliere en vn particulier Concile. De plus, cõme si on estoit tenu d'auoir pour article du Symbole la croiãce à vne Eglise particuliere, & la foy à vne Eglise Gallicane, Françoise ou nationale, de mesmes qu'à l'Eglise Catho. & foy vniuerselle: ains comme si la vraye marque d'une heresie n'estoit pas (dit Liricẽce) d'estre vne foy ou opinion particuliere de certaines saisons, lieux, personnes, gens ou nations (car ce que nous disons croire à l'Eglise Romaine, à ses peculieres & propres raisons, que lon peut apprendre des Theologiẽs, & de la leçon des anciens peres: parce qu'elles sont diuerses, & que ce seroit se diuertir icy par trop.) Brief, cõme si vn siege de Seneschal auoit autãt d'auctorité qu'une Cour de Parlement: il ne leur chaut, pourueu qu'ils parlẽt qu'ils deçoiuẽt, & embrouillent le monde. S'ils demãdent de bon cõcur, & sans fraude, que l'Eglise s'assemble. Il faut donc estre d'accord de quelle Eglise ils parlẽt. S'ils disent, de la vraye & de celle de Iesuschrist, ce n'est pas assez: il faut esclarcir & resoudre premierement si c'est de la leur ou de la nostre, ou de celle des Lutheriens, Anabaptistes, ou d'autres. S'ils disent de la leur, lon ne ioindra pas de long temps. S'ils disent de toutes celles qui se disẽt fondees en Iesuschrist *Pro bono pacis*, & pour en faire vne bonne vnion, & auoir voix esgalement, tant laics que clercs. L'escriture crie au contraire. Qu'il n'y a nulle communion de Christ à Belial, ny aucune societé du fidele au mescreoyant. Et aussi est-ce chose ridicule

*Prealables à accorder pour tenir vn Concile.*

*Vn Concile  
cōposé d'Ec-  
clesiastiq.  
comme le  
Parlement  
de Presi-  
dens &  
Conseil-  
lers.*

de dire, que tous estans si contraires, soiēt ou puis-  
sent estre ceste Eglise, & ce concile general, qui a  
l'autorité de Dieu de decider de la foy, non plus  
que l'assemblée des beurriers du petit pont, ou  
des crocheteurs de la Greue, ne faict iamais la  
cour de Parlement. S'ils consentent aussi d'enten-  
dre par l'Eglise celle des cathol. de laquelle le Pa-  
pe, les Euesques, & les Prestres sont les vrais Pa-  
steurs, & desquels le corps d'un concile est com-  
posé, comme les seuls Presidens & cōseillers sont  
le corps de Parlement, en cela seul qu'ils se souz-  
mettent à son iugement, ils sont catholiq. (dict S.  
Hierosme) & faut par consequent qu'ils se depart-  
tent, & qu'ils chassent leurs Predicans & faux sup-  
posts: afin de se laisser instruire par ceux là: mais  
aussi iusques à ce qu'on soit d'accord de ce poinct,  
il n'y a si grosse beste qui ne voye bien que tout le  
reste n'est qu'un bastelage, & qui ne peut tourner  
qu'à risée & moquerie de Dieu & de sa religion:  
& outre ce, il est necessaire estre d'accord de quel-  
le autorité, & par qui ce concile doit estre cōuo-  
qué, qui doit y auoir presidence, entree seance, &  
voix, de quelle vertu & efficace seront ses decrets,  
soit qu'il soit national, soit qu'il soit general, si ce  
sera de sentence, de conseil, ou d'arrest, & s'il y  
pourra auoir appel, ou execution, nonobstant op-  
position de celuy qui pourra dire, entēdre mieux  
l'escriture, que tout ce concile: car ce sont choses  
qui sont toutes preallables, & dont toutes fois lon  
n'est pas moins en differēt, que du fonds de la do-  
ctrine de la foy, & de ce qu'ils appellent abus. S'il  
y auoit doubte de la foy de l'Eglise catholique, &  
qu'entre les Euesques & Prestres qui la doiuent

enseigner, il y eust du debat, il seroit tolerable de les assembler: mais puis que Dieu mercy lon n'est pas en ces termes, il est bien aisé d'en sçauoir leurs opinions, sans reiterer concile sur concile pour si peu, à la façon, dont nous lisons ce grand Empereur Leon premier de ce nom, auoir fait, pour s'instruire & resoudre sur ce qu'on deuoit sentir du concile general de Chalcedoine, ou s'il y auoit lieu d'en assembler vn de nouveau: car ayât escrit à tous les Euesques, afin que chascun luy en mandast son opinió, & les trouuant toutes conformes à l'approbation dudict concile, il n'y fist plus aucun doute, ains chassa du siege de l'Archeuesché d'Alexandrie vn Ælurus, qui l'auoit voulu persuader au contraire, & lequel pretendoit avec ses sectateurs, qu'il falloit reuenir à vn nouveau concile, pour la reuision du procès, & examen de la doctrine, qui estoit pour lors en dispute.

*Moyen  
contre la  
demande  
d'un Con-  
cile.*

Mais soit general ou particulier concile, ils montrent par effect ne croire non plus à l'un que à l'autre. S'il est national, ils appellent au general: si est general, ils appellent à Dieu & à l'Ecriture, laquelle ils font seul iuge, & comme aussi du sens d'icelle ils se constituent seuls iuges & censeurs, c'est autant que s'ils appelloient à eux-mesmes. Cela ne se voit-il pas dans Sleidan de Luther, qui premierement appelle du Legat du Pape au Pape, puis du Pape mal aduerty, au Pape bien aduerty, depuis sentant qu'il s'en alloit condamné du Pape au concile general, & d'iceluy à l'Ecriture, à l'imitation de ce ruzé Arrien Martirius, lequel, comme il se liét parmy les œuvres de S. Athanase, appelloit tousiours à vn

*Les Hug.  
ne croient  
à aucun  
Concile.*

*Les Conciles  
seruēt de  
loy. & non  
d'instru-  
ctiō seule.*

concile general, cōbien qu'iceluy de Nice en eust desia decidé. Aussi ne recognoissēz vous pas aux seuls mots de ceste Declaration publiee au nom du R. de N. les eschappatoires, qu'ils se gardent, aduenant qu'on leur accorde vn concile? Il dict qu'il est resolu de receuoir instruction par iceluy. Si les arrests des cours de Parlement ne seruoient que d'instruction aux parties, & non d'ordonnance, y auroit-il iamais fin de procès? Le condamné ne se defendroit-il pas tousiours, que les iuges n'ont pas bien entēdu la loy? Ne sera-ce pas le mesme des conciles, si on ne leur baille auctorité d'ordonner, & non seulement d'instruire, cōme vn Regent en classe, vn Aduocat au barreau, ou vn Prescheur en chaire? Et d'ailleurs en matiere de Religion, qui ne sçait que l'instruction suit & presuppose la foy? car nous n'estudiōs & n'apprenōs pas, comme dict souuēt S. Augustin, pour croire, mais pour entendre ce que nous croyons, suiuant le dire du Prophete esaye. Vous n'etēdrez point si vous ne croyez? Aussi la foy viēt du don de Dieu & la sciēce de nostre peine entēdemēt & labeur.

*Plainte  
du R. de  
N. puerile.*

Pourtant y a il rien plus puerile & moins honorable, que ce que le R. de N. se plaint, que nul n'a iamais pensé à prendre la peine de le conuertir, ains qu'il a veu par longues annees tous ces zeleurs assemblez pour le destruire, mais nul pour l'instruire? Il se glorifie de ne douter aucunement en la foy, ains en estre tres certain. En quoy donc le peut on instruire?

Nous lisons bien certains Rois, comme enuirō l'an 615. Edwin Roy de Northūbrie & Ethelbert Roy des Cancien en vostre Angleterre, n'ont ja-

mais voulu receuoir le christianisme qu'après plusieurs disputes & cōferēces de la foy avec les plus sçauāns chrestiens qu'ils ont peu trouuer : mais que iamaïs aucū Roy aye prins pour excuse de son infidelité ou heresie, faute de gens & moyens pour s'instruire, cela a trop d'affaires & de fard en soy, mesmemēt pour le R. de N. qui a eût, cōme nous auons dict, instruit & catechisé si long temps par des plus doctes de la France, & par consequēt du mōde. Et lequel par l'espace de quatre ans a assisté & ouy cōtinuellemēt avec le Roy tous les sermōs qui se sont faits en Cour, aussi ordinairement qu'en Parroisse qui soit. Et lequel aussi s'estāt rendu heretiq. s'est nō seulement mocqué & du Pape, & des Euesques, & de tous Docteurs Catholiques, mais leur a faict la guerre mortelle de tout son possible, & incité les autres d'en faire le mesme.

*Iamaïs Roy  
ne s'excusa  
à fause  
d'instruction.*

N'y a il pas pour rire, si c'estoit vn autre qui ne portast tiltre de R. en ce qu'il se plaint, que le Roy qui luy fait la guerre, ne l'aye fait instruire deuant que de le destruire, qui est autant cōme s'il disoit, deuant que la volōté luy soit venuë d'estre instruit. Il s'escrie de cruauté contre sa Majesté, qu'on l'aye prins de si pres, cōme s'il n'a peu pēser à son salut en quatorze ans qu'il y a qu'il se rendit Cathol. & qu'il a ouy parler de Dieu en l'Eglise. S'il auoit volōté de s'instruire, n'auoit-il point le moyē d'appeller les mesmes Docteurs, ou Prelats, que le roy luy eust sçeu enuoyer, faute de ne pouuoir sçauoir lesquels estoient suffisans ou propres à ce : & où ils demeueroient sans la Majesté & son conseil l'en a elle peu empesché? Et d'auātage est-ce vne belle defence, ou defaictē à vn iuge de demāder à estre

*Ridicule se  
plaindre à  
fause d'instruction.*



*Le Roy de  
Navarre  
deuoit se  
faire in-  
struire de-  
uant que  
abjurer  
la foy Ca-  
tholique.*

instruiet du procez apres qu'il a prononcé la sen-  
tence ou l'arrest? c'estoit lors qu'il deuoit deman-  
der d'estre instruiet, deuant qu'il eust renoncé &  
adiuré la foy Catholique. Il deuoit prendre la pei-  
ne d'entendre les raisons & les causes de iusti-  
fication de l'Eglise Cathol. Apostolique & Romaine  
deuant de la condâner & reietter. Car nous  
pensons bien qu'il ne se voudroit pas vâter de les  
auoir ouyes, ou de les sçauoir & comprêdre tou-  
tes: si l'a esté si prompt & volontaire à se departir  
du giron de l'Eglise; comment peut-il faire à pre-  
sent tât du retif, ou du rechincux à la recognoistre  
pour mere? Mais bõ Dieu qu'ont fait autre chose  
le Roy & la Royne mere durât tât de tēps, que de  
tascher à le ramener à ce poinct, qu'il se voulust  
laisser instruire? Ne luy ont ils pas bien tesmoigné  
en ce, ne haïr que son herésie, & non la personne?  
Luy a on iamais dénié aucũ office en cest endroit?  
& quād on s'y est offert, mesmes depuis qu'il s'est  
separé de la Cour & fait heretique, a il voulu es-  
couter? Qu'il confesse donc la verité, c'est que le  
Roy n'a point tasché de le destruire, que confor-  
mement à ce que dit Dieu par le Prophete, le re-  
ietteray, par ce que tu as reietté la science: C'est  
à dire qu'apres qu'il a refusé & mesprisé par tant  
d'annees de s'instruire, & qu'il a mōstré toute ob-  
stination offensiue, factieuse, pernicieuse, & defes-  
perée contre l'estat & le repos des Catho. Ha, il  
deuroit reseruer d'éployer les moqueries en cho-  
se de moindre importance. Car nous ne pensons  
point (soit dit sans cōparaison de luy au Roy) qu'il  
le print en autre sens. Si les Cathol. de Cahors,  
Mâde, Perigueux, & autres villes du Roy, qui ont

*Moque-  
rie du R.  
de N.*

esté pillées & destruites par luy, ou par son commandemēt, se plaignoient de ce qu'il les a plustost faictz destruire qu'instruire, ils le pourroient dire avec autant ou beaucoup plus de raison, que luy, parce qu'ils sont de la religion de leurs peres, & inexcusables pour ne leur auoir esté presché autre doctrine, Le mesme se peut dire de nous tous vrais Catholiques, qui le requérons iustemēt de ne forcer point nos consciences pour nous faire recevoir vn heretique pour Roy, deuant qu'au préalable il ne nous aye instruits, ou faict instruire deuēmēt & à la façon qu'il le demande pour soy, que nous le pouuōs & le deuons faire en saine conscience & selon Dieu, & nonobstant tout ce que les Docteurs Catholiques & l'Eglise saincte en a peu dire, ordonner & practiquer iusques icy.

*Les Cat.  
demâdēs  
estre in-  
struits  
deuant re-  
cevoir à  
la Royau-  
té le Roy  
de Naua.*

Le Roy de Nauarre pretend, qu'il ne se faut arrester au Concile de Trête, & qu'iceluy n'est suffisant pour son instruction, & allegue pour ses raisons tant de faictz supposez & si esloignez de la verité (sauf sa correction) que nous ne nous pouuons esbahir assez, comme il peut ainsi croire ces choses, & comme il pense trouuer gens qui soient tant à sa mercy, que de se promettre de leur faire croire tout ce qu'il luy plaist, soit faux, vray, ou impossible. Celle là n'est-elle pas trop grossiere entre ses nullitez pretendues (pour nous contenter de ces trois ou quatre pour le present.) Que la continuation de ce concile ayant esté longuemēt poursuyue par le feu Roy Charles, fut en fin obtenüe du Pape Paul tiers. Car qui peult doubter (c'est chose de trop fraische memoire) que Paul tiers ne fut souz terre plus de 10. ans deuât que le

*Responce  
aux obie-  
ctions du  
R. de N. ;  
contre le  
Cōcile de  
Trente.*

Roy Charles paruint à la couronne? Y a il aucun si peu nourry és formes & expéditions de Cour, qui ne rie son saoul, lisant que les instructiōs des Ambassadeurs du R. (car c'est chose bien ordinaire) ont esté premierement cōmuniquees & approuuees par la Sorbonne, & les Docteurs d'icelle? Oū est le clerc du moindre Procureur du Parlement de Paris, qui ne rougit de compter pour nouvelles du Palais (que ie ne die faictes à plaisir:) Qu'il aye esté faict instance & poursuite souuent pour recevoir & publier ledict Cōcile en la Cour de Parlement de Paris, & que ladicte Cour, les châbres assēblees, l'a tousiours empesché, mesmes l'ā 1572. apres la S. Barthelemy? Car qui est le Chancelier qui a seellé les lettres patentes d'adresse à ladicte Cour? Qui est le Secretaire d'Estat, ou autre qui les signe? De quelle datte sōt elles? Qui est le Procureur du Roy qui y a prins ses conclusions? Qui en a esté le Rapporteur? Certainement toutes ces choses (afin que nous raisions ce, qu'il allegue de plus caché & de plus loing) dōnent biē à cognoistre à vn chacun, que ledict sieur Roy aime bien peu la verité & son honneur, & qu'il ne merite pas sans cause la recōpense, qu'Aristote dict estre deuē, & arriuer à celuy qui auance contre la verité, à sçauoir que personne ne luy adioust foy, non pas mesmes en ce qu'il peut dire de vray. Quelle asseurāce peut on auoir de tout le reste de sa declaratiō: puis qu'il oze nous tromper en chose si euidēte? ou biē qui croira, qu'il sçache (cōme il se iacte) plus certainmēt que les Catholiques, les nouvelles de ce qui se faict en Paradis, & de ce qui est de la volonté de Dieu, puis qu'il ignore ce qui se faict

*Mensonge  
du Roy de  
Navarre.*

faict à ses pieds, & deuant ses yeux, selon que reprochoit la vieille à Solon, si tant est qu'il n'aye tresbuché en ce, que par ignorance, & non de mauuaise intention, comme toute sa declaration n'est farcie que de faicts inuentez & de beaux mots & pretextes à plaisir?

Son Apologetiquere n'est pas moins plaisant en ce, qu'il debat la vertu de ce Concile: parce, dit-il, par sa premiere raison (pour ne toucher à present que celle là) que les Ambassadeurs du roy n'y ont tenu leur rang comme si c'estoit vne condition necessaire & inseparable de la promesse de Dieu, touchant l'assistance du saint Esprit à son Eglise assemblee mesmement en vn general Concile, & qu'au defect de l'Ambassadeur de France, ou de sa legitime seâce, le saint Esprit fut rebuté, à ne s'y trouuer point pareillement. Mais quand bien cela feroit, de quoy se plaint on à teste saine? A on deslogé les Ambassadeurs de France de leur rang ancié, legitime, & ordinaire? leur a on desnié leur seance? C'est à sçauoir second lien consecutiuement & le premier immediatemét apres l'Ambassadeur de l'Empereur? Les a on voulu empêcher à la tenue ou closture du Concile de tenir la mesme place, qu'ils auoient faict dés le commencement & tousiours? Si pour le bien de la paix & l'vnion generale de la Chrestienté, & des Princes Catholiques, l'Eglise, côme la mere commune & prudençe y a receu & donné place separee & hors le rang des Ambassadeurs, à celuy de l'Espagne, pour proposer de la part de son maistre ce qu'il auoit en charge, accepter, s'obliger & souscrire de sa part aux decretz qui s'y feroient, laissant les Am-

*Nul lors  
faict au  
Roy par  
le Concile  
de Trête.*

*3. 1.  
est de  
à la ten  
à la ten  
à la ten  
à la ten*

bassadeurs du roy de France en leur mesme rang,  
 place, & prerogatiue ordinaire de fils aisné, quel  
 tort y a receu la France? Celuy d'Espagne demãde  
 les preceder, & estre assis apres celuy de l'Empe-  
 reur, & deuant ceux de France, il est debouté de sa  
 requeste & pretention, & ceux de France au con-  
 traite maintenus en leur ancienne & premiere  
 possession. Si l'on se pouuoit plaindre de l'ordon-  
 nance de l'Eglise & d'un concile, n'est-ce pas ce-  
 luy d'Espagne qui a perdu sa cause, & auquel y  
 toucheroit de faire du mal content. D'opiniastrer  
 aussi qu'il n'y deuoit auoir aucunement scance à  
 part, puis que celuy de France a la sienne, & qu'il  
 y va de l'vniõ de la chrestienté: C'est se mōstrer  
 en petite ceremonie (au pris de l'vniõ de la Chre-  
 stienté) trop amateur de chisme & de diuision, ou  
 bien trop enuieux. Et à ceux là l'Eglise leur pour-  
 roit iustement respondre avec nostre Seigneur,  
 „ L'amy ie ne te fais point d'iniure: qu'il te suffize  
 „ de prendre ce, qui est à toy.

*Les Estats  
 de Bloys  
 ont declaré  
 le R. de N.  
 exclus de  
 la Couron-  
 ne.*

Outre l'auctorité de l'Eglise, & la sentence du  
 Pape pour l'exclusion du R. de N. heretique, nous  
 disons, que c'est chose ja pareillemēt iugée par in-  
 finies assemblees des Estats generaux de ce Roy-  
 aume, & par plusieurs Arrests des Parlemens, en  
 ce qu'ils ont auctorisé & ordonné l'obseruance des  
 Cōciles contre les heretiq. & avec les peines ciui-  
 les. Mais notāment & singulieremēt il y en a esté  
 donné vn insigne prejugé par les derniers Estats ge-  
 neraux de Bloys tenus souz vn Roy maieur à la su-  
 scitatio du R. de N. & des Huguenots. Car ils ont  
 du tout passé par declaration expresse prononçans  
 tous d'un cōmun accord, & vnanime cōsentemēt

& les signés par le Greffier de chacun ordre, Que l'exercice de la nouvelle opinion (car ils ne l'ont voulu iamais nommer plus honorablement) ne deuoit estre tolleré ains tous les Ministres d'icelle chassés du Royaume: & que la Religion Catholique, Apostolique, & Romaine estoit la loy principale & fondamentale de ce Royaume, tant en la personne des Roys, que des suiets: & singulièrement en ses propres termes. Que l'on ne peut ny ne doit admettre ou tollerer à Roy vn heretique, ou autre qui ne soit de ceste Religion, ainsi qu'il se peut voir par la declaratiō & instruction, qui ont esté imprimees & publiees en diuers lieux.

Ceste declaration de tous les trois ordres fut trouuee pour le réps, qu'on preuoioit si necessaire d'estre signifiee & exploictée aux trois chefs du party, qui faisoient la guerre au Roy & à l'Eglise. *La declar. des Estats signifiee au R. de N.* Cathol. és trois diuerses Prouinces du Royaume, que les Estats deputerent vers eux avec memoires & instructions bien amples à ces fins. Et ceux qui allerēt vers le R. de N. sont Mōsieur l'Archeuesque de Vienne, le Sieur de Rubempré, Cheualier de l'ordre du Roy, & Cōseillers en son Cōseil priué, & le Sieur Mesnager, General des fināces en Languedoc. Vers Messieurs les prince de Cōdé & Duc de Montmorēcy d'autres: & vers vn chacun d'eux, vn de chacun ordre, de l'Eglise, de la Noblesse, & du tiers estat qui tous leur laisserent copie de leurs instructions: afin qu'ils n'en puissent pretendre à l'aduenir cause d'ignorance, ou de tergiversation.

Et tant s'en faut, que sa Majesté n'accordast ou n'approuuast volontiers ladite declaration, que ce fut sa Majesté, qui feit proposer ausdicts Estats d'y

*Le Roy ra-  
sifie la de-  
claration  
des Estats.*

enuoyer expres vers iceux aucuns de leur corps, comme de sa part il y vouloit enuoyer aussi, pour leur faire mesme declaration. Et à ces fins bailla la charge à mōsieur le mareschal de Birō (ce Achilles François, Cheualier sans reproche, & grand amateur des loix du Royaume) de l'aller faire entendre au R. de N. avec instructiōs bien amples sur ce. Et n'y a lieu d'eluder, comme on fait ce iugement des Estats & du Roy, comme si c'estoit (ainsi que dit le R. de N.) vne assemblee suscitee par la presente Ligue. Car c'est redre trop sots & le R. & tant de grands personages, & c'est se contrarier trop appertement à la respōce qu'il leur fit & de bouche & par escrit, lors que la memoire luy en estoit plus fresche, les reconnoissans pour vrais & legitimes estats: & moins encores comme si ce n'estoit qu'un arrest cōminatoire. Car cela est trop grossier, & indigne de tout hōme de sens commun. Il est certain que c'est vne tres-deliberee resolutiō, & vn tres-ferme preiugé de tout l'Estat contre le R. de N. Il y en eust oncques aucun. Et en tout euenement ne peut qu'elle ne serue beaucoup pour tesmoignage du sens & de l'explication de la loy Salique: & comme elle ne peut auoir lieu en vn heretiq. ny en autre quelconque, qui ne soit Cath. quelque chose qu'ils sçachēt escrire au cōtraire, au liure qu'ils imprimēt à present à la Rochelle chez P. Hautin de la loy Salique: de sorte que si le R. de N. parle comme il entēd, & sans fraude, puis qu'il dit: vouloir acquiescer tres-volontiers à ce qui en sera ordōné en vne assemblée des Estats de ce Royaume, que peut on dōc desirer de plus pour le rendre sans iuste exception ou defence, si ce n'est que



tous les iours l'on face autant de nouuelles assemblees d'Estats, qu'il faut ietter & piper le dé pour rencontrer vne bonne chance à son souhait.

Mais si iamais affaire a esté vuidé authentiquement & canoniquement, & en poinct d'estat, & en cas de consciëce, c'est à dire selô les loix d'estat, & le bien du Royaume, & selon la loy de Dieu, la creance des Catholiques, les saincts decretz & Conciles, & selon le deuoir que nous auons à Dieu & à nostre patrie, & pour le repos de la consciëce de chacun Catholique, & la commodité & aduantage de ses biens & fortunes, c'est celuy là, Que le R. de N. estant heretique ne peut & ne doit estre receu à la couronne de France. Tellement que de penser prouuer le contraire par voye de raisons, à vn François & Catholique mesmemêt, ils en deueroient auoir hôte: car à la verité ce n'est pas moindre entreprinse, ains plus exorbitante & dangereuse, que celle d'Anaxagoras soustenant que la neige estoit noire, & de Fauorin, que la fleur que re estoit souhaitable, & fort bonne, combien que l'un & l'autre aye tiré par sa subtilité en son opinion, grand nombre d'hommes.

*L'exclusiō  
du R. de  
N. iugee  
authentiquement.*

“  
“  
“  
“

Qu'un Iuif dispute & soustienne enuers vn heretique, ou vn Payen, que la Circoncision n'est point necessaire, cela est humainement tolerable: mais qu'il le vueille prouuer & opiniastrer enuers vn vray & naturel Iuif, & vn estat qui obserue la loy Iudaïque, cela est hors de tout bon sens. Car celuy-là meriteroit sans difficulté d'estre chassé comme vn fol & impie, suyuant ce que la loy de Dieu commande à vn chacun de luy courre sus par voye de faict. Aussi n'en doit il pas estre moins

*L'absurdité d'entreprē  
à prouuer  
la receptiō  
du R. de  
N.*



de celuy qui pretend prouuer aux Catholiques, à vn estat, & à vn monde Catholique, Qu'un heretique qui condamne directement leur foy & religion, leur puisse commander en façon ou charge quelconque, soit de Roy, ou autre. Parquoy nous osons bien dire, que d'en douter & disputer seulement apres telle nuée de raisons & tesmoignages, ce seroit le faict d'un pur & naïf heretique (puis qu'un, & plusieurs Conciles generaux, dit S. Aug. en ont donné leur Arrest) & d'un enragé (puis qu'il y a le consentement vniuersel du monde) & d'un rebelle & seditieux (puis que c'est contre la volonté du Roy, & des Estats generaux de la France, & des loix du Royau.) bref, d'un vray insensé, & acariatre, qui ne respecteroit ny droit, ny raisõ, ny superiorité quelcõque, & qui pëseroit estre seul sage.

*Responce  
aux Edits  
de Pacifi-  
cation.*

De se vouloir ayder, pour legitimer la succession d'un heretique à la Couronne, de ce que plusieurs Edicts & Arrests de nostre temps, depuis 21. an, declarét habilles à toutes successiõs les heretiques, ou ceux de la nouvelle opinion : quand bien il seroit ainsi, de quoy toutesfois il ne sy lit pas vn seul mot, encore qu'ils ayent talsché l'y faire inferer, si est-ce chose ridicule & hors de toute apparence de raison pour authoriser la succession d'un heretique au Royaume. D'autant que ce sont Edicts & iugemens faicts par la force d'armes, dictez contre droit avec la poincte de l'espee, & qui n'ont esté iamais receuz ny emologuez és Courts de Parlement, qu'en consequence du premier de tels Edicts, à la verification duquel furent mis ces mots, Que c'estoit pour l'vrgente necessité du temps & obtemperant à la volonté du Roy, sans

approbation toute fois de la nouuelle Religion: & “  
 par maniere de prouision: & lesquels on pretend “  
 à iuste occasion estre nuls de soy, & si, estre anul- “  
 lez par l'Edict de Reünion. Mais quand bien ils  
 auroient esté faicts de la pure volóté de nos Roys  
 (qui seroit les iniurier par trop) si leur ratiocina-  
 tion est bonne, ne peut on pas inferer pareille-  
 ment, que les Huguenots & Caluinistes doiuent  
 estre bruslez: par ce que durât les regnes des Roys  
 François & Henry ils l'estoient suyuant les Edicts  
 & Arrests de ce temps là? Mais comme ils se plai-  
 gnent & debattent cōtre ces Edicts & Arrests-là,  
 aussi font, & plus iustement beaucoup les Catho-  
 liques contre ceux-cy, qui ont esté faicts en con-  
 sequence des troubles, & de la pretenduë liberté  
 de conscience. Tellement que d'en vouloir tirer  
 preuue, c'est reprendre le commencement que di-  
 sent les Philosophes, & reuenir à la chanson de  
 Recocher, que disent les enfans. Combien que  
 ces mesmes Edicts & Arrests, dont ils se targuent,  
 ne permettent ceste liberté, ou pour mieux dire,  
 licence de conscience, que comme cy deuant l'on  
 a faict les bourdeaux, pour euitier plus grand mal  
 & desordre. Et, ie vous prie, seroit-ce vne gran-  
 de iustification de son impudicité à la fille de ioye,  
 d'alleguer la permission des Edicts & Arrests sur  
 la tollerance des chants gaillards & des hulots?  
 Car il y a grande difference d'auoir remission,  
 ou abolition des peines ciuiles de la loy, ou fai-  
 re bien, & estre iustifié homme de bien, soit  
 enuers Dieu, soit enuers les hommes. Mais en-  
 cor que peuuent seruir ces Arrests & Edicts au  
 cas duquel il est question? Ils permettent bien

qu'on tollere pour vn temps l'heretiq. viure souz l'obeissance d'un Roy tres-catholique; mais cela est bien loing d'establi l'heretiq. en Roy & maistre, & faire que tout au rebours le Catholique soit remis, ou tollere souz l'obeissance d'un Roy heretique. C'est autre chose de permettre au chrestien vn seruiteur infidelle, autre chose de faire que l'infidelle soit s<sup>on</sup> maistre. Car cestuy-cy n'a esté iamais permis en vn estat Chrestien, par ce qu'il y a trop de danger de la foy, ou en l'autre il est plus vray semblable, que le seruiteur qui est conduit par le commandement du maistre se conuertira avec le temps à la foy du maistre fidelle, que non pas, que le maistre infidelle se conuertisse à la foy du seruiteur Chrestien? L'on ne peut aussi tollerer vn Roy heretique quand l'on s'y peut opposer, & ce pour euitier pis ou plus grand inconuenient. Car plus gr<sup>and</sup> malheur ne pourroit arriuer iamais aux Catholiques ny à ce Royaume, que de receuoir & tomber souz la domination d'un heretique. Si la raison d'estat nous le deffend: si la verité de la foy & de la religion Catholique nous en empesche: si le respect, que nous auons à Dieu, nous en deterre: si la memoire de l'antiquité, & l'honneur enuers le roi, nous en diuertit: si le bien du Royaume, & le salut de nos ames nous en oste tout moyen: si finalement nous ne pouuons craindre pis: quelle folie est ce de nous precipiter volontairement & à nostre escient en cest abyssme de malheurs? En tous cas si ces Edicts de Pacification ont esté accordez contre la volonté de nos Roys, & qu'ils ont tousiours cōfessé soit de bouche, soit par autres Edicts & declaratiōs cōtraires; mesmes quād la guerre a

*Tels edicts  
contre la  
volonté de  
nos Roys.*

esté renouvellee, cōme en l'an 1568. & 1573. & autres, que c'estoit par la seule contraincte, & pour s'accōmoder au temps, qu'ils sy estoient laissez aller : mais que leur intention auoit tousiours esté d'abolir la pretendue religion. Si le Roy singulierement lors mesmes qu'il a consenti à l'Edict dernier de Pacification en l'an 1577. a protesté n'auoir intētion de le garder, qu'autāt que la necessitē durerait, comme nous auons dit, & que chacun sçait (si disons nous) tous nos Roys, & toute la France ensemble ont cōdamné pour chose iniuste & indeuē en soy le contenu en tels Edicts & Arrests, faicts en consequence d'iceux, & estans contre le serment Royal, lequel toutes les Courts de Parlement sont chargees d'acquitter, contre la disposition du droit, contre les ordonnances & loix du Royau. & que les Hug. & le R. de N. n'ayent autre fondemēt que leur autoritē, ne s'ensuit il pas bien par cela mesmes, qu'au sentimēt de tous nos Rois, des Courts de Parlement, & de toute la France lui & tout heretiq. est inhabile par droit & raison de toute succession, quelle qu'elle soit? Toutefois si la consideration des choses passees ou tollerees depuis xx. ans ou plus en ce Royaume à l'occasiō des troubles doit seruir de raison, ou de loy, pour establir ou regler la forme ordinaire de l'Estat, qui ne voit, que par cela mesme le R. de N. estant heretique ne peut estre non plus receu au Royaume par droit & iustice, que ne luy ny autre heretique n'a esté tolleré q̄ par la seule force & la rage des guerres ciuilles : & que notamment ny le Roy ny les Cathol. n'ont voulu receuoir ny recognoistre par effect ny au cōseil & maniemēt des affaires de tout

Pa. 126.

Tout heretique inhabile à succession.

La prai-  
que des E-  
dicts ex-  
clud le R.  
de N. du  
Royaume.

*Si le R. de  
N. a esté  
chassé des  
villes &  
gouuer. &  
conseil sur  
les Cath. à  
plus forte  
raison de  
sous le Roy-  
aume.*

l'Estat, ny au gouuernemēt des prouinces & villes particulieres aucun heret. quelque Prince du sang qu'il fust, & quelque prerogative & dignité naturelle qui soit acquise des le berceau à tous les Princes du sang, en ce, qui est d'auoir part en la cōduite de l'Estat. Et s'il a esté non seulement permis, mais trouué iuste, & cōmandé par expres, voire en tēps de paix, de ne les recognoistre en effect, ny leur obeir, ny receuoir es villes Cathol. ny cōme Princes, ny cōme Gouverneurs en tiltre & office de Picardie, de Guienne, ou d'ailleurs, non plus que l'Espagnol ou le plus grand ennemi du Royaume, & ce à l'occatiō de leur heresie, ains qu'ils ont esté forclos des pays & villes Catholiques, & notamment chassés & bannis à dix lieues de Paris avec leur exercice de religion: & partāt si l'heresie a esté suffisante pour les destituer & despoüiller de l'autorité & puissance, que Dieu, la nature, & liberalité des rois leur auoit doné, acquis, & accordé sur les François & bons Cathol. & les affaires d'estat à l'approbatiō de leurs Majestez, de tout l'estat, & du commun consens & accord des Catholiques, quelle apparence y a il que les Catholiques, pour estre fidelles à Dieu, au Roy, & à tout le Royaume ne les ayent voulu, ny deu recognoistre en si peu de chose, que le gouuernement d'une prouince, ou ville, au pris de la Royauté, pour Prince du sang Royal, ny pour bons suiets & officiers du Royaume, apres qu'ils sont deuenus heretiq. ny avec l'exercice de leur religion, à cause du danger qu'il y a de la part de l'heresie, & pour les maux que l'experience a tousiours monstré, que l'heresie procure ordinairement contre les Cath. & qu'ils

puissent iustement deuoir ou pouuoir les receuoir & admettre, cōme Princes du sang à la Couronne, à cōmander avec leur religion dans Paris, les bonnes villes, & au gouuernement general de tout l'estat en qualité de Roy & de Seigneur souuerain?

S'ils disent, que tel refus par le Roy & les Cath. à les admettre au maniemement des affaires, & à les receuoir és villes de leurs gouuernemens & du Royaume selon leur qualité est cōtre droit, & raison, & singulierement contre le propre Edict de pacificatiō, il nous suffit qu'on soit d'accord du faict touchant le refus. Car il sera tousiours beaucoup plus croyable, & plus assuré, principalemēt enuers eux mesmes, qui le font, que le Roy & les Cath. ses bons subiects ont le droit de leur costé.

Et pour le regard de leur exclusion à la Royauté, quand nous aurions faite de tant de raisons susdites, peuuent ils se plaindre si leur dire, exemple, & raisons, nous seruent d'instruction & de la loy, à ce que nous auons à faire en tel cas? Nous peuuet ils blasmer si nous appellōs raison & droit ce, qu'eux mesmes baptisent pour tel? Ils ont définié en tout temps & par raison, disent ils de droit, & de conscience, l'entree de la Rochelle, de Bergerac, de Mōtauban & autres villes qu'ils tiennēt au Roy, comme estant Cath. & à tous les Catholiques, qu'ils ont pēsé les pouuoir dominer & leur donner la loy de sa part: & y ont admis & receu à leur commander secrettement ou manifestement selon le temps, tel de leur religiō, qu'il leur a pleu, nous disons donc qu'il est pareillemēt loisible aux Cath. de fermer les portes de Paris, de Tholoze, de Rouën, de Lyon, & generalement de toutes les

*Le dire &  
l'exemple du  
R. de N.  
l'exclus de  
la couronne.*

villes & lieux qu'ils pourront, à l'heretique, qui se-  
 roit Roy, ou qui pourroit pretendre: & à tous ceux  
 qui leur pourroient dōner la loy de sa part? & que  
 par mesme moyen il leur est permis de constituer  
 sur eux tel autre Prince du sang Catholique, qui sera  
 le plus proche, & qu'ils verront estre à faire de  
 droit pour leur seureté & cōseruation. Si les Roys  
 s'en ont voulu faite à croire pour entrer & se ren-  
 dre maistres & Roys en effect, des villes occupees  
 par eux, ils les ont refusez & chassez tresbien &  
 beau. Et tant s'en faut qu'ils ayent espargné leurs  
 personnes, ou eu aucun respect à leur autorité  
 Royale, ny de leurs lieutenians generaux, freres de  
 Roys, ou Princes du sang, qu'ils n'ont point faict  
 difficulté de braquer leurs canons & harquebou-  
 ses contre leur poictrine deuant S. Ican d'Angely,  
 la Rochelle, Luzignan, Issoire, & en tant d'autres  
 lieux, leur liurer bataille iusques à choquer par  
 terre le roy, qui est à present, à coup de lance & de  
 coutelas, brief leur faire la plus cruelle guerre a-  
 uec forces estrāgeres, & par tous les moyēs qu'ils  
 ont peu, & qu'ils eussent sceu ou osé faire contre  
 le R. d'Espagne ou contre le Turc. Si nous ne di-  
 sons autre chose, sinon que les Catholique se doi-  
 uient resoudre d'en faire le mesme au R. de N. ou à  
 tout autre Prince qui sera heretique, que peuuent  
 ils repliquer iustemēt à cela? Quelle occasion peu-  
 uent ils auoir de nous blasmer, si nous ne faisons  
 que ce qu'eux mesmes soustiennent, à l'espreuue  
 de leur sang, estre iuste, raisonnable, legitime, voire  
 ordonné par la parole de Dieu?

*Si les heretiques  
 ont desnié  
 l'entree de  
 leurs villes au  
 Roy, nous  
 en deuons  
 faire le  
 mesme cō-  
 tre le R. de  
 N.*

S'ils contestent, que pour cela ils n'ont pas des-  
 possédé les Roys, ny laissē de les appeller, ou tenir

pour Roys, par ce qu'ils ne leur ont iamais debat-  
tu ce nom & tiltre de Roy, & qu'ils leur ont payé  
le tribut ordinaire en temps de paix, mais que la  
seule craincte, qu'ils ont occasion d'adoir, qu'ils  
les priuent de l'vsage & exercice de leur religion *Les hu-*  
(qui leur est en mesme respect que Dieu, & par *guenots*  
dessus toutes consideratiōs humaines ou diuines *ont depose*  
enuers les Roys, aymās mieux estre fidelles à dieu, *le R. entât*  
qu'aux hommes) ou que ceux des Catholiq. qui y *qu'est en*  
auroiēt la charge, n'abusent de son auctōrité, pour *eux.*  
les molester au faiēt de leurs consciences, comme  
ils voyent qu'on faiēt ordinairement contre ceux  
de leur secte dans Paris, & tout par tout, où le Roi  
& les Catholiques peuent estre les maistres ab-  
soluz, leur donne ceste legitime puissance & li-  
berté, de leur pouuoir refuser l'entree des villes,  
qu'ils tiennent, & de leur faire la guerre offensue  
ou defensue à ces fins, sans respect de sang, de  
maison, d'auctōrité, ny de Roy: les Catholiques ne  
disent que cela mesme, Qu'ils ne peuuēt receuoir  
ny obeir à vn Prince ou Roy heretique: ains luy  
doiuent ou peuent faire aussi iustement la guer-  
re, pour semblable craincte. Laquelle n'est pas  
moins legitime, ny moins fondee sur l'experience  
de tous les siecles, & sur ce qu'ils voyent pareille-  
ment que le R. de N. & les heret. ostent ordinaire-  
ment l'exercice de la religion Cath. & tourmen-  
tent ceux, qui en font profession, en tous lieux, où  
ils peuent estre les maistres, tesmoing Bearn, la  
Rochelle, Mōtaubā, & tous les autres lieux qu'ils  
tiennent, si ce n'est, peut estre, en certains, qui  
sont en biē petit nombre, où les gouuernements sont  
Catholiq. ou qu'il y a quelque autre consideration



*Les Cath.  
sans dissimulation  
et les Hug.  
hipocrites.*

du temps & des enuitōs, qui les retiennent pour encores. Toute la difference & dissimilitude, qui esben ce fait entre les Catholiques & les Huguenots, c'est que comme les Catholiques detestent singulierement l'hypocrisie & la dissimulation, aussi ils ne veulent & ne peuuent appeller, ou faindre de tenir de nom & de mine pour Roy l'heretique auquel en effect ils ne veullēt ny, ne doiuent obeir. C'est pourquoy ce, que les Huguenots appellent chasser & refuser l'entree au Roy, qui est Cathol. ou auoir priuilege & exemption de toute garnison, & liberte de conscience, pour n'estre cōmandez par vn Roy, Prince, ou autre Catholique, qui leur tient lieu d'heret. si ce n'est, peut estre, comme tributaires, mais non comme subiects, les Catholiques l'appellent en propres termes, & veritables, exclurre & deposer : & comme les Huguenots ont eu volonte & qu'ils ont tasché de deposeder le Roy, pour estre Catholique, de tout le Royaume, & de la royauté, en tout ce qu'ils ont peu, mais s'ils ne l'ont peu faire, qu'en partie, & pour le regard des pays, villes, & forts, qu'ils ont occupé sur sa Majesté, il ne le faut imputer, qu'à Dieu, qui ne l'a pas voulu. Aussi les Cathol. doiuent vouloir & tascher d'empescher de venir à la Royauté le Roy de N. pour estre heretique, & ils sont tenus de l'exclurre & chasser entierement de tout le Royaume, & de toutes les villes qu'ils pourrōt & le despoüiller de tous les moyens de pouuoir nuire à la religion Catholique, & à l'Estat, & ce d'autant plus hardiment, & avec plus d'esperance qu'ils scauent que Dieu est pour eux, & qu'ils font en cela ses affaires & son seruice.

Nous laissons aux seruiteurs de Monsieur le Cardinal de Bourbon, qu'on dit verifier fort clairement par les histoires, & par toutes loix ciuiles & humaines, la preference à la couronne de l'oncle *Le Car. de Bourbon* cōtre le nepueu: mais singulierement selon la loy *exclut le R. de N.* Salique, & l'obseruance ancienne qui appelle notamment le plus proche du sang masse, contre ceste representation imaginaire du R. de N. & est bien ignorant, qui doute que l'oncle ne soit plus proche d'un degré que le nepueu. Car de dire avec le R. de N. que ceste loy de proximité faict pour luy seul, & en son seul cas, ce sont de trop grâdes breches & escornes faictes à la loy Salique, & qu'il faut biē qu'il presume trouuer des gēs à sa mercy, pour faire approuuer ces passedroits. Nous nous contētons, que sans la proximité qui deffaut au R. *L'heresie cause d'exclusion.* de N. l'heresie soit vn moyē plus q̄ suffisant, d'exclusion de la Royauté de Frâce, contre luy, & tout autre son semblable, ne pouuant point penser, que si tant de loix & de raisons desduites cy dessus, ne seruent entierement contre tout opiniastre, qu'il reste plus aucune clarté de raison parmy les hommes, pour sortir d'un doute, moins encor que les loix purement ciuiles, qui sont pour le Sieur Cardinal de Bourbon, puissent auoir plus de force & auctōrité cōtre le R. de N. Cōtre lequel nous protestons librement deuant Dieu & les Anges, ne nous esmouuoir ny formaliser point, pour la passion d'autrui, moins pour estre pratiquez d'aucū, ou marchandez directement ny indirectemēt. Et osons bien iurer en Dieu & conscience, q̄ nous qui *Protest. des au-* escriuōs, ne pēsons point estre cognus, ny auoir ia- *teurs.* mais besoing de ceux, qu'on pourroit plus soup-

çonner, & que nous n'y sommes poussez, que seulement pour l'intérêt de l'honneur de Dieu, pour la satisfaction de nos consciences, la conseruation des loix du royaume, & par consequent, pour eui-  
 ter l'abolition de la Religion Chrestienne, la per-  
 secution des Catholiques, la rupture, subuersion,  
 & changement de l'estat, & finalement l'entiere  
 confusion de toutes choses en ce Royaume, com-  
 me il sensuit infailliblement de l'establissement  
 & conionction de l'heresie avec la Couronne de  
 France. Mais aussi tous nous Catholiques luy fai-  
 sons vn bon serment que nous sommes deliberez,  
 de n'espargner ny labeur, ny peine, ny soucy, ny  
 biens, ny la vie propre, pour vne si iuste querelle,  
 que pour luy resister (souz le bon plaisir, & pru-  
 dente sagesse du Roy routesfois) de tout nostre  
 pouuoir, & par tous les moyens qui sont permis  
 contre vn rebelle, tyran, vsurpateur, heretique, &  
 relaps tout conioinctement.

*L'en offre  
 le nōmer.*

Si toutefois l'on vouloit blasonner la verité de  
 ce Discours, de ce que nous qui y auons trauaillé,  
 auōs laissé d'y mettre nos noms, nous voulōs bien  
 que tels sçachent, que nous ne sommes pas moins  
 prests de la maintenir & tesmoigner par nostre  
 propre sang, s'il est besoin q̄ ces auteurs de libel-  
 les en font ostentation de leur part en cause plus  
 dānee, & neātmoins consentōs, & leur promettōs  
 en foy de Chrestien & Catholique que s'il n'y a rien  
 qui les arreste q̄ cela, de non seulement nous nom-  
 mer, soubcrire, & inscrire tous l'vn apres l'autre  
 tres-volōtiers, mais biē encores plus de n'en rou-  
 gir ny pallir iamais, avec l'aide de ce bō Dieu qui  
 nous a inspirez, assiste & fortifiez à tel œuure,  
 & du-

& duquel seul nous en attendons le loyer & récompence.

Mais pour ne sortir point encores de ce propos si plantureux & inexpuisable, devant d'auoir respondu entierement à tous les exemples que Belloy & les autres alleguēt au contraire, nous priōs premieremēt le Lecteur se souuenir, qu'il y a grande diuersité & dissimilitude entre les questiōs de droict, & celles du faict: & que le faict ne peut onques preiudicier au droit. De sorte qu'ayant suffisamment prouué l'exclusion du R. de N. comme heretique, du Royaume, estre selō le droict diuin, naturel, des gēs, des Frāçois, ciuil & canō, tous les faits cōtraires, quand il y en auroit aucun (ce que non, cōme nous verrons) se peuuēt repousser par ce seul mot, qu'il ne faut point regarder seulement à ce qui se faict quand on sçait ce, qui se doit: autrement le vice preuandroit tousiours contre la vertu, d'autant qu'iceluy est plus en vsage. Autrement aussi parce qu'on a veu en diuers temps plusieurs Euesques & Patriarches heretiques, sans qu'ils ayent esté priuez, ny deposez, il faudroit cōclure pareillemēt qu'on doit permettre tous Prelats heretiques, & qu'ils ne sōt point destituables, chose trop exorbitāte, & qui ne peult estre receuē que des seuls Athees, qui ne sçauēt & ne veulent sçauoir qu'est-ce que religiō, ou biē qu'est-ce que Catholique & qu'est-ce que hereti. Tout de mēme que si on disoit qu'on doit receuoir & tollerer vn Payen pour Roy ou Emp. parce que les Chrestiens & S. Pierre (comme ils disent) ont permis, & n'ōt point destituē Neron, Maximinien, Iulian, & les autres Seigneurs infideles ou apostats: ce qui n'a

*Responces  
aux exam-  
ples con-  
traires*

pas moins en soy d'impieté que le premier. Nous rememorons aussi la grande différence qu'il y a de recevoir quelqu'un à la Royauté, ou à l'Empire, ou bien de l'y continuer & de ne le déposer point, outre la distinction d'un Royaume conioinct & vny avec le christianisme, à celui qui est Payen.

*Proposi-  
tions gé-  
nérales  
contre le  
R. de N.*

Cela presuppôsé, nous disons qu'il ne se lira point qu'en nul estat ou Royaume Chrestien, ou Payen, lon n'aye iamais iuridiquement ny volontairement & paisiblement tolleré, ny moins admis de nouveau pour Roy, Empereur, ou Seigneur, celui qui faisoit profession de contraire religion à celle de l'Estat. Toutesfois pour nous restreindre sur le cas de la receptiô ou installatiô, de quoy il est seulement questiô cōtre le R. de N. nous mettons en fait qu'il n'a esté iamais veu au mode, & qu'o n'a iamais leu, ny ouy dire, qu'en vn Estat ou Royaume, quel qu'il soit, l'on aye oncques receu volontairement & paisiblement, soit par successiô, associatiô, donation, institution, electiô ou autrement, en chef, Empereur, ou Roy, celui qui tenoit autre religion que celle que les ordres du pays en corps d'estat n'approuuoient ou n'obseruoient: laquelle le gros & le general de l'estat condamnoit & reprouuoit, & qui aussi cōbatoit & chocquoit celle qui y estoit ja establie plus vniuersellement, cōme fait l'heresie Calvinienne la foy Catholique. Conformement à cela nous disons que depuis que l'Empire a esté vne fois christianisé en la personne de Cōstantin le grand, les fideles se sont tellement opposez & formalisez qu'ils n'ont point voulu permettre qu'aucun Payen ou infidele y aye esté iamais plus receu ny establi de nouveau Empe-

reur. De mesme & à plus forte raison il n'a iamais  
esté veu ny leu, que les Chrestiens ou cathol. en au-  
cune natiō ayent esleu, receu, ny approuué ou re-  
nu pour Roy, Emp. ou Seigneur, soit par succes-  
sion, ou autre voye quelcōque, de leur frāche vo-  
lonté, libre cōsentement, & le pouuāt empescher  
(comme les Athees & les fols de ce temps veulēt  
que nous faciōs) vn qui aye renié & se soit departy  
par démonstration & profession exterieure de  
la religion chrestienne ou de la foy cathol. pour  
n'en tenir aucune du tout, ou pour en prēdre tel-  
le autre à sa guise par apostasie, ou qui est pis, par  
heresie, ainsi qu'il luy a semblé bon. Ceste seule  
consideration, que c'est chose qui n'a iamais esté  
faicte, ny pratiquée, n'est elle pas suffisante pour  
nous garder de tomber en vne si grande faute &  
nouueauté prodigieuse, que d'introduire sur les  
Catholiques & sur vn si Chrestié & Catholique  
estat à la Royauté le R. de N. heretique, ou autre  
semblable mōstre, pour parler avec S. Hierosime?  
L'exemple de ces anciens Euesques Catholiques  
d'Aphrique n'est-il pas notoire sur ce propos, en  
ce qu'ils aimèrent mieux subir l'exil, & estre con-  
damnez aux metaux plustost que de souiller leurs  
consciēces à prester aucun cōsentement à la suc-  
cession d'un Roy heretique?

Et les susdites assertiōs presuppōsées sont si veri-  
tables & si certaines, q̄ nous obseruōs pour le re-  
gard generalemēt de toutes les receptiōs & instal-  
latiōs de tous les Empereurs & Rois du monde,  
depuis que la chrestieté a cōmencé d'auoir voix &  
auctorité en la police &és affaires d'estat de cha-  
cun pays, que le poinct de la religion y a esté tous

iours si considerable, & les Chrestiens ou Cathol. ont esté en tout tēps si fermes & fixes en ceste opinion, de ne se deuoir souzmettre au ioug d'un infidele, ou deserueur de la foy, qu'il est tousiours arriué de deux choses l'une, ou q̄ ceux de ceste qualité qui ont voulu pretēdre à l'Empire, ou aux cōmādemens publics sur les Chrestiens, ou les Cath. cognoissans l'opposition qu'autrement ils y receuroyēt de leur part, ou qu'ils n'en pourroient esperer aucune faueur ou cōsentement, ont esté contrains pour y paruenir, de feindre & faire demonstration, voire profession publique par sermēt, de tenir la foy Chrestienne ou Catholique. Tels ont esté Maxētius, & Iulian, tous deux Apostats, pour la foy Chrestienne, Anastase 1. Leon 4. fils de Cōstātin 5. Michaël le Begue, & quelques autres, tous heretiques masquez du beau visage & semblance de Catholique. l'autre, ou que tous ceux qui ont esté notoirement heretiques (car d'Apostats notoires nous n'en lisons point aucū) lors de leur intronisation à l'Empire, n'ont peu iamais estre receus par le Senat & le peuple, à la forme accoustumee, moins encores estre couronnez par le Patriarche ou autre Euesque, ny heretique ny Catholique. ains sy sōt intrus cōtre les formes ordinaires, & le cōsentement des Cath. lesquels à ceste occasion, & principalement en haine de leur heresie, n'ōt point douté de les appeller & tenir pour vsurpateurs & tyrās, plustost que pour vrais Emp. bien qu'ils fussēt enfans de l'Empereur. Et le Senat de Cōstantinople & tous les bons Cathol. ont tousiours tasché par tous moyens de sy opposer, & les depōsseder, tant par emotions populaires, ligue, remuemens en

*Les Empereurs heretiques, pour estre receus ont fait le Catholique. on est tenu pour tyrās.*

armes, que par election d'autre qui fut Catho. cō-  
me Zonare, & plusieurs autres en font tres-bōne  
foy. Et de ceste sorte encores n'en lisōs nous gue-  
res que trois en toutes les histoires du mōde. Va-  
lētinian 2. Basiliſque & Constantin 5. car tous les  
autres sōt tōbez, ou se sont declarez heretiq. apres  
estre receus & approuuez. Et quāt à Zenon, dit le  
Pacifique, & lequel l'ignorant Belloy a faiēt faul-  
semēt Empereur par succelliō, biē q̄ ce fut par in-  
stitution ou association de son fils (disent Zonare,  
Marcelin, Theodore, & autres) il sēble auoir esté  
pluſtoſt tiede, vn tēporiſeur, ou neutre, qu'hereti.

*Emp. he.  
trois seule-  
mens.*

*Zenon  
neutre.*

Et pour verifiser l'opposition & resistance des  
Catholiq. selon & autant que les affaires du tēps  
leur ont permis: & donné de moyen contre tous  
ceux-cy, nous trouuons cōme contre Valentinian  
second pour son heresie, bien qu'il fut fort ieune,  
s'esleua d'Angleterre és Gaules à la faueur des Ca-  
tholiques vn Clemens Maximus, lequel à l'occa-  
sion que l'Empereur estoit heretiq. & que l'Em-  
pire occidental estoit gouuerné par Iustina sa me-  
re, tres-grāde Arriēne, & ennemie des Cathol. fut  
esleu chef en tiltre d'Empereur par les gens de  
guerre de l'armee, comme estant fort Catholi. &  
de grand valeur, pour s'opposer aux persecutions  
de Iustina & de l'Empereur heretique, & mainte-  
nir la religion Catholique contre l'heresie. Et de  
fait il remist en tous leurs biēs tous les Euesques,  
& autres Catholiques qui auoient esté exilez par  
les heretiques, & eust vn si fauorable & heureux  
sucez en ceste poursuite, que toutes les Gaules,  
& vne bonne partie des Espagnes s'y souzmirent  
tres-volontiers sans coup ferir, & quasi sans au-

*Exemples  
que les cas.  
ont resisté  
à la rece-  
ption  
d'un heres-  
ique.*

*1. Contre  
Valen. 2.*



*Maxim.  
favorisé  
des Cas.  
contre V<sup>a</sup>  
lent. her.*

*La peine  
de mort  
contre  
l'hereti.  
que a com-  
mencé en  
France.*

eune contradiction, tout incontinent apres qu'il se fut rédu maistre de Treues, qu'estoit pour lors la principale ville de la dominatiō des Romains, & de l'heresie Arriēne és Gaules qui estoiet pour lors diuisees en trois religions, & parties, du Catholique, de l'heretique, & du Payen. Mais le party catholique qui auoit la memoire fresche de la tyrannie & persecutiō de l'heresie Arriēne, laquelle auoit regenté pres de 40. ans ( dit S. Basile ) par le moyen des Emperēurs Constantin & Valens, tāt contre S. Hylaite, Paulin Euesque dudit Treues, qui mourut en exil, que contre les autres Euesques & bons Catholiques, preualut de sorte, qu'à la faueur, principalemēt des Euesques, iediēt Maximus fust receu & recogñu Empereur pour l'inclination que les Chrestiens ont tousiours eu contre l'heresie & les fauteurs ou complices, de quelque degré qu'ils soient. Et tant à ces fins, que contre les heretiques Priscilianistes, qui cōmençoiet à troubler l'Eglise, principalement en Guyenne & l'Espagne, furent assemblez souz son auctorité & permission plusieurs Synodes ou Conciles, tant à Treues, qu'à Bordeaux, & ailleurs, où se trouuerent quasi tous les Euesques, mesmes en celuy de Treues (si nous croyons à Functius Lutherien) S. Martin, S. Hierosme, & S. Ambr. Et tāt estoit lors grande la pieté & zele de nos anciens chrestiens pour la manutention & augmentation de la foy contre l'heresie, que la peine de mort & de glaue, cōtre l'heretique cōmença deslors par l'ordonnance dudit Maximus à la poursuite des Euesques cath. en la personne de Prisciliē Espagnol & autres ses sectateurs qui auoiet appellé de ces Cō-

ciles à luy: cōbien qu'aucuns d'eux se cōuertissēt.  
Tellement q̄ par ce moyen ceste heresie fut aussi  
tost quasi esteincte que nec. Et cest exēple de telle  
loy de Maximus, fut cause que Theodoſe & Valē-  
tiniā ont esté les premiers Emp. qui pour ne sem-  
bler moins zelateurs & ennemis de l'heresie q̄ luy  
firēt à son enuy la loy qui se trouue au Code con-  
tēnāt semblable peine de mort cōtre l'heretique.

Nous ne lisons point qu'il se soit trouué onques  
en toute l'antiquité aucū qui aye osé blasmer pour  
ceste si prōpte subiection & obeissance volontai-  
re enuers Maximus, les Euesques & Catholiques *Les saints*  
d'aucun crime, ou peché, soit enuers Dieu, ou en- *Euesques*  
uers les empereurs Romains: cōbien qu'ils fussēt *favorisent*  
leurs naturels & legitimes souuerains Seigneurs *Maxi-*  
ou Rois. Au contraire nous lisons en l'histoire de *m.*  
S. Martin, qu'estant Archeuesque de Tours, il al-  
la trouuer volontairement ledict Maximus à Tre-  
ves, tāt pour le recognoistre, que pour obtenir de  
luy des graces pour son eglise. Et s'il y eust eu de la  
charge de cōsciēce de se séparer de l'obeissāce, d'un  
seigneur heret. pour adherer à vn autre cat. & que  
ce fut chose contre la loy de Dieu, est-il croyable  
que ce grand amy & seruiteur de Dieu se fut ainsi  
rangé au party & regne de ce Maximus? & que  
plustost il ne s'en fut esloigné, ou bien qu'il ne s'y  
fut opposé vertueusemēt, cōme il faisoit ordinai-  
rement en tout ce qu'il voyoit, q̄ l'hōneur de Dieu  
estoit offensé. Nous lisons bien d'auantage, qu'il  
estoit si familier & domestique avec luy, que c'e-  
stoit son principal cōseil: & que reciproquement  
il estoit comme adoré de luy, & singulierement  
de l'Imperatrice sa femme, iusques à luy lauer

les pieds de ses cheueux, & le seruir à table. Il ne pouuoit pas ignorer l'auctorité des Empereurs Romains. Car luy mesmes le premier an qu'il fut Euesque, auoit esté rechercher iustice & protectiō cōtre les Arriés en la Cour de Valētinian le grād, pere dudit Valētinian 2. Et si il estoit beaucoup obligé à sa memoire pour seruir & obeir d'autant plus fidelement à ses enfans, qu'il auoit receu de grāds hōneurs & faueurs, voire tels qu'il luy estoit allé au deuant, l'auoit honoré de sa table, de sa cōmunication familiere, de grāds presens, & de toutes & telles prouisiōs de iustice & de grace qu'il auoit sceu demāder. Mais ce qui rēdoit S. Martin d'autant plus affectiōné audiēt Maximus, estoit le zele de la religion, avec ce qu'il cognoissoit & auoit esprouuē sur soymesme l'animositē & furie de ladiēt Iustina cōtre les Catholiques, icelle luy ayant esté fort contraire en toutes les expeditions qu'il poursuiuoit enuers son mary pour les Cath. & que desia elle començoit à persecuter ce tant renōmé S. Amb. à Milan, & lediēt Valētinian 2. l'auoit cuidé tuer dans l'Eglise. Et tant s'en faut, q̄ le grand Theodose Empereur catho. du leuant ou ledit Valētinian condēnassent ou se vègeassent iamais de S. Martin, ou des autres Euesques & Catholiques Gaulois, pour auoir fauory & assisté lediēt Maximus, qu'au cōtraire lediēt Theodose les iustificoit enuers Valētinian, disant, Qu'il n'estoit point de merueilles, si Maxim<sup>e</sup> estoit receu de to<sup>r</sup>,  
 „ & si il chassoit & surmontoit son maistre & sei-  
 „ gneur, puis q̄ l'Empereur combatant la bonne do-  
 „ ctrine, faisoit la guerre à Dieu: & que Maximus  
 „ au contraire secouroit la bonne fōy & religiō Ca-

S. Martin  
 conseil  
 Maximus.

Les Cas.  
 iustifiez  
 par The  
 odose

tholique, l'auteur d'icelle, qui est Dieu (disoit-il) ayant accoustumé d'assister à ceux qui la fauorisent.

“  
“  
“

C'est pourquoy Nicephore dit vn tres beau mot à ce propos, Que ce Maximus auoit pris la cause de la religion cathol. afin, dit-il, qu'il ne semblast acquerir l'Empire Romain plus par la force que par les loix, signifiant qu'il n'y a si iuste loy, pour prendre les armes contre son Seigneur, ne si bon tiltre, pour l'acquisition d'un Empire, ou d'un Royaume, que la defence de la religiō cōtre l'heretique. Et de faict il remarque que ce grand Archeuesque d'Alexādre nōmé Theophile, enuoyāt faire remōstrances à l'Empereur pour son Eglise, auoit baillé charge à son député d'attendre à Rome l'euement de la bataille d'entre Theodose & Maximus, afin de s'adresser au victorieux d'entre eux, cōme ne faisant point de scrupule de recognoistre pour legitime Empereur, autant l'un q l'autre. Aussi que (outre les mauuaises nouvelles que les Arriens publioient de la deffaite de Theodose, pour l'aide qu'ils auoient de veoir chocquer les forces catho. ensemble, & de la ruine d'un Empereur si catholique) le peuple catholique du leuant & de Constantinople estoit si fauorable à la poursuite de ce Maximus, en hayne de l'heresie, q lors que les armées de Theodose & de luy estoient prestes de se rencontrer vers Aquilee en Italie, ils semoient plusieurs faux bruits à l'aduantage dudit Maximus & de ses forces, & à la defaveur de Theodose, combien qu'il fut Prince fort Catholique & debonnaire, & que l'ambition dudit Maximus fut desia assez descouuerte & manifeste

*Acquisition  
iuste contre  
l'heresie.*

à vn chacun, par le meurtre qu'il auoit fait & com-  
mettre à Lion sur l'empereur Gratiā, lequel estoit  
catholique: ausli qu'il poursuiuoit viuemēt à mort  
les personnes de Iustina & Valentinian 2. de sorte  
qu'il les contraignit de s'enfuir hors l'Italie: qui  
fut cause que Theodose vint à leur secours, & en-  
reprint à le combattre, & que depuis quasi toute  
la posterité l'a appellé Maximus le tyran, princi-  
palemēt les Grecs, ie dis quasi: car l'Archeuesque  
de Bourges Sulpice, qui vint biē tost apres, le louē  
fort, & ne doute point de l'appeller Roy & empe-  
reur. Mais si est ce que tous ceux qui l'appellent  
tyran, & qui le blâment, rāt s'en faut qu'ils accu-  
sent ceux qui luy ont obey volontiers & presté ay-  
de en main forte, ou qu'ils reprennent en luy au-  
cune oppression ou violence sur le peuple, moins  
la prinse des armes pour la defence de la religion  
Catholique, qu'ils louent grandement ce zele &  
ceste cause; & seulement regrettent, & le condam-  
nent de ce qu'il en a abusé, & ne s'en est seruy que  
pour pretexte de son ambition à l'Empire, & qu'il  
a tourné la religion en faction: mesmes qu'il s'est  
tant oublié, que contre son serment de fidelité  
(ainsi parle l'Archeuesque de Vienne Ado, & O-  
rose) il a accepté de ceux qui n'y pouuoient rien,  
le tiltre & les marques Imperiaux, à la façon des  
Tyrans (dict Gisdas) mais principalement qu'il a  
monstré par effect au progres de ses armées & ac-  
tions, en vouloir plus à la vie, & aux personnes  
propres des empereurs, sous couleur de religiō,  
qu'à l'heresie, s'estant attaqué à Gratian, qui estoit  
bon Catholique; & ayant poursuiuy à mort Va-  
lentinian & Iustina, sans qu'iceux eussent esté

*Pourq.  
Maxi.  
est dict  
Tyran.*

excommuniez, ny qu'il eust esté procedé par aucune assemblée ou forme legitime à leur deposition ou priuation : aussi qu'il y auoit Theodose Empereur Catholique, propre pour defendre la religion, & leur resister. Dont il n'est pas merueille, si Dieu permet qu'il fut vaincu, traité indigne-  
 mēt, & tué par Theodose & ses gens, lequel voulant venger la mort de Gratian, & secourir Valentinian, auoit l'ame exempte & nette de toute usurpation de l'empire d'autrui, & neantmoins non moindre zele & intentiō pour la ruition de la religion Catho. que luy mesmement, à ce que l'empereur Valentinian second quitta & se departit de son heresie. Tellement qu'excusant le passé sur la ieunesse, & sur sa mere, qui estoit ja morte, il se contenta, qu'il se fit Catholique : mais aussi ne le voulut-il pas remettre en son Empire, que en tel cas, & qu'il n'eust faict au preallable abiuration de son heresie, & profession de la foy Cathol. en laquelle il continua depuis toute sa vie. Par où appert, que nos anciens Gaulois Cathol. n'ont iamais faict difficulté de preferer la cause de leur religion contre l'heresie, à celle de l'empire ou regne, & la fidelité enuers Dieu à celle d'euers leurs seigneurs temporels : & que si depuis l'on a veu en eux vne singuliere affectiō naturelle de respect obeïssance & fidelité enuers leur Roy, que ce ne peut estre qu'en consequence de ce qu'il est deuot & fauorable à la religion : & autant qu'ils l'ayment sous Dieu, & pour l'amour de luy, & qu'il sert à sa religion, cōme nous voyōs qu'ils ont esté tres-obeïssans aux empereurs Romains, depuis Cesar, iusques à ce qu'ils ont esté heretiques,

*Theodo  
se ne remet  
Valentin,  
qu'apres  
l'abiuratiō*

& preuaricateurs de la foy chrestienne, qu'eux & leurs predecesseurs auoient ja receuë.

2. contre  
Basilis.

Contre Basilique, qui auoit obtenu l'Empire contre Zenon, enuiron l'an 450. l'esleuerent les catho. tant Moines, Ecclesiastiques: que de tous les estats & sexe, à la persuation, menée & ligue du Patriarche Acacius, & d'un Daniel Religieux, de grande reputation, pource seulement qu'il estoit heretique (disent les histoires) Lesquels estans assemblez en l'eglise cathedrale, luy dirent tant de pouilles & maledictiōs, à l'ocasiō de l'edict qu'il auoit fait contre le concile de Calcedoine, qu'il fut contrainct d'en sortir, se retirer hors la ville au chasteau Imperial, & mander au Senat de ne molester Acacius, parce que le peuple estoit autrement tout prest de mettre le feu dans la ville, & avec cela il reuocqua par contraire edict son premier edict fait en faueur de l'heresie, cōme estant subreptice, & impetré cauteleusement. Et neantmoins il fut si hay des catho. tant du peuple que du Senat, & de toute l'armee, qu'il tenoit contre Zenon, que tous ensemble ils n'eurent cesse iusques à ce qu'ils l'eussent deliuré entre les mains de Zenon, & se fussent remis en son obeissance, bien que d'ailleurs cestui-cy fut infiniment hay, pour sa vie tres-lasciue & meschante. Mais ny la paillardise, ny tous les vices du monde n'ont esté iamais rien estimez, au pris de l'horreur & meschancerie de l'heresie.

il est de  
posé  
pour son  
heresie.

3. contre  
Const. 5.

Et contre ledict Constantin 5. dit par opprobre Copronime, c'est à dire, le chieur sur les saints fonts, apres qu'il fut declaré excōmunié & anathe matilé pour son heresie, dās la grāde eglise de Cō-

stantinople, le Senat & le peuple cōstituerēt pour  
 empereur cathol. Artabasdus, avec le cōsentemēt  
 & approbation du Patriarche. et Cedrenus Grec,  
 marque que le Patriarche nōmé Conſtātin, & le-  
 dict Artabasdus, avec les catholiques enuoyerent  
 vers Izanius Prince des Arabes, pour luy deman-  
 der secours contre ledict Constantin heretique.  
 et apres la mort dudit Artabasdus, les Princes  
 catho. ne cessèrent de continuer leur ligue, & de  
 remuer contre luy, iusques là, que les Religieux  
 mesmes luy alloient dire en sa barbe des iniures,  
 & l'appeller impie (tant ils abhorroient la domi-  
 nation d'un empereur heret.) & qu'il entra en si  
 grande desiance de tous les cathol. qu'il fit trācher  
 la teste à des principaux Princes, creuer les yeux à  
 plusieurs autres, les condānant à perpetuelles pri-  
 sons. Il fit aussi tuer fort cruellement & à milliers  
 les catholiques, & singulierement les Moines, &  
 sur tout il fit mourir miserablement le pauvre Pa-  
 triarche Constantin, apres auoir exercé sur luy  
 infinies indignitez & cruautez inouyes, & pour  
 mieux tourmēter les cathol. il fit paix avec le Roy  
 des Sarrazins & des Bulgares, leurs communs &  
 mortels ennemis, & singulierement pource qu'ils  
 estoient abbateurs des sacrez images, comme luy.  
 D'autre part, le Pape Estienne 3. en l'Eglise Oc-  
 cidentale, apres auoir vsé enuers luy inutilement  
 de plusieurs aduerbissēmens, & saintes admo-  
 nitions il l'excommunia, & l'ayant declaré  
 despouillé de l'Empire, il transféra tous les or-  
 nemens, marques, & tiltre d'empereur aux rois  
 de France, pour leur religion catholique. Mais les  
 cathol. (la vengeance de l'ire de Dieu cōtre leurs

*Constantin,  
 excommunié  
 & depose.*



pechez, le requerant ainsi) n'ayant peu auoir la raison contre ce tyran heretique, durant sa vie, ils en firent la iustice sur son corps, l'ayant desenterre, & bruslé publiquement, apres qu'il fut mort du feu celeste.

*Exemples  
des em.  
deuenus  
heret. &  
hais des  
cathol.*

Quant aux autres qui sont deuenus heretiques ou apostats apres leur reception à l'empire ou regne, l'Eglise & les Catho. ont fait pareillemēt tousiours tout leur possible, pour s'en descharger: & ont tesmoigné en toutes façons ne leur obeir, que à contre-cœur, par force & cōtrainte, la confusiō de toutes choses, combatāt d'une part la malice & impietē de ces Empereurs heretiques, cōme parle tres-proprement Sigibet, parce que Dieu leur a faict la guerre, accompagnant leur regne & empire de continuelles seditions, & guerres intestines, & il ne se trouue aucun d'entr'eux, lequel sans les guerres estrangeres, n'aye eu vn ou deux cōpetiteurs à l'empire, ou qui n'ont esté poussez cōtre eux que du zele de religiō, ou lesquels se sont voulu preualoir de la diuision de religion, & du mescontentement & haine des Catho. contre iceux: aussi que d'ailleurs iceux sont quasi tous mors fort miserablement, apres auoir receu en ce mōde la peine, que nature (disoiēt les anciens) & pour mieux dire, Dieu, a reserué icy de propre & peculier cōtre les tyrans. Qui en recompēce de ce qu'ils sont exempts des iugemens des hommes, sont agitez d'une continuelle inquietude, des fiance & vexation d'esprit: laquelle les gehenne & bourrelle iour & nuict. De sorte, dict Tacitus apres Platō, que si les ames des tyrans se pouuoient veoir à descouuert, on les verroit lacerees & naurees des

*La peine  
des tyrans.*

coups de cruauté, de desbordemens & de méchans cōseils, comme l'on void les corps mutilez de coups de verges & de cousteaux. D'autre part les Chrestiens zelez & vrayz Catholiques se sont tousiours bandez, tant qu'ils ont peu, contre leur Empire & gouuernement.

Par exemple, la Chrestienté n'a pas commencé si tost en la personne des Empereurs, Maxentius & Licinius les premiers Empereurs ou Roys Apostats du monde, & n'ont pas si tost apostaté & recheu en infidellité, que voila les Chrestiens, tant de Rome, que d'Orient leurs subiects, qui ne redoutent point de rechercher contre eux le secours de Constantin le grand, qui commandoit es Gaules (bien qu'encores infidelle) lequel à leur fa-  
*Const. de-  
pose les  
Emp. apo-  
stats,*  
 ueur les deffait, & poursuit l'un apres l'autre iusques à la mort. Et Nicephore remarque, q̄ de qui offenoit & irritoit plus ledit Licinius contre les chrest. c'estoit qu'il sçauoit qu'ils ne prioier point Dieu pour luy, ains que seulement ils faisoient des prieres speciales en l'Eglise, à ce qu'ils peussent deuenir souz la dition, puissance, & Empire de Constantin, tant ils auoient en detestation la domination d'un deserteur de la foy. Nous laissons, que le mesme Constantin fit la guerre cōtre Maximin infidelle, Empereur de l'Orient (par ce que  
*Secourir  
les Chrest.  
persecutez.*  
 nous ne lisons point, qu'il aye esté autre qu'infidelle, & que nous ne parlions icy que des apostats, & heretiq.) à la priere des Chrestiens ses subiects, pour les véger, & la Religion Chrestienne de son oppressiō & persecution, iusques à le contraindre de faire des loix & ordonnances en leur faueur. Et cōme aussi les Armeniens, qui auparauāt estoient

confederez des Romains renôcerent à ceste allia-  
 ce pour denôcer la guerre audit Maximin, à cause  
 seulemēt de la foy & religion Chrest. & qu'il vou-  
 loit introduire ses sujets à idolatrie: tellement, dit  
 l'histoire, que ceux qui luy estoient auparauant a-  
 mis, deuindrent ses ennemis pour ceste seule oc-  
 casion. Bien demâdons nous si Constantin fit mal  
 de combattre & faire mourir, ou trancher la teste  
 à ces Empereurs: & si ces chrestiens, lesquels re-  
 coururent à luy contre leur propre Prince souue-  
 rain, encoururent peché mortel ou autre, mesme  
 le crime de felonnie. Si l'opinion de ce Belloy est  
 vraye, que selō Dieu & les hommes, il faut obēir à  
 son Prince & Roy, quel qu'il soit, apostat ou here-  
 tique, & sans cōsideratiō quelle religiō il tient, ils  
 ne peuuent estre qu'inexcusables deuant Dieu, &  
 deuāt les gens de bien, mesmes ledict Cōstantin.  
 Car comme l'estrāger n'a point d'auctorité sur les  
 estats voisins, ainsi le collegue n'a point de pou-  
 uoir sur celuy qui est cōstitué en pareille & esgale  
 charge à la sienne. On ne pourroit dire que ces  
 deux empereurs premiers estās ses collegues, n'euf-  
 sent la mesme auctorité que luy sur l'empire, cha-  
 cun en sa cōttee. S'ils auoient la mesme auctorité,  
 Cōstātin n'estoit point leur superieur, & par cō-  
 sequent, il ne pouuoit iustement les contraindre  
 en aucune chose que ce fust, mesmes pour pou-  
 uoir entreprendre sur leur vie, & ce encores par  
 voye de iustice. Neantmoins les anciens Peres,  
 & toute la chrestienté ont iugé le point de la re-  
 ligion si fauorable, & l'apostasie si detestable,  
 qu'elle despouille *ipso iure* de route auctorité  
 tous Rois & Empereurs, & les rend sur tous  
 autres

autres crimes, personnes priuees, & partant iusticia-  
bles: & deliuré de toute obeissance les subiects.  
Et par consequent ils ont tous approuué l'inten-  
tion, & l'effort des Chrestiens & Catholique. & la  
saincte & louable entreprinse de Constantin. Et  
pour ceste cause principalement ils l'ont doué &  
honoré du surnom & tiltre de grand: & la memoire  
de ces Chrest. d'une perpetuelle souuenance &  
recommédation de pieté. Et Constantin pour mon-  
strer qu'il auoit esté esleué Seigneur du monde à  
l'occasion & par le moyé de la religion Chrestienne,  
& par la foy en la croix, comme parle Suidas, il  
fit mettre sur la teste de son effigie & statuë le signe  
de la croix, & en sa main gauche vn globe ou  
monde ayant au dessus le signe de la croix.

*L'effigie de  
Constantin.*

Contre Constantius fils dudit Constantin le  
grand & le premier Empereur & Roy heretique  
Chrestien nous lisons, que depuis qu'il fut tombé  
en l'arrianisme enuiron l'an 345. (comme disent  
Zonare, Nicephore & les autres dementans Bel-  
loy, lequel pour legitimer sa succession heretique  
impose que c'estoit deuant de succeder à son pere)  
combien qu'il fut leger, & que par fois il fauori-  
sast les catholique. & que ce fut le second Empereur  
chrestien & par succession & au temps que la plus  
part du monde estant idolatres ou heretiques, &  
iceux tous ennemis mortels des cathol. ils pouuoient  
craindre qu'il n'en deuint plus cruel & fascheux,  
neantmoins ils ne luy obeissoient que par force  
& à regret: tesmoin qu'ayant enuoyé en Constanti-  
no. Hermogenes vn de ses principaux Colonels  
pour mettre au lieu de Paul Patriarche catholique  
vn Macedonius Arrie, les cathol. s'esleuerent

*2. Contre  
Constantius  
heret.*

*Les Cath.  
s'esleuent  
contre luy.*

en armes pour l'en empêcher, & l'ayans assiégé dans sa maison y mirent le feu & le tuerent. Qui fut cause que Constantius s'y en vint en diligence pour retenir la ville en son obeissance, oster luy mesme l'edit Paul, & punir tout le corps de la ville par grosses amendes: toutefois il ne s'en fust pas retourné si tost en Antioche, que les catholiques remettent nonobstant toutes deffences ledict Paul, & deboutent l'heretique. Dequoy l'Empereur estant fort irrité mande à Philippe le Preuost, qui estoit Arrié d'oster de rechef ledit Paul, l'enuoyer en exil, & maintenir Macedonius: mais iceluy craignant l'emotion du peuple y proceda pour l'emprisonnemēt de Paul (lequel l'Empereur fist estrangler en exil) avec beaucoup de ruse: neantmoins ne peut si bien faire, qu'establisant par arme ledict Macedonius, il n'y arriuaſt vne grande tuerie de gens d'environ 3150. Pareillement ledit Constantius voulant mettre vn nommé Gregoire & depuis vn George Arrien pour Euesque & Patriarche de Alexandrie au lieu de S. Athanase, il fut contraint, pour appaiser les ordinaires esleuatiōs populaires & la guerre des catholiques tant ciuile qu'estrangere, d'enuoyer par plusieurs fois tantost cinq mil hommes, tantost plus grand nōbre de forces contre l'Eglise d'Alexandrie, S. Athanase & les catholiques. Mais le peuple catholique ne pouuant endurer l'installation desdits Gregoire & George, biē qu'elle fust du cōmandement expres de l'Empereur, bailla la chasse au second, n'ayāt tenu qu'à biē peu, qu'il ne fut tué: & pour le regard du premier, bien qu'il eust esté amené, & mis en possession dans l'Eglise de S. Denis par le Colonel

de l'armee accompagné de 5000. soldats eſtrangers, neantmoins les catholiques mirent le feu en ladi-  
cte Eglise, & ceux qui peurent euader avec ledict  
S. Athanaſe la furie du ſoldat, & les executions  
ſouz le nom de iuſtice, ne douterēt point le crime  
de leze Maieſté pour recourir contre leur Empe-  
reur, à l'aide & ſecours d'un Prince eſtranger & ca-  
tholique, ſçauoir eſt de Conſtans ſon frere, & Em-  
pereur des Gaules & de l'Occident. Lequel s'em-  
ploya tellement par pluſieurs fois pour leur reſta-  
bliſſement & la manutētion de la religion catho-  
lique enuers ledict Cōſtantius leur Seigneur ſou-  
uerain, que ceſtui-cy pour euitier la guerre, dont il  
eſtoit menacé par Conſtans, fut forcé à diuerſes  
fois reuoquer tous les Edicts rigoureux cōtre les-  
dits catholiques, & de remettre S. Athanaſe & les  
Eueſques catholiques en leurs Eglises & diocēſe,  
ainſi que nous teſmoignent les Hiſtoriens Eccle-  
ſiaſtiques & S. Athanaſe, mais ſingulierement ce  
grand Eueſque & confeſſeur Lucifer en ſes liures  
contre Conſtantius. Leſquels il fit expreſſement à  
la deffence dudit S. Athanaſe, & de tous les catho-  
liques, pour la iuſtification de la deſobeiſſance &  
rebellion, dont ledit Conſtantius & les Arriēs les  
accuſoient. Laquelle tāt s'en faut qu'il deſnie, que  
au contraire il pretend monſtrer eſtre tres-saincte  
& ne meriter le nom de rebellion ny ſelon la loy  
de Dieu ny ſelon la foy catholique, declarant ne  
le recognoiſtre avec les catholiques, que pour un  
heretique, vne beſte ſauuage, tyran, Apoſtat, Sacri-  
lege, Idolatre, le Temple des diables, ſeruiteur,  
ſoldat & precurſeur de l'Antechriſt, voire le meſ-  
me Antechriſt, avec ceſte conſclusion, Que peut-

*Conſtans  
ſecours les  
Cath.*

*Meſpris de  
Lucifer &  
des Cath.  
contre Cō-  
ſtantius.*

„ on faire, dit-il, de plus grande sagesse, que briser ta  
 „ teste maudite, & de complaire à Dieu par tel acte?  
 Il fait aussi tout vn liure des Apostatz sur ce seul  
 „ subiect, Que iamais nul seruiteur de Dieu, & qui  
 „ aye en sa crainte & son seruice en recommanda-  
 „ tion, n'a espargné les Apostatz & heretiques de  
 quelque grade qu'ils fussent, monstrant que les  
 loix contre les Apostatz s'entendent aussi bié des  
 Empereurs, que des autres. Nous y renuoyons les  
 Lecteurs : afin de s'y rassasier d'infinies raisons &  
 tesmoignages de l'Escripture.

*S. Hilaire*  
*contre Co-*  
*stantins.*

Nostre S. Hilaire, non moins à bon droit Eues-  
 que de la Frâce qu'Euesque de Poictiers, loué fort  
 avec S. Athanase & toute l'antiquité ce Lucifer,  
 pour le principal Euesque cath. de ce temps là, &  
 qui fut aussi enuoyé Nonce & Ambassadeur de la  
 part du Pape Liberius à Constantius. Et aux liures  
 qu'il a escrit pareillement cōtre le mesme Emp. il  
 ne craint point (dit-il) charger sa cōscience, moins  
 d'en courir le nom d'un perulant, ou d'un mali-  
 cieux effronté, pour l'appeller perfide, mēteur, en-  
 nemy de Dieu, de Iesus Christ, de sa religion, de la  
 memoire des Saints, & heritier rebelle de la pieté  
 de son père, Lyon rugissant, tyran cōtre Dieu & sa  
 religiō, le très-cruel de toutes les cruautéz, le tres-  
 sceleré de tous les mortels, voire de l'impieté des  
 Juifs contre le Sauueur, bref vn Antechrist. Il sou-  
 stient que iustemēt il le tient en mesme rāg qu'un  
 Neron, Decius, & Maximinian qu'il nomme sur  
 les autres Emp. infideles, pour auoir esté entré tous  
 les plus grans persecuteurs des chrestiens. Il prou-  
 ue que ce n'est pas temerité de le nommer de ces  
 beaux tiltres, ains vraye foy: non inconsideration,

mais raison, non fureur, mais confiance. Ce sont ces propres mots. Quāt à S. Athanase appellé des anciens (dit S. Gregoire Euesque de Naziā. & depuis Patriarche de Constantinople) le suport de l'Eglise, il n'en faiēt pas moins, qu'eux. Il le nomme apres qu'il est tōbé en heresie, deffenseur du blasphemē, vn autre Pharaō, vn autre Saül, vn secōd Baltasar: pire qu'Achab, plus cruel & sceleré tyrā, que tous les tyrans, perfide en ses paroles & promesses, mēteur, persecuteur des catho. fin & rusé pour abolir la foy catholique, inconstant & leger en sa foy, l'image & le precurseur de l'Antechrist, voire luy mēme Antechrist. Ou au cōtraire, deuāt qu'il fust heretique, il l'appelle Prince humain, & debōnaire, amateur de Dieu, & auguste tres-religieux.

Qui voudra veoir commēt les saincts peres ont deresté l'Empire de Iulian l'Apostat (outre les maledictions qu'ils en donnoient à Cōstantius, pour l'auoir nōmé pour son successeur, ainsi que nous auons recité cy deuant, pris mot à mot dudit saint Gregoire Naziāzene) lise les deux oraisons ou inuectiues, que ledit S. Gregoire en a laissé, pour seruir contre luy enuers la posterité de tableau & colonnes (comme il dit, au parāgon de celles d'Hercules) de son ignominie perpetuelle, & pour aduertissement à tous Princes, de ne s'esléuer point contre Dieu de la façon, s'ils veulent eūter, que leur memoire ne soit pareillement notée maudite, punie, & vengée par les escriuains catholiques. Il appelle son Edict contre les chrestiens, l'Edict de sa folie, & faute de bon sens: & à luy il l'appelle Apostat, Dragon, Cameleon, Prothée, tyran, sacrilege, le commun ennemy & aduersaire de tous

*S. Athanase contre Constantin.*

*S. Contre Iulian.*



hommes, tres-impie & tres-sot, tres-ignorant es choses hautes, le plus grand persecuteur apres Herodes', traistre apres Iudas, meurtrier de Iesus Christ apres Pilate', tres-audacieux ennemy de Dieu apres les Iuifs, perfide comme Hieroboam, meurtrier comme Achab, cruel comme Pharaon, sacrilege come Nabuchodonosor, singe des chrestiens, le plus vain & leger de tous, exerçant toute sorte de tyrannie, ayāt toute l'impietē r'assemblee en luy seul, estant d'vne nature plus proclive & inuenteresse de mal que tout autre: bref, vn monstre nompareil & inouy en tous siecles, & le plus meschant de tous les hommes cruels & brutaux: finalement que c'est vne partie du deuoir & office de pietē, que de l'attaquer, & poursuiure iustemēt par escrit & inuēctiles. Nous lisons aussi en l'histoire Ecclesiastique, comment Maris Euesque de Calcedoine, personnage fort vieux, & graue, l'appella publiquement meschant, athee & apostat: & comme les Antiochiēs catholiques se mocquoier de luy & de sa barbe, disans qu'il la falloir rondre pour en faire des cordes (c. pour l'estrangler) & que ce taureau (faisans allusion à ce qu'il en auoit prins la figure en ses chiffres) renuerferoit le monde.

*Les SS. Euesques eussent esté de la ligue du Roy contre le R. de N.*

Ce pendant nous laissons à penser à vn chacun, qu'eussent fait ces SS. Euesques, & les bons chrestiens & catholiques de ce temps-là, s'ils eussent eu autant de pouuoir & de force, qu'ils monstrent auoir de raison & de zele cōtre ces Empereurs, deserteurs de la foy, & s'ils les eussent non plus espargnez de fait, que de parole: ou biē s'ils estoier au mode, qu'est-ce qu'ils n'entrepren-droient con-

tre le regne & pretenſion du R. de N. & ſ'ils ne ſe  
rédroient pas volôtiers les confaloniers de la cō-  
frairie, & les eſcriuains ou preſcheurs de la croiſa-  
de & de la ligue du Roy, & des cathol. contre luy?

Ils n'ignoroient pas combiē c'eſt vn crime abo-  
minable deuāt Dieu, que d'iniurier & meſdire de  
ſon Prince, & du Magiſtrat, & non moindre que  
de le depoſſeder, veu qu'appeller ſeulement ſon  
frere ſot, merite le feu eternel, dit le Sauueur. Mais  
auſſi il eſt bien croyable, qu'ils ne ſe fuſſent point  
licentiez iuſques là, & meſmemēt de l'eſcrire, ſans  
en eſtre à toutes fins accuſez ou reprins par l'Egli-  
ſe, ſ'ils n'euffent tous eſté aſſeurez, que ſelon la pa-  
role de Dieu, & à la tradition de l'Egliſe, l'aposta-  
ſie & l'herieſie deſpoüille de foy, & de ſa propre  
vertu, le Roy ou Empereur, de toute fraternité, ſu-  
periorité, & auctoriété iuridique, & deſpetre le ſu-  
iect cath. ou chreſt. de tout reſpect en ſon endroit.  
Il ne ſe lit auſſi rien tant en l'hiſtoire Eccleſiaſti-  
que, que guerres, eſmotions, & deſobeiſſances des  
catholiq. tant des Eueſques, que du peuple contre  
les Ediſts & officiers de Conſtantius, & des ven-  
geances, & tueries d'iceluy contre eux. Non que  
cela prouint d'vne promptitude & inclinatio deſ-  
dicts catholiques à rebellion, ains ſeulement du  
grand zele, qu'ils portoiēt à la foy, & enuers Dieu,  
& de la deteſtation, en laquelle ils ont eu. touſ-  
iours l'herieſie, & les Princes heretiques: par ce que  
(diſent Sozomene & Caſſiodore en ces propres  
mots) obeir à vn Empereur heretique, n'eſtoit pas  
ſageſſe, & luy reſiſter, n'eſtoit ſans dāger. Car auſſi  
S. Hieroſime nous teſmoigne, que ſes cruauſtez &  
perſecutions cōtre les catholiques, & ſes faueurs

*Meſdire  
d'un Roy  
here. licite.*

*Reuoltes  
contre Cō-  
ſtantius.*

enuers les heretiques furent cause, que deuât qu'il mourut, toutes les Eglises, quasi de tout le monde furent pollües, cõtaminees, & remplies des assemblees des Arriens, souz le nom de pacification, & pour la crainte de l'Empereur. Et quant à Iulian, il regna si peu (s. i. an & demy) & il procedoit si doucement & avec tât de ruse & finesse contre les chr. avec ce q̃ la chrestienté estoit encores merueilleusement foible & debile, qu'il mourut plustoit, qu'o n'eust moyen de se recognoistre pour y remedier.

4. Contre  
Valens.

Contre Valens apres qu'il fut heretique par la seductiõ de sa femme, il s'esleua en Orient vn nōmé Procope catholique qui fut receu cōme Empereur de plusieurs villes, qui estoient liguees avec luy, & notamment par les habitans de la ville de Calcedoine & par ceux de la ville capitale de Constantinople situees vis à vis l'une de l'autre. Et encore qu'iceluy eust arresté pour vn temps le cours des cruautez de Valens contre les catholiques, si est-ce, qu'ayant esté cogneu pretendre plus à l'Estat, qu'au bien de la religion, & seruir plus de scandale à l'Eglise, qu'autrement, il fut tenu pour tyrā, & eust vne fin digne de son ambition. Qui fut cause que les catholiques n'osans plus se remuer tant pour son fenestre euenement, que craignans la fureur, la grandeur, & les forces dudiēt Empereur, Dieu suscita & fortifia grādement cōtre luy, pour tesmoignage que tel Empire luy desplaisoit, les Gots, bien qu'il les eust gratifiez beaucoup: de sorte que ceux-cy encontre-poix & comme en vengeance de la modestie & patience des catholiques, le firent brusler tout viu. Et est fort memorable le refus & la responce que l'Empereur Gra-

tian son nepueu luy fit, comme dit Zonare, ou selon Nicéphore l'Empereur Valentinian sien frere, lors qu'il luy demandoit secours & ayde cōtre les Scithes, c'est à sçauoir qu'un Cath. ne pouuoit iustement & avec saine conscience fauoriser & employer ses forces & moyēs pour porter ayde, & se ioindre avec celuy qui estoit ennemy de Dieu, & qui luy faisoit la guerre par son heresie & vexatiō des Cathol: ains qu'au contraire il luy falloit rabattre son orgueil: ce que causa vne tres-grāde tristesse audiēt Valens. Ce neantmoins il ne receust guerre plus fauorable respōce, ny moins Chrestienne de Traian, Terence, Arinthee & Victor, qu'il auoit creēz Lieutenans generaux en ses armees, & lesquels estoient bons Cathol. Car comme il leur reprochoit les pertes des batailles, & les reiettoit sur leur laschetē & coūardise, ils luy sçurent & oferent tresbien dire & remōstrer, que ce n'estoiet pas eux, qui en estoient cause, mais luy seul, en ce qu'il batailloit cōtre Dieu: duquel procedoit toute ayde, & ne recourant point à luy par amendement, & conuersion à la foy Catholique. il repoussoit de foy la victoire, & la renuoyoit à ses ennemis, que Dieu luy auoit suscité expres. Les oppressions dont il vsoit contre les Cath. l'auoient rendu à tout le peuple si execrable & hay que ceux de Constantinopole ne se peurent cōtenir de luy dire vn iour des iniures à la face, & à grands cris publics. Dequoy il estoit plus qu'enragē, & n'osoit toutesfois s'en vēger de crainte de reuolte, & aussi que ses autres ennemis le ferroient de bien prez.

*Les Chre.  
denient se-  
cours à  
l'her. voire  
contre in-  
fidelle.*

*Valēs hay  
des Cath.*

*s. contre  
Anastase*

Contre Anastase 1. successeur de Basiliſque cōme il fut declarē l'an 494. Em. apres Zenō par Ariad-

ne la vefue d'iceluy, & depuis fa femme, le Patriarche Euphemius s'y oppofa fort & ferme l'appellât heretique, & maintenât qu'il estoit indigne à ceste occasion de commander fur les Chrestiens (comme

*Heretiq.  
indigne de  
commâler  
aux Cat.*

parle en ces propres termes Theodorus Grec, argument tref-certain, que telle à esté tousiours la creâce de la chrestiête) Et quelque force que l'Imperatrice & le Senat luy fit au contraire pour l'y faire condescendre, foustenant qu'il n'estoit point heret. il n'y voulut iamais consentir ny passer outre aux ceremonies de son couronnement, si celuy côm suspect ne s'obligeoit par ferment & feing manuel de garder inuiolablement la foy Cath. selon le dernier Cócile de Chalcedoine. Combien qu'il ne fut des plus obstinez & facheux heret. ains qu'il variat fouuent en fa religion, toutesfois le Pape Romain

*Empereur  
heretique.  
excommu.*

Anastase de mefme nom que luy, l'excommunia, à cause de son heresie Eutichienne ( qui auoit esté condamnée par le Concile general de Chalcedoine, plus de 50. ans deuant) & Manichienne. Son fuccesseur Simmachus en fit le mefme, comme aucuns efcriuēt, que fit aufli le Pape Gelase en mefme tēps qu'il excommunia comme heretique, le Roy des Vandales en Affrique. Iceluy voulant retirer des mains du Patriarche Macedonius fa promesse & obligatiō de tenir la foy catholique, pour la crainte qu'il auoit de reproche, s'il laiffoit à la posterité vn acte, qui fut contraire à fa vie & religion, il fuscita à ces fins les heretiques & des moines excommuniez contre ledit Macedonius, qui luy auoit refusé tout à plat de le luy rendre: mais le commun peuple qui estoit catholique, avec les femmes & enfans, & les chefs des ordres de Re-

ligieux, s'esleua au cōtraire, pour sa deffence, criāt à haute voix, Sus Chrestiens & catholiques il est temps d'endurer le martyre, que personne n'abandonne son pasteur & pere: & de plus ne cesserent d'iniurer l'Empereur l'appellant Manichien, & luy reprochant que comme tel, il estoit indigne de l'Empire (disent Nicephore & Theodoret) qui estonna tellement Anastase, qu'il fut contraint se retirer & faire semblant de cherir, & se reconcilier avec le Patriarche & le Clergé.

*Le peuple  
s'esleue cō-  
tre luy.*

Et deslors les guerres & les esmotions populaires furent si ordinaires & frequentes contre l'Empereur, pour estre heretique que pour y obuier, Anastase commenda, que l'Eparque de la ville suiuroit les processions. Dōt la coustume, par laquelle les Magistrats & le Capitaine du guet vont & suivent apres les processions publiques, à prins son commencement, dit vn ancien Grec Theodorus. S'esleuerent ausli au leuant l'un apres l'autre deux chefs souz le nō des cath. & de plusieurs Euesques, appelez de mesme nom Longinus. Et apres ceux là à la faueur des catholiques & notammēt, dit Sigibert, pour la haine qu'ils portoiēt à l'heresie s'esleua, non tant de son propre mouuement, comme à l'instigation des cath. vn nommé Vitaliā, lequel ils esleurent Empereur au lieu d'Anastase avec declaration & protestation publice, Que ce n'estoit qu'à cause & en faueur de la religion catholique & le reestablisement du Patriarche de Constant, exilé pour la religion cathol. Et bien peu de iours deuant la mort d'Anastase à la fuscitation du Patriarche & du Clergé, les catholiques de Constantinople s'esleurent contre luy lors de la publica-

*La desob-  
eissance  
des Cath.  
contre vn  
Princ her.  
est cause  
que le Ma-  
gistrat suit  
les Proce-  
sions.*

*Vitalian  
cree Em-  
pereur par  
les Catho.*

tion ou execution d'un sien Edit, pour son heresie. De façon qu'ils ruinerent & bruslerent plusieurs maisons des heretiques, & en tuerent grand nombre: & maudifans l'Empereur crioient à haute voix ne recognoistre pour Empereur que Vitaliā, & spécialement qu'Anastase en estoit indigne, comme here. Et sans qu'iceluy faisant de necessité vertu fut en public se demettre de la Courōne, & enuoya crier par ses herauts par toute la ville de sa part, qu'il estoit prest de se deporter de l'Empire, & y renōcer entierement, il estoit en grand dāger de sa vie: toutesfois il ne sceut si biē faire, que le peuple ne trainat par ville avec vne corde au col son effigie, & celle de l'Imperatrice, & que les Magistrats ne courussent danger de leur vie.

6. contre.  
Heraclius.

Heraclius & son petit fils Constans 2. que Belloy doit appeller Constantin 3. (car celuy qu'on nomme communement Constantin 3. estoit son pere, & bon Catholique) se laisserent à la verité aller à l'opiniō des Monothelites long temps apres estre Empereurs, mais c'estoit deuant que telle opinion eust esté condānee pour heresie par vn Concile general, lequel fut tenu quelque temps apres à Constantinople à ces fins: & fut appellé la 6. Synode generale de Constantinople. Toutesfois Heraclius enuiron l'an 620. cognoissant ceste opiniō estre reprouuee par le Pape Honorius (car ainsi faut-il lire en Zonare au lieu de Sergius) & par vne assemblee de Clergé en forme de Concile, tenue en Hierusalem par le Patriarche du lieu, il abiura son erreur: & à la persuation du Pape il depossa & chassa en exil Pyrrhus Patriarche de Constantinople, comme estant à ceste occasion

excommunié, & depofé par la Sainteté. Et iceluy eftât reuenu en Conftantinople quelque tēps apres la mort d'Heraclius, & apres s'eftre recōcilié & vny en foy avec le Pape par feintife, fut de rechef chaffé par le Senat, comme il fut recognu heretiq. Toutesfois tous les hiftoriēs remarquent, que depuis qu'Heraclius eut varié en la foy, qui fut cinq à fix ans auant fa mort, il fut auffi malheureux en tous fes succez, qu'il auoit efté heureux par le paffé, iufques à venir en tel mefpris & defdain des foldats de l'armee, qu'ils eflleurēt Baanes pour Empereur en fa place. Auffi s'eleua pour lors avec forces l'homme de perdition Mahomet l'an 621.

Conftans 2. ne fut ny excōmunié, ny depofé par sentence, tant parce que les affaires de la Chreftienté eftoient fort des-cousues & en trouble pour la religion & pour l'Empire, dit Platine, auffi que les Papes eftoient par la cruauté dudit Empereur fi tourmētez, qu'ils auoient beaucoup d'affaire à fe maintenir, telmoing que les Legats, que le Pape Martin enuoya vers luy pour l'inftuire, & conuertir, furent fort tourmentez en leurs perfonnes, par banniffemēt & longues prifons: & le Pape mefme fut amené prifonnier en Conftantinople, & depuis relegué en exil, où il mourut miferablement, les mains & la lāgue coupee, pour la feule occafion de fon zele pour la foy, & qu'il auoit excommunié & priué par sentence Paul Patriarche de Conftantinople pour telle heresie, comme auoit fait Theodorus fon predeceffeur. Il tint auffi à peu qu'il ne fit le mefme au Pape Vitalian. Neantmoins ledict Empereur pour fon heresie, & telles perfecutions contre les Catholiques & Pa-

7. *Contra  
Confians.*



pes, fut si hay de ses subiects, qu'ils luy brassèrent vne telle partie, que pour sauuer sa vie, il fut contraint quitter Constantinople, & s'enfuyr en Saragoce de Sicile, où il fut tué d'une cruche ou pot à eau sur la teste. Surquoy on notera en passant, que l'exemple de ce Constans, ne peut estre non plus à propos contre nostre proposition, que celuy de ce Paul Patriarche, pour prouuer que les Euesques & beneficiers heretiques ne peuvent estre denuiez.

*Iustinian non heret.* Quant à Iustinian, le doute n'est pas petit (dict Nicephore) s'il à esté heretiq. toutesfois tous ceux qui le disent, assurent que ce fut si peu de iours deuant sa mort, qu'on n'en peut estre assuré.

*3. Contre Philippi que deposé & excommunié.* Contre Philippique estant tombé en heresie contre les images, le Pape Constantin l'an 713. & la chrestienté se rendant forte de plus en plus, assembla vn Concile: auquel fut ordonné de ne le reconnoistre aucunement pour Empereur. Et fut par expres deffendu, que son nom ne seroit en façon quelcōque mentionné aux actes publics, ny aux escritures priuees, ny engraué es monoyes, & moins nommé au Canon de la Messe. Dont les catholiques, tant le Senat que le peuple esleurent biē tost apres Anastase second, dit Arthemius, lequel le deposseda de l'empire, apres lui auoir creué les yeux, enuoiant au Pape sa profession de la foy catholique, pour oster tout doute, qu'il fut heretique, & afin de nostre exclus de la communion de l'Eglise, & priué de l'Empire.

*9. Contre Leon 3. excommunié & dégradé.* Contre Leon 3. surnomé Iconomaque 1. Chasse image les Euesques de l'Eglise Orientalle, & singulieremēt celuy de Damasque procederēt par Anatheme. Et au couchant le Pape Gregoire second

enuiroñ l'an 720. apres auoir essayé par lettres & diuers Nonces & Legats de la conuertir, fit deffen-  
ce à tous chrestiens de ne luy obeir aucunement,  
& moins de luy paier desormais les deuoirs & tri-  
buz ordinaires. Ce qui fut soudain obserué tresbié  
en Italie. Et deslors les Italiens & Vinitiens vou-  
loient eslire vn Empereur catholique, si le Pape ne  
l'eust empesché, pour l'esperance qu'il auoit de sa  
conuersion. Toutes fois il ne sceut si bien faire que  
chacune ville ne se fit vn Duc, & que Paul Epar-  
che de Rauéne ne fut tué par le peuple pour vou-  
loir maintenir l'auctorité de l'Empereur contre la  
Bulle & declaratiõ du Pape. Son successeur Greg.  
3. assembla vn Concile à Rome, auquel ledit Leon  
fut excõmunié, & déclaré priué de l'Empire pour  
son heresie contre les images. Dõt toute l'Italie &  
le Pape delaisât l'obeissance ordinaire enuers l'Em-  
pereur de Constan. recoururent à la protection &  
au secours des Frãçois & de Charles Martel, pour  
le zele qu'on voyoit qu'ils auoient à la religion  
catholique. Et pour ceste cause les Occidentaux  
n'ont point despuis ce tẽps obey ny reconnu l'Em-  
pereur du Leuant pour leur Seigneur. Et l'on ne  
lit point aussi que despuis aucun Roy ou Prince  
ait esté heretique en quelque nation que ce soit,  
souz la foy & vnion de l'Eglise Romaine lequel  
n'aye esté depossédé & priué de sa Royauté ou  
Principauté, pour son heresie, ou recheute en infi-  
delité, ou par les siens, ou par les Princes estrangers  
ou voisins catholiques.

*L'Occident  
se depart  
de l'Emp.  
pour l'he-  
resie des  
Empereurs.*

Ratbodus Roy des Frisons n'est pas si tost retõ-  
bé en Idolatrie, que les chrestiens ses subiects ont  
recours à Charles Martel, lequel le força & y remit

*10. Contre  
Ratbodus.*

la religion Chrestienne enuiron l'an 730.

11. contre  
Raimiris.

Raimiris 2. Roy d'Espagne enuiron l'an 900. mit son frere Alphonce, qui estoit aussi R. pource seulement qu'il auoit laissé la foy Chrestie. en perpetuelle prison apres luy auoir creué les yeux.

12. contre  
Rollo.

Rollo premier Duc des Normans ayant delaisé la foy Chrest. enuiron l'an 920. il est contraint par l'Empereur Henry premier reprendre la religion Chrest. souz peine de demission de la Royauté.

13. contre  
Trebellius.

Trebellius le premier Roy Chrest. des Bulgares ayât laissé à son fils son Roiaume pour se retirer & viure en religion Monastique, & iceluy retournât en son Idolatrie, il sort du Monastere pour faire la guerre à son fils. Il le prend, luy creue les yeux, & le condamne à perpetuelles prison l'an 895.

14. contre  
les Sarra.  
R. d'Espa-  
gne.

Les Arabes dit Sarrazins ou Mores ont ils gagné les Espagnes l'an 714. apres la bataille gaignee contre le Roy Rodrigue, ou il fut tué ( non tant par force dit l'Archeuesque Roderic, comme par conuention & traité de paix frauduleuse, accordée neantmoins avec les principaux Euesques & Princes Chrestiens du pays) vn grand nombre de chrestiens, & Euesques, recognoissans la faute qu'ils auoient faicte de se souz-mettre si laschement à gens de contraire religion, induits partie de crainte, partie de leurs promesses, par lesquelles il leur auoient promis & iuré en payant les tributs toute pleniére iouyssance de leurs biens & entiere liberté de leur religion ( laquelle leur à esté gardée pres de 400. ans ) s'estans vnis & liguez ensemble ils esleurent enuiron l'an 717. pour Roy, vn de leurs Princes & Capitaines nommé Pelagius, Pelayo en Espagnol, avec lequel ils

ils se cantonnerent vers les montagnes d'Ogne, & la ville de Lyon, & firēt la guerre aux Arabes, non obstant le serment de fidelité, qu'ils leur auoient fait, & à Muça leur Roy & Duc: & eurent en telle detestation les autres chrestiens, qui demeuroient es villes & lieux de l'obeissance des Arabes, & qui ne vouloient s'affectionner au fait de la religion, se contentans de viure paisiblement souz les armes & la puissance d'icēux, qu'ils les appellerēt Mixtes ou Metis, qui est de mesme, que ce que no<sup>9</sup> appel-  
Chrestien  
Mein.  
Catholique  
vnn.

L'inimitié & la haine s'eschauffa tellement entre les chrestiens obeissans audiēts Sarrazins & les autres reduicts soubs Pelagius, qu'ils se faisoient moult grosse guerre les vns contre les autres. Et d'autant que le Roy Alfonce, gendre dudiēt Pelagius & sien successeur apres Fasille son fils, se demonstra fort vaillant & bien zelé deffenseur de la foy, il fut à cēste occasion surnōmé apres sa mort par les siens le Roy catholique, non à comparai-  
Le tiltre de  
cat. pour-  
quoy attri-  
bué au Roy  
d'Espagne.  
son ou a differencē, comme aucuns pensent, de Charles Martel, qui commandoit lors aux François, & qui se meit pareillement à faire la guerre aux Sarrazins, ny aussi à difference desdīcts Sarrazins, qui occupoient les Espagnes, & estoient les Seigneurs du pays, moins encores des Arriens, comme s'il auoit exterminé l'Arrianisme (qui est l'opinion cōmune) car cela est trop ridicule: d'autant que le Roy Recared les en auoit desia chas-

sez & extirpez pres de cent ans deuant, mais seulement (ce que peu de gens obseruent) à comparaison de ses faux, froidz, & non zelez Chrestiens, qui estoient vnis, meslez, & obeyssans aux Arabes: & lesquelz pretendoient, pour leur excuse, ou sottie iustification, vne fidelité, obeyssance, & patience disoient ils) Chrestienne enuers leur prince ou Roy, de quelque religion qu'il fut: & que les autres qui s'estoient despartis de l'Edict de pacification, & du traité & conuention generale de la Paix, qui auoit esté iuree par les ordres du pais, n'estoient que seditieux, rebelles, perturbateurs du repos public, manuais Chrestiens, esclaves de l'ambition & passion de leur chef Pelagius, plustost que seruiteur de Dieu, ou zelateurs de la religion. D'autant qu'ils l'accusoyent de n'auoir prins les armes, ny dressé telle ligue des bons Chrestiens & catholiques, que pour son interest particulier, & pour le desir de regner, & en tous cas, pour se venger d'un autre Prince & Seigneur, dit Munusa, contre lequel il auoit inimitié mortelle, à cause qu'iceluy auoit violé sa sœur, & qui, bien qu'il fust chrestien de religion, tenoit le party, & estoit de la faction des infidelles & Gouverneur du pays de Gigio sous eux: toutefois la verité est, que la guerre, qui se faisoit pour lors de Chrestien à chrestien, n'estoit fondée principalement que sur ce dire & proposition, que les Metis soustenoyent, Que la consideration de la religion n'estoit point necessaire pour pouoir regner sur les Chrestiens, de sorte qu'iceux ne peussent se soumettre de nouveau à un Seigneur infidelle, les autres au contraire, tenoyent se dire non seulement pour erreur, mais

*Reproche  
contre le R.  
des cathol.*

*La cause  
de la hayne  
du cathol.  
contre le  
Metis.*

aussi pour heresie. C'est pourquoy eux & leur Roy ont obtenu ce nom de catholique, comme estans ceux, qui combatoyent pour l'opinion sainte, veritable & catholique.

La corruption de ce siecle estoit si grande, que les principaux Princes, tât du sang, qu'autres voite partie des Euesques, & mesmemet l'Archeuesque de Seuille, qui se pretendoit Primat d'Espagne, cõtre celuy de Tolete, nommé Oppa, fils de Roy, estoient ceux, qui gaignez d'une mollesse, faincantise, & estans enyurez de la douceur de leur patrie de leur reuenus & commoditez, de la paix & repos de ceste vie, & pour la crainte & vaine opinion, qu'ils auoient des grandes forces des Sarrazins, alloyent çà & là, pour persuader les Chrestiens à se renger, & se contenir en paix sous leur Seigneur & Roy ia receu, iuré & accordé par eux tous, combien qu'il fut de la religion de Mahomet, alleguans qu'il falloit obeir aux superieurs & Roys, voire infideles, & que les Chrestiens se doiuent contenter, pourueu qu'il les maintint en la iouissance de leurs biens, & notamment qu'ils deuoyent s'accommoder à la necessité du temps, attendant que Dieu y apportat le remede ou qu'il leur vint d'ailleurs quelque grand secours Catholique & Chrestien suffisant pour seconer entierement le ioug des infidelles.

*Diligence  
& raisons  
des Metis.*

Mais tant s'en faut que la posterité aye loué l'actiõ de ces Chrestiens tẽporiseurs, & non moins faux Politiques que faux Chrestiens, ou qu'elle aye blasme l'acte de ces Cathol. zelateurs & de ces Pelagius esleu leur Roy, cõbien qu'il ne fut des plus proches du dernier Roy decedé, & que le chef ou

*Les Metis  
nommez  
Metzararabes.*

*Origine du  
nom Oppé  
ou Vppé.*

*Les Cath.  
benits de  
Dieu.*

Capitaine des Sarrazins fut leur vray Roy & Seigneur par droit de guerre, de conqueste, & de serment de fidelité : qu'au contraire ceux-là en ont rapporté enuers les chrestiens le nom & le tiltre de Metzarabes, c'est à dire Metis, & enuers les propres Sarrazins qu'ils les mesprisoient, & les reputoient d'autant plus meschans, qu'ils s'estoient souz-mis à gens infideles, pour presferer le monde à la deffence de leur religiō de Marranes, qui vaut autant en Arabe qu'Apostats en Grec, & deserteurs ou abandonneurs en François. Aussi nous voyons, que du nom de leur chef dict Oppa ou Vppa, ce nom de Vppé est demeuré pour iniure contre celui, qui se laisse trōper sortement. Et tous iceux ensemble ont esté maudits & de Dieu & des hommes à iamais, pour auoir par leur grande & extreme lascheté perdu en huit mois ce qui a cousté à recouurer quasi huiet cens ans, avec l'effusion du sang de plus de milliards de chrestiens, qu'il n'eust cousté lors d'hommes.

Mais quant aux autres & à leur Roy Pelagius il en a esté canonisé & appellé saint. Et Dieu à tellement benit le zele de ces cath. & particulièrement la lignee & succession de Pelagius, que c'est le premier, qui a donné cōmencement aux Rois de Leō & de Castille, & que le Roy Philippe, qui regne aujourd'huy, en est (comme disent Vassaus & Roderic descendu, sans aucune interruptiō ou chāge de famille. Et en outre ce petit commencement du party des bons chrestiens & catholiques (c'est à dire en cest endroit zelateurs de la foy, & autant que ceux, qui se sont souz-mis & maintenus si laschement souz vn Roy infidele, ont esté suspect

d'apostasie, & subiects à l'inquisition) souz ce Roy, a tellemēt accreu, qu'il a seruy de pied, d'entree, & de moyē puis apres, pour chasser entieremēt d'Espagne les Sarrazins, & d'y conseruer ce pendant en quelques endroits la religion chrestienne en sa pureté: ou sans cela les Sarrazins y seroient encore, & la chrestienté y seroit du tout esteincte. Et c'est la raison aussi pour entendre ce, que peu de gens obseruent, qu'à l'imitation & en consequence dudit Alphonse, le Roy Ferdinand, dit le Grād, a depuis obtenu du Pape long temps apres, c'est à sçauoir en l'an 1487. semblable tiltre de catholique, tant pour luy, que pour ses successeurs, pour auoir paracheué heureusement la besongne & entreprinse encommencee si religieusement par ledit Pelagius & Alphonse, ayāt chassé hors des Espagnes les Mores ou Sarrazins, & deliuré entierement les chrestiens & bons cathol. Espagnols de leur puissance & domination.

Les catholiques des enuiron les mōts Pirenees vers Arragō & Nauarre, à l'exemple des autres de Castille esleurēt pareillement 15. ans apres à mesme occasion pour leur Roy, Garfie Ximene, qui a esté le premier Roy de Nauarre & d'Arragon: & duquel sont descendus tous les autres. Ce qui est d'autāt plus remarquable, que le R. de N. ne peut pretēdre en Nauarre aucun droit, que cōme estāt vn des descendans & successeurs, ou ayāt droit de ce Garfie, & autant par consequent, qu'il est permis au subiect chrestien ou cath. de resister & de mettre le Seigneur infidele ou heretiq. qui de nouueau luy veut commander, en vn estat ja chrestie & cath. & qu'aussi vn chacun acquiert droit & iu-

*Cause 2.  
du nom de  
Cath. aux  
Roy d'Esp.*

*Cause de  
l'origine  
des Royau-  
mes de N.  
& d'Ar-  
ragon.*



ste tiltre de regne par ce moyen audit estat.

15. *Le fils  
Cath. gsteuē  
eōtre le Roy  
Et son pere  
heretiq.*

C'estoit avec le mesme zele, que long temps deuant, & lors que l'Espagne n'auoit esté encores commandee que par Roy tous Arriens, Hemergildus Catholique, fils aîné de Leouigildus Roy d'Espagne & Arrien, estant fait Catholique par sa femme, fille de nostre Roy Sigibert, ne douta point de faire vne ligue, & s'esleuer contre son pere, avec la faueur des Catholiques enuiron l'an 580. à l'occasiō seule de son heresie Arrienne. Toutesfois ce ne fut pas avec si bon heur, que Pelagius: car ayant esté assiégé par son pere dans Seuille & s'estant rendu sur la foy & seureté des accords & conuētions de paix, il fut grieuement tormētē, & en fin non seulemēt tenu inhabile de la succession, mais tué en prison par le propre main de son pere, & ce pour ne vouloit adherer à l'heresie ny renier la foy Catholique. bien qu'en tel cas son pere luy offrit le declarer son successeur, & non autrement. Et tant s'en faut aussi que nos peres ayent blasmé de perfide & rebellion son zele & entreprinse qu'il en a esté reCOMMANDÉ & signalé du tiltre de Sainct & Martyr.

Ces exemples ont tellement seruy de terreur & de loy en Espagne, que lon ne voit point, que depuis les Chrestiens y ayent iamais peu ny voulu endurer pour leur Roy, aucun, qui sēt mal de la foy & religion chrestienne ou catholique: Et ce conformement au 6. Concile de Tolere le quel l'an 637. ordonna (argument certain, que la religion & l'Eglise à rousiours réglé és estats & Royaumes Chrestiens la loy de la constitution ou succession des Roys) Que chacun Roy (il ne

*Concile de  
Tolete contre  
le Roy  
heretiq.*

peut parler que de ceux, qui y venoient par succession, d'autant que telle estoit leur forme ordinaire, comme chez nous) deuât de pouuoir estre tenu pour Roy, & estre assis au throne & siege royal (comme il parle) iureroit solennellemēt, non seulement d'estre catholique & d'y perseuerer toute sa vie, mais aussi de ne permettre viure en son royaume aucun, qui sentit mal de la foy catholique: & que s'il se trouuoit aucun des Roys, qui contreuint à tel serment, qu'il fut priué de la compagnie non seulement de l'Eglise, mais aussi du commerce des chrestiens avec tous ses adherens, tant ecclesiastiques, qu'autres, & qu'il fut anatheme & excommunication à vn chacun, voire l'apast ou nourriture du feu eternel. Ce sont les propres mots.

*Nul ne  
peut estre  
Roy s'il  
n'est Cath.  
& s'il ne  
iure chas-  
ser tout he-  
retique.*

Nous lisons aussi en Isidore, que Vicericus Roy d'Espagne fut tué en disnant l'an 608. par les catholiques, par ce qu'il y vouloit introduire de rechef l'heresie des Arriens, combien qu'il fit belle demonstration de catholique. Qui fut cause, que pour obuier au changement de la religion, & que la couronne ne tōbast en vn heretiq. ou autre qui les peut fauoriser, au Concile 4. de Tholede 20. ans ou enuiron apres, il fut ordonné à l'approbation du Roy Sisenande, des Princes, & de tous les ordres du royaume, qu'aucun ne pourroit estre constitué Roy (bien qu'il vint par succession) que par le cōmun aduis & conseil des principaux Seigneurs chrestiens, & notamment des ecclesiastiques: par ce qu'il n'est pas volōtiers à croire qu'ils y mettent ou reçoient vn heretique, ou nul qui sente mal de la foy. Et ledict Concile ne craignit point, que ce fut entreprinse sur la souueraineté

*16. Roys.  
suspects he-  
retiq. tué  
par les Ca-  
tholiques.*

*Nul Roy  
receu sans  
l'approba-  
tio des Ec-  
clesiastiq.*

des Roys, ny sur la iurisdiction temporelle, de desposseder le Roy Snintilla, qui auoit vsurpé la royauté par autre voye, & de le declarer non seulement priué à iamais de l'entree de l'Eglise, mais de la compagnie & conuersation de tous les chrestiens & catholiques, voire exclus de tous honneurs & grades, & par expres d'estre inhabile de la succession du royaume.

17. *Contre Vitzza.* L'exemple que nous auons allegué du Roy Vitzza depolé, & ce pour sa mauuaise vie, & pour l'heresie & attentat contre le celibat des ecclesiastiques, peut seruir en cest endroit.

18. *Contre les Comtes de Tholoze.* Côme aussi celuy des Comtes Raimó de Tholoze, tant pere que fils, desquels le premier pour auoir esté relaps, fut non seulement excommunié & destitué, mais aussi priué entierement & pour tousiours de sepulture sainte, bien qu'il fut mort avec repentance, & quelque instance que son fils, qui s'estoit conuertý à la foy catholique, en peut faire enuers le Pape & le Roy.

19. *Contre Stauratius.* Mais pour retourner aux Empereurs du leuant, & ne laisser aucun exemple, sans y verifier & faire toucher au doigt, côme les catholiques se sont tousiours opposez à leur domination, ou l'ont tousiours detestee, selon que le téps leur a peu permettre. Stauratius l'an 811. Empereur heretique, bien que venu par legitime succession, ayât esté couronné du viuant de son pere Nicephore, qui estoit catholique, il ne fut pas si tost descouuert Iconomaque, qu'il est depolé & renfermé dás vn Monastere, & vestu d'un habit de Moine par l'auctorité du Senat de Cōstātinople, qui y met en sa place, avec le consentement de l'armée, Michaél Curolopaté

bon catholique & son beau-frere.

Leó Armenius, qui a enuahy & occupé l'Empire sur ledit Michael, estant tombé en mesme heresie, par la crainte de la prognostique d'un Moine heretique, qui lui predisoit autrement tout malheur, & au contraire tout heur (de mesmes que Brocard & les Huguenots font au R. de N. par leurs Almanacs & prediétions ) le Patriarche S. Nicephore s'opposa directement à luy, & reprouua d'impieté par escrit & par paroles son Edict contre les SS. Images. Qui fut cause, qu'il l'éuoya en exil, & qu'il vfa de beaucoup de cruauté contre les catholiques. Et combien qu'il fut tres-accomply au reste pour le gouuernement de l'estat politique, soit en l'observation seuer de la iustice, l'establissement & la trice de bons Magistrats sans venalité aucune, soit pour le soulagement du peuple, & generalement pour n'auoir rien oublié de tout ce, qui estoit necessaire & utile pour la chose publique, dit Cedre. toutesfois il vescu en perpetuelles & incroyables deffiances: & en fin il fut tué dás sa Chappelle pres l'Autel, d'où il auoit osté les sacrez images, son corps trainé par la ville, & ses quatre enfans, voire celuy qui estoit nommé empereur, chastrez, & enuoyez en exil avec leur mere, par la nienee des Princes, & singulierement de Michael le Begue son compere, qui fut esleu & receu empereur, avec grand applaudissement de tous, bien qu'il eut encotes les fers aux pieds, pour auoir esté condamné par ledit Leon à estre bruslé, & qu'il fut tenu en vne prison miserable.

20. *Contre  
Leon 5.*

Ledit Michael le Begue, combien qu'il fit du catholique, & eut promis au Patriarche Nicepho-

21. *contre  
Michael.*

re, de ne riē innouer au faict de la religion, si est-ce que s'estant rédu la sentine des sectes (comme parle Zonare) & imitateur en tout de Copronime, il ne fut pas long temps, sans que les catholiques fauorissassent Thomas dit Constantin, qui se fit nommer Empereur, & lequel faisoit du catholique ayant esté couronné par le Patriarche d'Anthiochie, & receu tellement de tous ceux, qui hayssioient Michael pour son heresie, dit Cedren. Grec, qu'il obtient en brieſ quasi toute l'Asie & Thrace, iusques à tenir long temps assiegé Michaël dans Constantinople, sur l'esperance qu'il auoit que les catholiques luy ouuriroient les portes. Les Sarrazins d'Espagne voyans ceste diuision, ne faillirent pas d'en faire leur profit, & occuperent en ces entrefaictes l'isle de Crete dite Candie, & par leur moyen Euphemius fut appellé Empereur, & se saisit de la Sicille. Et la Dalmatie, autrement la Sclauonie se despartit entierement de l'Empire Romain.

12. contre  
*Theophile.*

Contre Theophile, enuiron l'an 840. fils dudiect Michael, plus meschant que tous ses predecesseurs & le dernier Empereur du Leuāt, qui se trouue heretiq, l'armee qui estoit en Perse salue pour l'Empereur vn Theophobus: & n'est merueille si l'ō ne voit plus grand ressentiment des catholiques, ny d'excommunication ny disposition contre luy: d'autāt que le nombre des heretiques estoit fort acreu par persecutions & vexatiōs inoues contre les catholiq: & ceux qui estoient pour lors Patriarches, estoient pareillement heretiques, apres que Methodius Patriarche de Constantinople catholique eut esté enuoyé en exil, & grandement tourmēté,

Touresfois la liberté de parler n'estoit pas tellement perdue d'entre les catholiques, que les Moines dits Abrahamites, & d'autres, ravis d'un saint zele, ne s'assemblassent en trouppes pour luy résister en face, & luy prouver par bonnes raisons l'impieté de son heresie. Et les Papes ne se mesloient quasi plus du Leuant, tant pour y estre hays à cause de la translation qu'ils auoient faict de l'autorité & des marques Imperiales aux François, que d'autant qu'ils remettoient à Dieu de les déposer comme gens reprouuez, l'Empire n'y estant plus conserué (dict Palmerius) que de nom seulement, tant à l'occasion que les Romains & tout le Couchant s'en estoient departis que par continuelles incursions, que les Barbares y faisoient.

Nous ne nous arresterons point icy à descrire comment l'Empire est deuenu aux François en la personne de Pepin & Charlemagne, tant pour eux, que pour leurs successeurs, ny comme ils ont esté reuestus & agrandis par l'Eglise & les catholiques des despouilles des Empereurs du Leuant, à l'occasion qu'ils estoient heretiques, parce que c'est chose connue à vn chacun, & que le precedēt en sert de bonne indice ou preuve.

*L'Emper.  
deuolu aux  
François à  
cause de  
l'heresie des  
Emper.*

Biē dirons-nous comme de tous les Empereurs du Couchant & de l'Eglise Latine, il ne s'en trouue acū, qui aye esté preueni ny suspect d'heresie, que Henry quatriesme dit le Gros, à raison duquel a esté dict l'heresie Hericienne, touchant la symonie, outre qu'il tenoit celle contre le Celibat des Prestres. Toutesfois il tomba en vne faiso & sous vn Pape Gregoire 7. qui ne faillit pas l'ā 1076. sui-

*13. contre  
Henry 4.  
depossédé  
& excom-  
munié.*

uât l'aduis & la resolution prinse au Cōcile de Latran, tenu à ces fins de 110. luesques, d'absoudre ça esté le premier empereur Latin excōmunié & depose) les subiects du serment de fidelite, le declarer indigne & priué de toute autorité Imperiale, & de l'excommunier (car ainsi voyōs nous qu'au formulaire, qui nous en reste, l'excommunication suit la deposition.) A l'occasion dequoy l'Imperatrice Agnes se retira de sa compagnie à Rome. Les Alle-mans, principalemēt les Saxons esleurent pour Empereur Rodolphe Duc de Sueue, auquel le Pape enuoya la couronne Imperiale. Les Hongres se reuolterent en despit de leur Roy Salomon, qui tenoit son party, comme son beau frere, & lequel à eeste occasion ils deposèrent & tindrent en longues prisons. Et presques tous les Princes & subiects catholiques renoncerent quasi aussi tost à son Empire, & se departirent entierement de sa domination, les cornes de l'Eglise Romaine (dit l'Abbé Vspergence, que nous nommons d'autāt plus volontiers, qu'il est fort loué des heretiques) estans esleuees par la sagesse & bonté diuine. De façon qu'il fut contrainct par necessité de recourir au Pape, pour luy demander l'absolution avec grande humilité, prosterné à terre, vestu d'accoustremets de laine bien simples, & marchāt des la porte de la ville les pieds nuds, bien que ce fut au tēps de grandes froidures, avec vn grand & solemnel serment de n'y retourner plus. Mais s'estant rendu relaps, & estant recheu en sa premiere obstination & schisme, il n'en sortit pas à si bon compte, d'autant que par sentence du Pape Paschal 2. prononcée en vn autre Concile de La-

*Les subiects  
se destraiēt  
de l'Empe-  
reur heret.*

*Henry re-  
laps de gra-  
de.*

tran, assemblé pour ceste seule occasiō, il fut de re-  
 chef priué de tout droit de l'Empire, & excommu-  
 nié. Et cela tant du consentement de toutes les na-  
 tions chrestiennes, de tous les Princes de l'Empire,  
 & autres, que singulieremēt de nostre Roy l'Philip-  
 pes & des François. Et suiuant cela il fut par effect  
 dans la ville de Mayence degradé & despouyllé  
 publiquement sur vn eschaffaut de tous ornemēs  
 Imperiaux, comme de la Croix, la Lance, la Pom-  
 me, le Sceptre, & de la Couronne, comme il dit luy  
 mesmes en son epistre) par les Euesques de Mayē-  
 ce, Cologne, & Vvorme: lesquels en reuestirēt son  
 fils Henry 5. le subrogeās en sa place, en recognois-  
 sance du deuoir, qu'il auoit rendu à la religion ca-  
 tholique, pour laquelle il n'auoit point crainct d'é-  
 treprendre la guerre contre son propre pere: afin  
 de purger (disoit-il) luy mesme l'Empire de ceste  
 note d'infamie. Car autrement, selon la dispositiō  
 du droit commun, les enfans des heretiques ius-  
 ques à la seconde generation sont incapables, non  
 seulement de tous benefices, mais aussi de toutes  
 dignitez seculieres. Et depuis sa degradation il fut  
 detenu en perpetuelle prison, iusques à sa mort. Et  
 quelques lettres qu'il fit au Roy & aux autres  
 Princes chrestiens, pour le secourir contre son  
 fils, nul ne s'en voulsit remuer aucunement, com-  
 me iugeans sa cause damnee, voire mesmes ayant  
 esté desenterré & transporté de Liege à Spire, il  
 demeura cinq ans sans sepulture, selon les peines  
 des relaps,

*Emperours  
relaps sans  
sepulture.*

Et tant s'en faut que ledit Héry 4. quelque mes-  
 chāceté qu'il eut, ou quelque rage qu'il portat cō-  
 tre les Papes legitimes, fut si impudent, ny sceleré,



que d'oser maintenir à la face de la chrestienté que vn Empereur ne peut estre depose pour l'heresie, que nous trouuons en l'epistre qu'il fit publier contre ledit Gregoire, souz ceste adresse à Hildebran faux Moine (ainsi l'appelloit-il par opprobre) & laquelle est rapportee tout au long par les heretiques ceturiateurs de Magdebourg, vn tesmoignage de luy, qui donne grand coup à nostre subiect: parce qu'il recognoist & confesse par mots expres & diserts, que selon la tradition des saincts Peres, tout Roy Empereur peut estre depose pour heresie ou Apostasie, combien, dit-il, que la prudence des saincts euesques eut remis à Dieu seul, de deposer Iulian l'Apostat. Vne chose ose-il bien contester, que leur depositiō n'estoit point licite, que en ce seul cas du deuoyement de la foy, il nie aussi qu'il fut en ces termes, ny que ledict Pape fut este esleu & ordonné canoniquement, pour pouuoir iouir de l'auctorité & prerogatiue qu'il accordoit (tant cela a esté tousiours certain entre les chrestiens) estre aux vrays Papes de l'Eglise Romaine en tels faits. Dont nous lisons es auteurs de ce temps là, qu'ils loient fort ledict Gregoire pour ladiete deposition, & pour sa grande sainteté de vie, iusques à auoir fait miracles: & ils tesmoignent aussi comme tous bons chrestiens & catholiques, tant seculiers qu'ecclesiastiques furent extremement aises de la priuation dudit Héry. Et entre autres il se voit en vne epistre d'Estienne euesque de Namburg, qu'apres qu'il a prouué que ledit Héry estoit heretique, il conclud ainsi: Partant estant excommunié du saint Siege pour tant de maux, il ne peut exercer aucun regne ny puissance quel-

*Henry accorde que l'heresie est suffisante à deposer l'Emper.*

*Gregoi. 7. tenu pour saint.*

*Sensée notable.*

conque sur nous: d'autât que nous sommes catholiques. Il y eut plusieurs, & entre autres ledit Gregoire, qui firent des liures expres sur ceste questiō, lesquels nous regrettons grandement d'estre perdus, par ce qu'ils seroient plus que suffisans pour enleuer maintenant tout doute à vn chacun.

Nous ne vous parlons point d'aucun de noz Roys par ce que, graces à Dieu, nous auons faute d'exemple domestique d'un Roy apostat ou heretique a fait. Mais aussi nous ne pouuons dissimuler, & ne recognoistre pour un fait fort singulier, & un iuste iugement de Dieu, Que Dieu n'a point permis, qu'autre de noz Roys aye esté tué par la menée & coniuratiō d'aucun de ses subiects (chose ordinaire toutefois és autres estatx & nations) que le seul Chilperic 1. comme il se trouue seul de tous noz Roys, qui aye esté entaché d'erreur en la foy, combien que sans opiniastrété, car par l'opposition & instruction des Euesques, il s'en desista quasi aussi tost, & abiura ce qu'il auoit dit, cōme estant l'heresie (dit l'historien) chose indigne d'un Roy de France, sur le throne de laquelle n'assist iamais un Roy heretique: & cōbien aussi qu'il se rendit depuis, ou du zele, ou de craincte d'estre depossédé comme suspect, si obseruateur de la religion chrestienne, que d'auoir mis en Monastere, & à ce qu'aucuns escriuent, fait mourir son fils unique Merouee, à cause qu'il auoit espousé Brunehaut vefue de son oncle, contre les Canons & loix de l'Eglise chre. & cath. enuiron l'an 580. D'autant, que cōme nous lisons que Dieu n'a laissé iamais impuny en ce monde és Roys d'Israël & de Iuda le crime d'idolatrie, ou autre acte cōtre la re-

24. Cōtre  
Chilperic  
premier.

ligion, bien qu'il soit pardonné en l'offence & coulpe, aussi il nous chastie ordinairement par mesme façon que nous l'offençons, & par la rebellion des autres il venge nostre rebellion contre luy.

Nous ne pouuons non plus passer soubz silence comme l'occasion de l'origine & commencement

*L'heresie de l'Empereur des Rois voisins cause de nos Roys & du Royaume.* de nostre Royaume en la personne de Clouis, autrement Louys premier n'est preuenue que de l'opiniõ que nos anciẽs Gaulois chrest. ont tousiours de ne deuoir obeir, selon Dieu & leur consciẽce, à vn Seigneur heretique, s'ils pouuoient s'en exẽpter, Car nous lisons cõme ledit Clouis conquist l'Empire des Gaules, & fonda le Royaume des François plus par la faueur des catholiques, & singulieremẽt par l'ayde des saincts Euesques de ce temps là, qui luy sceurent gaigner la creance enuers le peuple & les grands Seigneurs du pays, que non par sa vaillance, ou par la force des armes. Les vns disent, que ce fut principalement par la conduite & diligence de l'Archeuesque de Reims, S. Remy, de S. Lou Euesque de Troye, & de S. Agnan Euesque d'Orleans. Les autres y adioustent S. Medard Euesque de Soissons, l'Abbé de Chartres nommé l'Annonciat, S. Maissan Abbe de Poictiers, S. Eufrasius Euesque d'Auuergne, & d'autres grãds personages Gaulois. Mais par qui que ce soit, de tous ensemble, ou d'aucuns d'eux, si est il bien certain, que les catholiq. & leurs Euesques l'an 500. du Sauueur, au 30. de son aage, & le 15. de sa domination & succession à Merouee son pere, baptizerent, sacrerent, couronnerent, & nommerent Clouis (apres luy auoir changé ce nom en Louys) pour le premier Roy des François, & des Gaulois

lois conioinctemēt, de Duc & Gouverneur qu'il estoit auparauint des François, f'estant deslors les Gaulois soustraits & departis pour tousioursmais de l'obeissance & sujection de l'Empire Romain à l'occasiō qu'il estoit tenu bien souuent par Empereurs heretiques, & singulierement parce que l'Empereur Anastase premier, que nous auōs dict viure pour lors, estoit tel.

Ils voyoient l'Empire tenu par vn Eutichien & Manichien tenant es Gaules pour son Lieutenant general Siagrius Patrice Romain, qui suiuoit son humeur, l'Italie occupee par le R. des Gots, & Ostrogots Theodoric ou Thierry Arriē, introduit & estably par l'autorité & consentement de l'Empereur & la pluspart des Gaules de dela la Loire (ainsi parle S. Gregoire de Tours) commandees par Allarie Vvisigoth & Arrien: comme pareillement la Bourgongne, Dauphiné, & Prouence par Gondebaut oncle paternel de la Roine Clotilde, & Arrien manifeste. Car bien qu'il fut Catholique en son ame, il n'osoit toutesfois nonobstant les sainctes remonstrances de S. Auit Euesque de Vienne le descourir, ny en faire profession de peur de son peuple (dit nostre S. Greg.) qui l'eust chassé ou tué à ceste occasion: tout ça esté tousiours vne generale opinion & cōmun sentiment de toutes les nations & singulierement de celles, qui ont pensé estre vraiment Chrestiennes, de ne permettre autre leur commander, qui ne tint leur religion, ou qui ne fut de leur Eglise. Lesdicts Catholiques se resolurent partant de secouer entièrement le ioug de l'Empire, & d'auoir vn Roy propre & particulier sur eux, leur natiō, & leur Estat,

*La cause  
& motif du  
roiaume de  
France.*

*Roy qui dis  
simule sa re  
lig. de peur  
des suiectz.*

Ec

*Les Ev. fa  
voisēt Cl.  
en haine  
de l'heret.*

*L'heres. de  
s'isue tout  
Sageur.*

lequel fut non seulement chrestien, mais sur tout catholique: & lequel les peut deffendre, & deul maintenir le royaume à perpetuité, non tant en leurs biens & ses limites, comme en la foy & religion catholique, en repoussāt & chassant tous heretiques, qui sont les plus grands ennemis mortels & iurez & de Dieu & des chrest. & du repos d'un estat. Tellement que les Euesques Gaulois de ce temps là ne se contenterent pas seulement d'auoir gaigné, que Clouis qui leur commādoit, fut chrestien & catholique avec les principaux de la natiō Françoisē, mais aussi ils l'exciterent tout aussi tost à exterminer les Arriēs d'entr'eux, & de toutes les Gaules, & notammēt à ne point faire difficulté à despouiller & deposseder les Roys heretiques, qui y en iouyssoient tant Gots, Visigots, Ostrogots qu'autres. Ce que mesme leurs propres subiets cathol. (dit le mesme S. Gregoire) desiroient infiniment & d'auoir Clouis pour leur Roy, biē faschez d'estre sous la subiectiō des heretiques, de façon qu'ils commencerent à pratiquer & faire ligue secrete avec luy. Qui fut cause que les heretiques s'en estans apperceuz entrerent en grande deffiāce contre eux, & singulierement contre les Euesques, tesmoin que ceux de Roden allerent pour tuer S. Quintiā leur Euesque, s'il n'eust scampé dès la nuit, & ne se fut retiré en Auvergne (d'ou il fut depuis Euesque, en recognoissance notamment que son exil ne prouenoit que pour la religion) parce qu'il les vouloit reduire sous Clouis à cause & en haine de l'heresie de leur Roy, tāt les plus saints des catholiques & singulierement les François & Gaulois ont tousiours tenu pour tout cer-

tain que l'heresie est vn moyen suffisant de les exempter enuers Dieu & les gés de bien de l'obeissance de leur Seigneur heretique: & que leurs biés, honneurs, & royaumes sont & appartiennent de droit diuin & humain au premier cath. suiet ou voisin, q̄ l'en peut chasser & s'en redre le maistre.

Ce que Dieu a bien voulu confirmer de sa part, *Dieu montre que Cl. n'est point usurpateur.* ayant tesmoigné, que ny l'entreprise de Clouis, ny celle des François. ses naturels subiects n'a point esté vsurpation, soit contre l'Empereur, soit contre les Roys voisins, & iceux tous heretiq. ny que

pareillement l'office des cathol. Gaulois tant du Clergé que des autres estats, qui luy ont tenu la main, & lesquels se sont souz-mis à luy, n'a point esté rebellion, ains deuoir de religiō & vne action sainte & fort agreable à sa diuine Maieité. *Victoires de Clouis.* Laquelle à ces fins a enuoyé à Clouis avec l'auriflan pour terreur des ennemis de la foy, de tres-grâdes & merueilleuses victoires. Et pres la ville de Tolbiac contre les Allemans (qu'il rendit ses tributaires, ce que les Romains ne peurent iamais) en vertu & en recōpence de la promesse & du vœu qu'il fit d'estre chrestien & catholique: & à Soissons contre ledit Siagrius, qui s'opposoit à luy pour l'Empereur: & pres de Conflans en la môtagne, ou est la tour de Montjoye: & vne autrefois pres Poictiers contre Alaric (où Clouis l'occit de sa propre main, chose rare qu'un chef d'une armee ait de sa main en combat tué l'autre) en vertu du vœu qu'il fit de doter l'Eglise de Sainct Hilaire de Poictiers (tesmoing sa Pancarte, qui en reste aux Archiues d'icelle) & de bastir à Paris (qu'il auoit erigé en chef ou ville capitale du Royaume)

l'Eglise de S. Geneuiefue ( qui viuoit pour lors )  
fouz le nom de S. Pierre & de S. Paul, ayant par ce  
moyen estendu & dilaté son Empire iusques en  
Bearn & les mons Pirenees.

*Le Chref-  
me distin-  
gue le Cat.  
de l'Arrié.*

Et comme la premiere & principale ceremonie,  
qui distingoit le Catholique de l'heretique Arrié,  
consistoit à estre crespné & oinct du sainct huile,  
outre le Baptisme, qui distingue le Chrestien du  
Payen ( c'est ainsi que S. Gregoire de Tours & és  
anciens s'entend, il a esté oinct du S. chresme, c'est  
à dire, il s'est faict Catholique ) aussi Dieu à bien

*Clouis le 1.  
Frâç. Chr.*

voulu fauoriser Clouis, côme nous trouuons que  
il a esté le premier Chrestien & baptizé à la Ca-  
tholique de tous les François & de toute ceste na-  
tion, d'une singuliere grace & speciale prerogati-  
ue, en luy enuoiant du ciel au iour de son Baptes-  
me par vn colomb blanc ( figure du S. Esprit ) la  
saincte Ampoule ( disent Ammonius, Ephordien-  
sis, S. Thomas & plusieurs autres. ) Et par ce que  
lors de ceste onction & en consideration d'icelle,  
& qu'elle le demonstroit estre Chrestien & Ca-  
tholique, comme estant des despendances des ce-  
rimonies de son Baptisme Catholique, il fut tout  
ensemble crié reclamé & reconnu du nouveau  
tiltre de Roy, & couronné par S. Remy & les Ca-  
tholiques ses bôs sujets. D'où la coustume est ve-  
nue, que les successeurs en la royauté sont sacrez  
de ceste saincte liqueur le iour & à l'heure qu'ils  
sont pareillement proclamez Rois, receus & re-  
cognustels de tous les ordres par acte public &  
solennel, pour monstrier que comme la religion  
Chrestienne & Cath. tesmoignee & protestée par  
le Baptisme & l'Onctiō en la personne de nostre

*L'occasion  
du sacre des  
Rois.*

premier Roy a esté cause de sa qualité de Roy & de l'erection de l'estat des François en royaume, aussi que nul n'en peut estre roy qui ne soit Chre. & Cath. tout ensemble, & que cōme tel, & outre le baptême & le chresme ordinaire & annuel fait par benedictiō Episcopale, qu'il a receu, il ne soit marqué de ceste mesme onction diuine en declaration & signification qu'il est Cath. & de mesme foy que Clouis : & qu'il est obligé de viure & de exercer sa charge roiale au seruice d'icelle, selon l'obligation pāssee par le vœu de Clouis, faisant tant pour luy que pour ses successeurs.

A cela mesme se rapportent les armes de nos Rois & du Royaume, qui consistent en l'escu des trois fleurs de lys, lequel on tiēt luy auoir esté en- uoié de Dieu, pour confirmation de la foy Catholique touchant la Trinité ( selon que nous trouuons que lors Dieu l'a voulu tesmoigner souuent par semblables missions celestes, tantost de trois gouttes cristallines & esgales, comme tesmoigne nostre S. Gregoire, tātost par autres choses triples & vnes) & qu'en reuerence & memoire perpetuelle de ceste mission diuine, aduenüe pres de Poissy, l'Abbaye de Ioye-en-val a esté nommee & bastie. Tesmoing qu'encores l'on y monstre l'escu premier à trois fleurs de lys : ou deuant les armes de nos Ducs & de leur peuple estoient de trois diademes ou couronnes de gueules en champ d'argent (car ceux se trompēt, qui pensent qu'elles fussent de trois crapaux, ou bien de trois croissans.) Mais soit que tel escu de trois fleurs de lys en champ d'azur aye esté enuoié de Dieu ou nom, si est-il bien certain, qu'il ne peut auoir esté

*La cause de  
l'escu à 3.  
fleurs de  
lys.*

*Les armes  
anciennes  
des François.*



*La foy cat.  
cause du  
royaume de  
France.*

prins ny tiré que de la foy & religion chrestienne & catholique, & du mystere de la sainte Trinité, pour tesmoignage & marque, que la foy catholique, touchant la sainte Trinité (qui estoit l'article de foy debatue en ce temps là, & par ledit Anastase Empereur, qui inferoit vne quaternité de personnes par la constitution de deux personnes en Iesus Christ, & par Alaric, Theodoric, Goudebaut & autres Ariens, qui soustenoient vne triplicité de essence, aussi bien que de personnes) estoit la cause de ses victoires, & de la naissance, accroissement & felicité de la roiauté & du royaume : & que la couronne & toute la dignité, grandeur & force du royaume & de l'autorité des Rois, n'estoit assise ny appuyee, que sur le bouclier, paouis, ou l'escu des trois fleurs de lys, c'est à dire, sur la profession de la foy Cathol. en vn Dieu Trin & vn. Et partant que celuy, qui est heretique, ou d'autre religion, que celle de Clouis, Clotilde, & S. Remy (laquelle les Huguenots appellent Papistique) comme il n'a point en effect ce que ces armoies signifient, aussi il ne peut, ny ne merite de porter ce signal, le nom, & les armes du Roy de France, c'est à dire, du Roy tres-Chrestien & de la nation tres-catholique.

*Blason de  
l'escu de  
France.*

Car à la verité, à quel autre blason ou signification se peuuent rapporter ces trois fleurs de lys, qui est le symbole ancien de l'esperance, tesmoin les vieilles medailles, & Anchises en Virgile : & laquelle presuppose la foy & la charité, & cōme nous ne pouuōs esperer qu'en celuy, que nous cognoissons & aymons : & que sans l'esperance de la vie future, la religion chrestienne n'est que vanité & vne

chanſon (di& S. Paul) mais principalement par ce que Clouis avec nos premiers Peres auoit mis la force de ſes armes & de ſon eſtat en l'eſperance de la religion, comme remarque tres-bien Emille, à couleur, non de blanc, bien que ce ſoit le naturel du lys, ny de rouge, ou de noir, comme és autres eſtats & Princes, ny auſſi de diuerſes couleurs, mais d'une ſeule, & celle-là, d'or, auquel reſpond la planete du Soleil, & en champ non de verd (comme eſt le pied du lys) mais d'azur, qui eſt la couleur celeſte: ſinon pour monſtrer que la vraye eſperance, les vrayes armes offenſiues & deſſenſiues, la force, l'appuy le plus aſſeuré, l'eſcu & bouclier, le plus ferme fondemēt & la forme naturelle & eſſentielle du royaume & de la roiauté Françoisē, prouiēt, *En quoy conſiſte la grandeur de nos Rois.* conſiſte, & ſe reſout en la foy catholique? Et pour parler plus proprement. Que la Nobleſſe & grāde prerogatiue du Royaume & de nos Rois (car auſſi le vray & ancien vſage des armoiries, n'eſt que pour certaine marque de nobleſſe) ſur tous les autres Rois & eſtats du monde, prouiēt [ſuiuant ce que nous auons cité de S. Gregoire Romain] non *Le tiltre de Roy à cauſe de la foy Cathol.* du tiltre de Roy, qui eſt commun à pluſieurs, mais de la cauſe & raiſon d'iceluy, c'eſt à ſçauoir, de ce, qu'il a eſté impoſé & dōné à Clouis, & à luy ſeul, ou pour le moins à luy le premier de tous les Rois du monde, confirmé & continué à ſes ſucceſſeurs, apres, & à cauſe principalemēt de leur foy & religion Cathol. qui eſt la choſe ſans difficulté la plus noble de tout ce qui reſte ſouz le ciel, & laquelle ſeule euſeigne de croire, d'aimer ſur tout, & d'eſperer comme il faut en ce vray Soleil, le Dieu Trin en trois perſonnes, & vn en vne eſſence, que les

seuls Catholiques, & qui sont de l'Eglise Apostol. Romaine, sçauēt seruir & adorer, lequel habite és cieux, & qui aussi a reserué & remis le principal loyer de ses seruiteurs.

*L'Emp. re-  
cherche Clo-  
uis.*

Le zele de la religion Catholique, & les victoires de Clouis le rendirent si redoutable & craint de tous, mesmes de l'Empereur Anastase, bien que fort esloigné de luy, qu'iceluy fut bien aise de l'appaiser en luy quittant les Gaules, & de l'auoir pour amy, puis qu'il ne le pouuoit auoir pour sujet: & à ces fins le preuint par Ambassadeurs, & par plusieurs honnestes & grands presens, luy enuoiant entr'autres presenter le manteau Imperial de pourpre, & les autres marques, ornemens, & tiltres consulaires, patriciens & roiaux, & notamment vne couronne d'or entrichie de precieux ioyaux. Laquelle par l'aduis & bon conseil de S. Remy enuoiant à Rome vers le Pape pour luy rendre l'obedience, que les Rois & Princes Cathol. ont accoustumé de luy faire, à leur ou sien aduenement, il enuoia le premiers de tous les Rois du monde, à l'Eglise de S. Pierre offrir à Iesus Christ, par forme de dedicace de sa roiauté nouvelle, & de son roiaume, & en recognoissance & hommage de ne tenir que de luy, de ces Apostres & Euesques, & de la foy & religion Chrestienne, Cath. Apost. Romaine, la couronne, l'autorité & le bñ heur & succez de sa roiauté: tellemēt que la reuerence de nos Rois enuers le S. Siege Apostolique & l'Eglise Romaine a commēcé avec les premiers fondemens du roiaume.

*Clouis en-  
uoie offrir à  
S. Pierre à  
Rome sa  
couronne.*

Et voila commēt la couronne, le nom de Roy, & de roiaume, & tout le droit, que tous nos Rois,

comme vrais & legitimes successeurs de Clouis, ont eu depuis es Gaules, à prins sa source. Et n'est fondé principalement que sur la foy Cathol. de Clouis, pour l'amour de laquelle Dieul'a deliuré du danger de ses ennemis, & luy a baillé le dessus contr'eux, & sur les estats des Rois heretiques, aiant disposé les cœurs des Catholiques de se soumettre volontairement à luy, & le creer & crier pour leur Roy. De sorte qu'il se peut dire avec verité, que tout le droict originel & primitif, que nos Rois ont sur ce royaume, n'est appuié que sur le seul droit d'exclusion ou deposition d'un Empereur ou Roy, pour cause d'heresie, & d'autât qu'elle descharge de foy-mesmes, & rend libres les subjects de toute seruitude & sujection naturelle ou promise par serment de fidelité, & que les biens & roiaumes des heretiques sont iustement acquis à celuy des Cathol. qui s'en peut rendre le maistre. Autrement & sans cela, Clouis, & tous nos peres meriteroient iustement le tiltre des rebelles, voleurs & tyrans, & nous d'enfans de reuoltez, mutins & criminels de leze Majesté diuine & humaine.

*Tout le droit de nos Rois ne procède que de la despouille des heretiq.*

C'est chose, qui n'est pas propre & speciale à nostre seul royaume, mais qui est cōmune à tous les principaux estats de la Chrestienté. L'empire Chrestié sur l'Oriēt & Occidēt vnīs ensemble, & depuis separé en deux, en a prins son cōmencemēt, & par Constantin & par Charlemagne. Les roiaumes de Castille, & singulieremēt celuy de Nauarre, comme aussi la Viscomté de Bearn, & l'vniō dernière de la Comté de Thoulouse à la couronne de Frāce, outre tant d'autres, dont nous auons fait mēcion:

de ne receuoir ou obeir, moins de chasser & depou-  
 ser les Rois & Empereurs heretiques, pour raison  
 de la religiō, ains qu'ils les ont receuz indifferem-  
 ment, avec mesme obeysance & fidelité, selon les  
 loix d'estat sans distinction de religion, & autant  
 que s'ils eussent esté cath. Car outre que c'est vn  
 dire & vne opinion heretiq. fantastique, impie, &  
 sans autorité ou fondemēt quelcōque, il appert  
 par ce que dessus de tout le contraire, & cōme les  
 chrest, & cath. & notamment les SS. Euesques &  
 Ecclesiastiques ont tousiours mieux aimé prefe-  
 rer le royaume de l'Eglise, à celuy de la terre, les  
 loix & l'honneur de Dieu, les moyēs de leur salut,  
 & la cause de la religion cathol. à tout respect hu-  
 main enuers les Rois prophanes ou heretiques, &  
 enuers la paix de ce mode & la iouissance de leurs  
 biens, pour n'auoir receu iamais de bon gré à Sei-  
 gneur, autres qu'un chrestien & catholique. & pour  
 auoir tasché tousiours n'obeir qu'à des Princes ca-  
 tholiques & chrestiens, tant qu'ils ont peu, & qu'ils  
 n'y ont point veu de plus grand danger contre la  
 foy [comme explique tres-bié S. Thomas, suiuy  
 de tous Theologiens, respondans à l'exemple de  
 Iulian l'Apostat] mais singulierement depuis que  
 la chrestienté a eu pouuoir & force pour se deffē-  
 dre & maintenir: que les Empires & royaumes ont  
 esté acquis à Iesus Christ: que les courōnes & sce-  
 ptes ont esté iettez au pied du Crucifix, bref de-  
 puis qu'au regime tēporel l'on a vescu par la loy  
 diuine, & les loix concilieres, & de l'Eglise, & que  
 les armes n'ont point empesché le cours des loix,  
 ny violenté la liberté des vœus & des volontez  
 des catholiques.

*L'opinion  
 de receuoir  
 un R. here.  
 est folie &  
 impie.*

*Resp. à l'e-  
 xemple de  
 Iul.*

*L'heresie  
des Emper.  
Et Rois  
n'est plus  
anciēne que  
leur depo-  
sition.*

*Resp. à l'ar-  
gument du  
Belloy.*

La deposition des Apoltats & heretiq. ou la des-  
obeissance des sujets contr'eux se trouuāt de mes-  
me temps & aussi ancienne & ordinaire parmy les  
Chrestiens, qu'est l'apostasie & l'heresie en la per-  
sonne des Rois Empereurs & Princes, monstre  
clairemēt que ce que ces imposteurs alleguent sur  
ce n'a ny sens ny rime, & notāment ce qu'ils pren-  
nent pour le plus fort argument qu'ils ayent, c'est  
que S. Aug. parlant en vn lieu (dit Belloy) des Em-  
pereurs & de ce qu'il ne leur faut obeir en ce, qui  
est contre Dieu, n'y a point adiousté qu'il les faille  
chasser ou deposer. Car il n'y a si petit grimaut ne  
dialecticien, qui ne se mocque de ceste illation: S.  
Augustin ne l'a point dit en tel lieu, il n'a donques  
pas esté de ceste opinion: ou bien il l'a oublié, ou  
teu pour s'accommoder à la cōsideration de son  
temps: donques il n'est pas vray. Toutefois s'il  
se trouue par fois quelque autorité, combié que  
rarement, des anciens peres, qui semble estre au  
contraire, elle ne se peut entendre, comme nous  
auons dit du cōmandement de Dieu, que de l'of-  
fice & deuoir des personnes priuees, & de chacun  
en son particulier, & non des Princes Chrestiens,  
ny moins du corps de la chrestieté ou de l'Eglise,  
ou bien autant qu'il estoit ainsi necessaire pour ce  
temps là, afin d'euitier plus grand mal.

*Imposture  
de Belloy.*

Nous prendrons aussi de ce que dessus vn ad-  
uertissement sur l'interpretation du Concile, que  
ce Belloy produit frauduleusement, pour le re-  
spect qu'on doit à la lignee & successiō des Rois,  
afin que chacun sçache, qu'estant vn canō tiré du  
susdit Concile 6. de Tolete (ce qu'il vouloit celer  
malicieusemēt, veu que tout par tout ailleurs il

cotte le passage, afin que la conference du lieu ne descouurit son imposture, pour sa pretendue autorisation des Rois par successiō, biē qu'heretiques) il ne se peut, ny ne se doit entēdre des heretiques, ains des seuls cathol. presupposant ce que nous auons dict estre de l'intention dudit Cōcile, c'est à sçauoir, *Nul R. par successiō que Cath.* Qu'il faut que ceux de la lignee, qui veulent succeder, soient Catholiques, & qu'ils en fassent profession & serment solennel à leur installation, autrement il veut que tels soient reiectez, & qu'on les aye en abomination & anatheme. Qui est vne autorité tresclaire & trescertaine pour verifier que parmy les chrestiens la voye de successiō n'a aucun lieu es royaumes, non plus que tout autre voye, sans la foy & religiō Cathol. au prealable, & qu'elle n'est pas moins necessaire à celuy, qui y pretend par successiō qu'à l'autre qui y viēt par election ou quelque autre voye.

Conformement à cela ce beau Baille-ly-belle ou bailleur de cassades est contrainct de confesser, *Les Emper. n'estoient receus sans la professiō de la foy Cathol.* que depuis que les peuples ont receu la foy chrestienne la coustume ancienne estoit de faire iurer entre les mains du Patriarche de Constantinople, deuant qu'il leur meit la couronne sur la teste, tous ceux qui vouloient estre receus Empereurs: & quelques fois mesmes leur faire signer de leur main, qu'ils s'arresteroient à la doctrine confirmee par l'Eglise catholique, & les Conciles generaux. Et de fait il remarque, comme nous auons dit, & que Zonare & Theodose tesmoignent, que enuiron l'an 494. on exigea d'Anastase pour estre suspect d'heresie la profession de la foy catholique par escrit & souz son seing, deuant de le vou-

point suffisant, & ne pouuoir estre parfait pour estre iceluy dict Empereur vray & legitime, que par la couronnation & reception: & si elle ne se pouuoit accōplir que souz, apres, & precedant la professiō de foy, il s'ensuit donc qu'ils ne pouuoierēt estre par raison Empereurs, ne commāder en ceste qualité, ny estre obeis que par le moyen de la profession de foy, & autāt qu'ils estoierēt catholiques. Aussi de mesme il semble, que la succesiō & proximité de sang ne peut estre suffisante & parfaicte en foy pour estre approuué & dit vray Roy, naturel, & legitime, que par le sacre & couronnement. Et s'il ne peut estre accomply que souz ou apres le serment ou profession expresse de la foy Cathol. en tant de façons, il s'ensuit pareillement que nul ne peut estre dit vray Roy, ne cōmander en ceste qualité, ou estre obey, qu'apres la professiō de foy, & autant qu'il se monstre catholique.

*L'empereur  
n'est receu  
que comme  
Cathol.*

Cela mesmes se voit tous les iours és euesques, Officiers & Magistrats. Ils ont le premier droit par le moyen de leurs Bulles & lettres d'office, mais il ne suffit pour estre tenus & dit tels en effect, pour commander & estre obeys, s'ils n'ont esté receuz, & presté le sermēt accoustumé en telles charges. Tellement que le droit d'electiō, de succesiō, & des prouisiōs semble plustost estre vne disposition, & vne destination, qu'un entier pouuoir, ou parfaite puissance, & autorité d'Empereur, de Roy, d'euesque ou d'Officier: & en sōme n'est point de telle force & valeur, qu'ils s'en puissent aider à l'exercice de leur charge, ny q̄ les sujets soiēt tenus leur obeir, qu'apres qu'ils aurōt esté sacrez, & receus. Et ils ne peuvent estre tenus



*Nul receu  
au serment  
qu'il n'y  
croit.*

de les sacrer, couronner & receuoir, qu'apres que iceux se seront premierement ou conioinctement acquittez de la profession de foy, & du serment accoustumé en telles charges. Et si la moindre ville, ou le moindre chapitre, & communauté ne peut estre tenu de receuoir s<sup>on</sup> Seneschal, son Escheuin, son Officier de Iustice, ou son Euesque, que souz & aux conditions portees au serment ordinaire, & lors qu'il fera ou aura fait ledit serment: moins l'admettront-ils, & ne se contenteront qu'il le lise, ou qu'il la face de bouche, s'il faiet acte contraire, ou qu'il proteste ou face declaration ou profession apparente ou manifeste de ne le vouloir observer. Le semblable quasi se veoit en la vigueur & vertu des loix, lesquelles n'ont aucune autorité ny efficace deuant leur publication & acceptation.

*Le sacre et  
professio<sup>n</sup> de  
la foy. Cat.  
nécessaire.*

L'election donc ou la naissance & proximité du sang est nécessaire, aussi est le sacre & couronnement qui enclort & comprend ladicte profession de foy. Estre fils d'Empereur ou estre esleu Empereur n'absout n'y n'exépte pas, qu'il ne soit tenu de faire & de garder ledict serment: aussi estre né capable d'estre Roy n'absout n'y n'exempte point qu'on ne soit tenu faire & tenir ledict serment, c'est à dire, d'estre principalement catholique, & observateur des loix de la religion catholique. Le second n'exclud pas le premier, aussi le premier n'exclud pas le second, ains le second a esté tousiours si nécessaire, outre le premier que nous voyons que sans cela le Patriarche & les cathol. ont esté tres-bien fondez, & ont peu iustement les refuser & ne les recognoistre point pour Emperours. Ou si ce n'eust esté que simple cérémonie

nie non necessaire, ils n'eussent peu euitier d'auoir le tort. Nous voyons aussi qu'encores lors du sacre & couronnement de noz Roys, les Pairs de France obseruent vne forme d'election du Roy là present, au nom de l'Eglise, de la Noblesse, & du peuple, lors que les Euesques de Lâgres & de Beauuois souz-leuans le Roy de sa chaire demâdent au peuple s'il l'accepte pour Roy ou non, & ayans receu son consentemêt, l'Archeuesque de Reims reçoit son serment, tesmoignage tres-certain, que non moins sert au Roy d'estre Catholique que de malle, & que les estats se sont reserué d'en ellire ou admettre vn autre, si celuy là n'estoit approuué & tenu pour catholique & n'estoit digne & capable d'entrer & d'estre receu dans l'Eglise, & de pouoir sans empeschement d'excommunication de droit ou de fait, participer en saine conscience de luy & des autres les assistans à ces sainctes benedictions, cerimonies & sacrez mysteres, desquels les seuls catholiques sont subiects habiles & idoines: & lesquels aussi ont esté instituez pour seruir de pierre de touche pour les separer & discerner, non tant des personnes priuees, comme des heretiques ou infidelles.

D'auantage il ne se trouue loy ny humaine ny diuine, qui cõtaigne accepter vne charge ou bié qui commande d'obeir au Roy s'il ne veut accepter la Royauté, cōme on à veu souuēt la refuser, ou bien deuât qu'il soit receu, publié, déclaré & approuué tel, suiuant les formes ordinaires du Roiaume. Autrement si telle acception solemnelle du costé de l'Empereur & du Roy & telle receptiō reciproque & submission solemnelle du costé du peuple, ne

Forme d'election en noz Rois.

Le Roy doit accepter & estre accepté.

precedoit & n'estoit necessaire, il s'ensuiuroit les plus grands troubles & la plus grãde confusiõ du monde, pour les diuers pretextes & doutes, que les vns & les autres y pourroïent faire tãt sur l'intentiõ de l'Emp. & du Roy, qui y seroit peut estre cõtraire, ou bien pour l'incertitude de leur vie ou mort, ou du lieu de leur demeurance en pays loingtain, comme il aduint en Guillaume Duc d'Aquitaine & autres. Aussi que tel pourroit dire estre esleu ou estre le plus proche du sãg, qui ne le seroit pas, & infinis autre inconueniens, qui arriueroiẽt, si le seul droit de successiõ ou d'electiõ faisoit les Rois, sans autre reception solemnelle, qui ne pẽt estre legitime, si elle n'est suiuant l'acte & les formes du sacre & du couronnement.

*Le nom de  
Roy apres  
le sacre.*

C'est pourquoy nous remarquons aux histoires, que cest acte ou cerimonie de sacre & de couronnement n'a pas estẽ estimee si petite, n'y en ce Royaume n'y en tous les estats de la chrestientẽ, qu'il n'aye eu plusieurs Roys d'Espagne & d'ailleurs, & mẽmes de France, lesquels ont estẽ priez de ce haut, doux, & sacrẽ nom de Roy deuant leur sacre, comme encores nous voyons que les Empereurs ne sont communement appelez tels, qu'apres leur sacre & courõnement. Suiuant cela nous trouuons en la vie de Charles septiesme, que la pucelle d'Orleans, qu'on à tenu auoir estẽ conduite du saint Esprit, nẽ voulut oncques appeller, & ce à l'approbation de tous, ledit Roy que Daulphin, iusques apres son sacre: lequel elle fit haster, pour l'assurance qu'elle donnoit de n'auoir charge tãt recommandee par les apparitions des Saints qui l'auoient induite à faire ce qu'elle faisoit, que le

sacre. Au retardemēt duquel l'on imputoit tout le principal malheur des affaires du Royaume. Et toutefois il n'auoit esté differé par l'espace de sept ans que pour la seule occasiō quela ville de Reims estoit occupee par les Anglois, & qu'il attendoit tousiours iusques à ce qu'il les en peut chasser, cōme il l'entreprint expres, contre l'apparence des moyens humains, ne pouuant estre sacre ailleurs. Il y en à d'autres, qui apres leur mort n'ont point esté comptez entre les Roys, encores qu'ils ayent recueilly paisiblement la succession dela courōne, pour ceste seule raison, qu'ils n'ont point esté sacrez, comme notāment (pour laisser les estrangers) Jean fils du Roy Hutin.

Nous trouuons aussi que plusieurs de noz Rois pour asseurer leur succession à leurs enfans, les ont fait sacrer & couronner de leur viuant, comme Henry 1. Philippes le Bel, & beaucoup d'autres, & tels estoient deslors appelez Roys deuant qu'ils eussent recueilly la succession, à l'exemple de Salomon & d'Abias du viuant de leur peres. Aucuns ont stipulé des principaux officiers de la Couronne & de leurs subiers apres leur decez le couronnement de leurs fils, comme fit le Roy Louis 8. Autres, comme Louis le Begue & certains autres, ont esté rançonnez & appauuris pour faire accorder d'estre sacrez & couronnez. Le susdict Empereur Anastase & autres ont violenté & forcé leur conscience par dissimulation ou reniement de leur foy, faignans estre Catholique afin de pouuoir estre sacrez, & couronnez Empe-reurs tout à fait. Ce qu'il n'est croyable qu'ils eussent fait, si c'eust esté chose non neces-

*Le sacre  
apporte cer  
titude.*

*Les ans des  
Rois se cō-  
ptent du  
iour du sa-  
cre.*

*Le nom du  
Roy ten de-  
vant le sa-  
cre.*

faire & indifferente. Et anciēnement l'on cōptoit le regne des Roys (comme l'on fait encore auourd'huy celuy des Papes) de leur sacre & couronnement; & non du iour, que la succession leur estoit escheue. Et cela à duré iusques en l'ā 1498, qu'il fut déclaré par arrest, q̄ le Roy nouuellemēt succedât à la couronne & pres de sa consecration, estoit tenu pour consacrer, & que cependāt les depesches se sceleroiēt & seroiēt souz son nom & autorité & non au nom du Roy deffunct, comme l'on faisoit deuant, & comme l'on faiēt encores des Senechaux deuant que le nouveau soit receu. Et de fait nous trouuons que l'an 1460. la Cour de Parlement de Tholose ayant entēdu le decez de Charles septiesme, ordonna, que l'on intitulerait les Arrests de la Cour par les gens tenans le Parlement Royal à Tholose, & qu'on scelerait seulement du seau d'icelle sans faire mention du Roy deffunct, ny du nouveau Louys onzieme. Qu'eussent ils fait si ledict Louys eust esté incapable d'estre sacré par heresie ou apostasie? Aussi noz Rois ne touchoiēt (ce qui s'observe encores) les malades des escouelles, plustost qu'ils ne fussēt sacrez. Ce n'est pas aussi petite obseruation, Que le Duc de Berry Monsieur Iean de France fils du Roy Iean, estat ostage en Angleterre fist promesse le premier Februrier 1365. de retourner, en foy de fils de Roy sacré, monstrant deux choses, qu'un Roy sacré est vray Roy, tres-assuré & tres certain, & qu'à cause du grand & solemnel serment, qu'il faiēt en son sacre, sa foy & fidelité est beaucoup plus grande, que des Roys non sacrez, & telle qu'elle redonde aux enfans, pour en estre yceux estimez de

plus grande foy, fidelité, & creance.

Si toutesfois le sacre & le couronnement fôt precifemēt noz Rois ou nō, nous ne nous en trauail-  
lons pas beaucoup. Il fuffit que leur receptiō n'est  
point cōfommee & parfaite fans cela: & que c'est  
le feul moyē pour en oster tout doute, & pour le-  
gitimer noz Rois: Qu'il ne se trouuera point aucū  
des anciens qui aye ofe tenir le contraire, qu'il ne  
fallut qu'ils fuſſent par neceſſité ſacrez & couron-  
nez, & ce par les Preſtres (Papistes ſi vous voulez)  
comme eſtant acte de religion, & de l'Eglise Ca-  
tholique Apoſtolique Rom. deuant que pouuoir  
s'attribuer, & iouyr iuſtement du tiltre Royal, &  
de la Courōne, ny eſtre recognuz ny obeis. Et c'eſt  
aſſez pour noſtre ſubieſt, que par la confeſſiō pro-  
pre de leur Apologie, ce ſont ceremonies, qui ont  
eſté introduites de longue antiquité, & obſeruees  
non au ſeul plaifir des Rois, mais ſelō leur deuoir,  
& par la loy du Royaume, qui concerne l'eſtabliſ-  
ſement des Roys, non pour ſingeries, ou biē pour  
implorer ſimplemēt la grace de Dieu ſur eux, mais  
principalemēt pour mōſtrer qu'il faut qu'ils ſoient  
approuuez de luy, & de ſes Miniſtres, deuant de  
pouuoir eſtre receuz du peuple, & pour ſignifica-  
tion de leur vray office, & de ce qui eſt plus requis  
en eux, comme pour teſmoignage non ſeulement  
que le Roy ſacré eſt le ſucceſſeur legitime, eſleu  
de Dieu, & aduoué du corps du Royaume:  
mais principalement qu'il eſt & doit eſtre veri-  
tablement Chreſtien & Catholique, non hereti-  
que, Iuiſ, Athee, ou infidelle: ains au contraire, ex-  
terminateur profez & iuré de tous ceux que l'E-  
glise declarera eſtre heretiques: ainſi qu'il eſt, ou-

*Le Roy  
n'eſt vray  
R. deuant  
le ſacré.*

*Cauſe du  
ſacré &  
couronne-  
ment.*

*Le Roy  
doit eſtre  
ennemy in-  
ré des here-  
tiques.*

tre son serment plus particulièrement exprimé par les oraisons & benedictions que l'Archeuesque prononce sur le Roy, & notammēt lors qu'il luy baille l'anneau en signale, comme il luy dit, de la sainte foy, afin qu'il sçache exterminer les heresies, reunit les subiects, & les annexer à la persēuerāce de la foy catholique. Si noz peres faisoient difficulté

*Nul heret.  
Roy.*

de tenir pour Roy celuy qui n'estoit sacré, qu'eussent-ils fait de l'heresie, qui ne peut du tout point estre sacré demeurant heretique? Et s'il ne peut pas seulement estre sacré, quel doute y a-il qu'il ne peut à plus forte raison estre Roy?

*Le sacre est  
couronne  
sont des grosses  
lettres  
cōtre un R.  
heretique.*

Toutes les actes sont partant autāt de marques, pteuues, & tesmoignage de l'explication de la loy Salique contre tout heretique. Ce sont autant de cadeaux & grosses lettres, par lesquelles nous lisons clairement en l'ame, intention, & actions de ceux, qui ont fait, receu, & obserué ladicte loy de l'exclusion de l'heretique: & par lesquelles ceux, qui ont fondé ce Roiaume, nous ont escript, engravé & exprimé la loy du Royaume sur la religion d'iceluy: & notamment des Roys, avec l'exclusion à la Couronne de tout autre qui ne la tint, ou qui y fut contraire, & comme selon icelle loy de la succession des Roys deuoit estre entendue, gardée & pratiquée, & non autrement: afin que nul ne puisse estre Roy, que celuy, qui est sacré, ou pour le moins, qui n'a les qualitez, & n'est subiect propre & capable pour en estre, quand le moyen s'en presentera, ou qu'il en sera requis par les subiects.

Tous ces actes montrent aussi assez euidément, qu'autre qui ne soit catholique d'effect & de pro-

fession publique, nō de mine seulemēt, moins par  
 pariurement, ou perfidie (cōme Belloy veut qu'on  
 se contente d'une simple profession de foy verba-  
 lement faite) ne peut estre reconnu, receu, ny obēy *Nul receu  
à serment  
qui face de  
monstratiō  
de ne le  
vouloir  
garder.*  
 pour Roy, cōme aussi on ne luy fait la submissiō  
 qu'en ceste condition & qualité. Et comme tout  
 c'est acte, & principalement ceste grāde & solem-  
 nelle promesse faite à ses subiects au nom de Iesus  
 Christ (elle commence ainsi) par sermēt solemnel,  
 n'emporte rien moins qu'un contract, & stipula-  
 tion entre Iesus Christ, les Roys, & les subjects,  
 comme parle l'Escripture, lors de l'onction de Ioas,  
 par laquelle ils acceptent le Sceptre, à ceste condi-  
 tion d'estre chrestiens, deffenseurs de son Eglise  
 catholique & ennemis des heresies, prenant aussi  
 pour lors à ces fins pour gage le S. Sacrement, &  
 pour pleiges les Pairs de France, qui y assistent, &  
 lesquels sont les principaux de l'acte, & pour tes- *Originedu  
sermēt Ro.*  
 moings toute l'assemblee du peuple enuers Dieu  
 & tout l'Estat, iurans l'observation de la religion  
 catholique, comme les Roys de Iuda & d'Israël  
 iuroiēt en leur sacre, tenāt la Bible en leurs mains,  
 l'observation de la loy de Dieu. Aussi le sacre &  
 l'onction faite par l'huyle, enuoyee du Ciel, estvne  
 marque à noz Roys de priuilege & preeminence  
 sur tous autres Roys de la terre, & d'une obliga-  
 tion singuliere à eux de leur zele, ferueur, merite,  
 & foy enuers Iesus Christ, & la religion chrestien-  
 ne & catholique.

Dequoy plusieurs ont creu que le nom de Tres- *Le tiltre de  
Tres-chre-  
stien.*  
 chrestien leur à esté imposé cōme ils se trouuent en  
 auoir iouy depuis Clouis, ainsi qu'il appert par le  
 testamēt de S. Remy, par plusieurs Cōciles anciē,



& par les Decretales de plusieurs Papes pour mesme raison que S. Hierosime tesmoigne les chrestiens auoir prins ce nom de chrestien (qui ne signifie que oinct, de l'onction sacramentale de confirmation, outre ce nom de fidelle, receu par la foy & le Baptisme. Tellement qu'en ce sens, Tres-chretien emporteroit autāt que trois fois oinct, plus & par-dessus tout autre layc & seculier: c'est à sçauoir, au Baptisme, à la confirmation, & au sacré iour de la reception au Royaume, & ce tāt au dedans de l'ame comme au dehors du corps, & partant comme tres-fidelle, tres-sanctifié & doué de la grace de la foy, & du don de confirmation & ratification d'icelle. Et suiuant cela autres veulent que ce nom tres-chretien ne soit pas seulement non & tiltre d'honneur ou personnel, mais aussi d'office & de charge, par lequel le Roy est obligé à rendre & maintenir ses subiects tres-chrestiens, tres-fidelles, & tres-assurez en la foy, leur ostant tout empeschement à ce contraire.

*La foy catholique. propre aux Roys de France.*

Mais toutefois d'où que vienne l'occasion de ce nom, il est certain que c'est le propre deuoir, nom, & epithete de nostre Roy, voire si propre, qu'il se peut dire propre de la quatriesme façon, que disent les Philosophes, c'est à dire, que la foy & la religion catholique en degré superlatif est vne propriété, qui conuiēt & compere à tout Roy de France, sur & entre tous ceux de sa qualité, & sans laquelle il ne peut estre Roy, ains doit estre tenu & réputé pour tyrā ennemy de Dieu, des Chrestiens, & du genre humain, bref, pour beste sauage, ou lion couronné, que ie ne die bœuf (ainsi que le Roy Alphōcē souloit appeller les Rois ignorās) tout de mesme que,

comme disoit Platon & autres Philosophes, la religion est tellemēt la forme essentielle de tout hōme, que sans icelle il ne peut estre vray homme.

*La reli. est la forme de l'homme.*

Et cōme le Roy ne peut rien aliener des terres, villes & droits de son domaine, veu que ce nom de Tres-chrestien luy est escheu pour domaine, & patrimoine Royal, il est sans difficulté, que ce tiltre n'est pas moins alienable ou separable de la Couronne, que tout autre droit ou domaine. Ce qui monstre euidentement, qu'il n'y a rien si necessaire à nostre Roy, que la religion chrestienne & catholique, par ce que sans elle il pert son propre nom de tres-chrestien, & partāt son estre de Roy. C'est pourquoy nous disons hardiment, qu'un Turc, ou Iuif, & à plus forte raison vn heretique, comme estās tous hors, voire ennemis de l'Eglise Dieu, ne peuuent estre Roys de France.

*Le tiltre de Tres-chrestien alienable.*

Allez voir aussi pour conclusion, si les Mahometains receuroient ou supporteroient le fils du grand Seigneur ou du Sophy pour son successeur, combien qu'il y vienne par la nature & par succession du sang, s'il estoit Iuif, chrestien, ou d'autre religiō que la leur. Celuy qui en voudroit disputer ou douter parmy eux, ne seroit-il pas empa-lé, comme vn monstre d'impieté?

*Les Titres ne receuroiēt autre pour R. que de leur religion.*

Se peut-il pareillement imaginer rien de plus nouueau & mōstrueux en ce royaume, qu'un heretique reuestu du manteau Royal, & portant le Sceptre & la Couronne des Gaules, lesquelles seules de toutes les nations ont ce priuilege, dit saint Hierosme, que de ne nourrir ny porter, parlant des heretiques, aucuns monstres. Et comme remarque Politian, c'est le seul royaume qui a esté

*Vn Roy heretiq. est vn mōstre en France.*

exempt de monstres des Roys impies & scelerez. Qu'on monstre que depuis que la France Gauloise & la couronne notamment, a esté acquise à Iesus Christ, & que la foy chrestienne en a prins possession paisible, qu'on y aye iamais receu Roy heretique & mal-sentant de la foy Romaine?

*Iesus Chr.  
n'y l'Eglise  
ne peut estre  
deposé  
de la  
Couronne  
de France.*

A quel iuste tiltre peut-on despouiller l'Eglise catholique & Iesus Christ de ceste plus qu'immemoriale possession depuis 1100. ans, & en la personne de 58. Roys tous catholiques & exempts de toute suspicion d'heresie? Si l'on trouue raisonnable les maintenir en possession contre les particuliers, qui se veulent departir par heresie ou apostasie de la foy, voite mesme que les saincts Decrets veulét que l'enfant du Sarrafin baptisé dès sa naissance puisse estre contrainct de garder la religion

*L'enfant du  
Sarrafîn  
est baptisé  
se est tenu  
de garder  
la foy.*

chrestienne promise au baptisme, combien que dès son enfance, il aye esté nourry & enseigné en la Mahometane, & ce aussi bien que tout autre enfant d'un chrestien, qui n'auroit ouy parler que de la doctrine chrestienne, pourquoy n'aura ceste raison ou loy lieu contre le R. de N. baptisé à la catholique, qui a deslors promis par ses parrains de viure selon la foy de l'Eglise Apost. Romaine: & aussi contre toute vne nation ou bien contre plusieurs particuliers ensemble ou séparément? Car encores que la force & la multitude puissent empescher pour vn temps l'execution des loix, si ne peuuent-elles pas esteindre la raison, qui est l'ame de la loy, & faire que ce qui est en vn temps, raison, equité, & iustice en soy, deuienne en autre temps folie & impieté.

*Vne nation  
contrainte  
à garder  
la foy.*

Iesus Christ estant approuué & receu par noz

peres Roy de Frâce, nous ne disons pas en faction de droict, ny par opinion, ou par maniere de parler, ains aussi vray & legitime pour le moins (si la verité consiste en la foy chrestienne, comme elle fait) que chacun de noz Roys, que nous ne reconnoissons en effect, que pour les lieutenans & seruiteurs, & bien petits Roitelets (nous ne pouuons entendre qu'en l'estat temporel du royaume, puis qu'ils n'ont pouuoir qu'en iceluy) à sa cōparaison: y a-il aucune apparence de raison & bon iugemēt que noz ancestres ayent voulu plustost maintenir le lieutenant & subiect en ses droicts & prerogatiues, que le vray & souuerain Seigneur aux siennes? ou bien qu'ils ayent peu penser ou entendre iamais auētoriser aucune loy ou coustume pour la succession, establissemēt, & Maiesté de noz Roys, que saul le droict & prerogatiue de Iesus Christ, qu'ils luy feroient ou demeureroient seruiteurs & vassaux fideles? & que le peuple & estat François appartenāt à Iesus Christ ne seroit point soustrait de sa dition & supreme souueraineté, pour reconnoistre en effect, en qualité & corps du royaume Sathan en Seigneur souuerain, ainsi que les Payés faisoient? Comme il aduiendroit si nous receuons vn Roy heretique, qui est autant à dire que receuoir vn lieutenant general de Sathā (ce n'est pas iniure ains la verité & la maniere de parler de Dieu & de l'Escripture) Pour à quoy obuier il n'est pas de merueille, si l'on s'est resolu anciennement, pour n'encourir le crime de rebelliō & de leze Majesté diuine d'empescher ou deposseder en vn estat acquis à Iesus Christ tout Roy heretique, plustost que permettre qu'il fut depossédé par luy. Ce n'est

*Les Roys  
ne sont en  
Frâce que  
lieutenans  
de Dieu.*

*Deposseder  
vn Roy he-  
ret. deuant  
qu'il depos-  
sede Iesus  
Christ.*

*Regarder plus à la rel. qu'au Roy.* pas merueille si l'on a mieux aimé cent mille & millions de fois la ruine des Roys impies, que de la religion cath. & qui en doute qu'un Athee qui croit & respecte plus les hommes que Dieu? Ce n'est pas merueille si les Cheualiers chrestiens & les puissances catho. ont combattu plustost, & ont eu tousiours plus d'esgard de conseruer l'autorité du grand Roy, que la volonté des Roytellers: de Dieu & du Createur plustost que de l'homme & de la creature rendue son ennemy.

*Nul R. qui ne reco-  
gnoisse Ie-  
sus Christ.*

Car tout ainsi que nulle nation n'a iamais receu ou enduré Roy quelconque, soit par succession de sang, election, ou autrement, qu'autant qu'iceluy n'a point esté Athee, ains qu'il a recogneu vn plus grand que soy en l'Estat, sçauoir vn Dieu sur luy, pour souuerain Seigneur & de luy & de tout son peuple, aussi nostre nation Françoisse s'estant renduë chrestienne, & ayant recogneu Iesus Christ pour seul Dieu & son souuerain Seigneur, n'a onques receu ou permis, ny pësé à receuoir, ou souffrir aucun Roy heretique, n'autre, qui n'aye recogneu & ne recognoisse veritablement & particulierement Iesus Christ, non seulement pour Dieu, ains pour le Roy des Roys, le souuerain Seigneur des Seigneurs, & le vray Roy & particulier maistre du royaume, de la maison de France, & de luy, & de ses subiets, en viuât & les faisant viure en son obeissance & deuotion, selon l'institution & conduite de son espouse l'Eglise & des Prestres. Ce qui ne se peut faire, qu'entant qu'il est, & se maintient, & eux aussi en la foy & religion cath. Apostolique & Rom. toutes les autres religions, opiniõs & sectes, cõme nous auons dit, & ainsi que la pa-

role de Dieu nous assure, faisant plustost la guerre à Iesus Christ, que l'honorans, encore que tous heretiques disent de bouche le contraire, & qu'il semble autrement aux ignorans: lesquels ne scauent faire difference du masque & du vray visage: de l'apparence & de la verité: de ce qui semble & de ce qui est. Et est-il croyable que du commandement d'obeir aux Roys, & Seigneurs, Dieu s'en soit voulu exclure, luy qui est le vray Roy, mesme apres qu'il a esté recogneu tel de tout cest estat? Et comme le sang Royal & la famille de Hugues Capet est en possession de la Couronne, aussi est le sang de Iesus Christ & sa religion, voire en plus grande souueraineté & prerogatiue. Si c'est meschanceté d'en deposseder le premier, c'est impieté d'en deposseder le second. Et comme disoit Achemenides, autremēt Hormisdas, à son Roy de Perse

*Iesus Chr.  
cōprins au  
commandement d'obeir aux  
Rois.*

Varanes, celuy qui abiure solement Iesus Christ, il peut plus aisément beaucoup mespriser son Roy, & s'entendre avec vn autre, considéré que le Roy est mortel de nature. Et si cestui-cy (disoit aussi le bō diacre Benjarnin au mesme R.) est grandement punissable, de quel supplice en doit estre l'autre?

Et bō Dieu, où est l'ordonnance & la loy, qui commande, voire mesme qui permette vne si grande nouveauté, que de receuoir ou tollerer en ce royaume vn Roy heret.? Ou est le catholique de tous les anciens Docteurs, tant Theologies que Canonistes, si ignorant ou hardy, qui aye osé, ie ne diray pas opiner, ou en resoudre en faueur de l'heretiq. mais non pas mesmes en douter nō moins que s'il y auoit vn Dieu, tant ils ont trouué ce doute destitué de toute verisimilitude? Et certainement qui

*Opiniō mō  
struēse —  
qu'vn her.  
puisse estre  
Roy.*

l'eust mis en auant il y a 50. ans & lors que les Esprits n'estoient point encores infects de la contagion de l'heresie ny licétiez à tant de disputes vaines & contentieuses, n'eust-il pas esté tenu pour vn prodigue, & bruslé cōme Archiheretique, perturbateur du repos public, & criminel de lezé Majesté diuine & humaine?

*Les loix  
qui bruslēt  
l'heretique  
ne le peu-  
uent per-  
mettre être  
Roy.*

Sont-ce les loix, ie vous prie, de la religiō chrestienne, les Ciuiles, les Canoniques, Coustumieres, Politiques, ou du royaume, suiuant lesquelles les here. semblables au R. de N. ont esté bruslez, qui luy peuuent permettre de regner, ou qui legitime-ment l'habilitent maintenant pour la succession du royaume? Si ces loix estoient lors saintes & iustes, qui leur a enleué & osté depuis ce temps-là leur sainteté & droicture? Qui les a peu abroger legitimemēt? Qui peut dōc empescher avec droit & raison qu'elles n'ayent lieu contre le R. de N. aussi bien qu'elles ont eu és autres estatz contre les enfans des Roys, & n'a-gueres contre le fils aîné & successeur presumptif du Roy d'Espagne? & que nous eussions veu pratiquer en France contre les plus grāds, si le droit nouueau des animaux muets & des brutes irraisonnables n'en eut suspendu le cours & l'execution. Si la conscience des Princes & de noz Magistratz ne pouuoit pas laisser viure seulement lors tels heretiques, qu'est dōc deuenue ceste conscience?

*La tyrānie  
du temps  
tollere l'he-  
retique.*

Est bien nouueau au mōde, qui ne sçait que luy & les heretiq. ne sont tollerez à present par la raison naturelle ou par l'equité ou iustice des anciennes loix du royaume, ains seulement autant que la necessité du temps exerce sa tyrānie sur ce royau-

me, comme parloit Coldroe de son siecle: ou pour parler plus claiement autant que la rebelliō, la violence, la tyrannie, & l'extortiō des armes heretique. force noz loix & les saintes intentions du Roy & des Frāçois. Aussi est-ce la belle & tyrannique denise d'un de leurs principaux vnīs & associez, Que leur droict gist aux armes. Si toutefois tout le fondement des raisons & pretensions du Roy de N. heretique n'est appuyé que sur la faueur de la sedition, rebelliō, & multitude de Reistres & semblables gēs, qui peuuent aussi mal-faire, que le diable, & sur la crainte que nous auons avec leurs Majestez qu'ils ne troublent & confondent l'Estat du royaume: est-il possible que ceux qui sont sans passiō, & qui fōt estat de iuger des choses par la voye de la raison, & par la regle des loix anciēnes, legitimes & naturelles, puissent faire iuridiquemēt & en soy aucune difficulté à l'exclusiō du Roy de N? Et que la rebellion ou la crainte de ses armes soiēt si fauorables enuers les gēs de biē, qu'elles puissent esleuer & tirer l'heretiq. du gibet à la Couronne?

*Ius est in armis.*

*Si la seule rebellion rend le R. de N. impuny comment peut il estre tiré du gibet à la Couronne?*

Si voz Anglois rebelles à Dieu & à leur souverain Prince temporel & spirituel le Pape monstrent & confessent par tous leurs escrits & procédures n'auoir esté pouffez à la degradation, condemnation & execution de mort contre la Roynne d'Escoce (que nous pouuons iustement appeller martyrre, puis qu'elle n'est morte qu'à l'occasion de la foy catholique.) pour rien tant que pour obuier principalement au danger & peril, qu'ils feignent y auoir, que sa vie apportast la suppression de leur religion, par ce (disent-ils dans la procedure de son iugement) que c'est chose peril-

*Reiecter le Roy de N. pour semblable raison que la Roynne d'Escoce a esté executée à mort.*



te, cōme ils l'ont fait, nous l'allons reuestir des ornemens roiaux, & le faisons assoir au throsne & siege de iustice, afin qu'il face le procez à nos Roines, à tous nos Princes, Seigneurs, Gouverneurs & autres bons Cath. & qu'il les enuoie tous l'un apres l'autre souz beaux & diuers pretextes au gibet, suiuant vos Anglois, & selon la douceur de la iustice Caluinienne, & le respect, qu'elle porte au sãg des nobles, des Princes, & des Rois, nous precipitans par ce moyen malheureusement & tout l'estat non seulement à tous les perils & dâgers de perdre Dieu & sa religion, mais à l'entiere assurance & infallible certitude d'en estre priuez avec la perdition du royaume, & la mort des Princes & Gentils-hōmes Cath. comme il n'y a rié plus certain, que le dire de la parole de Dieu. Que quicōque aime & s'expose de son bon & pur gré au peril, il y tombera & s'y perdra sans doute.

Et quād toutes loix nous deffaudroiēt, la consideration de la seule sagesse, prouidēce, & cōduite de Dieu sur l'heur & accroissement de ce royaume par le moien de la foy Cath. n'est-elle pas suffisante pour nous faire resoudre contre vn Roy heret? Serons nous si ingrats & mesconnoissans de tant de benefices & graces signalees, que Dieu, à faict à cest estat & à la religion Cathol. que de ne reconnoistre pas bien par icelles que c'est cōtre sa volunté & sainte prouidence, qu'un heretique soit Roy de Frâce? N'est-ce pas par sa grâde & speciale faueur, priuilege, & bōté paternelle, cōme tout le monde cōfesse, que d'un si grãd nombre de Rois & de si longue duree & cōtinuatiō de temps il n'y en aye eu aucun heret. non pas mesme suspect ou

*Le R. de N.  
fera mourir par in-  
justice simu-  
lee & Roines & Prin.*

*La cōsideratiō de la prouidence de Dieu cōtre la reception d'un Roy heret.*

soupçonné de la moindre heresie qui soit, & lequel pour parler claiement n'aie esté de la mesme foy, religiō, & l'Eglise Cath. que Clouis & nostre tres-Chrestien Henry 3. & tous ses peres, ayeuls, & bifayeuls avec leurs sujets, que ce seul que nous auōs dit en auoir esté entaché aucunement, & pour vn tēps, chose d'autāt pl<sup>r</sup> miraculeuse, qu'elle n'est arriuee à aucun autre estat du mōde, quel qu'il soit, ie ne dis pas seulement d'Espagne, d'Angleterre, d'Alemagne, ou autre natiō, mais nō pas mesmes selon l'opiniō de Belloy en l'estat & ordre des Papes? Et nous voulons laisser perdre si legerement ceste singuliere prerogatiue, qui seule nous dōne la presceance deuant tous les Rois & roiaumes Chrestiens? Ce qui n'a esté iamais fait chez nous, disoit le Pape Gelase, nous doit donner frayeur à y penser seulement, sçachans que nous n'en pouuons estre excusables deuant le iugemēt de Dieu.

*Miracle  
que nul  
Roy de Frā  
ce aye esté  
heretiq.*

*Le roiaume  
a esté ac-  
creu par la  
relig. Cat.*

N'est-ce pas vn grand effect de la prouidēce de Dieu, & que l'observatiō du passé nous enseigne que ceste monarchie a estendu & jecté ses racines & branches en hauteur & largeur par mesure & proportion qu'elle a esté arrousee & cultiuee par la foy & relig. Cath? Et comme l'Eglise se trouue auoir esté plantee par les trois Gaules long tēps deuant la roiauté, & que Iesus Christ & les Euefques y ont esté establis & mis en possession deuant les Rois: aussi il n'y a point de doute que leurs benedictions ne l'ayent aggradiē & fait prosperer. Et sera-il dit que la fille suffoque sa mere (comme parle saint Bernard) que le fils renie & chasse son pere? Et sans regarder si loing, c'est que d'un coup de la main & disposition de ce grand Dieu des

armees, qui parle plus cler que tous les escrits, les langues, & l'eloquence du mōde, que de tant & si frequentes iournees & batailles, que la relig. Cath. a doné ou soustenu contre l'heresie & singuliere-  
 mēt en ce roiaume, elle en a tousiours obtenu lavi-  
 etoire? presage tres-certain q̄ Dieu ne veut point que ceste putain y parle, ou soit assise plus haut, que l'espouse legitime: n'y qu'elle gourmande les enfans de la maison souz quelque personne ou personat masque que ce soit.

*Les Cath. ont gagné toutes les batailles contre les heretiq.*

Finablemēt y a-il Almanach ou prediſtion plus certaine de la dissipation de ceste couronne, de la dissolution de la famille & maison de France, & de la ruine de tous les vrais Frāçois, de leurs loix, libertez, prerogatiues & priuileges par la receptiō d'un Roy heret. que la prophetie de ce grād amy de Dieu S. Remy, lequel nous lisons dans son testament auoir aduertiy Clouis lors de son Baptisme, qu'il prit bien garde que luy & ses successeurs ne se departissent iamais de la foy & relig. Cath. en laquelle il auoit esté baptisé, par ce que [disoit-il] la couronne & la monarchie Françoisse ne deuoit estre conseruee qu'autant de tēps, que les Rois retiendroiēt la religiō Cath. Si donc nous cōsentōs à nostre esciēt à la receptiō d'un heretiq. n'est-ce pas nous souscrire volontairement à l'arrest & iugement de Dieu reuelé à ce saint homme pourtāt nostre condemnation & extermination?

*Prophetie de S. Remy cōtre la receptiō d'un R. heretiq.*

Le R. de N. se trompe grandement s'il espere estre Roy par sa separation de l'Eglise Cath. contre tāt de tēmoignages de la cōtraire volonté de Dieu. Ceste courōne ne se peut asseoir & reposer que par la benediſtion sacerdotale sur la teste sa-

*Les Min. ne frēt iamais si grād miracle quede faire vn heret. R. d. Fr.*

creé, & en vn sang nō purement originel, humain naturel, & corrompu, mais legitime & roial: c'est à dire, conforme à la foy chrestienne, & qui soit retaint & renouuellé de celuy du Roy des Rois Iesus Christ, repurgé par le Baptisme, & vif par la foy, comme a esté celuy de Clouis, & de tous nos Rois & Princes du sang de France. Les mains des Ministres ne luy peuuent donner le sceptre, non plus qu'elles n'ot fait à aucun. Leurs benedictiōs ne peuuent faire ny authoriser nos Rois, elles ne firent onques si grand miracle, selon qu'Erasme leur reproche; qu'avec tous leurs rollemens des yeux au Ciel, & reuelatiōs de leur imaginaire S. Esprit, ils ayēt iamaïs peu guerir vn cheual boiteux, combien que les miracles soient necessaires pour la preuue d'icelles, & de toute nouvelle doctrine.

*Les heret.  
n'ont peu  
guerir vn  
cheual boi-  
teux.*

*La regle  
d'estat cō-  
traire au  
R. de N.*

Si la iustice & le bō droict est en cest affaire du costé des Cathol. contre le R. de N. comme nous auons monstré par tant de raisons & infinis exemples, & que d'ailleurs c'est vne de ses regles d'estat, Qu'on ne doit sās necessité ou euidēte vtilité introduire aucun changement en vn estat, voions maintenant si l'vne ou l'autre cause, ou toutes deux ensemble nous y peuuent pousser ou dispēcer. Car nous verrons que tāt s'en faut qu'il y aye vtilité, que c'est au contraire la ruine & subuersiō de l'estat: & que quand à la necessité, qu'il n'y a ny forces ny moyens quelconques du R. de N. ny rien autre, qui nous y puisse presser ou contraindre, ains que sa seule regle de policer & conseruer vn estat, est nostre vraie defence, par ce que ny l'vtilité, ny la necessité des affaires de ce roiaume nous peuuent permettre de nous licentier à rece-

uoit vn Roy heretique, ains nous le deffendent à peine de la vie & de la perte de l'estat, outre celle de la religion & de la conscience.

La Prestriſe & le ſacerdoce eſtât changé ne ſ'enſuit-il pas le changement de la loy, dit S. Paul, qui eſt autant que dire, Que la ruine de l'eſtat Eccleſiaſtique & de la religion, car tous deux marchent enſemble, tirent apres ſoy celle de l'eſtat & du royaume, ſuiuant ce que meſmes Platon, Ariſtote & Ciceron diſoiēt, Que la religion alteree il ſ'en enſuiuoit neceſſairement la perte de la fidelité entre les hommes & vne conſuſion de la vie ciuile, de meſmes que le corps ſans eſprit ſ'en va en putrefaction, n'y ayant point de doute que cōme l'ame viuifie & conduit le corps, que la religiō ne ſoit la vie, la direction, & l'entretènement de tout l'eſtat. Et l'ordre de l'Egliſe avec le ſacerdoce & ſeruiſe diuin, eſtant non ſeulement changé & alteré, mais du tout eſteint par la promotion du R. de N. à la couronne & exaltation de l'heresie à l'exemple de Bearn, de voſtre païs d'Angleterre, & autres lieux, que deuiendront par conſequent les loix & anciennes formes du royaume, que deuiendra tout l'eſtat qui eſt appuié ſur ce fondemēt, ſi la religiō, qui eſt la clef du baſtiment, & le ciment qui lie & retient ferme la monarchie, eſt ſubuerbie?

Des trois eſtats & ordres, deſquels le corps de ceſte monarchie & harmonie gauloiſe a eſté de tout temps compoſé deuant & apres la religion chreſtienne y receuē & eſtablie, ſi l'heresie vient à regner, voila l'eſtat Eccleſiaſt. qui a eſté touſiours le premier, la teſte, les yeux, & la bouche des autres du tout retrâché. Que ſera-ce du reſte, qu'un trōc

*L'vtilité  
d'un roiau  
me cōtraire  
à la rece-  
ption d'un  
R. heretiq.*

*Le change-  
mēt de pre-  
ſtriſe chāge  
l'eſtat.*

*Par la re-  
ceptiō d'un  
R. her. l'or-  
dre Eccle-  
ſiaſtique eſt  
ſupprimé.*

*Le royaume  
est un mē-  
bre sans le  
Clergé.*

& vn monstre sans sa forme & figure naturelle & politique? Car ce que l'estat Ecclesiastique & le Clergé est dit estre le premier mēbre & ordre du royaume, ne se peut entendre, comme pensent les ignorans & Belloy, pour raison de leur propre office, qui cōcerne le seruice diuin, la doctrine de la foy, & l'administration des Sacremēs qui sont toutes fonctiōs, lesquelles s'accōplissent dans l'Eglise & nō aux Palais & Courts de iustice temporelle, & lesquels ils exercent non en qualité du premier ordre du royaume, mais comme seul ordre en l'Eglise, & seuls officiers d'icelle, autant qu'elle est composée de deux seuls estats & sortes de gēs, des Clercs qui y cōmandent, & des lays, qui y obeyssent. Il se doit donc entendre en ceste significatiō, c'est que ceux de cest estat en consequēce que l'Eglise est la mere spirituelle du Roy & du royaume (cōme disoit le Pape Agatho, escriuāt aux Emper. Heracle & Tybere) & q̄ la relig. Chrest. est receuē pour loy principale en l'estat general du royaume, & qu'aussi iceluy est cōsacré, dedié, & acquis à Iesus Christ, il font selō qu'il a esté tousiours obserué dès la constitutiō de ceste Monarchie, le premier mēbre tēporel du royaume apres le Roy: c'est à dire, ils font, que le royaume ne peut estre entier & parfait selon les formes, loix, & vsances anciennes du royaume & de la natiō, & ne peut estre cōduir, regy, & gouuerné selō icelles, & comme il faut, ny faire ses propres actiōs Chr. Politiques & tēporelles sans le Clergé, & sans que ceux de l'ordre Ecclesiastique soiēt appelez, ou emploiez aux charges publiques & de l'estat, nō pl<sup>r</sup> qu'un corps parfait ne peut faire ses operations naturelles sans la

*Prerogati-  
ues du Cler  
gé en l'e-  
stat.*

reste, sans le cœur, sans le foye, ou autres membres principaux. Tellement que les Ecclesiastiques par la propre & naturelle cōstitution, structure, composition & forme du royaume, & comme faisans & tenans lieu de premier membre d'iceluy, sont capables & ont droit d'auoir voix deliberatiue & rang au fait des Paireries, des cōseils, deliberatiōs & resolutions des grands affaires tant de paix que de guerre, de l'establissement & publication des loix du royaume, de la tenue de l'assemblée des Estats generaux, de la cōpositiō des corps & Courts de Parlement, finablement en tout ce, qui cōcerne le tēporel, le gouuernement ciuil & politique, & pour le dire en vn mot, en tout ce, qui touche les affaires d'estat, le repos & la tranquillité publique, non seulement autant ou en mesme esgalité, que les autres deux ordres, moins par vsurpation, ou par concession, faueur, ou priuilege, accordé par la pieté des Rois, ou par les autres ordres, Ducs, ou Seigneurs, mais avec toute prerogatiue, puissance, liberté & propre droit, & autorité plus ancienne, que celle des Rois & la foy Chrestienne & aussi ancienne, naturelle, & essentielle, que celles des deux autres.

*Le Clergé  
tient le pre-  
mier ordre  
apres le R.  
aux affai-  
res d'estat*

*par. 111  
17  
18  
19  
20*

Voire plus grande, ne fut ce que les autres Rois en leur sermēt roial, lors du sacre iurēt & promettēt de prēdre l'auis des Euesques? ce qu'ils ne font pas des autres ordres. Aussi nous lisons que cōme entre les Iuifs les iugemēs des choses nō seulement Ecclesiastiques, mais des ciuiles appartenoiēt aux Prestres & Leuites, aussi des la premiere institutiō & naissāce des Courts de Parlemēt (qui sont vn abregé des estats generaux racourcis au petit pied)

*Le R. iure  
prendre le  
conseil des  
Euesques.*

*Les Euesques ont voix aux Parlemēs.*

tous les Prelats & euesques estoiet cēsez du corps d'icelles, y ayās entree, iceance, & voix deliberatiue: & ont iouy de ce droit iusques à l'an 1461. que par arrest du Parlement de Paris (le doute n'est pas petit s'ils le pouuoient contre leur ancien droit & possession) les particuliers furent priuez de l'entree en la Chambre du Conseil, & d'opinion aux audiences, sauf les Pairs & autres, qui en auoient priuilege special. Et l'on trouue que plusieurs Euesques, & notāment les Prelats Pairs estoiet obligez suiure & seruir accompagnez de leurs cheualiers & soldats les Rois, quand ils alloiet à la guerre en personne. Aussi c'est vne obseruation, qui est sans aucune dispute, qu'anciennement & iusques n'a gueres les Prelats Pairs & non Pairs estoient nōmez, & precedoient tous Comtes, Ducs, & autres Seigneurs temporels, voire mesmes les Princes du sang, les Pairs Laiz, & les Maistres du Palais, & generallement tous, fors les Rois & les Roines. Encores voyōs nous aujourd'huy, qu'il reste en leurs premieres entrees & receptiōs des villes Episcopales souz des poisses, beaucoup des marques d'honneur & de grandeur au temporel, estant fort semblables à celles que l'on fait enuers le Roy: la sage antiquité ayāt creu que la paix publique en seroit d'autant plus assuree & de durce, que la reuerēce enuers la religion seroit grande, & qu'icelle s'accroist d'autant plus, que les Euesques sont en hōneur entre les Princes. C'est pourquoy nous lisons en nostre droit, qu'Euesché n'est pas dignité, mais le sommet, & le feste de dignité.

*Les Euesq. precedens tous apres les Rois & les Roines.*

Et de ceste façon les Ecclesiastiques en France ont deux charges & principales obligatiōs, dōt ils



font tenus s'acquitter, la principale est celle, qu'ils ont enuers Dieu seul, & laquelle regarde la cōduite des ames selon la loy de Dieu, & les reglemens de l'Eglise, comme ses officiers & ministres. En quoy ils n'ont point de compagnon ny de supérieur que le Pape & Dieu, portans à ceste occasion aussi bien que le Roy vn Par la grace de Dieu, & du S. Siege. La seconde est celle, qu'ils ont enuers l'Estat, laquelle concerne la conduite de la police & du tēporel de l'estat du roiaume selon les loix d'iceluy. En quoy comme sujets, seruiteurs, & officiers du Roy & de l'Estat, ils ont pour adioints & cooperateurs ceux de la Noblesse & du tiers Estat, souz le respect, sujction, & obeissance d'un seul Roy, non heretique, mais tres-Chrestien. C'est la difference que ce roiaume a de l'estat du Turc & des Payens, où la chose publique se manie d'autre façon, & auquel le Clergé n'a autorité & puissance, que de s'empescher des fonctions & charges purement spirituelles & Ecclesiastiques. Et pour ceste cause il ne tiēt aucun rang en l'estat tēporel, ny aux assembléees de l'empire, ou de la republique Turquesque, ny ne faiēt aucun ordre ou estat en iceluy. Le mesme se voit en quelques estats de la Chrestienté: combien que comme le roiaume de France a esté le premier Chrestien, & lequel retenant l'ancienne forme & police de la nation, à maintenu le Clergé au mesme rang & prerogative de l'estat, qu'auoient les Prestres de leur idolatrie: il a aussi esté cause, qu'à son imitation, plusieurs estats de la Chrestienté luy ont donné mesme aduantage aux affaires de la Republ. comme ceux dont nous auōs tant parlé d'Angleterre, & Bearn,

*Le Clergé  
à 2. charges  
l'une spiri-  
tuelle l'autre  
tēpor.*

*Difference  
en l'Estat  
du Turc à  
celuy de  
France.*

*L'extinctiō  
du Clergé  
est preiudici-  
able à  
tout l'estat.*

Si les Ecclesiastiques ont ceste prerogatiue par les loix anciennes, & le droit de la gent Frāçoise, avec possessiō immemoriabilissime d'estre la principale partie, & d'auoir la premiere autorité apres le chef en ce corps mystique du roiaume, les peut on retrancher cōme le R. de N. & l'heresie a faict en Bearn, & tasché de faire en France, sans violer & forcer les loix éfondamentales, naturelles, & anciennes du roiaume? Sans rendre tout l'estat manchot, stropiat, & imparfaict, & sans faire tort & oppressiō à tout l'ordre Ecclesiastique, & à l'Eglise Gallicane, & principalemēt sans frustrer & frauder les autres deux ordres de leur decēce & gloire, & du fruit & vtilité, qu'ils ont tousiours retiré de l'assistēce & conduite des gens d'Eglise, & singulieremēt le tiers estat, pour la descharge de tāt d'imposts & leuees de deniers qu'il a obtenu souuent par sa voix & vigoureuse intercession? Est-il imaginable, que la cheute de ce gros dongeon puisse arriuer sans vn grand fracas & foule des autres ordres, & sans que la pesanteur de ses ruy- nes ne les accablent du tout?

*La noblesse  
reçoit grā  
detrimēt en  
la reception  
d'un R. he-  
retique.*

Quel affoiblissement & dechet receurōt tant de bonnes maisons en Frāce, lesquelles se sont tousiours maintenues pour la descharge des legitimes & partages, par le moiē des enfans & filles, qui entrēt en l'estat de l'Eglise? outre le proverbe anciē, Qu'il n'y a bōne maison, q̄ celle qui est faicte par la teste raze, Quel hazard court la Noblesse pour tāt de fiefs, droicts, & priuileges, dōt ils iouyssent sur le tiers estat, si vne fois les ministres ont acquis & empieté vn peu plus d'autorité, veu que ne faisant que cōmencer, ils s'attribuēt la cognoissance

des affaires d'estat, de la guerre, & de la paix, de la iustice, de la police, voire du fait du meſnage d'autrui, & principalemēt que leur maxime eſt, Qu'il ne faut rien approuuer, q̄ ce qui eſt expreſſement en l'Eſcriture, & que toutes autoritez qui prouient de l'inuention des hōmes ſont cōdamnees & reſectables? Suiuant cela n'eſt-ce pas la belle defence, que le Seigneur de Mornay prend pour iuſtifier la reuolte de voſtre Angleterre cōtre le Pape, qui eſt par leur propre cōfeſſion leur ſouuerain ſeigneur tēporel, outre la ſpiritualité, diſant, Qu'il ne ſe vit iamais ſymbole, où il ſoit dict que le Pape ſoit Roy d'Angleterre. Et n'en pourront-ils point dire autant, Qu'il ne ſe vit iamais ſymbole, où il ſoit dit, que la Nobleſſe deũt auoir ces priuileges? Nous laiſſons à penſer combien volontiers vn Tyran ſera aiſe de ſe preualoir de ceſte opinion, & quele peuple enuieux de ſa nature ſera prompt a y tenir la main.

*Raiſon riſ-  
dicule du S  
du Pleſſi.*

Eſt-il poſſible imaginer qu'un ſi ſoudain changement d'une extremité & d'un contraire à un autre puiſſe arriuer à un eſtat le plus ſain, & robuste, ſans danger d'eſtre du tout renuerſé, ou qu'une ſi grāde confuſiō de tous eſtats, & de tout ordre diuin, humain, & politiquen'attire apres ſoy par une ſiniſtre cōſequence l'euerſiō de la Monarchie? Et n'eſt-ce pas ce que vouloit dire ce grād Apoſt. des François S. Remy, preſidāt à Clouis, Que le roiaume & l'Eglife Gallicane marcheroient à l'aduenir de meſme pas, par meſme accroiſſement ou diminution, & qu'ils courroient meſme fortune & cōdition enſemble? Ce qui eſt treſcōforme à ce que nos hitoriens ont fort curieusement obſerué,

*Vn Roy he-  
ret. eſt l'e-  
uerſiō de la  
Monar.*

*La rel. cat.  
& le roiau-  
me courrent  
meſme for-  
tune.*

L'Eglise  
n'est  
pas  
au  
côtrai-  
re.

que tant plus que nos Rois se sont efforcez de redre d'honneur & de reuerence à Dieu, à son Eglise, & aux Euesques de gens d'Eglise, plus ils receuoient d'obeissance de leurs sujets: que plus ils se soumettoient à la religion Cat. & à l'autorité de l'Eglise, plus d'honneur & de submission ils auoient de leur peuple: que plus l'Eglise a esté bien traitée, aussi l'estat de ceste couronne a prospéré & triomphé. Au contraire d'autant qu'elle a esté opprimée, l'estat du Roy & du royaume a empiré: quand les Rois se sont relâchez ou diuertis de ce deuoir, ils ont esté trauaillez ou de guerres ciuiles ou des estrangers, tantost par les Normans, tantost par les Anglois, tantost par d'autres, & selon la decadence de leur religion & pieté, l'on a veu decheoir à veüe d'œil leur autorité & puissance.

La receptiō  
d'un R. her.  
contraire à  
la paix &  
repos.

Sil les mondains ou Athees s'esmeuent si peu, quel vent de religion tire, ou s'ils sont priuez de la foy & des moyēs externes de leur salut, & qu'il ne chaut à ceux qui sont Chrestiens & Catholiques de profession, non de foy (comme parle Orose) pourueu qu'ils leuent leur gerbe, ou qu'ils mangent leurs croustes en paix, & iouyssent de leurs delices & commoditez souz quelque loix que ce soient, nouuelles ou anciennes, & souz quelque Roy que ce soit, Catholique ou Huguenot, luif ou Turc, ne mesurans la dignité & merite de la religion, qu'au seul pied du repos de l'estat, & de l'utilité politique & temporelle, suiuant la façon des plus meschans Payens, & ne faisans aucune difference des religions, non plus que ces anciens heretiques (dont saint Augustin s'esmerueille qu'il soit possible qu'aucun soit si fol) qui tenoient, que

Heret. qui  
admettent  
toutes reli-  
gions.

toutes les religions se pouuoient approuuer & cōpatir, & qu'elles n'estoient point cōtraires l'vne à l'autre, & lesquels, pour le dire en vn mot, iugēt de la religion Chrest. cōme ils feroient de celle de Bacchus, de Venus, ou de q̄ques autres idoles qui sont compatibles, d'autant qu'elles prouiennent d'vn mesme autheur, & sont souz mesme maistre & seigneur, qu'elle esperance, disons nous, peuuet auoir tels mondains de repos & de paix, s'ils n'espeschent & s'opposent à la promotion d'vn R. heretique, qui peut estre cause d'vn si grand changement, mutation, & trouble?

Les religions  
des Payens  
compati-  
bles.

Car quand la religion ne seruiroit que d'un instrument de police, qui est le moindre honneur que les plus grands athees luy donnent, n'est-ce pas vne regle d'estat & de police tenue pour tres-certaine, par tous ceux, qui en ont mieux escrit & parlé. Que la religion ordinaire du lieu renuersee, s'ensuit le renuersement & subuersion de l'estat, & des principales loix & vsances, sauf au cas de la religion Cath. qui seule les peut ameliorer & benistre. Le danger & malheur du tēps des Arriens (dict cest ancien Lyrinenfis, qui viuoit l'an 446.) à monstré assez suffisamment combien de calamitez a porté au monde l'introduction d'une nouvelle doctrine en l'Eglise. Car par là nō seulement les petites choses, mais les plus grandes sont renuersees. Non seulement les affinitez, les cōsanguinitez, les amitez, les familles & maisons: mais aussi les villes, les peuples, les prouinces, les natiōs, bref tout l'Empire des Romains a esté entiere-mēt esbranlé & abbatu. Car des que ceste profane nouueauté Arrienne, comme vne Bellone ou fu-

La reli. du  
lieu réver-  
see, s'ensuit  
la subversio  
de l'estat.

Notable sē  
tēce de Vin  
cens Lir.

„ ric, ſeſt vne foy faiſie de l'Empereur, & aſſujettie  
 „ par nouuelles loix tous les Princes & principaux  
 „ officiers & de l'Empire & de la Court, elle n'a ja  
 „ failly depuis de tourmenter & brouiller tout le  
 „ mōde. Elle a cōfondu & meſlé les choſes priuees  
 „ & publiques, toutes choſes ſacrees & profanes: el-  
 „ le ne fait diſtinctiō ou differēce aucune du bō ny  
 „ du vray, & ſi elle a deſmis & deſpoſſedé de leurs  
 „ grades & hōneurs tous ceux qu'il luy a pleu. Lors  
 „ les femines ont eſté violees, les veſues deſhonno-  
 „ rees, les filles & vierges forcees, les Monafteres  
 „ deſmolis, & bruſlez, les Clercs & Eccleſiaſtiques  
 „ troublez & eſpādus çà & là, les Diacres battus, les  
 „ Preſtres enuoiez en exil, les priſons, les minieres,  
 „ les cahors ont eſté remplis de ſainctes gens & des  
 „ bons Catholiques. Deſquels la pluſpart eſtās bā-  
 „ nis des villes & rendus fugitifs, ſont morts tous  
 „ languiffans de ſaim, de ſoiſ, & de grande diſette de  
 „ veſtemens & de toutes choſes neceſſaires, parmy  
 „ les deſerts, les rochers, les ſpelonques, les beſtes  
 „ ſauuages. Et toutes ces miſeres ne ſont aduenues  
 „ pour autre cauſe, ſinō pour introduire & eſtablir  
 „ les opinions & inuentions des hommes, au lieu de  
 „ la bonne doctrine de Dieu, pour deſtruire par vne  
 „ ſceleree nouueauté l'âtiquité ſi bien fondee, pour  
 „ violer les cōſtitutions des anceſtres, pour abbatre  
 „ l'authorité des Peres, pour rompre les ſainctes &  
 „ anciens decrets, finalement pour autant que la  
 „ profane & nouuelle curioſité ne ſe peut contenir  
 „ dās les bornes & limites de ceſte ſaincte, ſacree, &  
 „ chaſte vieillieſſe & antiquité. O paroles dignes de  
 „ eſtre eſcrites en groſſes lettres au deſſus des por-  
 „ tes des Eglifeſ, des Villes, des Palais & maiſons, de

*Miſeres que  
 apporte vn  
 Roy heret.*

estre engrauees en la memoire & dans le cœur de tous humains! ô oracle & Almanach certain de nos malheurs souz vn Roy heretique! ô aduertissement salutaire pour les Cath. François, qui ont l'ame pacifique, & qui se voyent neantmoins à la veille de semblable danger, & descombrier, par le moyen de l'heretie Caluinique beaucoup plus factieuse & pernicieuse que l'Arrienne.

*Almanach pour les cathol.*

Helas! quelle occasiō y a-il d'attēdre d'elle meilleur temps & traictement, quelle apparence y a-il de trouuer en la personne du R. de N. estant heretique plus de douceur & humanité, qu'en Valens & ses Empereurs Arriens, & tous les Princes, qui iamais ont esté heretiques? Et en fin, quelle esperance y a-il de pouuoir estre maintenus en la liberte de nostre religion, & de receuoir par sa reception le repos & pacification tant desirée & necessaire en ce royaume?

*N'entēdre mieux du R. de N. que des autres heret.*

Car de fait la raison n'y est-elle pas trop apparente & necessaire? Par ce que ou il sera athee en son cœur (n'estimant la religion que selon l'interest d'estat à la Machiauelique) en ce cas la resolution de nostre Seigneur contraire diametralement aux tēporiseurs & sots politiques ne peut faillir, qui n'est point avec moy, (dit-il) il est contre moy. Par consequēt il est aussi impossible que le R. de N. n'estant Catholique ne face tost ou tard persecution ou guerre mortelle à Iesus Christ, à sa religion, & aux siens, comme il est impossible que la parole de Dieu ne soit veritable: Ou bien il croira en Dieu heretiquement: si l'adiouste foy à la Bible, puis qu'elle commande & à Rois & à subjects & à tous generally aussi clairement

*Raisō pour quoy.*

*Qui n'est Cathol. est ennemy de Dieu & des siens.*

*S'il croient  
sa religion  
par conse-  
quêt il sera  
ennemy des  
Cath.*

*! Le propre  
naturel de  
l'her. est de  
persecuter  
les Cathol.*

& certainement que de croire en vn seul Dieu, de ne receuoir ou tollerer autre religion, que la sienne seule, ains qu'on employe tous les cinq cens de nature, & qu'on remue toutes pierres pour le exterminer, les particuliers de leurs maisons, & les Rois & Seigneurs de leurs estats: S'il tient son heresie pour la vraye religion Chrestienne, & s'il veut estre estimé auoir religiō & obeir à Dieu, qui peut douter, qu'il ne tasche de tout son pouuoir a n'entretenir ou tollerer que la seule relig. heretiq. & à chasser & aneantir la foy Cathol. comment il fait ou il peut? Et en vn mot qu'il ne soit autant & par mesme mesure & proportion ennemy de la relig. Cat. cōme il pensera aimer vn Dieu, & qu'il voudra mōstrer auoir creāce à sa relig. & à ses Predicans? Estant impossible que s'affectionnāt & aimant l'erreur, il ne hayssē la verité, ainsi que l'intētion de tous heret. (disent S. Augustin, & nostre S. Gregoire) (est de corrōpre la foy, & que le naturel propre de l'heresie, plus que de nulle autre religiō, est d'estre ennemie des Catholiques, & de leur tēdre desembusches en tout ce qu'elle peut, tesmoin l'exemple de Valens & des autres, qui ayant permis toute sorte de religion, ont chassē la seule Catholique. Estant aussi impossible que de la haine ne s'engendre vn desir de l'esteindre & suffoquer, ce que ne se pouuant faire, qu'apres auoir chassē ou esteint les principaux Seigneurs & familles, qui maintiennent la foy & la verité: il est pareillement impossible, qu'il ne tourne tous ses efforts & artifices pour les oster & les perdre tout à fait, comme c'estoit la voix commune des Donatistes (dit sainct Augustin) des qu'ils se voyent ancrez



en pouuoir & autorité. Retirez vous de nostre peuple, si vous ne voulez que nous vous tuyons. Et les iuges & officiers Arriens n'auoient qu'une mesme sentence contre les catholiques, dit Saint Athanasé, ou sortez de noz Eglises & païs, ou foyez des nostres.

N'a-ce pas esté tousiours vne generale cognoissance & opinion vniuerselle de tout le môde, volre iusques à Ciceron & aux anciens Payens, que la nature du Dieu des Iuifs & des chrestiens est si impatiente & ialouse de compagnō, qu'il ne peut & ne veut estre adoré & seruy que seul, & que sa religion n'en peut cōporter & tolerer autre quelconque non plus que le bon mary deux femmes. Et c'est pourquoy les anciē politiques Romains, qui receuoient toutes religions, n'ont point voulu authoriser celle des Iuifs ny des chrestiens, par ce, disoient ils, que par vne inuitable consequēce il faut chasser tous autres Dieux & religions, ou auoir l'estat de la Republique en perpetuel trouble & dissention, si vne fois on l'auoit receuē. Si vn Athee & ignorant s'opiniastre à soustenir qu'il n'est pas necessaire que le Roy de N. soit ennemy des catholiques ains qu'il pourra, bien qu'il fauorise l'Huguenot, qui est de sa religion, maintenir & le catholique, & le Lutherien, & toute autre religion qui pourra suruenir de son temps chacun en son libre exercice, & en la iouissance de ses biēs & libertez, faisant iustice à l'un & à l'autre esgalement sans aucune persecution, comme il pourroit & feroit vn Picard & vn Normand, sans que la distinction de religion apporte trouble aucun, non plus que la diuersité de la langue & du païs

*Le Dieu et la religion des Chre. incompatibles avec ceux des Payens.*

*Démonstration que le R. de N. ne peut que persecuter les Cath.*

*La liberté  
de consci-  
ce est la pl<sup>e</sup>  
grande per-  
secutiō qui  
puisse estre  
contre l'E-  
glise.*

Ce ne seroit pas à la verité le premier qui auroit essayé ceste voye. Car nous lisons le mesme de ce infidele Iulian l'Apostat & des Othomans, & de fort peu d'autres. Toutefois l'on a cogneu par experience que ceste mesme tollerāce, & semblāce de iustice hu. & imaginatiō de paix temporelle est la plus griefue & cruelle guerre, qu'on puisse faire à dieu & à sa religiō. Par ce qu'en effect cōme laisser croistre & entretenir liuroye, les orties, & mauuaises herbes, est cause que le bled & la bōne semēce est suffoquee : ainsi la vraye religion est esteincte par les contraires opinions de religiō. Et permettre ceux qui les embrassent n'est que nourrir & accroistre le nombre de ses ennemis, pour à la premiere occasion & aduantage pouuoir vomir leur rage cōtre icelle & les catholiques, comme il n'y a rien, qui mine & sappe plus auant la foy chrestienne, ny qui attire tant d'ames à valderoute en perdition eternelle, que ceste generale licence de sectes & de liberté de conscience. C'est pourquoy Iulian l'Apostat. ( Nous l'alleguons icy volōtiers pour la grande ressemblance & conformité qui se trouue entre luy & le R. de N. & en la figure & proportion du corps, & en la haine contre la religion chrestienne & catholique, Dieu veuille que la fin n'en soit pas de mesme, & que la posterité ne les puisse coupler ensemble) ayāt coniuré la ruine de l'Eglise pour remettre sus l'idolatrie, il y a plus procedé par art & finesse, que par puissāce (dit Orose) & à ses fins il ne peut trouuer ny excogiter moyē plus propre que de maintenir pour vn tēps soubz mesme apparence de iustice toutes heresies & religiōs indifferēment en leur pleniēre liberté

*Iulian &  
le R. de N.  
se ressem-  
blent.*

voire plus grande prerogatiue que la cath. Mais cependant il reuoqua tous les Euesques & catholiques exilez par les heretiques, afin que la diuisiō & contention d'entr'eux fut leur ruine & que les catholiques le fauorissassent contre la memoire de son predecesseur heretique. Il deffendit de ne leur meffaire ny mesdire : afin que telle douceur pipat le monde, & que l'Eglise fut priuee du triomphe & gloire des Martyrs. Il fist rebastir les Eglises par ceux qui les auoient desmolies ( afin que ceste depence fut leur affoiblissement ) se rendit facile à tous, & si il reputoit à grand honte d'vser manifestement de violēce contre vn chrestien ( afin qu'il ne fut maudit de la posterité, cōme il voyoit, qu'estoient ceux qui les auoient persecutez ) rendāt & distribuant en apparence la iustice si esgalement à tous ( afin que les cōmoditez de ceste vie leur fissent perdre le zele enuers la religion ) que nous trouuons en S. Augustin, que les heretiques, qui estoient les plus fauorisez ne faisoient parade contre les catholiques, sinon de ce que la seule iustice auoit lieu en son endroit, bien que sous main il agassat & fauorit tant par impunitē qu'autrement tous les ennemis des vrais catholiques, tenant ceste opinion (disent tous les auteurs) Que par telle douceur fardee en leur endroict & maintenant en leurs biens les particuliers il esteindroit plustost leur religion, & les seduiroit, plus facilement, que s'il les tourmentoit par persecutions manifestes; par ce qu'il cognoissoit, disoit-il, qu'elles n'auoient seruy que d'autant de semences de la gloire & grandeur de la chrestientē. Ne t'esbahis donc si le Roy de Nau. ne tue si tost tous les catholiques,

*Douceur  
de Iulian  
enuers les  
Cathol.*

pourueu que peu à peu il les priue de l'vſage de leur religion, ne mericans pas moins le nom de perſecuteur que Iulian.

Pareillement Conſtātius l'Empereur pour paruenir mieux à eſtablir l'Arrianisme & affoiblir le Catholiſme, prit-il meilleur chemin, q̄ de permettre ſemblable liberté à toute ſorte d'her. & religion?

*La paix  
avec l'he-  
retique eſt  
vne grāde  
perſecutiō.*

En ceſte ſorte & maniere de paix ou pluſtoſt perſecution ſans exil, ſans glaïue, ſans feu, & ſans meſmes toucher aux biens des chreſtiens ou cath. a eſté trouuee & reputée par noſtre S. Hylaïre & tous les anciens peres, la plus grande & dōmageable perſecution que la chreſtienté aye iamais receu, tenans pour certain que la plus grande violence que les catholiques puiſſent recevoir, c'eſt d'eſtre cōtraincts d'ouyr des blaſphemes cōtre Dieu, de voir ſouffrir, & maintenir les heresies & fauces religions avec impunité de tous blaſphemes, en plus grand ou meſme degré d'hōneur & liberté que leur religion. La perſuaſion (dit S. Cyprian)

» nuifable & venimeuſe tue plus grieuement, que la

» perſecution. Et à ce propos dit le meſme S. Hylai-

re contre les ruſes & artifices de ce Conſtantius (combien que ſi nous croyons à S. Gregoire de Nazianſe il n'eut autre intētion, que de remedier aux diuiſions & maintenir les catho. & les herēti-

» ques en paix & vnion) Nous deũs plus Neron

» & Decius, à voſtre cruauté, qu'à la douceur de

» Conſtantius. Car par vous nous auons vaincu les

» diables, le ſang des Martyrs a eſté receu & releué

» tout par tout par les grands miracles qui ſ'y ſont

» cōmis. Mais toy Conſtantius le tres-cruel de tou-

» tes les cruantez, tu nous tourmentes avec plus

grand dommage, & moins d'excuse de nostre part  
 enuers Dieu. Tu nous surprends & soustraits à ca-  
 chetes avec beau sèblant de douceur: tu nous tues  
 avec l'esperance de religion. En preschant fauce-  
 ment Iesus Christ tu esteins & amortis la religion:  
 mais en tout cela tu ne laisses point aux pauures  
 miserables, qui se laissent seduire de la foy, aucune  
 excuse, pour pouuoir alleguer deuant leur iuge e-  
 ternel quelque peine, ou luy représenter quelques  
 cicatrices sur leur corps: afin que la necessité & la  
 contrainte puisse deffendre l'infirmité: tu tempe-  
 res ta persecution de telle façon, que tu ostes du  
 peché le pardon & le martire de la confession. Et  
 peu deuant, Nous combattons contre vn persecu-  
 teur, qui trompe: cōtre vn ennemy qui amadou-  
 e contre Constantius, qui est Antechrist: Qui ne fra-  
 pe point sur le dos, mais nous chatouille le vètre:  
 Qui ne confisque point noz biens & nostre vie,  
 mais nous enrichit à nostre mort: Il ne nous en-  
 uoye point en prison à nostre liberté, mais nous  
 fait part des hōneurs de la Cour à nostre seruitude:  
 Il ne nous foïette pas sur les reims, mais il saisit &  
 occupe le cœur: Il ne nous coupe point la gorge,  
 mais il tue & meurtit nostre ame par or, & argēt:  
 Il ne nous menace point du feu public, mais il al-  
 lume en secret en vn chacun de nous le feu d'ēfer:  
 Il n'entre point au cōbat, de peur d'estre vaincu:  
 mais il flatte pour cōmander: Il cōfesse Iesus Chr.  
 pour le nier: Il procure & recherche l'vñion, afin  
 qu'il n'y aye point de paix: Il reprime les heresies,  
 afin qu'il n'y aye point de chrestiens: Il honnore  
 les Prestres, afin qu'ils ne soient Euesques: Il r'ac-  
 coustre les loix de l'eglise, afin de destruire la foy.

*Le faueur  
 Et douceur  
 d'un Roy  
 heretiq. est  
 cruelle.*

*Pourquoy  
le seul Iuif  
tolleré de  
toutes les  
religions.*

C'est aussi la raison (non entendue par Belloy, ny par tous ces escriuains Biarnoïſ ou heretiq.) pourquoy de toutes les opinions & ſectes de religion, on ne voit point, & il ne ſe lit point, que iamais la chreſtiente, où qu'aucun Prince chreſtien ou catholique aye permis en ſes terres & pays d'obeiſſance, ou ſouffert ſans blaſme, aucune hereſie ou autre religiō outre la catholique, que la Iudaïque, par ce que toutes deux ne recognoiſſent & n'ont qu'un meſme & ſeul Dieu pour leur auteur, qui eſt le Dieu d'Abel & d'Abrahā. Tous heretiques diſent bien ne recognoiſtre qu'un meſme Ieſus Chriſt avec l'Egliſe, pour le vray Dieu mediateur & auteur de leur foy: toutefois la verité eſtant au contraire, & qu'il ne peut eſtre auteur que de l'une ou de l'autre opinion, qui eſt de la ſeule catholique, il eſt neceſſaire que ſarhā en ſoit de l'autre, & partant que la verité combatte & chaſſe la menſonge, au contraire, comme le chaud combat le froid, & le froid cōbat le chaud. La religion Iudaïque priſe en foy, & ſelon que les Patriarches & Prophetes l'ont entendue & eſcritē, comme elle eſt de l'inſtitution de Dieu, & qu'elle prouiēt de meſme ſource, que la chreſtienne, & eſt appuyee ſur l'auctorité de meſmes liures du vieux Teſtament, tant s'en faut qu'elle ſoit contraire à la chreſtienne, qu'elle confirme, fortifie, & eſt ſa ſeruante. Toutefois n'ayant eſté eſtablie que par prouiſion iuſques à la venue du Sauueur, & le commencement de l'Egliſe, laquelle deuoit eſtre ſa perfection, elle n'eſt plus de ſaiſon ny tolerable.

Neantmoins ſi de tous les Princes & eſtarz chre-

stiens, il n'y a quasi que le seul Pape & la seule Italie qui la permette en certains lieux de leurs terres, voire avec sa corruption rabinique, & autant que l'inuention des hommes la rend cōtraire à nostre foy, il est bié à croire, à qui a du sens commun, que cela ne s'est pas faict par si long temps, & durant tant de saincts & prudens Papes, que pour quelque bonne raison & consideration, n'y en ayant pas vne seule, mais plusieurs qui sont tres-grandes & tres-sainctes, & lesquelles nous laisserōs rechercher de sainct Augustin, & autres saincts Peres & Docteurs, nous suffisant de ceste seule, Qu'ils sont tollerez pour le bien qui en reüssit à la chrestienté & à la gloire de Dieu. Car ils seruent à nostre foy pour la confirmatiō & tesmoignage d'icelle contre tous les infideles & heretiques, non tant parce que leur deposition tiree de noz propres ennemis auctorise noz liures du vieux Testamēt, qu'ils obseruent les ceremonies, esquelles la verité des mysteres de nostre foy estoit figuree, & que ce que nous croyōs, nous est représenté cōme en tableau & image: cōme aussi pource qu'ils seruent de verification du bannissement vniuersel, & des autres peines contenues en l'Escripture contre leur natiō, pour auoir reietté Iesus Christ. Qui est cause qu'au contraire la religiō ou ceremonies de l'heretique, *Le Iuif* ou de l'infidele, ne pouuant porter aucune vtilité *peut estre* ou verité, & ne tendant entierement qu'à la destruction de la vraye religion, elles ne doiuent estre *plus tost Roy* tollerees aucunement, que pour vn temps, & autant que cela sert pour euitier quelque plus grand mal, sçauoir, pour fuir scādale, ou vne dissentiō irreparable, qui en pourroit naistre. Et c'est pour-

quoy & noz Roys ont permis pour vn tēps l'her.  
& noz maieurs les infideles, lors qu'ils estoient en  
grand nombre. Et quant au danger qu'il y a que le  
Iuif ne seduise ou attire en apostasie ou defection  
le chrestien, l'on y sçait tres-bien pourueoir, pour  
ne permettre disputer avec eux, ny hanter leurs Si-  
nagogues, pour ne les admettre à aucune charge  
& affaire public, ny souffrir qu'ils acquierēt aucun  
bien immeuble, & en les resserrant & enfermāt en  
vn quartier de la ville, cōme prisonniers publics,  
& gēs bannis des hōneurs & de la vie cōmune du  
monde, cōme aussi par autres plusieurs reiglemēs.  
Cela soit dit en passant, pour satisfaire à de Mor-

*L'heretiq.  
puny & nō  
le Iuif.*

nay, & à ceux qui inferēt mal à propos de l'exem-  
ple des Iuifs vne liberté licentieuse pour les heret.  
Car outre ce que dessus, la diffetence est grande de  
contraindre celuy qui est obligé par promesse, cō-  
me l'heret. ou de vouloir violēter à quelque paye-  
ment celuy qui ne doit rien, qu'autant qu'il veut,

*Permettre  
seulement  
que le Roy  
de N. puis-  
se estre re-  
ceue à pre-  
tendre à la  
Cour. est  
cōsacrer le  
Royaume  
au feu &c.  
aux cēdres.*

comme est le Iuif temporellemēt. Ioint que ceux  
mesme qui ont permis diuerses religions, n'ont  
gueres iamais trouué bon qu'en vne mesme reli-  
giō l'on y introduit diuersité, comme ils ont per-  
mis qu'on se dit Gentil, Iuif ou Chrest. mais non  
pas qu'on se dit Saduceen, Esseen, ou bien Dona-  
tiste, Nouatien, Arrien, &c.

D'auantage ou le R. de N. n'estant cath. sera re-  
ceue & maintenu paisiblemēt Roy ou non. Du pre-  
mier celuy là a le iugement bien foible & peruer-  
ty, qui le pense, & ne cuide pas que iamais homme  
aye eu ceste apprehē sion, que ie ne die ferme per-  
suasion. Si dōc il ne peut estre receu, moins iouyr  
du royaume, que par le fer, la flamme, & le feu, ces



mondains, temporiseurs, & mauuais politiques ne voient-ils pas bien, que le seul effort en est de plus longue duree, que la vie d'un homme? Et que permettant qu'il puisse seulement entrer en ce ieu, ils consacrent pour iamais tous leurs biens & cōmoditez, leurs femmes & filles, leur patrie, & leur vie à la cupidité du soldat, au feu & aux cendres? Ne preuoient-ils point, qu'ils reçoüēt le brandó qui les embrasera, & mettra le feu aux quatre coings du Royaume, si l'on le laisse faire, & que l'on n'y accoure de bonne heure, pour l'esteindre du tout en son commencement, comme parle S. Hierosme d'Arrius, lequel n'estant, dit-il, qu'une estincelle en Alexandrie à ambrasé tout le monde, pour n'auoir esté esteinte de bonne heure, Qu'ils reçoüēt la cause & le seminaire d'une guerre continuelle & immortelle, iusques à l'extinction & d'eux & du Roy de Nauarre sur qu'ils auront appuyé leurs fortunes & substances, & leur vaine esperance de repos & tranquillité.

Ne voit on pas biē, que si vne fois l'on a receu le R. de N. le moins qu'il puisse faire cōtre les Catholiques pour les huguenots, c'est de leur accorder & temples & offices, & chambres my-parties, & végeance de la saint Barthelemy, & villes de seureté, & gouuernemens, & infinis tels autres points & articles, que luy mesmes à voulu & à pensé deuoir demander, procurer & poursuiure pour eux & en leur faueur, par tant de cayers proposez lors de la negociation de la Paix, & par tant d'autres & diuerses fois, & lesquels toutesfois ont esté trouuez & iugez ne tendre qu'à trouble, & en fin à la ruine des Catholique & de l'Estat.

*Le Roy de Na. s'il est receu, ordonnera ce qu'il à requis pour les Hugue.*

*Bastira ci-  
tadelles en  
toutes les  
villes.*

Ne voit-on pas biẽ, que si on le recoit vne fois  
és villes Cath. que les tenant en opiniõ, crainre &  
soupon de rebelliõ (car ainsi nommera il la iuste  
deffence & resistance des cathol.) qu'il luy faudra  
nécessairement pour s'asseurer contre la ialousie  
d'estat, & empescher l'intelligence, qu'il craindra  
de celuy qui sera receu Roy par les cath. ou autres:  
qu'il les foule & surcharge de grosses garnisons,  
qu'il les remplisse de forces estrangeres, & y bastif-  
se des retraictes & fortes citadelles, qui ne serui-  
ront apres, comme les nommoit tresbien l'ancien  
Timoleon, que de nids de tyrannie ? Il imposera à  
ces fins des emprunts, tributs, & contributions ex-  
cessiues, & ceux qui voudront s'en deffendre serõt  
contraints ou de mourir, ou d'endurer toutes cho-  
ses, & luy & les siens se laisseront de massacrer les  
bons Catholiq. ainsi que vieilles bestes, plustost  
qu'ils ne se saoulent d'espandre leur sang. Et n'y  
aura cruauté tãt barbare, qu'ils n'appellẽt en leur  
endroit douceur & courtoisie. Ils espargneront  
de noz femmes, de noz filles, & de noz sœurs, cel-

*Laschera  
la rage de  
l'heresie  
contre les  
Catholiq.*

lẽs seules qu'ils retiendront pour leurs ordures, &  
noz plus chers enfans seront esclauẽs miserables  
des cruels bourreaux de leurs peres. La rage fu-  
rieuse, & la fureur enragee de l'heresie Caluiniq.  
se desbordera, comme vn torrent dessus la France:  
& en tous lieux, où elle se pourra establir, & avec  
tant de maux, que la condition des pauures catho-  
liques sera d'autant moins supportable, & leur  
oppression d'autant plus dure & violente, que  
les ennemis ne leur pourront emporter le coura-  
ge naturel & accoustumẽ au vray Chrestien  
ou François, lequel les accablẽra soubz le far-

de au pelât d'un regret & ennuy immortel, duquel ils ne se pourrôt releuer aisemêr. Ces pauures cath. aurôt ils enduré beaucoup de sa part en recompence de la sotte opinion qu'ils auoient, de luy deuoir obeir, & de pouuoir estre maintenus par luy en repos & iouissance de leurs biens, encores faudra-il qu'ils reuiennent tost ou tard à l'anciêne & naturelle forme d'obeir à celuy qui sera Roy catholique, autrement qu'ils soient assiegez, mangez, & ruynez de fons en comble.

*Les Cath.  
en fin sau-  
dra qui s'  
obesiront au  
Roy qui  
sera Cath.*

De plus, par la promotion d'un Roy heretique la dignité & Maiesté Royale receura vne grande diminution en ses prerogatiues & priuileges par le droit de Regale qui est spirituel pour la plus part: le Roy confere purement les benefices, & par le droit des concordats, il nomme aux Eueschez, Abbayes, & autres benefices, ce qui ne ce peut attribuer à vn heretique sans abuz tres-manifeste. Car, comme dict saint Athanase, comment pourra estre Euesque celuy-là, qui est nommé ou estably par l'Empereur heretique? Et si nous auons veu, qu'en l'an 1515. & 1523. lors que les regences de Madame Louyse ayeule du Roy François premier furent emologues au Parlemêt, il y fut mis restriction, qu'elle ne pourroit conferer ny admettre resignation de benefice vacant en regalle, comme la femme estant incapable de ce droit. Combien à plus forte raison vn heretique, mesmement que suiuant la disposition du droit, commun, celuy qui obtient vn benefice à la seule faueur & priere d'un heretique, en est non seulement priué, mais aussi déclaré incapable d'en tenir iamais aucun? Iugez si noz peres & si le droit eussent

*Les priuileges du  
Royaume  
se perden  
par la re-  
ception d'un  
R. heretiq.*

*Le droit de  
regale non  
communi-  
cable à vn  
heretique.*

que la Maieſté Royale ſoit totalement layque & ſeculiere, ains rendent noſtre Royaume ſainct & plus ſacré, que l'Empire, le quel n'a obtenu ce tiltre, que pour auoir prins (comme ont faiſt deuant eux noz Roys) la protection de l'Egliſe Romaine, laquelle defaillât, il merite d'eſtre dit pluſtoſt profane que ſacré, comme auſſi noſtre Royaume, luy defaillant ces anciens priuileges ſacrez, & manquant en zele enuers l'Egliſe Catholique, Apoſtolique & Rom. merite d'eſtre dit pareillement profane.

*Le Royame ſacré & ſainct.*

Finablement les Huguenots & ce Belloy prétendent que le Roy & ſes Officiers ſont les vrais luges de l'heréſie: ſ'ils ſont heretiques, ne condamneront ils pas bien toſt iuridiquement les Cathol. d'heréſie & aux peines de droict cōtre icelle? D'auantage ſ'il n'eſt que trop certain par la parole de Dieu, & trop veriſié par l'exēple des Roys d'Iſrael heretiques, & par toutes les hiſtoires, que Dieu ne faut iamais de faire la guerre à vn Prince ou Roy, qui delaiſſe ſa religion, permettant qu'il tombe en ſens reprouué & rendant ſon regne toſt ou tard plein de malheurs, & ſon peuple miſerable, foulé de tributs, tailles & emprunts, trauaillé de guerres inteſtines & eſtrangeres, & maudit de Dieu & des hommes, par famines, peſtes, & ſterilitez, quel bon temps & ſiecle heureux nous pouuons nous imaginer ſouſ le R. de N? Ne nous precipitons nous pas à corps perdu en vn torrent de miſeres, & auſſi imprudemment que ſaint Iean conſeilloit ſagement ſes compagnons de fuyr des bains, où eſtoit l'heretique Cerinthus, de pour de n'eſtre participans à ſa ruine, ſuyuant la menace de l'eſcriture contre ceux, qui donnēt faueur ou conſentemēt à

*Le R. de N eſtant Roy ſera le proceſ à tous les Catho.*

*Tout regne d'un heret. plain de miſeres.*

*Pu ne peut  
arriver que  
avoir un  
Roy heret.*

*Dieu ne  
commande  
point de re-  
cevoir un  
Roy heret.*

l'heretique, & lesquels ne sont pas selon S. Paul moins punissables, que celuy mesme qui fait le mal. Puis que pis ne peut arriuer en vn Royaume, & que rien ne peut plus endommager ou destruire la foy chrestienne, qu'un Roy heretique, & qu'il ne se peut imaginer autre ennemy si naturel des catholiques qui peut douter que d'establiir ou de prester aucunement main forte, consentement ou faueur au R. de N. heretique marçe, ne soit faire le pis qui se peut contre le Royaume, cõtre Dieu, contre sa religion, & cõtre les catholiques: & que par consequent ce ne soit commettre la plus grande felonnie, qu'on puisse contre l'estat, & le plus grand peché & crime qui se puisse imaginer cõtre l'Eglise catholique, Apostolique & Romaine? Tãt s'en faut qu'il soit croyable que selon Dieu nous puissions estre obligez à vne si extreme & insigne meschanceté & perfidie, & laquelle soit cause ou instrument de tant de maux & malheurs, qui en despendent par vne consequence ordinaire, necessaire & ineuitable. O temps miserable! ô aveuglement malheureux! ô condition plus que deplorable des Catholiques! ô confusion execrable de ceste pauvre Monarchie Françoisise & tres-Chrestienne.

*La puissance  
de force  
ne peut faire  
le Roy  
de N. Roy  
de France  
non plus  
que la rai-  
son.*

Toutefois si nous y voulons penser, & nous resoudre viuement à luy resister, que pouuõs nous tãt craindre de sa part? Car surquoy se peut-il fonder pour pëser obtenir ou occuper par force ce royaume, puisque la voye des loix, de la raison, du droit, & de la bienueillance du peuple luy defaut? puis qu'il voit biẽ qu'il est impossible qu'il puisse estre iamais aggreable ny veu de bõ œil, s'il n'est catho-

lique: & tant qu'il se tiendra avec ce abominable, cruel & execrable party des Huguenots? comme la religion est la chose du monde qui esmeut plus les cœurs des hommes à aimer ceux, qui sont de mesme religiō, ou à hayr ceux, qui n'en sōt point. Ceste grande Cité de l'Eglise Gallicane posée sur vne si belle riuiera, bordée de si grosses tours, & grands boulleuarts, munie de si forts esperons & bons fossez, & peuplée de tant de gens, & de si braues Capitaines, vous semble elle si facile à forcer ou surprendre? Ce n'est pas de la France, comme d'un petit estat de Bearn, qui n'a qu'un Nauarrais pour bride ou retraitte, ou de vostre Angleterre qui n'a que deux ou trois ports & places fortes, ou de quelque autre Duché ou Comté d'Allemagne, combien qu'en iceux il faut encores attendre la fin. Il est aysé qu'un petit nombre se saisisse, surprenne, & maistrise vne petite place, ville, ou chasteau: mais il faut de grandes armées, & de grands moyens pour forcer & occuper les grandes Citez & Royaumes, & singulierement la France, ou la Gaule, qui à ceste propriété (dit Cesar) de pouuoir estant bien vnice resister à tout le monde.

*L'eglise  
Gallicane  
ny la reli-  
gion cath.  
ne peuuent  
estre vain-  
cues.*

Quel moyen aura le R. de N. de la forcer? quelles esperances peut il auoir de venir à bout de tant de grandes villes & fortes places, & d'un peuple si belliqueux & affectionné à sa religion & aux anciennes loix & formes? Quelle grande experience a-il? Quelle preuue a-il rendu de sa vaillāce & grand conseil? Quels thresors? Quel fons pour en faire? Quels enfans pour se faire respecter? Quels parens qui le veulent suiure ou fauorir avec son heresie!

*Foiblesse  
& impuis-  
sance du  
R. de N.*

Quels Princes du sãg qui pour degenerer de leurs Tres-chresties progeniteurs & de ce grãd S. Louys vueillẽt renõcer à ce qui leur est acquis par son exclusion? Quels aliez ou amis estrangers qui le veulent seruir qu'en bien payant, comme ils feroient le moindre vilain qui en auroit le moyen? Quelles villes frõtieres ou capitalles des Prouinces à il à la deuotion pour leur entree? Quels grãds capitaines pour conduicte de ses forces?

*Les Cours  
de Parle-  
ment sont  
cõtre le R.  
de N. estãt  
heretique.*

Quelle faueur peut il attẽdre des Cõurts de Parlement, lesquelles ont de si beaux exemples en l'antiquitẽ de l'office du Senat Romain & Grec, contre les Empereurs heretiques, & qui sont attaincẽs par leur fondation & establisement, & par serment particulier d'un chacũ d'entre eux, à estre les Gardiennes des loix & des anciennes formes & vsances du Royaume, comme estant celles aussi, qui les maintiennent en auctoritẽ & dignitẽ. Sera-il dit, quand mesmes le Roy de Nauarre seroit receu Roy, que son pariure ou que sa transgressiõ manifeste du serment Royal & des conditions, lesquelles il auroit iurees, & souz lesquelles il auroit acceptẽ la Royautẽ, & que ses subiects aussi l'auroient receu en Roy, peut absoudre les Magistrats & les gens tenans les Cõurts de Parlement du serment, qu'ils ont à Dieu & au Royaume & par lequel ils sont singulierement contraincẽs & obligẽz à l'obseruation & manutention de la seule religion catholique? ne leur sera-il rien permis d'auctoritẽ en ce pour le deuoir & acquit de leur serment, plus qu'à ceux, qui sont du tout personnes priuees & sans charge ny obligation particuliere enuers le public?

Pense

Pense-il que ceux du Parlement de Bourdeaux puissent oublier iamais la tache, qu'il leur a mis sus, y ayât faiët aller vne chambre de Iustice tiree du Parlement de Paris, pour tenir leur seance dans leur Ville, pour reuence & vindicte de l'ambassade, qu'ils luy enuoyerent à Castetialoux, du premier Presidët Largebastö & autres de leurs corps: afin de luy refuser l'entree de leur ville: & aussi en resentiment de plusieurs remonstrances, qu'ils auoient enuoyé au Roy à diuerses fois contre ses actions & deportemens: & ce conformement & en accomplissant ce qu'il leur auoit escript par ses lettres de menaces du mois de Nouembre 1576? Et encores qu'il cogneut par les communes plaintes de tous, & notamment de ceux de son party le peu de fruiët qui reuenoit de ladiëte chambre à la Guyenne, au pris de la grande charge, que ce pays la portoit, de quarante & tant de mil escus par an, pour les gages & l'appoinctement d'icelle, si est-ce qu'on assure, qu'il ne voulut iamais cödescendre à leur retour ou licentierement tant desiré par eux mesmes, iusques à ce qu'il se veit hors de toute esperance, de pouuoir flechir la plus-part de ses grands personages, à iuger selon ses passions, & qu'il s'en fust faiët prier plusieurs fois par ceux dudit Parlement de Bourdeaux, apres leur auoir fait sentir, comme il disoit luy-mesmes, qu'il ne faisoit pas bon l'irriter ny ceux de son party. Que feroit-il, iuges ie vous prie, s'il estoit Roy, & s'il auoit puissance de les demettre ou leur faire pis?

Quant au Parlement de Tholose, comme il sçait dire bien ouuertemët qu'il n'en attéd aucun bon office, aussi peut-il bien s'asseürer qu'ils n'ont

*Le Parle-  
mët de Bor  
deaux mal  
traicté par  
le R. de N.*



*Item celuy  
de Tholose.*

pas failly d'enregistrer le rapport des honnestes & douces responcez, desquelles il a traicté si souvent leurs deputez, avec tant de menaces inouyes enuers vne telle compagnie, qu'il peut bien croire que l'occasion se presentant ils luy feront cognoistre qu'ils ne sont pas moins bons catholiques & seruiteurs de Dieu, que bons officiers & seruiteurs de leur Roy, legitime & naturel, & de l'estat. Et ne doutons point que ce grand President Duranti, lequel ils ont tant à contre-cœur en leurs libels ne leur face sentir par effect si grâde pieté & son incredible prudence & valeur.

*Celle de  
Paris n'y  
toutes en-  
semble ne  
consentirôt  
iamais à  
sa receptiō*

Nous ne disons rien particulierement des autres Cours de Parlemēt, ny mesmes de la premiere Cour de ce royaume, & laquelle estât la Cour des Pairs & du royaume, est celle à qui appartient proprement le iugement & determination de ceste matiere, & à laquelle plusieurs Princes estrangers ont deferé la decision de leurs semblables differēts. Par ce qu'elles n'ont eu gueres rié à demesler avec luy, mais principalement par ce qu'elles & singulierement celle de Paris, n'ont iamais reconnu, moins receu Roy au liēt de Iustice, qu'estant sacré, & apres le serment d'estre catholique, non plus que les Euesques deuant leur consecration: & qu'elles ont routes tesmoigné tant leur fidelité à ceste Couronne, & leur bon zele à la religion Catholique, qu'elles ont enseigné à vn chacun par tant & diuerfes remonstrâces faictes aux Roys contre la tollerence de l'exercice de la nouvelle opinion, ceste belle reigle d'estat, Que la foy Catholique, Apostolique, & Romaine est le vray fondement & loy primitiue & principale du roy-

*La principale  
regle  
d'estat.*

aume: & que la souffrance de la nouuelle opinion pretendue reformee est la ruine d'iceluy. Dõt l'on ne peut douter qu'elles ne la sçachent bien pratiquer, le cas se presentant, comme elles ont faict tant qu'elles ont peu par le passé outre que tous leurs registres sont tous pleins des Edicts & Arrests, par lesquels le R. de N. specifiquement & en propre termes a esté si souuent condanné rebelle & criminel de leze Majesté, & partant ingrat & indigne de la Couronne: & aussi du *Retentum in mente Curia*. Que tous les Edicts au contraire ne sont qu'Edicts du temps, Edicts extorquez par force & violence, & lesquels ils garderont iusques à ce que la cōmodité de les reuoker se presente, comme Roquelaure à sceu tresbien iuger, n'ayans pas oublié la force & la violence que les Huguenots & le R. de N. leur ont procuré à l'occasion des premiers refus, qu'ils ont fait de verifier les Edicts contraires à la foy Catholique, soit en effect pour les faire suspendre entierement, cōme celuy d'Aix en Prouence, soit pour menacer les autres de mesmes, & trauailler les principaux de leurs corps par adiournements personnels, suspensions, & autres vexations.

*Edicts verifiez par l'ordre du temps.*

A quoy autre aussi peuuēt-ils imputer l'aneātissement de ces deux principales colonnes de leur auctorité *Nec debemus nec possumus*, que l'anciēneté a reueré, cōme responce d'oracle, qu'à ce qu'ayant vne fois eslargy leur cōscience, pouuoir & auctorité contre la religion, qui est la loy fondamentale de l'estat, & la source de leur puissance, ils ne peuuent plus iustemēt les pretendre, ny s'en couvrir en moindre subiect & occasiō: & vertueusemēt que

*L'aneātissement des deux colonnes de Parlement.*

*Tous les  
Edits bur-  
sals ne pro-  
uiennent  
que du R.  
de N.*

*Chambres  
my-parties  
& tripar-  
ties mon-  
strueuses.*

*La Croix.*

*Bonnets  
quarrez.*

tous Edicts, qui peuent sembler onereux sur le peuple ne prouiennét, que de ceste premiere bresche, & en consequence, ou pour remede & opposition au mal, que tels Edicts & la licence de conscience produit en ce royaume. De sorte qu'il s'ensuit bien par là, qu'ils ne recouureront iamais leur premiere dignité & prerogative, qu'autât & lors qu'ils seront remis en l'integrité de leur premiere conscience, & qu'il n'y aura que la seule religiō de Dieu & du royaume, non seulement auctorisee mais encores soufferte. Nous taisons qu'ils n'ont pas perdu la memoire, ny le ressentimēt de la plus infame bigarrure & marque de iustice ( que ie ne die iniustice) que iamais ils ayent receu, n'y qu'on lise auoir esté pratquee au mōde. Et laquelle toutefois le R. de N. a tasché par tant de fois de leur remettre sus par l'introductiō & le reestablissemēt de les chambres my-parties & triparties, creuës de Presidents & de Conseillers heretiques iurez, & ennemis profez de leurs armes & serments, c'est à dire, de la passion figuree & de la croix. Laquelle l'antiquité a bien voulu représenter estre le commencement & la fin de toute vraye iustice, par le tableau d'icelle affiché au dessus de la teste des iuges, & par l'institutiō du bōnet cornu ou quarré, qui est fait en croix, pour vne des principales marques des officiers & gēs de iustice, qui font vne espeece de sacerdoce, come parle la loy. Ce que cognoissant les heretiq. ennemis de la Croix, ils leur ont ostez entieremēt, & changez lesdits bonnets & chappeaux, en bōnets rōds, soit de drap, comme par tout en Frāce, ou ils sont maistres, soit de velours, cōme vsent les Presidents & Conseillers du

Parlement de Pau. Et peut-on penser que le R. de N. qui a estimé telle bigarrure de chambres en vn Parlement, si iuste & necessaire, pour maintenir sa religion & la paix pretendue, que de l'auoir poursuiue opiniaistrement par feu & sang, ne la remettre soudain en vsage, dès qu'il en aura le moyen, & que sans doute quelconque il n'en chasse pour le moins les Prestres & Cōseillers Clercs, comme il a fait de ses susdictes chambres?

*Le Roy de N. s'il peut remettre ses chābres.*

Quel secours, & assistance se peut-il promettre des officiers de la couronne, nes Mareschaux de Frâce, des gouuerneurs des Prouinces, & de l'estat de la noblesse, contre laquelle il a fait toute sa vie la guerre, & dans le sang de laquelle il a pris pour son plus grād heur, esbat & gloire, de baigner son espee & sa lance? Laquelle aussi luy a porté reciproquement iusques icy si bonne affection pour les bonnes parties, qu'ils ont cogneu par familiere conuersation & experiēce en luy, que l'on voit, comme il en est accompagné. Car outre quelques Huguenots, que la picoree, la passion ou la crainte de la iustice pour leurs mesfaits y retient, qui a-il, qui se remue pour luy? En a-il trois ou quatre catholiques en tout, de deux à trois mille liures de rente, qui le suiuent? N'est-ce pas vn grand tesmoignage du peu d'amis, qu'il a parmy eux, qu'en ayāt vn nombre qui luy sont vassaux ou obligez de ses ancestres, ils en tiennent si peu de compte, que de ne vouloir pas seulement voir, voire en temps de paix, quelque curieuse & basse recherche qu'il leur face, iusques à aller chez eux? N'est-ce pas vn argument bien certain, qu'ils ne le tiennent point pour l'heritier presomptif de France? Est-ce chose

*Les officiers de la Couronne cōtraire au R. de N.*

*La Noblesse hait le R. de N.*

*Graud ar-  
gumēt que  
la noblesse  
ne tient  
point le R.  
de N. pour  
capable à  
succeder à  
la Cour.*

*Le Clergé  
est cōtre le  
R. de N.*

simplement humaine, ou casuelle, que par le pre-  
decez de feu Monseigneur, sa Cour n'en soit au-  
cunement enflée de noblesse, quelque grande dili-  
gence, despesce & pratique qu'il y aye vſé. Le Ciel  
n'y a-il point de part? Demâde l'on vn acte de plus  
grande notoriété pour preuue de la dispositiō des  
esprits & volōtez des François contre la pretēdue  
proximité & pretension à la Royauté avec l'her.?

Nous ne parlons point du Clergé. Car il peut  
bien croire, que les Euesques Pairs, qui ont accou-  
stumé d'establiſ & receuoir noz Roys le iour du  
sacre, ne recourront iamais avec son heresie celuy,  
qui est excommunié, & lequel n'a tasché toute sa  
vie qu'à les ancantir & persecuter leur ordre: &  
que les Ecclesiastiques ouuriront difficilement  
leurs Eglises & temples à celuy, qui se vente &  
prend à gloire de les ruiner & iceux massacrer &  
appauurir, ains qu'ils s'y opposerōt formellemēt,  
& aussi courageusement, que nous voyons en l'hi-  
stoire Ecclesiastique les anciens Euesques & Pa-  
triarches auoir refusé d'oindre & installer les Em-  
pereurs & Roys qui estoient suspects d'heresie. Il  
peut bien pēser que quelque mespris qu'il face de  
la Prestraile, (cōme il parle) qu'ils luy feront sen-  
tir la puissance & la charité de leur vnion & hie-  
rarchie, Qu'il n'y a, comme parle S. Cyprian, Pre-  
stre si petit, si abiect, si debile, si couard, si pauure,  
ny si mal-habile, qui ne face teste diuinement aux  
ennemis de Dieu, & de qui la foiblesse & l'humili-  
té ne soit encouragee par la vigueur & force de  
Dieu, qui luy assiste. Ils luy feront cognoistre par  
effect, qu'ils n'ont riē perdu de leur ancien zele, ny  
de la vailleſſe de leurs predecesseurs: mais que si des

abortions & des chetifs ou malotrus moynes. de- *Si les Mi-*  
 froquez des ministres ont sceu mōstrer combien *nistres ont*  
 peut l'ordre Ecclesiastique, en ce, que bien qu'aba- *peu tāt fai-*  
 stardis ils ont peu maintenir si long temps auēc *re que ne*  
 leur party huguenot contre le Roy, & qu'ils ont *feroient les*  
 osé & peu en promouât vne mauuaise cause faire *vrais Pa-*  
 teste aux Empereurs & Roys, qu'eux, qui sont les *stres.*  
 vrais & legitimes ministres de Dieu, n'ont pas  
 moins de cœur & de moyen, pour deffendre &  
 maintenir sa iuste querelle cōtre tous heretiques,  
 quels qu'ils soyent, tant en qualité de ses vrais cō-  
 mis & deputez en ceste partie, que comme tenans  
 lieu du premier estat, & ayans la premiere voix &  
 auctorité & le principal pouuoir interest & char-  
 ge en l'estat du royaume, & en la conduicte des  
 principaux affaires d'iceluy apres le Roy. Bref cō-  
 me ils sçauent qu'il les aime tous fort vniquemēt,  
 & qu'il n'abaye qu'apres leur despouille, ayāt sou-  
 uent à la bouche, ce broquard, autant de Prestres, *Brocard*  
 autant de traistres, aussi n'est-il pas trompé de ce *du Roy de*  
 costé, & il n'en peut attēdre que tous bons offices *Nauarre.*  
 en temps & lieu, avec la responce que saint Am-  
 broise fit à Valentinian 2. l'heretique, Qu'ils ne  
 trahiront point la cause des brebis aux loups, &  
 n'accorderōt iamais le tēple de Dieu aux autheurs  
 de blaspheme. Et si ce saint Euesque eust l'esprit de *S. Ambr.*  
 fortitude pour refuser & empescher l'entree de *cōtre Theo-*  
 l'Eglise à Theodose le Grand iusques à ce, nō seu- *dose.*  
 lement qu'il eust fait penitēce publique de sa trop  
 grande seuerité, mais aussi qu'il eust fait vn Edict  
 contre les effects de la cholere: combien à plus  
 forte raison se fust-il formalisé, s'il eust esté hereti-  
 que iusques à ce qu'il eut esté Catholique? & fait

vn Edict contre les heretiques, ayant laissé à tous Euesques vn tresgrād exemple de ce qu'ils peuuent & doiuent faire pour la cause de Dieu en cas pareil: & non seulement en ce, qui touche directement le faict de l'Eglise & de la Foy, mais aussi en tout ce, qui peut concerner la gloire de Dieu. Ils peuuent respondre au R. de N. que leur puissance est aussi bien ou mieux establie par les loix de l'estat, & aussi bien confirmee de Dieu & du Royaume, qu'autre qui soit. Celuy qui resiste à leur puissance, resiste à l'ordonnance de Dieu, & à sa disposition: tout de mesme, & aussi bien (dit S. Paul) que celuy, qui resiste à la puissance d'un Monarque ou autre: Et puis qu'il ne veut recognoistre leur puissance, ains qu'il y resiste, qu'ils en peuuent faire autant de la sienne legitimelement & iuridiquement que luy de la leur, quand mesmes il seroit desia estably estant heret. selon le dire de l'ancien Senateur Romain, qui respondit au Consul ne le pouuoir recognoistre pour tel, si iceluy ne le recognoissoit pour Senateur. Car s'il a puissance sur eux pour le temporel, & eux sur luy pour le spirituel. Outre que comme Seigneurs tēporels de plusieurs lieux & places ils ont la mesme autorité, que les autres Seigneurs & Gentils-hōmes: mais qui est plus remarquable que tout la reste, ils ont cōme nous auons touché au faict de l'exclusion d'un heretique pour Roy, l'exemple de la constance des anciens Euesques en cas semblable, qui leur doit seruir de loy à present. Car nous lisons en Victor, combien toute l'antiquité a estimé vertueuse & chrestienne l'action des Euesques & des Ecclesiastiques d'Affrique, en ce qu'environ l'an 490.

*La puissance  
des Prelatz  
aussi  
legitime  
que des  
Laics.*

*Exemple  
rare pour  
les Prelatz  
cōtre le R.  
de N.*

ils ont mieux aimé perdre leurs benefices, biens, & hōneurs, & estre bannis de leurs pays & relleguez en vne miserable seruitude, pour estre condamnez aux metaux & minieres pour toute leur vie, plu-  
 stost que de vouloir prester aucū cōsentemēt pour la succession d'un Roy heretique, voire mesmes plu-  
 stost que de passer ce mot, qu'ils trouuoierēt bō-  
 ne la declaration faicte par Hunneric leur Roy nommant vn heretique pour son successeur, bien  
 que ce fust en faueur de Hilderic son fils aisné, &  
 lequel estoit de mesme religion ou heresie que luy  
 & la pluspart du peuple & du pais, & biē aussi qu'i-  
 celui fut fort fauorable aux catholiques, voire tāt,  
 qu'il en fut en fin depossédé & tué par les heret.  
 lesquels esleurent vn d'entre eux en Duc pour en  
 chasser & boureler les Catholiques, nonobstant  
 aussi que la Roynne Eudoxia sa mere fust fille de  
 Valentinian 3, & qu'elle fust si catholique, qu'a-  
 pres auoir demeuré seze ans avec son mary Hun-  
 neric, & voyant qu'il n'y auoit plus aucune espe-  
 rance de sa conuersion, elle quitta entierement sa  
 compagnie, & s'en alla mourir à la visité & pere-  
 grination des saincts lieux de Hierusalem, à l'exē-  
 ple de sa mere. Et tant s'en faut, que la sage anti-  
 quité laye blasmee de tel diuorcé, & d'auoir refu-  
 sé à son Roy & mary le deuoir de mariage & de  
 subiection, qu'elle en est fort recommandee par  
 tous les liures des saincts peres & historiens, de  
 l'auoir faict pour vne cause si legitime, que l'he-  
 resie. Ce quj est fort considerable en ce faict, c'est  
 que Hunneric voulāt paruenir & obuier aux tra-  
 uerses, que ses nepueux du costé de son frere dictz  
 Gunthamond & Trasamond machinoient au

*Ne veulent  
consentir à  
la succes-  
sion du fils  
heretiq. au.  
pere.*

*Fēme qui  
laisse son  
mary pour  
heresie.*



grand preiudice de la paix, & repos du Royaume & de ses subiects, contre le regne & la succession de son fils Hilderic, comme de faict ils le tindrent l'un apres l'autre par l'espace de 49. ans deuât que ledit Hilderic eut le moyen de l'obtenir, & d'en iouyr. Et combien qu'iceux fussent cognuz tres-cruels ennemis des catholiques, comme ils le monstrerent encores mieux par effect estans Rois, toutesfois les Euesques catholiques aimerent mieux non seulement d'estre ruinez en leur particulier, mais aussi, que tout l'estat allast en confusion, & que les meschants fissent ce, qu'ils youdroiët, plustost que d'y participer directement ou indirectement, & d'offencer la religion ou charger leur conscience en prestant ou donnant consentement, si peu que ce fust, à l'establissement d'un Roy heretique. Et par mesme moyen, l'on peut obseruer combien la voix & l'opinion des Euesques à esté tousiours requise & de pois en tous Estats Chrestiens pour les conseils & resolutions des affaires publiques, & singulierement pour la reception ou l'installation d'un Roy, les Chrestiens ayant en tel cas plustost recerché de leur bouche, qu'est-ce qu'ils deuroient faire, & suiure, que de toutes les autres loix profanes non pas mesmes de celles, qui estoient propres & ia establies en leur pays & Royaume.

*L'opinion  
des Prelats  
necessaire  
en la suc-  
cession des  
Rois.*

*Le tiers e-  
stat contre  
le R. de N.*

Quant au tiers estat des corps & villes, communantez & plat pays, qui ont senty par l'espace de tant d'annees tant de diuisions, incommoditez, foules, & pertes par l'heresie, & ce maudit party des Huguenots, est-il possible que le Roy de Nauarre s'en puisse rien promettre? Deuant l'Edit

de Reünion, & lors que le Presche auoit lieu & vogue, elles n'estoient qu'en continuelles deffences & querelles les vns contre les autres, vne bonne partie des familles n'estoient remplies que de riottes, murmures & desobeissances de la femme ou du fils Huguenot contre le mary & pere catholique: & à present qu'elles ont senty la grande difference du repos & contentement, que la reünion en vne meisme foy apporte d'auec l'inquietude & trouble de l'heresie, est il croyable qu'elles puisent desirer y rechoir, & qu'elles ne haïssent comme la peste le R. de N. qui les y voudroit precipiter, ou fauoriser ceux, qui les y ont voulu induire & forcer par le passe? Il sçait, cōme d'une iournee loing les villes de son gouuernement l'enuoyent prier en pleine paix, de n'y venir point, & quelles benedictions il reçoit tous les iours, tant de celles qui ont senty sa domination, & qui se sont rachetees de la tyrannie de l'heresie, comme Orleans, Niore, Fontenay, l'erigueux, Montsegur, Rouen, Lyon, Bourges, Poictiers, la Fere, Angoulême, Cahors, Agen, Sarlat, Villeneufue, Montreal, que des autres, qui l'aiment mieux croire que l'essayer: & lesquelles rours monstrent estre resolues d'y recevoir plustost l'Espagnol, voire le Turc, que de luy ouurir les portes. D'autant qu'il les conseruera au moins en leur religion: laquelle ils estiment plus, que leurs enfans, que leurs biens & leur propre vie. Et au pis ils font leur compte qu'il ne leur peut estre plus dōmageable, que de les forcer à se rēdre Mamelus cōme le R. de N. les veut cōtraindre à estre Caluinistes. Et damnez pour dānez, ils ne voyēt pas qu'il y ait grāde difference ou chois à

*Se souz-  
mettre plu-  
stost au  
Turc qu'à  
l'heretiq.*

estre damnez comme Mahometains, ou comme heretiques, ny qu'il y aye en l'un plus d'aduantage qu'en l'autre. Et tenant l'heretique pour pire que vn infidelle, & plus inhabile de la Royauté Francoise qu'un roturier, ils seront d'autant plus excusables, qu'ils se rengeront (soit dit à la honte & confusion de ces Athees, qui fauorisent l'heretique, & non que ce soit nostre intention) souz la dition & protection de celui, qui les pourra deffendre contre l'heretique, lequel ne tend qu'à les priuer & leur rauir leur religion & leur salut. De sorte qu'on nous a asseuré que de tout estat & qualité de gens, ceux, qui luy sont plus proches du lieu, & qui l'ont plus hanté, expérimenté & cognu en tout, ce sont ceux-là, qui le craignent, qui le fuyent le plus, & l'aiment & estiment le moins, tesmoing que ceux mesme de la Rochelle ne s'y sont iamais voulu fier, que bien à point, comme ils escriuent eux mesmes, tant les siens propres ont sa fidelité suspecte.

*Ceux qui plus con-  
gnoissent le  
Roy de N.  
l'haissent.*

*La Flan-  
dre apprend  
aux Cath.  
de ne se fier  
à l'heretiq.*

Pense-il aussi que le seul exemple de la Flandre ne soit plus que suffisant, pour seruir aux villes catholiques de conseil & d'aduis: afin de ne se fier ne à luy, ny à ses louueteaux d'Huguenots. Quel fruit ont eu ces pauvres cath. qui voilez de passion contre l'Espagnol, ont esperé trouuer plus de fidelité & de protection en un Prince d'Orage, & aux heretiques qu'à leur Prince & Seigneur naturel, & de leur religion? Mais quel profit ont eu ces pauvres Gueux & heretiques Flamens, de s'appuyer tantost sur le Sieur Matthias frere de l'Empereur, tantost sur le Prince d'Orange, tantost sur feu Monsieur frere du Roy, pour peser par leur protection couter la domi-

nation d'Espagne, que leur entière ruine en toutes façons? Ne leur eut-il pas vally mieux se contéter de leur liberté de conscience, qu'abayant apres vn exercice public estre priuez de l'un & de l'autre? N'eust-il pas valu mieux à trestous de payer cent & tant d'escus par an, que d'en payer vn million, à quoy les guerres les ont contraincts & reduits, & ce à des personnes, qui leur reprochoient encor à toute heure leur vie, & la corde: & qui en fin apres tât de pertes les ont precipitez ou laissez rechoir entre les mains de l'Espagnol, & souz l'inquisition tant par eux redoutée? Cela ne apprend il pas à vn chacun, qu'il n'y a que de despêdre & se maintenir avec le vray maistre & Roy qui soit catholique & que tout ce qu'on fait entre d'eux, n'est que folie & ruine? Nous laissons les Abbez & Ecclesiastiques, qui se rendirent par vne miserable deception & vaine esperance de vnion & de paix, défenseurs & promoteurs de l'heresie & des Gueux. Car ceux-la en ont mangé maintes poires d'angoisses, & leur miseres & pauuretez preschât assez à tout le monde leur simplicité & auuglement, & la desloyauté, perfidie & cruauté des heretiques.

*Il n'y a que  
de despêdre  
du R.*

Il semble qu'il espere grandement en tous ceux, qui ont esté cy deuant de sa secte, se promettant qu'ils feront la reuolte avec l'aparence de sa bône fortune, mais les bons & fermes comportemens de la plus part d'iceux, & le grand resentiment & synderesse, qu'ils monstrent d'auoir esté trôpez si lourdement, luy fera cognoistre le dire des anciens veritable, Qu'il n'y a plus grand ennemy du vice, que celui, qui en à gousté l'amertume.

*Ceux qui  
ont abusé  
sent contre  
le R. de N.*

*Les Cath.  
Libertins  
seront con-  
tre le R.de  
Nauarre.*

Il ne met pas moins d'appuy pour son establissement sur la pusillanimité, lascheté, & corruption des autres Catholiques libertins, qui sont plus religieux de fiction & d'apparence que de cœur & de foy, & lesquels pource qu'ils fût plus d'estat du Royaume terrestre & pur temporel que du Royaume de l'Eglise, ou d'un estat Chrestien : du sang pur animal & naturel, que du sang de Iesus Christ, ou de celuy qui est Christianisé, il appelle bons & naturels François, que ie denie bons & naturels Athees (car de bons Chrestiens il cele expressement ce tiltre, sçachât bien qu'il luy est contraire, & que ceux qui se souuiendront d'estre Chrestiens ne luy tiendront pas volontiers la main ) Certainement nous ne nions pas que le nombre de telles gens ne soit par la grace de noz pechez & de l'heresie qui les à renduz ainsi infects, & sans beaucoup de sentiment, de Dieu, plus grand qu'il ne faudroit. Toutesfois, puis que la vie & l'ame de telles gës ne gist & consiste qu'en la temporalité, & à iouyr des aïssances de ce monde, nous voulons esperer qu'il ne s'y enguageront bien à poinct, & autant que la fortune luy rira à bõne veue, & qu'ils y recognoïstront toute leur seureté. Ce que n'est pas besongne preste, Dieu mercy, pour Paris, Orleans Tholose & autre bonnes villes, ou les Catholiques zelez, & naturels François ont la meilleure part, & plus forte voix, que les estrangers Biarnoïs & Nauaristes.

*Il ne reste  
au Roy de  
N. pour re-  
fuge que  
les Hugue.  
desesperex.*

Il ne peut donc rester au R.de N. pour son fondique, arsenal, & souuerain refuge, que les seuls hugue. ou pour mieux dire partie d'iceux, & celle qui est des plus desesperex & abādōnez de Dieu & des

medecins. Car Dieu ſçait cōme les autres le maudiffent & luy imputent tous leurs malheurs. Mais encores que direz vous que c'eſt que de ſes forces là ? L'on tiét pour certain qu'il n'en pourroit tirer de toute la Guyēne, ou il eſt mieux fondé, pour les mener vne iournee loing 2000. hōmes. Iugez, ie vous prie du reſte, & ſi ce ſont gens pour luy conquerir la France, & ſi les Cath. doiuent craindre de luy reſiſter, ou de pouuoir eſtre forcez en leurs cōſciences par ces belles gens, qui ne ſeroiēt pas ſuffiſans de conquerir le royaume D'yuetot, & contre leſquels il ne faut que fermer les portes, & oppoſer noz ſeules murailles, comme meſme accorde Belloy, Marmet, & les Miniſtres luy promettēt ſur certaines inſpirations & reuelations particulieres qu'ils diſent auoir de Dieu, vn grand nombre de legions d'Angeſ & Archāges: touteſois l'on penſe qu'au faiēt & au prendre ils luy manquerōt par faute de viures, de ſolde, ou autrement. Mais à deſaut de ce ſecours le Gentil-homme de l'Egliſe imprimé n'a-gueres à Orthes, luy promet (fol. 5.) que Dieu deſcendra pour faire la guerre luy meſme (& nō par commis, Vicaire, Procureur, & Lieutenant general) & l'aduife d'une grande & ſectette reuelation qu'il a eu de Dieu, que l'Ange de Senacherib vit encores, & que le deſtruēt de Sodome n'eſt point mort, & qu'ils ſont à ſon ſeruice. Peut eſtre qu'il adiouſte plus de foy aux prediētions de ſa plus aimee Biarnoife, qu'on dit luy aſſeurer par ſa Nigromance la Couronne, & s'en promettre bonne part.

D'une choſe vo<sup>u</sup> pouuōs nous biē aſſeurer, pour tres-certaine & tres-veritable, q<sup>u</sup> la plus part de ſes

*Les forces  
du Roy de  
Nauarre.*

*Folle eſpe-  
rance du R.  
de Nau.*

*Les Hug.  
sont las du  
R. de Na.*

mesmes plus fermes Huguenots en s'ot si las, & cognoissent tant son ambitio<sup>n</sup>, impuissance, & le peu d'esperance qu'il y a qu'il les puisse iama<sup>s</sup> faire iouyr de ceste exercice public, paisible & libre, qu'il leur promet tant, & lequel il leur fait acheter si cherem<sup>en</sup>t, qu'ils sont continuellem<sup>en</sup>t apres luy, afin qu'il les laisse viure en paix, se contentans qu'il plaise au Roy leur permettre la seule liberte de conscience. Et n'estoit qu'il s'est saisi des Villes & cōmunaut<sup>ez</sup> par citadelles & garnisons, & qu'il tient les chefs & principaux Capitaines de ce party interessez avec luy, & que la commune necessite les cōtient encores ensemble, vous y verriez entr'eux plus de diuisiōs & remuem<sup>en</sup>ts pour ce poin<sup>t</sup>, qu'au reste de l'estat. Les Eglises qu'ils appellent de la France par deça Loyre vers Paris, luy ont refuse assez hardiment tous secours de deniers, & d'hōmes avec grandes plainctes de ce que son ambition & legerete<sup>e</sup> à commencer si souu<sup>en</sup>t la guerre, ou à prendre & à mettre le Roy & les catholiques en deffiance, est leur entiere ruine : que pour vn mois ou vn an qu'il leur donne par les Edits de Pacificatiō atrachez à force de piccoree, de iouissance de leurs preches, qui ne leur sont point si necessaires, qu'ils ne puissent apprendre leur salut en lisant ou oyant lire la Bible, & ne puissent prier Dieu en lisant pareillement, ou faisant lire leurs Pseumes & Catechismes, il leur donne infinis moys & ans de guerre & de mauuais temps, si bien qu'ils n'ont pas si tost commence de se remplumer des pertes passees, qu'il les expose de rechef au pillage & en proye. Et tant s'en faut qu'il les face iouyr de l'exercice de leur religion,

*Refusēt de  
contribuer.*

*Vanité de  
leur exer-  
cice public.*

ligion, qu'il les priue entieremēt de pouuoir iouir de la liberté de leur conscience, avec la iouissance de leurs maisons, biens & commoditez: & les cōtrainct de rechcoir si souuent à des reniements & abiurations de leur religion.

Pense-il qu'ils ayent oublié la menee, qu'il fist avec Cleruant en leur penultiesme assemblee generale des Eglises à Montauban, pour leur faire trouuer bon, qu'il vendit au Roy sa ville de Perigueux pour la somme de cinquante mil escus? Et cōme Monsieur le Prince de Condé luy resista en face, alleguār que ce seroit donner moyē au Roy, par lequel il leur pourroit refuser sēblables seuretez vne autre fois, & que ceux de la religion auroiēt occasion d'estimer qu'ils ne cherchoient qu'à faire leurs affaires à leurs despēs, mais principalement (disoit-il) que ce seroit vēdre la religiō (ce sont ses mots) & la conscience de tant de fideles de ce pays là, qui estant priuez de ceste ville, seroient bien tost priuez de l'exercice de leur religion?

*Le R. de N. vōd Perig. sous pretexte de faire un fond pour auoir des Restes.*

Pense-il aussi qu'aduenant puis apres la remise ou surprinse de ladite ville en temps de Paix, par le moien que chacun sçait, les Eglises n'aient creu fermement, que tout estoit joué à la main de son sceu & intelligence, voyant qu'au lieu de punir le Bastard Balsonce, qui y commandoit de sa part, il luy bailla le gouuernement de Peimirol en Agenois, avec vne bonne somme de deniers? Et qu'au lieu de poursuiure la iustice contre les entrepreneurs, selō le desir & crierie des Eglises, & suiuant l'Edict, il vendit la cause, le sang, & la substance des pauures fideles meurtris & pillez, pour la mesme somme de cinquante mil escuz, qui luy a esté



tresbien payee, apres auoir esté leuee la pluspart sur rout le Perigord, souz ceste occasion de son payement.

*Le R. de N. ne vise que à son propre.* Nous ne pouuõs taire icy en passant, par ce que cela sert pour descouurir la ruse de la declaration, voulant inferer combien les Huguenots luy sont obligez, & le doiuent estimer en ce que, dict il, la paix se faisant avec feu monsieur il ne fit instance d'un seul mot pour soy, & qu'il ne s'y liât point vn seul article, qui le touche, Que la verité est, souz son honneur & permission, qu'il enuoia lors, du traité les sieurs Roques son maistre d'hostel, & la Burthe son sollicitur general (qui en recompence eut lettres de Conseiller Huguenot de la chambre mipartie de Paris) avec vn cayer de 25. à 30. articles concernant son seul particulier, & ce qu'il demandoit pour son contentement: qui luy furent tous respondus dans le chasteau ou se faisoit la Conferâce, pres Nemours. Et par ce que ce ne fut pas à son gré, & qu'il luy sembla, que Monsieur ne s'y estoit point affectonné si auant qu'il desiroit, il n'oublia artifice quelconque enuers le Casimir, qui estoit du traité, afin qu'il se mutinast pour empescher le cours de la paix. Et de fait, n'est-ce pas de la qu'en prouient la longueur de la conclusiõ, & que l'on eust quelques iours grand craincte en Court, que ledit Casimir ne s'emparast de la personne de Mõsieur pour l'amener en Allemaigne? Aussi ledit Roy ne craignoit point de dire ouuertemēt, que ledit Sieur auoit fait lors sa paix, mais qu'il feroit la sienne vn' autre fois: signifiant qu'il y feroit ses affaires, cõme il n'oublia pas à la prochaine paix de l'an 1577. faisant imposer sur le

*Force de R. de faire impos sur le peuple à son profit.*

peuple de grands deniers à son profit. Et ne fut ce pas alors qu'il extorqua du Roy ce grand impost sur les pastels, duquel il a tiré tant d'argët, & dont il y en a tant de plainctes de ceux de Thoulouse? S'il seveut preualoir enuers les simples de ce, qu'il se lit en l'Edict vn seul article pour son profit particulier ose il nier ou dissimuler, qu'il ny aye eu tousiours en tels traictez pl<sup>r</sup> d'articles secrets, que publiez & comprins en Edict? mais pense il qu'on aye oublié l'excessiue recompence qu'il demandoit lors dudit cayer, & notamment sur la Bretagne, à l'occasio de la perte de son Royaume de Nauarre & la grâde extention qu'il pretendoit faire de son gouuernemēt iusqu'au port de Pile? Pèse il qu'on aye oublié les autres articles non moins honorables, & ne rédans tous, que à l'effect de son ambition, mangerie du peuple, diminution & ruine du Royaume? Pèse il qu'on aye oublié que l'enormité d'iceluy luy ayât este reprochée, il n'ésçautroit qu'en reiecter la coulpe sur le Sieur, que chacun sçait auoir eu pour lors la superintédence de sa maison? Il se garde bien de publier les respôces pertinentes, qui luy furent faites pour lors, par ceux du Conseil du Roy, qui assistoyent à la Royne mere, sur toutes ses grandes pretentions sur le Royaume, & contre nos Roys, & notamment comme il ne iouyssoit de la souueraineté du Viscomté de Bearn, que par souffrance accordée premieremēt par Louys 12. à Iean d'Albret Roy de Nauarre, apres l'expoliation de son Royaume, à la faueur de la Royne Anne Duchesse de Bretagne, à cause que sa mere estoit de la maison de Foix, & que la femme dudit Roy Iean heritiere desdits de Foix

*Pretensions  
du R. de N.  
contre le  
roianme.*

*Bearn est  
de la souue  
raineté de  
France.*

& comme oubliees, pour son honneur, sans les remuer d'auantage.

Surquoy nous vous lairrons à penser combien il se trouueroit de semblables forniettes (soit dict *Declaratiō du R. den. pleine de forniettes.*) sous sa supportation & contre ses Secretaires si deshontez) en ceste Declaratiō, si l'on les vouloit descouurir & poursuiure de mot à mot, comme l'on feroit volontiers, si la pluspart du monde ne s'aduisoit tresbien, que ce sont choses supposees, & faictes à plaisir selō le vol de la plume du Sr. du Plessis, & les artifices de ceux du party? Quelle foy pēsent ils qu'on leur puisse auoir aux choses douteuses, veu qu'ils osent imposer si hardiment aux choses cleres tesmoignees par vne infinité de gēs d'honneur & desinenties par le Soleil & la Lune?

Nous appellons & attestons icy toutes les consciences des plus innocens Huguenots, qu'ils nous disent, s'ils ne sont pas bien miserables, que pouuant viure en repos avec leur conscience libre, sans estre forcez d'offencer Dieu (comme ils parlēt) & avec la plaine iouyssance de leurs commoditez, & la bien-veillance du Roy, de ses officiers, & des Catholiques, ils se laissent plonger à vn abisme de malheurs par des vaines promesses & imaginations: lesquelles ils voyent s'esloigner de iour à autre, d'autant plus qu'ils en pensoient estre bien près, & les toucher du doigt. Ne sont-ils pas bien simples & mal fortunez de rechercher leur exercice si peu necessaire, pour estre cōtraints de retourner bien tost apres à la Messe, & aux abjurations, comme la pluspart d'eux ont fait plus de cinq à six fois? Ne recognoissent-ils point que c'est la prouidence de Dieu, qui conduit c'est

*Exhortatiō aux Hugue nots.*

l'estat, c'est à dire d'estre Roy? que l'ombre & pretétion de l'exercice de leur religion n'est qu'une ligne & fillet pour pescher la couronne? & une pompe pour succer leur substance.

Ne voyent ils pas bien clerement, que iama<sup>Impossi-</sup>ble  
les Catholiques n'endureront ce meslange, com-<sup>de iouyr de</sup>  
me estant contraire à l'establissement du Royau-<sup>la paix a-</sup>  
me: & lequel on a experimēté estre trop domma-<sup>nec l'here-</sup>  
geable à l'estat, & ne tendre que à la subuersiō &  
à leur entiere ruine? N'ont il pas apprins par expe-  
riēce, qu'il n'est pas non seulemēt impossible, mais  
que c'est une vraye folie (disoit aussi leur sen chā-  
celier l'Hospital en son harāgue des Estats d'Or-  
leans conformement à la remonstrance des an-  
ciēs Euesques à Constantius Emp.) d'esperer paix,  
repos & amitiē entre les personnes de diuerses re-  
ligions, ce qui est principalemēt vray, lors qu'elles  
sont appuiées sur mesme fondemēt, comme sont  
le Cat. & l'here. Car il est non plus possible de vi-  
ure ensemble en paix (dict S. Cypriē) que l'aigreur  
ne peut estre vni & s'accorder avec la douceur, ny  
les tenebres compatir avec la lumiere, ny la pluye  
avec le beau tēps, ny la guerre avec la paix, ny la  
sterilité avec l'abondāce, ny la secheresse avec les  
sources des fontaines, ny la tempeste avec la tran-  
quillité & le temps calme. Ne connaissent ils pas  
biē s'il est vray ce que aucuns disent qu'il ne tient  
que à certains articles de negotiation ou capitula-  
tion, qu'on ne luy veut accorder, ny accordera,  
s'il plaist à Dieu, iama<sup>is</sup>, que le R. de N. ne les qui-  
cte entierement, & face peut estre, cōme tous  
changemens sont extremes, trophée de leur peau  
& de leurs fortunes, comme il a esté fait à l'Islo-

le fureur desesperee a saisi leurs esprits? Ne sont ils pas François? ceux qu'ils veulēt saccager, & piller, ne leurs le sont ils pas aussi? veulēt ils attendre à reunir volonteze avec ceux desquelz ils se sont separez, lors que la France soit asservie honteusement au ioug de l'estranger? ou qu'ils l'ayent reduite en sang, en vn sepulchre, ou vn desert? Quelle occasion-ils d'attendre du Roy par le moyen & intervention du Roy de Navarre qui est plein de suspitions & deffiances d'estat, meilleur traictemēt, que se reposer & fier entierement à la clemēce, & & bōté paternelle de sa Maieſté? Le maistre ou le tyran traicte-il mieux ses seruiteurs & obeissans, que le pere ses enfā, & le Roy ses suiets naturels? Il espuise leurs faict bourses, il les tancer & vilipēder à ces fins par ses Ministres: il les pille par garnisons, & leues de gens de guerre. Et apres cela il les abandonne à la mercy du soldat Catholique qui ne leur laisse rien.

*Il n'y a que  
de despit  
du R. seul*

Que les villes & habitans, ie vous prie, se mirerent & prennent exemple à ceux de sainte Basille, Montsegur, & Castillon combattues & prinſes par les Seigneurs Duc du Mayne, & Mareſchal de Matignon en Guyenne. Qu'ont gagné ces pauvres bourgeois & habitans de se mettre en ceste ruyneuse & infaulte protection du R. de N? Il les a tourmentez & harassez par si long temps avec tous les enuiron, les contrainās de porter la hotte, & ciuiere pour trauailler aux fossez, esperons & fortifications de leurs villes. Il leur y a faict employer tout ce qu'ils pouuoiet auoir de plus clair, & pl<sup>us</sup> assuree. Il les a foulez de grosse garnison, & si lōg temps qu'il leur a

*Exemple de  
3. villes sin  
gulier.*

cōuenu de les nourrir & payer. Le siege s'approchant, il s'en deffie comme de ses propres ennemis, pour la craincte qu'il a que la perte de leurs maisons, & bien ne les esmeue à faire trop tost composition. Il les chasse de leurs foyets, & les ennuoye comme bannis, ou il les trouuera tousiours pour les pincer & presser : & s'il y en a demeuré quelques vns, le soldat estrange se sauuant par composition, le pauvre bourgeois & habitant est abandonné à la corde & au bourreau. Il est cause que tous les environs sont fourragés par les forces du Roy. Et en fin apres quinze iours, trois semaines, ou vn mois, voila la belle recompence qu'il leur red, d'estre cause que leur ville est ruinee pour iamais, que leurs maisons sōt bruslees & démolies, que leurs femmes & filles sont violees, que le pauvre souldat soit miserablement tué & malfacré, que le Gentilhomme perde son honneur, & que le bourgeois soit pēdu, & le tout pour son opiniastrété, & ambition. Regrettent ils encor les aux & oignons d'Egypte, & qu'ils ne puissent seruir de tuilliers & esclauues au Roy Pharaō? Ne voyēt ils point qu'ils allaitent de leurs sang les bourreaux qui les gehennent? qu'ils donnent curée de leurs biens à ces chiens, ou plustost tigres & lions rugissans, qui les deschirent? & qu'ils font triōpher de leur bonté ceux, qui n'en ont point.

Est il possible q̄ ceux qui ont des yeux ne voiet rien? Et que ceux, qui ont de l'entendement, se rendent ainsi serfs de ses passions, & se laissent ainsi bourreller & matiner sans ressentimēt dont vient le mal? & qu'il ne se soucie d'eux que comme d'un marchepied à sa grandeur & vengeance?

Il leur promettoit trente mil hommes estrangers: il les asseuroit sur sa foy de les secourir: il leur iuroit vn estat ferme & stable, & mesmemēt en l'vsa-  
ge de ce beau exercice public: mais il s'en fuit, & ils ne rapportent riē plus asseuré, que la pauvreté que la haine de tout le monde, que les maledictiōs du peuple, que les effects de l'ire de Dieu, finalement qu'une tardive repentance de s'estre laissēz  
pipper de ceste façon, & vne honte de recourir pour toute leur seureté & secours à vne cinquiesme ou sixiesme abiuratiō de leurs heresies, & aux  
soupleurs & regret de leur auement & faute.

*Le fruit  
que les Hur-  
guen. rap-  
portent du  
R. de N.*

Et bon Dieu si l'on veut regarder la cause pre-  
miere & fondamentale de tant de maux, ne voit  
on pas bien que telles guerres ne peuuent estre  
mieux fondees de leur part, qu'est leur Religion:  
Peuvent-ils ignorer (comme nous auons touché  
cy deuāt) que tout le different d'entre les Hugue-  
nots & Cath. sur la religiō se resoult en ce mot &  
ne consiste qu'en ceste seule & originelle opiniō,  
Que le R. de N. mainrient & s'opiniastre cōtre la  
foy & le iugement de tous nos Rois & du Roy-  
aume en tous siecles. Que Calvin & ceux qui le  
suiuent ont mieux entendu tous seuls l'escriture  
sainte, & mieux ordonné le vray exercice public  
de la religion, & les moyens pour patuenir à salut  
que tous les Conciles, que tous les Papes, que to-  
les saincts Docteurs, & Euesques de la France, ny  
du monde, & par consequent que toute l'anti-  
quité Chrestienne: En laquelle toutesfois (si saint  
Paul est à croire) il ny a eu iamais faute de per-  
sonnes, lesquels, comme il parle, ont fait la char-  
ge d'ambassade pour Iesus Christ, & par les-

*Le point du  
different des  
Cath. Et des  
Hug. & de  
leurs guer-  
res.*

*L'eglise n'a  
iamais esté  
sans vrais  
pasteurs.*

quels Dieu a enseigné & exhorté le monde continuellement & sans interruption. Que les Ministres disputent, remuent, & combattent tant d'articles de religion qu'ils voudront: que le R. de N. en leur faueur ou autrement, nous pille, nous tue, & qu'il s'acharne sur nostre sang & substâce tant qu'il pourra que tous ensemble palliét, qu'ils courent, qu'ils masquent leur intentions, débats, pre-tentions, & actions de si belles paroles, & pre-textes, qu'ils voudront: si est-ce qu'ils ne trouue-ront point, & ne pourront alleguer autre raison finale ny premiere, que ceste là, Que c'est parce, qu'il leur semble, que Calvin, & ses sectateurs en-tendent mieux seuls l'escriture, que tout le mon-de, ny que tous nos anciens, Frâçois? L'on est d'ac-cort que la foy se doit puiser & prédre de la seule Escriture sainte. L'on n'est en different sinon qui l'entéd mieux, eux, ou nos Rois & nous tous, qui sui-uons le general consentement de tous les con-ciles, & de la cōpagnie que Dieu a promis de lais-ser, inspirer & conduire en terre pour l'asséurance & certitude du sens d'icelle. Le R. de N. soustient l'affirmatiue pour eux, & que tout ce que nous croions au contraire, n'est qu'abus, dequoy il dict poursuiure la reformatiōn. Voila sa maistresse rai-son, le fōdemēt, & la cause des causes des guerres pour la religion (si tant est qué pour son regard il aye ceste mire de religion) C'est le plus honora-ble & ferme gond, sur lequel sont appuyez en ap-paréce toutes nos cōtentiōs. Qu'elle raison ou ar-gumēt certain peut auoir ou produire, ie vo<sup>s</sup> prie le R. de N pour croire telle proposition plustot q<sup>ue</sup> celle des Cat? Est-il vn si grād Theologien, ou a il

*Raison in-  
vincible  
que le R. de  
N. n'est  
point pouf-  
sé de con-  
science ny  
de religion.*



si bonne part avec le S.Ésprit, qu'il en puisse iuger certainement par raison, ou inspiration priuée & speciale contraire à l'vniuerselle & Catholique? Mais quelle apparéce y a-il, que luy-mesmes aye si peu de iugement commun, que d'adiouster foy à tel dire de Moines desfroquez, de gens ignorās, contre les raisons & le sentimēt vniuersel de toute la Chrestienté & notamment contre la créace de tous nos Rois & du roiaume, dès le tēps qu'il a cōmencé à estre, & celle de ses propres ancetres? Ceste illation & conclusion n'est-elle pas bien lisible & palpable? Que ce qu'il en fait ne peut prouenir d'une si sotte, folle, & fantastique opinion sur la religion, ains seulement comme nous auons dict tant de fois d'ambition, de haine, & vengeance, cōme estant des qualitez qui semblent à certains fols de ce temps, ne tomber qu'en cœur grand, genereux, & magnanime?

*L'ambitiō  
est la reli-  
giō du R.  
de N.*

La posterité pourra-elle croire vne chose si estrāge, qu'on ne sçait, si on le doit imputer plutost à la faincantise & stupidité de ces pauures gēs, ou à la ruze & finesse du R.de N. qu'ō ne sçait si l'on doit plus deplorer leur creance ou credulité en ses Declarations imaginaires, & promesses si souuent faucees: ou detester l'infidelité de ce Prince?

*Merueille.*

L'on nous a asseuré q̄ quand on luy rapporte la perte de ces villes & de tāt de gens, qu'il se console de ceste façon, disant, Que ce ne luy est rien: Car si ie doibs, dict-il, demeurer de la religion, il no' reste encor beaucoup de forts pour beaucoup d'annees, & vn des soldats, qui se sauue, en vaudra cēt d'autres en faction de guerre. Si ie doibs estre Cath. ie me venge & deffais desia de bonn'heure

*Consolatiō  
du R.de N.*

nous en asseurer, toutes choses arriueroyent au R. de N. du costé des Huguenots, selô ce qu'il se promet, & qu'il eust vn inôde d'estrâgers, & que tous les Huguenots se bandassent & remuassent pour luy, pësez vous que celuy, qui sera sacré Roy, receu & publié par les Cathol. ne sçache pas bien defendre ses droits, & luy resister vertueusement? Il aura les Princes & Pairs, & tous les Ordres & Estats du roiaume: il aura le cœur & l'affectiô des sujets qui sont pour la plus part Catholiques: il commandera aux Cours des Parlemens: il tiëdra en sa main les places & villes fortes de ce roiaume: il disposera des tresors & finâces à son plaisir. Il aura les estrangers anciens alliez de la courône & tous les Cath. à sa deuotion, & pour vn que le R. de N. en aura, il en aura mille. Il iouira d'autant plus facilement des biens & commoditez des Catholiques, que la guerre se fera & pour l'estat & pour la manutëtion de la religiô ensemble: les decimes & ventes du temporel ne luy seront point espargnees, ny par le clergé, ny par le Pape. Et no<sup>s</sup> nous asseurôs que sa saincteté regrettera encores moins d'employer les quatre millions d'or qu'il a reserué à ces fins de son espargne dans le chasteau sainct Ange, selon qu'il a declaté par sa Bulle sur ce, & qu'on a sceu depuis. Il aura ses subjets & tout le monde d'autant plus obeissans & volontaires à ses ordonnances, que c'est chose ordinaire, qu'ô obeist plus volôtiers à celuy, à qui on a dôné la voix, ou receu le premier. La necessité vrgëte & peril cômun de tomber es mains d'un heretique, qui est autant à dire que vn ennemy coniuré de Dieu & de nostre religion, seruira

Le R. Cathol. sup-  
posera vne  
mët au R.  
de N.

Le Pape a  
reserué 4.  
milliôs d'or  
en vn an  
contre l'he-  
resie.

*Ratiocina- de lieu, de concorde, d'esguillon & reucille-matin*  
*tiō sōm.aire* à vn chacun, pour y employer & le vert & le sec,  
*cōtre la re-* considéré mesmemēt le naturel du François, qui ne  
*ception du* vaut qu'autāt, qu'il est pressé & cōtrainct, & aussi  
*R.de N.* la cōditiō de ceste nouuelle religiō, qui est la plus  
*par recapit-* turbulante & incompatible, qui iamais aye esté,  
*ulation du* selonc mesme le dire des Protestans & Lutheriens.  
*liure.*

*Pag. 12.* Pour mettre fin à ce discours, si l'heresie & sur  
*168.* toutes la Caluinienne est si incompatible & dete-  
*Page 5. ius* stable si defastree preiudiciable, non seulement  
*qu'à 76.* pour les consciēces, mais à tout l'estat de ce roiau-  
*Pag. 15.* me: si le R. de N. son fils aîné, chef, protecteur de  
*340. 108.* l'Eglise des malings n'a iamais tesmoigné par tou-  
*Pag. 256.* tes ses actions, qu'une tresmauuaise & tresdange-  
*259. 420.* reuse volonté & cruelle animosité contre le Roy,  
*443. 295.* les Princes & généralement contre les Catholi-  
*368. 460.* ques & leur religion: s'il est non seulement here-  
*496.* tique public, manifeste & profes, mais aussi relaps  
*Pa. 2561* obstiné, endurci & deploré, s'il est desia iugé pour  
*295. 177.* tel, & cōdāné inhabile de la successiō de ce roiau-  
*159. 137.* me, & de Dieu, & de l'Eglise, & des Cōciles, & du  
*204. 255.* Pape, & du commun sentiment de toute la Chre-  
*475. 268.* stienté, & des estats generaux de ce royaume, &  
 des feuz Rois, & des Courts de Parlements, & par  
 l'Edict de la Reunion, & par les communs & ge-  
 neratix vœux & desirs des Catholiques, & ce sui-  
 uant la parole de Dieu, suiuant les saincts & gene-  
 raux Conciles, suiuant la loy de nature, suiuant la  
 loy des gēs, suiuant les loix du royaume, & le droit  
 de la gent François, suiuant les droirs, & libertez  
 de chacune prouince, les priuileges de villes, les  
 contractz passez, avec les feuz Rois & l'estat, d'e-  
 stre maintenus en la religion de leurs peres: sui-  
 uant

uant l'ancienne vſance & ordinaire pratique de la  
Frâce, ſuiuât la generale couſtume de tous les peu-  
ples & natiōs, tant chreſtiennes qu'autres, ſuiuant  
l'experience de tous les ſiecles, ſuiuât l'opinion de  
tous les ſaincts Docteurs, & ſuiuât le droit ciuil & *Paris 328.*  
Canon: au iugemēt des Vniuerſitez fameuſes, des *460.*  
Philoſophes, citoyens bons politiens, des Theolo-  
giens, des Canoniſtes, des Iuris-consultes, des Lu-  
theriens, & de toutes ſortes de religions, & qui eſt  
admirable par ſon propre dire & cōceſſion, & ſe-  
lon l'exemple de luy, & des Huguenots, & pour e-  
uiter neceſſairemēt vne guerre immortelle, la pri-  
uatiō de la vraye cognoiſſance de Dieu, l'entiere  
ruine & chāgemēt des Parlemēts, des trois eſtatz,  
& du royaume, la ſubuerſion des principales mai-  
ſons & familles Catholiques & de leur religion,  
& en fin la diſſipation de toute la Chreſtienté.

Finablement apres tant d'exēples, preiugez, & *Fondemēt*  
raiſons ſi apparētes & certaines, fōdees & tirees de *de l'exclu-*  
ce qu'il y a vn Dieu, & que la religiō Cath. Apoſt. *ſion du R.*  
Ro. eſt la vraye, & q̄ le royaume eſt Chriſtianifé, *de N.*  
vny & aſſubiecti à icelle, & à ceux ſeuls, qui ſōt de  
ſō corps, & qui luy obeĩſſēt, doit on trouuer eſtrā-  
ge, que tant le premier Pair & Prince du ſang, que  
les autres principaux, Pairs, Princes, Ducs, Cōtes, *La cauſe*  
Seigneurs & officiars de ceſte Courōne, & les bōs *de la Ls-*  
Cathol. s'vniffent pluſtoſt que plus tard, & ſe re- *gue.*  
cognoiſſent enſemble ſouz le bon plaĩſit du Roy  
tres-cheſtien, & le ſage conſeil de la Roynne mere,  
pour arreſter le cours de ſes violences, & de tāt de  
miſeres & calamitez, pour empēſcher que la beſte  
de l'herēſie ne maĩſtriſe le royaume, & que ſon  
hōneur, pour parler avec l'Apocalypſe, le R. de N.

n'empieete iamais la couróne, ains qu'elle soit conseruee à Iesus Christ, & qu'il ne soit admis aucun pour son Vicaire ou Lieutenát general au temporel, non plus qu'au spirituel, qui luy soit contraire, & lequel ne luy aye fait serment, comme Roy Catholique & fidele, selon l'ancienne obseruance, & suiuant la loy de Dieu & de l'Eglise.

*Le patron  
du Car. de  
Bourbon.*

Car si le grád Prestre Ioïadas, qui estoit allié des Roys & pour son office la secóde personne apres le Roy, non seulement au iugement des choses sacrees, & matieres Ecclesiastiques, mais aussi des Ciuiles, a fait vn œuvre si agreable à Dieu, & si louable & recommandee en l'Escripture sainte, que d'auoir pratiqué & vny secrettement par serment solemnel les Leuites, les Ducs, les chefs des familles du peuple & les principaux centeniers & officiers de l'estat en vne sainte Ligue, à prendre les armes non senlemét pour deposer, mais aussi pour mettre à mort la Royne Athalias, qui estoit heret. en leur loy, & laquelle avec la suppression du vray cult diuin auoit fait passer par le fil de l'espee toute la race & maison de Salomon, sauf vn seul, & pour establir en sa place le ieune Roy & bon Catholique Ioas, qui estoit le seul de reste : qui sera si impudét, ou si iniuxurieux, que de vouloir calomnier la sage prouidēce, la prudēce, & la Chrestienne sollicitude du Cardinal de Bourbon (lequel cōme parrain du R. de N. doit respondre de son salut, & comme le grád Prestre de France, & la seconde personne du Royaume apres le Roy, pour l'estat & le sang royal, & la premiere deuant le Roy en l'Eglise Gallicane, doit s'affectiōner plus que tout autre, au bien de l'estat & de la religion toute en-

semble) d'auoir ſceu & peu ioindre en vne ſaincte vnion & vœu ſolemnel de Princes, Pairs, Officiers de la Couronne, Seigneurs, Prelats, Villes, Cōmunautéz, & autres contre ceſte vilaine hereſie, qui veut effrontement occuper le throne royal, & le liēt de Juſtice, & exterminer la foy, la cognoiſſance, le cult, le ſeruice & la religion de Dieu en ce royaume, avec l'extirpation des principales maiſons & familles, qu'elle ſçait luy eſtre contraires, & eſtre la terreur des ennemis, & rebelles contre Dieu & l'eſtat. Qui doutera ſe ioindre & ſouſcrire en vne ſi iuſte querelle & pourſuite avec vne ſi bonne & grande compagnie qui ſ'eſpaiſſit & agroſſit tous les iours, d'autant plus qu'il n'y a plus d'eſperance que le R. de N. ſoit Cathol. Romain ou François, que par tant chacun ſ'apperçoit de l'vrgēte & commune neceſſité, & que nul ne peut plus douter de la ſaincte affection, que le Roy y porte par deſſus tout autre, quel qu'il ſoit.

*Exortatiō  
contre l'he.*

Et ſ'il eſt permis & licite par le droit de nature à chacune republique & cōmunauté de pouuoir defendre ſes droits, & priuileges iuſques à repouſer l'iniure par force & par armes: pourquoy le meſme ſera-il denié de droit diuin, & humain à tout ce corps de l'Egliſe Catho. & à la communanté de la republique chreſtiēne, qu'elle ne puiſſe repouſſer la violence & tyrānie de l'hereſie, & ſ'en deſcharger entieremēt, & par voye de juſtice, & par loix, & par guerre, & par recours à l'eſtranger, & par toutes les façons & voyes licites, & deſquelles nous voyons que noz peres & tous les Chreſtiens ont touſiours vſé en cas ſemblable, tant qu'ils ont peu?

*La Chre-  
ſtiente ſe  
doit main-  
tenir cōtre  
l'heret.*

*Reproches  
et moque-  
ries contre  
les Cath.*

Autrement si nous y manquons, outre les maledictiōs de Dieu, & de la posterité, & nostre entiere ruine, pésons nous euitier d'estre la fable, & la risée des heretiques? Ne craignōs nous point, & y a il cœur qui ne creue de despit, de regret, & de vergongne des contes & moqueries, qui nous sont toutes apprestees & certaines de leur part, & que ils seront sur nous pour nostre simplicité, stupidité, & tres-grande molesse, ou lascheté de ce, Que n'ayās affaire qu'à vne si petite troupe de gēs de si basse estoffe & vtile conditiō pour la plus part, & nous estās fondez de si bōne & iuste deffence, au contraire nous ayōns esleuē ou fauorisē vn Roy heret. sur nous, qui nous persecutera à iamais, & fauorisera tous noz ennemis? Esperons-nous en auoir meilleur marché de ce costé que noz anciēs Peres n'ont peu receuoir des Payēs? lesquels nous lisons en S. Gregoire Naziā. les auoir brauez avec vitupere, accusatiō, & reproche de sottise & folie, de ce qu'eux mesmes auoiēt si miserablement cōmis l'Empire & gouuernement souuerain en la personne de Iulian l'Apostat, à vn hōme (disoient-ils) qui estoit leur tres-grand ennemy & leur tres-cruel aduersaire. N'est-il pas escrit du mesme Iuliā, que lors que les Chrestiens luy venoient demander iustice contre les oppressions, vexations, & iniustices, que les officiers & autres ennemis de la foy leur faisoient, ils n'en receuoient pour toute responce & satisfaction que ceste moquerie, que ils auoient tort de se plaindre, parce qu'ils faisoient en cela mesme contre le commandement de leur Dieu & Seigneur, qui leur auoit enioinct de souffrir & prendre toutes iniures & afflictions en pa-

*Les Chre.  
accusēz de  
folie d'a-  
uoir receu  
vn Empe.  
contraire à  
leur relig.*

tience, & à grand heur & felicité. De mesme qu'a fait tousiours le R. de N. quand les Ecclesiastiques se sont plaints de l'occupation de leurs biens, les renuoyas à l'imitatiō de la pauureté des Apostres. Et à la verité n'est-ce pas conformemēt au dire du Prophete, cōtre ceux, qui fauorisent les faux Prophetes, Vous auez, dit-il, allumé le feu, & auez embrasé des estincelles: entre dōc en la lumiere de vostre feu, & es estincelles que vous auez embrasees.

Si le R. de N. au contraire se veut targuer de la loy de nature, elle est contre luy, par ce qu'elle n'a esgard qu'au premier, ou plus proche, soit femelle ou masse, & ne reçoit aucun à cōmander, qui n'ait pour le moins, & aussi necessairement que d'estre homme, vne credible religion, le sang n'estant suffisant: Si du droit des gens, plus de natiōs & royaumes reçoieēt les plus proches femelles, ou masses d'elles: & nul generalmente ne reçoit autre pour Roy qui ne soit de sa religion: Si du droit Ciuil il ne luy permet pas seulement de respirer & viure: Si du droit Canō il le chasse de la conuersation, & de tout commandement sur les Catholiques. Si de la loy Chrestienne elle deffend expressement de luy faire le moindre hōneur du mōde, & enioint de le fuir comme la peste, & de le couper & retrancher du corps des Chrest. cōme vne gangrene: Si de la cōmune vsance des peuples Chrest. ou Cath. nous auons monstré en plus de 40. exēples parcy, parlà, outre infinies autoritez & sentences des saincts Peres tout le contraire en tous les siecles & aages: Si de la coustume ancienne & ordinaire du royaume, elle n'a non plus d'esgard à luy, biē qu'il fut le plus proche, sans estre Catholique, qu'au moindre

*Moqueries  
du Roy de  
N. cōtre les  
Presbres.*

cc

cc

cc

cc

*Responce  
sommaire  
à toutes les  
allegations  
du Roy de  
Nauarre.*



*Les Catho-  
liques ven-  
lent mon-  
rir pour l'e-  
dict de la  
re-union.*

vilain & roturier sans estre du sang royal, bié qu'il soit Cath ayât tousiours postposé (non moins que les anciens Romains du temps de leur idolatrie) toute faueur & consideration à celle, qui fait pour la religion, ontre qu'il n'a esté iamais veu qu'un Biarnoïs, Angloïs ou autre estrangier aye commãdé en Roy aux François. Si des Edicts de Pacification, qui tollerent les heret. le Roy & l'estat les a desia cassez, & declarez nuls par son dernier irrevocable & sainct Edict de la reünion, auquel les Catholiques se tiennent, & pour lequel ils veulent mourir, cõme estant conforme à leur foy, aux loix anciennes du royaume, & propre à son establissement, à l'honneur & reputation que leur nation a acquise sur toutes les autres pour semblable occasion: Si de l'auctorité des ordonnances & Edicts de noz Roys & du respect aux Arrests des Cours de Parlement, elles l'enuoyent au gibet, & le plongent tout vif dans le feu. S'il nous bat de la loy du royaume dite Salique, nous auons prouué qu'elle est cõtre lui, d'autant que ne consistant qu'en coutume, elle ne se peut entendre, que selon qu'elle a esté tousiours pratiquée: & partant que de celuy seul, qui est de sang masse baptizé, & de la religiõ Cath. conioinctement & tout ensemble, n'y ayât rien plus ordinaire, naturel, ny plus propre des Roys de Frâce, & de leur maison, que de garder la foy, & d'honorer l'Eglise Romaine, ainsi que mesmes le Pape Pie. 2. ( bien que peu affectionné aux François ) est contrainct de confesser en l'Epistre qu'il a escrit au Roy Louys 11. Si du respect, que naturellement les bons & vrayz François portent aux vrayz Princes du sang, il leur feroit trop de

*Frācorum  
Regū pro-  
prium est  
fidem ser-  
uare Et  
Rom. Ec-  
cl. si. bone-  
stare.*

tort, s'il ne pensoit que naturellement & supernaturellement ils portent encor plus de respect au sang de Iesus Christ, leur vray & primitif Roy, & à sa religion Catholique: voire tant, qu'ils n'ont iamais recogneu ny honoré de leur bõ gré pour Prince du sang, autre, qui ne fust Catholique, & en conséquence qu'il estoit reſtainct du sang de Iesus Christ, par ce que comme le sang faict l'hõme, la foy faict le Chrestien, & cõme le Chrestien n'a point accoustumé d'estimer, ains de deplorer la naissance charnelle, si elle n'est suyvie de la spirituelle, & du Baptisme: aussi le François, qui est des plus Chrestiens, deteste le sang, qui n'est accompagné de la foy, faisant plus de cas du moindre Chrestien, que du plus grãd Empereur, ou Prince, Iuis, Turc, ou infidele, lequel il ne peut pas seulement permettre de viure, & a plus forte raison, que du plus grand homme ou Prince, qui soit heret. comme estant iceluy pire que tous ceux-là: Si du commandent de Dieu d'obeir aux Roys, nous luy respondons, qu'il en a excepté notãment les heretiques, & qu'en tout cas iceluy n'estant point nostre Roy, c'est l'aleguer mal à propos & hors le temps: S'il estoit Roy deuant d'estre heretique, ce seroit autre chose: mais la question est, s'il peut estre receu Roy avec son heresie. Et ayant mōstré que nõ, ny selon la loy Salique, ny selon Dieu, aussi nous ne luy pouuons porter ny deuoir aucun honneur, ny selon les hommes, ny selon Dieu.

S'il nous menace, ha ! il a trop forte partie, que Dieu, que ce grand nombre des bons Cath. & que toute la Chrestienté. Si son party de gēs vnis resolu & aguerris nous estõne, nous sommes au pro-

*Le Chrest.  
faict plus  
de cas du  
moindre  
Chre. que  
du pl<sup>r</sup> grãd  
Emp. infidele ou heretique.*

*L'o se perd  
tout à fait  
en receuât  
vn R. her.*

pre d'en estre de meſme, quād nous voudrōs. Si le danger de la guerre & du malheur d'estre cōfīts en perpetuels troubles en luy reſiſtant nous tient en ſuſpens, c'eſt choſe ineuitable, tant que la cāuſe & l'occaſiō de l'hereſie durera, ſi no<sup>3</sup> n'aimōs mieux nous precipiter en plus grand dāger de l'autre cōſtē: & pour la crainte de nous perdre à l'aduenir ſouz luy, nous perdre preſentement tout à faiēt à noſtre eſcient, & en ame, & en corps, & enuers Dieu, & pour les commoditez de ceſte vie, & avec nous noz ſucceſſeurs & tout l'eſtat: combien que, Dieu mercy, ſi nous voulons ſes moyens ne ſont tels, que nous ne nous en puiſſions deffendre bien aiſēmēt. S'il nous iure tout bon traiētemēt, & meſmement pour l'vſage & libertē de noſtre religiō, nous nous tenōs aux effets pluſtoſt qu'aux paroles, par la beautē deſquelles les heretiq. & les plus meſchans trōpent le monde, outre que nous ſommes aſſez apprins par le commun dire de ſon païs, qu'elle aſſurance il y a en ſes ſermens, *Biarno<sup>x</sup> cap de crabe renegue Dieu per vne habe*, qui eſt autant à dire comme le Biarnoïs a vne teſte opiniaſtre, reniant Dieu pour vne ſebue: ou au cōtraire, pour le dire en paſſant, ç'a eſté touſiours (ſelon S. Bernard) vn grand des-hōneur entre les Frāçois, de ne garder le ſermēt, biē que mal venu. S'il atteste le Ciel, & la terre, qu'il n'en veut qu'aux Lorrains, & ligueurs, il eſt dōmage que ſes deportemēs n'y correſpōdēt ains qu'ils le demērēt: & nous auōs ceux là d'autant plus chers, & en reſpect qu'ils n'ont acquis ſō haine, que pour noſtre deſſēce, de là relig. Cath. & de noz Roys & loix, & q̄ tenōs pour tres-meſchans ou athees tous ceux, qui ne ſont de ceſte

ligue, qui n'en veut qu'à l'heresie: car d'autre nous n'en voulōs point recognoistre, ains la detestons. S'il pretēd n'estre blasmé de persecuter les catholiques à cause qu'il ne les met point à mort, la defence n'est pas grande (respond Saluian aux Princes heretiques de son temps qui disoiēt le mesme) s'il n'a rien obmis de la persecution, qu'auoiēt accoustumé faire les Payens, que ce qui estoit le dernier à executer. S'il nous assure qu'il est chrestien, qu'il croit en Dieu, & qu'il ne se gouuenera iamais qu'avec la crainte de son pere eternal, nous auons S. Cyprien, S. Augustin, & autres saincts Peres qui crient au contraire, Que celuy ne peut estre Chrestie qui n'est catholique, & que nul peut auoir Dieu pour pere, qui n'a l'Eglise son espouse pour mere, cōme la mere est tousiours plus certaine que le pere, & que par la cognoissance & certitude de la mere on paruiet à celle du pere: & notamment ils n'entendēt par icelle, que l'Eglise Rom. cōme à la façon de parler de Saluian, & des anciēs, Romain & catholique n'est qu'une mesme chose à la difference des hereti. comme Barbares, Grecs, ou infideles, ces trois mots ne signifient qu'une mesme chose en leur endroit.

*Celuy n'a  
Dieu pour  
pere, qui  
n'a l'Egl.  
pour mere.*

S'il nous prie ne le cōparer aux persecuteurs des Chrestiens, ny aux anciens Rois, & Princes heretiques, & deserteurs de la foy en tout, ou en partie, parce qu'il est tout esloigné de leur humeur, nous luy disons selon l'anciē Grec, qu'un loup est tousiours loup, & un renard tousiours renard: & qu'il ne peut estre, selon S. Paul, qu'un chancre ou gangrene, ne face l'operation d'un chancre ou gāgrene, & l'heresie de l'heresie, ny qu'un heretique

*L'heretiq. ne peut estre qu'en-  
nemy de Dieu &  
des siens.*

ne face tousiours les effectz & œures d'un heretique, c'est à sçauoir d'un ennemy de Dieu, & de ses seruiteurs, suiuant le cō mandement & malice de Sathā, duquel il est detenu si captif & esclauē, qu'il ne se peut manier que à sa volonté, dit S. Pol: estant aussi nouueau de dire, qu'un heretique ne soit ennemy des catholiques, que de dire qu'un heretiq. ne soit heretique. S'il proteste qu'il n'est point heretique, qu'il n'en veut qu'aux abuz, qu'il n' desire que d'estre instruit par l'Eglise assemblee deuēmēt en un nouueau Concile legitime, nous tenons ces drogues pour trop esuantees & regorgees, & qui ne peuuent estre mises en auant, qu'à la trop grande moquerie de Dieu & tromperie du mōde, estāt

*Aussi certain que le R. de N. est hereti. que c'est certain que le Roy & les cat. sont Cat.*

aussi certain enuers nous cath. que le R. de N. soustiēt vne fauce doctrine & cōtraire aux escritures saintes, & partāt qu'il est, suiuant la definitiō de Belloy, vray heretique, & par consequent pire qu'un Turc ou infidelle, comme nous sommes certains d'estre catholiques, tenir la vraye doctrine, & qu'il n'y à qu'un Dieu, & vne seule religion, si l'on veut parler proprement. S'il pretend que les Catholiques doiuent d'autant moins redouter & craindre son heresie, qu'il y à esté nay, nourry, & instruit dès ses premiers ans: c'est ce tout au contraire, qui nous doit faire moins esperer de sa connerfion, & le tenir pour nostre plus grand, naturel, & irreconciliable ennemy, & persecuteur, d'autant plus que l'heresie n'emporte en soy qu'une contrarietē & hayne inseparable contre les catholiques & leur religion, & que les ennemis d'enfance sont plus violants, dangereux, & perdurables que les autres.

Finablement nous le suppliōs ne vouloir trouuer

mauuais ny eſtrāge, ſi croyāts en Dieu, & auſſi biē pour le moins que ſes miniſtres, & ſi eſtās, & chreſtiens & Frāçois plus que luy, puis qu'il eſt auſſi eſtrāger de noſtre foy, qu'un Turc, & de noſtre natiō, que l'Anglois ou l'eſpagnol (ſi tant eſt q̄ Bearn ſoit pais ſouuerain & eſtrāger, cōme il pretēd) no<sup>9</sup> ne pouuōs iamais conſentir, qu'eſtant heret. il ſoit receu, ny tenu pour Roy. parce, que nous tenōs cōme nous auons prouué ceſte opiniō pour auſſi veritable & certaine, qu'il eſt veritable & certain, que noſtre eſtat eſt vn Royaume, & qu'il doit eſtre cōmādē par vn ſeul Roy, voire mēme qu'il eſt veritable, qu'il y a vn Dieu, brief que la verité eſt veritable, que la certitude eſt certaine, & que le blāc eſt blāc. Car pour le repeter ſ'il ne peut eſtre Royaume ſans loix, & ſingulierement ſans loy de religion generale ſur tous, il ſ'enſuit que ſans auoir la religion du Royaume l'on ne peut y ſubſiſter, moins y cōmander, n'y eſtre Roy, & qu'ō n'eſt pas moins ſubiect d'auoir & tenir la loy de la religion catholique Apoſtol. & Rom. que d'auoir vn Roy du ſāg Royal & maſle. D'auātage que ſi le Dieu que noz Rois & noz predeceſſeurs ont adoré ſuiuāt l'Egliſe Cath. Apoſt. Rom. n'eſt le yray Dieu, il n'y a du tout point de Dieu. Parce que ſi Clouis, Charlem. Hugues Capet, S. Robert, S. Louis, S. Denis, ſainct Irenee, ſainct Rhemy, & tous les autres Roys & ſaincts Eueſques n'ont cognu le yray Dieu, perſonne ne l'a iamais cogneu. Si auſſi c'eſt le yray Dieu, la religion donc, qu'ils ont tenu, eſt la vraye religion, ſi elle eſt vraye, & qu'elle chaſſe ſelon l'eſcriture ſaincte toute ſorte d'heretiques & d'A-

ſtats, & tous ceux, qui ſont de contraire opi-

*Si la relig.  
Cath. n'eſt  
veritable,  
il n'y a  
point de  
Dieu.*

nion ou creance en la foy chrestienne, & catholique, singulieremēt de toute seigneurie, dominatiō & administration publique sur les chrestiens & catholiques, il s'ensuit dōc qu'il est aussi vray & certain, qu'autre que catholique ne peut estre nostre Roy, comme il est vray & certain, que la religion catholique est veritable, & qu'il y a vn Dieu. Et l'on ne se peut dispēcer de l'un qu'o ne viēne necessaiement à chocquer cōtre l'autre, & qu'on ne tōbe à estre Athee tresparfait, si ce n'est de bouche, ce fera, comme dit Dauid, de cœur, ou bien, cōme dit S. Pol, par effet, par œuvre, & en verité, qui est l'abyisme ou Sathan nous veut plonger en fin.

*La religio  
Cath. fait  
plus noz  
Roys que  
le sang.* Nous n'aiousterons, pour la derniere raison de tout ce quatriesme point de l'exclusion d'un Roy heretique que ce mot, qu'il n'y peut auoir aucun doute, que la religion Catholique ne soit celle qui faict plus noz Rois, que le sang, ny la nature. Car si aucun n'en peut estre, bien qu'il soit extrait des Princes du sang masle, lequel ne soit legitime, & non seulement naturel: si aucun ne peut estre tel, qu'il ne soit sorty de legitime mariage, s'il ny a aucun mariage qui se puisse dire legitime, ny parmy les François, ny parmy les catholiques (qui n'est qu'un) que celuy qui à esté faict en face de nostre mere S. Eglise, ou avec la benediction du Prestre, ne s'ensuit-il pas biē, que pour pouuoir estre Roy, il faut estre catholique & de naissance (s'il faut parler ainsi) & de profession.

Nous disons pareillement que le Roy de N. ne peut estre censé de la maison de France, & ne peut iouyr des priuileges, & prerogatiues, d'icelle, apres auoir degeneré de la foy & pieté des Roys, & s'e-

estre rendu heretique, ou pour le moins ( puis que  
 ce mot d'heretique le fache tant, qu'il en dōne des  
 dementiz imprimez au Pape, & à tous les cathol.)  
 d'autre foy & Religiō, que n'est la maison de Frā-  
 ce: non plus que le Celestin ou le Chartreux, qui  
 est heretique, & lequel à delaisſé la religion de son  
 ordre, ne peut estre plus tenu de la maison des Ce-  
 lestins, ou des Chartreux, ny ne peut participer par  
 droict & raison à leurs biens, commoditez, & pri-  
 uileges, lesquels leur ont esté donnez, accordez, ou  
 acquis à cause de la religion. Car la religion chre-  
 stienne & catholique n'est pas moins cause de la  
 grandeur, noblesse & saincteté de la maison de  
 France: & elle n'est pas moins vnīe & inseparable,  
 voir mesmes n'est pas moins la principale partie  
 & essence ( comme la religion ne peut tenir touſ-  
 iours que le principal lieu au subiect, ou elle est) de  
 ladite maison de Frāce, qu'elle est de la maison &  
 de l'ordre des Celestins ou des Chartreux: ne pou-  
 uant que nous ne reiterions souuent contre les  
 Athees, qu'il y à grande difference de l'Estat, de la  
 nature, & de la condition de la maison de France,  
 deuant qu'elle fut Christianisee, à celui & celle du  
 depuis: qu'elle à esté antee, inseree, & incorporee  
 inseparablement à la religion chrestienne & ca-  
 tholique. Et ne faiēt rien dire que le Celestin n'est  
 de la maison des Celestins, que par volonté, & le  
 Roy de N. de la maison de France que par nature.  
 Car on ne debat pas qu'ils n'en aye esté iamais  
 ny par quelle facon l'on est d'une maison: maison  
 dict, que l'heresie faiēt mesme operation contre  
 vn Prince de France pour l'exclurre & le priuer  
 des droicts de sa maison, comme ingrat & indi-

*Comment  
 le R. de N.  
 n'est partie  
 recenable  
 pour préte-  
 dre à la  
 Royauté  
 François.*



gne que l'apostasie contre vn Celestin, ou tout autre religieux, pour l'exclure des prerogatiues & droits de son conuent & ordre. Et certainement s'il est vray, cōme nous auons prouué si amplement que l'heresie est cause suffisante pour priuer & Rois & Empereurs du droit, qui leur est ia acquis, & de les rendre personnes priuees, à ce qu'ils soient plus censez estre les chefs du Royaume & de l'Empire, quel doute y peut-il auoir, qu'elle ne les priue entierement d'estre chefs ou membres vifs, & legitimes de leur maison, à ce qu'ils ne puissent plus iouir de ses droits & priuileges, comme noz Legistes comptent 14. causes d'ingratitude, qui priuent l'enfant de tout droit, tant de succession, qu'autres, & generalement de tous honneurs, biens & commoditez de sa maison? Tellement que par là, le R. de N. estant heretiq. n'est partie receuable pour pouoir pretendre à la couronne, ains nous le deuons renuoyer par les fins de non recevoir.

*Le R. de N.  
aussy pri-  
uable de la  
Couronne  
que Char-  
les Duc de  
Lorraine.*

Mais encores afin que le Roy de Nauarre reconnoisse mieux en son ame, que nous ne sommes pas moins fondez en raisons pour le pouuoir exclure iustement de la courōne, nonobstant sa proximité & pretendue explication (par laquelle il en reiette à la façon des Athees toute consideration de religion & des vertus, ou vices pour n'admettre que celle du sang) de la loy Salique, qu'ōt esté noz peres pour Hugues Capet, contre Charles de France premier Duc de Lorraine, nous auons pensé qu'il ne pourra prendre à desplaisir si nous luy faisons la mesme supplicatiō, & luy vsions de la mesme harangue, voire de mot à mot, que nous trouuons en Girad iceux auoir vsé par Ambassade

expresse enuers ledict Charles, pour leur deffence & iustification cōtre son exclusiō, & pour l'electiō ou exceptiō de Hugues en sa place. Car biē que cestuy ne fut Prince du sang royal, si ce n'est, peut estre, du costé feminin, & qu'iceluy fut sans aucun doute & controuerse, fils frere & oncle de Roy, le plus proche Prince du sang masculin, le vray & le plus prochain heritier ou successeur de la couronne, selon le sang & la nature: toutesfois il fut exclus & priué de la succession du Roiaume, nō par fraude, ny par la force ou violence de Hugues, comme pensent aucuns, ains du gré & consentement vniuersel & vnanime de tous lès estats: lesquels ensuiuant la loy Salique, & icelle interpretāt ne se pouoir entendre, que suyuant le merite ou demerite des successeurs, & des Princes qui n'ont point degeneré ou contreuenue à la vertu, pieté, & religion de leur maison, & ancestres, le declarent & toute sa posterité inhabile à succeder à ceste couronne, & à son occasion tant son frere Arnoul Archeuesque de Reims, que tous les autres Princes qui estoient de l'estoc masculin, de la famille des Carlins. Lesquels en ont esté exclus & priuez dès lors ainsi (qu'accorde Belloy) l'an 1457. Jean d'Alençon fut par Arrest de Cour de Pairs de France iugé indigne à iamais, avec sa posterité de la succession à la couronne. Les motifs & causes principales du iugement contre Charles, estoient d'eux, l'une parce qu'il estoit proditeur de sa patrie, & criminel de leze maiesté, enuers l'estat, la Republique & la maiesté de la couronne (bien qu'il n'en eust esté conuaincu, n'y iugé au parauāt la vacāce du Royaume, ou la succession d'iceluy recueillie par luy) pour auoir fauorisé l'entree, & le passage

*Hugues  
vray R.<sup>de</sup>  
gré de Frā.  
& non par  
force.*

*Causes de  
l'exclusion  
de Charles.*

*Les anciens  
n'eussent  
iamais re-  
ceu le Roy  
de Nauar.*

des Reistres, & Lâsquenets en Frâce, & auoir voulu surprédre la Ville de Laon cōtre le Roy Lothaire son frere: l'autre parce qu'il auoit le bruit de mal traicter ses subiects Lorrains, & notammēt (comme il se voit aux epistres de Gerbert ou Gilbert Archeuesque de Reims, & depuis Pape dict Siluestre second) de mespriser les Prestres & gens d'Eglise. (Ha! que ne feroient-ils cōtre le R. de N. pour son heresie, ses massacres des Prestres & Moynes, rauissements de Religieuses, bruslemens, & rasemens d'Eglises, saccagemens de Villes, contributions & pilleries du peuple François durant tant d'annees, & contre vn Roy si legitime, & esleu de Dieu, que nostre Henry, & lequel a tant merité de luy, outre sa ligue ordinaire avec Casimir & les Reistres, desquels il nous menace tant, & outre sa cruelle persecutiō contre ses subiects catholiques les priuant de tout exercice de leur religiō, ou plustost de la religion vniuerselle du monde.) Iceluy donc voyant luy deffaillir les merites & la bienveillance des François, & qu'il ne pouuoit obtenir la couronne par droit & raison, ny de leur franc & libre consentement, parce qu'ils detestoient plus ses crimes, qu'ils n'estimoient son sang il se disposa d'y paruenir par force. Ayant donc vne grosse armee sus pied, & Hugues Capet vne autre, les Estats preuoyans qu'il n'en pouuoit arriuer qu'une grande desolatiō, enuoyerēt vers luy vn des Seigneurs, lequel selon ses memoires & instructions luy fit ceste presente harangue.

*Ambassade  
des Estats  
de France.*

Chacū sçait, Charles (disons Héry, nous luy donnerions volōtiers du Monsieur Henry, si nous ne craigniois qu'il le print en mocquerie, cōme il s'est voulu

voulu mocquer du Pape, l'appellât Mōsieur Sixte  
 ou lairriens ce nō de Charles, n'estoit qu'il auroit  
 opinion, que nous le fissions pour le comparer à  
 ce fameux Charles R. de N. dict le mauuais, l'un  
 des plus scelerez Princes ou tirans du monde) que  
 (disons que qāud bien) par les loix & le droict la  
 succession de la Couronne du Royaume de Frāce  
 r'appartient, & non à Hugues Capet (disons à tel)  
 mais les memes loix qui r'appellent à ladicte suc-  
 cessiō, elles memes te iugēt indigne d'icelle: d'au-  
 tant que selō les loix & les bonnes mœurs tu n'as  
 pas appris à bien viure, & à te bien cōporter, com-  
 me tu deuois. Car qu'est ce que nous eussions peu  
 esperer de toy, ny de ton regne, veu (disons que tu  
 es heretiq. & chef des heretiques) qu'en ta vie pri-  
 uue tu approuues & imites les mœurs sales & vi-  
 laines des Allemans, qui en tous leurs affaires &  
 entreprinſes tefaiçts compaignon de leur cruauté,  
 & les fauorises, assiste & aydes aux guerres qu'ils  
 font contre les François. Quād donc nous auons  
 veu que tu auois abādonné & delaiſſé l'ancienne  
 (religiō) vertu, & douceur, & l'amitié des Frāçois,  
 nous t'auons pareillement abandonné & delaiſſé,  
 sans penſet auoir faute à nos consciences de ne  
 t'auoir receu pour nostre Roy, & auōs choisi Ca-  
 pet (disons tel) ayans estimé que nous serions plus  
 heureux de viure selon noz loix, (religion) coustu-  
 mes, priuileges, franchises, sous le possesseur du  
 Royau. de France, q̄ sous l'heritier (disons preten-  
 du) d'iceluy, en (heresie) tyrannie, oppression, &  
 cruauté. Et tout ainſi que ceux qui sont en vn na-  
 uire sur la mer, ne se soucient pas si le pilote d'ice-  
 luy en est le maistre & seigneur, moyennant qu'il

*Explicatiō  
 de la loy  
 Salique.*

*Nulla char-  
 ge de con-  
 science de  
 receuoir  
 l'indigne à  
 la roiauté.*

« les meine en seureté, & lçache son mestierz ainsi  
 « nous ne nous souciõs pas, qui c'est, qui nous gui-  
 « dera en ce voyage de la vie ciuile & politique, ny  
 « qui sera nostre Roy, moyénant q̄ nous soions bié  
 « & seurement guidez, & que nous ayons vn bon  
 « Prince. L'amour du peuple enuers ses Rois & Prin-  
 « ces vit autant, que leur vertu & integrité fleurir:  
 « & quãd elle vient à faner & flestrir, aussi l'affectiõ  
 « des peuples vient à se secher & perdre. Si tu eusses  
 « voulu receuoir la lumiere de l'affection des Frã-  
 « çois, il eust fallu que eusses fait couler de toy quel-  
 « que goutte de vertu: mais en vain par cy apres  
 « Charles (disons Héry) no<sup>r</sup> aimeras & inciteras tu  
 « de nous sousleuer cõtre Capet (disons cõtre tel) &  
 « de no<sup>r</sup> rēdre à toy: ains il t'eust mieux valu te sous-  
 « leuer contre le vice (& contre les heretiq) & Alle-  
 « mäs nos anciēs ennemis, Ce que si tu eusses faict,  
 « nous eussions pense que eusses desiré de succeder  
 « à la Couronne de France, comme à vn Royau-  
 « me, non comme à vne tyrannie.

Toutefois ledict Charles au lieu de s'adoucir, &  
 licétier ses troupes par ceste si belle & sainte re-  
 monstrāce, il s'en irrita infinimēt, la prenant cõ-  
 me pour vn cartel de deffy, qui fut cause qu'il cõ-  
 tinua par quatre années les efforts de la guerre, pl<sup>s</sup>  
 violément que deuant, & encores que le cõmen-  
 cement luy fut fort prospere & heureux, iusques à  
 auoir pris plusieurs villes, & mis en route Hugues  
 Capet: toutesfois Dieu luy fist sentir par effect &  
 qu'il n'estoit poit son esleu, & que la voix du peu-  
 ple & du cõmun, est la voix de Dieu (dist l'Escrite-  
 rure saincte) Car estāt assiegé dans Laon l'an 991,  
 l'Euesque du lieu, nōmé Anselin, rāt les Euesques

ont eu tousiours part, creance, & auctorité aux affaires d'estat) fist ouuir les portes de nuict à Hugues, de sorte que ledit Charles & sa femme y furent pris & emmenez prisonniers à Orleans, ou ils demurerent iusques au iour de leur trespas. Si ce fut avec tourmens ou non, nous nous en remet-to<sup>r</sup> à ce qui en est. Vne chose souhaittōs nous biē, & de laquelle nous suppliōs de tout nostre cœur la Maie<sup>st</sup>é de Dieu, qu'il luy plaise ne permettre poit, que sa mauuaise volonté serue d'exemple au Roy de N. non plus q<sup>u'</sup> son malheur de presage à sa sinistre fortune, afin que faisant mieux son profit de telle remonstrance, que ne fist ledit Charles, il puisse euter vne fin aussi malheureuse, ou pire, laquelle autremēt ne luy peut māquer tost ou tard, selō l'aby<sup>ss</sup>me de la diuine iustice, & la pratique ordinaire de ses iugemēs contre tous chefs d'heretiques. Ne voulans point celer en passant, comme à l'occasion dudit Hugues & du differēt d'entre luy & ledit Charles Duc de Lorraine, nos Calvinistes factieux ont pris leur nom de Huguenots, lors de la cōiuration d'Amboise, l'an 1560. cōme pretendās (bien que fraudeusemēt & fausement) estre les vrais fauteurs de Hugues, & ne prendre les armes, que pour la defēce ou tuitiō de sa maison & famille cōtre les seuls Lorraīs Guisars ou Charlins lesquels ils feignoiet vouloir renoueller la querelle & les pretentions dudit Charles contre nos Rois. Nous representons aussi icy tres-volontiers cōme Dieu à voulu tesmoigner en beaucoup de façons auoir esté luy mesmes autheur de telle explication de la loy Salique, pour l'exclusion dudit Charles, & de l'introduction de la famille

*L'origine  
du mot de  
Huguenot.*

*Explicatiō  
de la loy Sa  
liq. autori-  
sée de Dieu.*

de Hugēs, pour l'auoir douée des grandes graces & benedictions, & telle, qu'il ne s'en lit point de semblables en autre quelcōque famille de toutes celles qui ont esté iamais au mōde (nous exceptōs celle de Iesus Christ.) Et entre autres, de ce qu'elle est la plus noble, & la plus anciēne de tous les races Royales, qui soyent à present, ayant donné au monde du costé du sang masle cinquante & cinq Rois courōnez, & ayāt duré en vingtrois generations de pere en fils, par l'espace de pres de huit cēs ans, & Dieu vueille nous la cōseruer à iamais.

*Remōstrā-  
ce aux Ca-  
th. de tous  
estats.*

Mais ô bonté de Dieu! ou a le monde le sens & l'entendement? Sera-il dit que nous autres pauvres Catholiqu. ne seruions pour tousiours que de iouer & esbat à la langue, à la plume, aux ruses, aux pattes, & aux griffes des Huguenots? Sera-il dit que nous ne puissions apprendre en nostre vie que la simplicité de la colombe, pour n'offenser personne, & que nous soyons ennemis de la prudence du serpent, qui nous est commādee, afin de nous pouuoir garder d'estre trompez? Ne craindrons nous point le iugement de Dieu & des hōmes, si nous ne tenōs pour ennemis celuy & ceux, que les Conciles, que l'Eglise, que les Papes, que les Edicts du Roy, & Arrests des Cours de Parlemēt, que les Estats generaux: & tous les ordres ont tenu & tiennēt pour rebelles & ennemis du Roy, du Royaume de la Chrestiéte, & de Dieu, à l'exēple d'Epicrates, qui fut mis à mort par les Atheniens, pour ne tenir pour ennemis ceux que la republique auoit déclaré tel? Ne recognoissons nous iamais le naturel du lyon sous la peau de brebis? Ne ferons-nous iamais differēce du beau par-

ler de l'heretiq. d'auec son naturel de mal faire? La crainte du mal futur, & la souuenance des miseres paffees, desquelles les larmes coulent encores, ne nous admonestent elles pas assez d'auoir l'oreille au vent, & l'œil en la campagne, pour empescher que le malheur, qu'on preuoit, ne nous enuelope tout à coup? L'exēple de nos voisins, & l'experien-  
 ce de tant d'annees que nous sommes tourmentez par ceste factieuse heresie, ne nous a-elle pas apporté assez de moyen, pour la congnoistre & au fard, & mensonge de ses paroles, & à la meschāceté de ses œuures & actions? Y a-il coniecture plus certaine que du passé à l'aduenir? N'auōs nous pas assez d'occasion d'en estre lassez, & iuger que ne ayant peu viure en sujete ou compagne, pour son inquietude, auec la religion Catholique, qu'elle estant venue la maistresse de l'estat, ou se sentant en credit, elle la supportera encores moins, & ne taschera que de la mal traicter, & l'aggrandir par la diminutiō & extinction des Catholiques? Se peut il esperer que ceste nouuelle pretendue religion [s'il faut tousiours abuser de ce sainct nom] laquelle tient l'Eglise Cathol. Apostol. & Rom. pour idolatre, & Synagogue de Sathan & laquelle la craint & hayt comme la putain fait la femme vertueuse, qui a ses officiers & ministres, ses fauteurs & protecteurs coniurez à la ruyne d'icelle, qui oblige ses enfans, tant aînez, que autres, tāt les Rois que les particuliers sous la damnation de leur ame, & sous peine d'exheredation eternelle à procurer & employer tous les moiēs propres à son extermination: qui est inspiree & agitee par l'ame & furie de son pere Sathan, ce vieux

*L'heres.  
Caluin. est  
euenemie  
mortelle de  
la Cathol.*



sanguinaire se peut il (disons nous) esperer, qu'ayant le dessus elle puisse cōpatir l'Eglise Catholique. & que ses enfans soyēt maintenus en liberté avec leurs droits & priuileges? Brief, qu'elle soit d'autre nature en nostre endroit qu'en Anglererre, Montauban, Bergerac, Bearn, & ailleurs? Si la nature de la diuision de Religion est si guerriere & contentieuse, que nous n'auōs peu durer en paix sous vn Roy legitime & accordé de tous, viuāt; & taschant de nous maintenir aux formes anciennes, que pouuōs nous esperer sous vn Roy nouveau heretique & litigieux, qui voudra faire vn mode nouveau? Car si vn contraire chasse l'autre, & qu'il n'y a rien plus contraire à la loy Chrestienne, que ceste heresie, qui doubte que l'establiissant & la rendant la plus forte, ce ne soit chasser la Religion Chrestienne & Catholique? S'il n'y a rien, qui change & renuerse plustost vn estat, que le changement de Religion, S'il n'y a rien, qui puisse plus aduancer tel changemēt, qu'un Seigneur ou Roy heretique quelle rage ou malice nous peut tant auengler, que de receuoir vn Roy heretique, & d'esperer de luy autre meilleur traictement ou euement? L'exēple seul du Roy Ieroboā heretique en la loy des Iuifs, n'est il pas suffisant pour nous apprendre quelle suite & confusion tire apres soy la Religion mauuaise d'un Seigneur ou Prince souverain, soit pour l'estat public, & repos du Royaume, soit au fait de la conscience des subiets (qui se composent ordinairement au patron & exemple du Roy, mesmes au mal, comme nous imitōs plustost, dict S. Hierosme, les vices, que les vertus, puis que son heresie pour le lieu des sacrifices fut

*Le religion  
mauuaise  
d'un Roy  
est la dissi-  
pation de  
l'estat.*

cause de la rebellion & diuision generale des dix tributs contre la vraye Religion, leur Roy legitime Roboam, & les autres deux tributs ? Tellemēt que receuoir vn Roy heretique, c'est par consequence ineuitable & tres-certaine, establir en tant qu'est en nous, vn qui face cruellement la guerre à Dieu : & ce n'est rien moins que chasser & bannir la Religion Catholique du Royaume, & exposer tout le peuple en vn peril certain de perdre la foy Chrestienne. Comme aussi nous lisons que Iulian l'Apostat, pour induire plus facilement les corps des villes Catholiques, & les habitans d'icelles à renoncer la religion Chrestienne, il les soubmettoit à la iurisdiction des villes, qui estoient plus inclines & fauorables au gentilisme par mesme raison, que Constantin le grand rendoit les villes, qui receuoient le Christianisme, libres & exemptes de la superiorité: & iurisdiction des autres, lesquelles y estoient contraires, tesmoing Constantia en Palestine distraicte du ressort de Gaza, par ce que (dict Sozomene, raison qui sert fort à nostre subiect) il a estimé inique, que vne ville Catholique obeyt, & fust subiecte à la iustice & dition de celle, qui estoit adonnée aux superstitions des Gentils. D'où il appert en passant, que c'est la religion, qui principalement a reglé tousiours les superioritez, iurdictions & estats, & selon laquelle il faut iuger ordinairement & communement de l'obeyffance de l'un à l'autre, & du subiect au seigneur.

*Recevoir  
vn R. her.  
est bannir  
la religion  
Cathol.*

*La religion  
Cath. exē-  
pte les siens  
de la Iusti-  
ce des infid.  
ou heretiq.*

*La religion  
regle des  
Estats.*

Pouuons nous iustement doubter que le R. de N. qui n'a iamais sceu apprēdre à bien obeyr à ses Rois & superieurs, puisse iamais nous biē cōman-

*Exhorta-  
tion des  
Minist. au  
R. de N.*

*Nulle espe-  
rance du  
R. de N.*

der? Auez vous si tost oublié l'exhortation de son ministre Marmet, & laquelle il luy soufflé continuellement en l'oreille, l'assurant qu'il immortalisera à iamais son nom, si'l retire ce beau & grand Royau<sup>me</sup> de Frâce de la cruelle seruitude de l'Antechrist Romain (ce sont ses mots) qui n'est autant à dire, que s'il rend tout ce Royaume heretique, & qu'il en chasse le Cath. & la vraye foy Chrestienne. Pouuons nous esperer que luy, qui est bandé à l'abolitiō de la principale & radicale loy du Royaume, laquelle n'est autre que la religion Catholique, Apostolique Romaine, & qui a tousiours accoustumé de forcer les loix & la police par les armes & effusiō de sang, garde le serment royal d'exterminer les heretiq. & de nous maintenir es loix & vsances de ce Royaume, & en noz priuileges & statuts particuliers de chacun ordre, ville & communaute? Que luy qui n'a iamais peu viure en repos, n'y laisser les autres, lors qu'il auoit vn souuerain sur luy, & mille choses à redoubter & craindre, y a il apparence qu'estant deuenue le Seigneur & maistre, & n'ayāt rien qu'il pense deuoir respecter sur luy, qu'il nous puisse conseruer en paix? Que n'ayant laissé rien entreprendre sous la peau de renard pour ruiner l'Eglise Catholique lors qu'il auoit si peu de moyen, que pouuons nous penser qu'il ne presume sous la peau de lyon, quand il se verroit nommer Roy de Frâce, & enflé d'une si grāde puissance & auctorité, estant certain qu'un chacun voire, dict Saluiā, le pl<sup>r</sup> sage, fait accroissement de ses vices avec la prosperité, & que l'orgueil & presumption de ceux, qui haïssent le Seigneur, dit Dauid, se chauffe & croit tousiours. Si

lors que la seule cōsideration & crainte de prouo-  
quer tous les ordres & les Catholiques a son ex-  
clusion du Royaume, estoit vn trespuiſſant tyran  
pour retirer & deterrer de tant d'actes d'hostilité  
cōtre eux, l'inimitié & la passiō extreme qu'il por-  
te cōtre la religiō Catholique, accompagné d'une  
grande opinion de ses moyens & forces, & de la  
cōtinuelle souuenâce & vengeance de la iournee  
S. Barthelemy luy a tant cōmādé, que dè luy auoir  
faict oublier toute humanité & respect, que pou-  
uōs nous attendre lors qu'il pourra parler en sou-  
uerain? Que s'il a esté si cruel contre ceux qui luy  
estoient compagnons en deuoir de fidelité, hom-  
mage & subiectiō, sera il humain enuers eux qu'il  
tiēdra pour ses vassaux, seruiteurs, & naturels sub-  
iets? veu que ordinairement l'oppressiō & la ven-  
geâce s'accroist du desdai de l'iniure: & que nulle  
n'apporte pl<sup>r</sup> de desdain à vn souuerain que celle  
qu'il reçoit ou pēse receuoir de ses subiets. Si lon  
dit que les cruautéz commises en ces guerres ne  
sont prouenues de luy, ne de son commandemēt,  
ce seul qu'il ne s'y est opposé pour faire iustice  
ains qu'il les a deffendues & auctorisees, ne nous  
mōstre-il pas bien combié il sera fauorable & in-  
dulgēt à la rage & frenesie de l'heresie, n'y ayāt au-  
cune difference entre celuy qui permet quelque  
chose, la pouuāt empescher à celuy qui l'a cōman-  
dé. Se peut il esperer, que n'ayant tasché toute sa  
vie, soit par vn zeile indiscret, soit par vne furie  
mortelle, & malice ambitieuse enuers le party  
heretique & l'estat, qu'à renuerser les Eglises, &  
estreindre en tous les lieux qu'il a peu le nom de  
Dieu, de ses Saincts, & de la religion Catholique,

& à estre le bourreau de nos cōsciences, voire es lieux ou il n'a aucune auctorité legitime, qu'il vueille cōseruer nostre rel. lors qu'il la pēsera pouuoir oster & par auctorité, & par puisāce & force

*Le R. de N.  
ennemy des  
Cathol.*

Est il imaginable que luy, qui n'a iamais entre-tenu que similté & querelle contre les Princes & Seigneurs de ce Royaume, de sorte qu'il ne l'ont peu iamais placquet ou appaiser par aucun bien, seruice, ny respect, se refonde tellemēt en la cōposition de ses humeurs, passions, & intentions, qu'il les puisse aimer, & cherit en bon pere, & nous faire viure en amitié. Que ayant esté ennemy par si longues années des Catholiques contre les commandemens & Edicts des Rois ses souuerains, pour son ambition & naturel deffiant (S'il en a eutre au mode) qu'il laisse leurs Eglises sus pieds, & l'exercice de leur religion : & qu'il deuienne leur amy tout à l'instāt, lors que luy mesme pourra faire les Edicts, & que la ialousie d'estat, que la memoire des iniures & forfaits d'une part & d'autres s'esueillera, & que l'occasion de deffiance reciproque y sera beaucoup plus grāde que deuāt? Finalemēt qu'ayant tasché de faire prédre miserablemēt les Catholiques sous le voile de Iustice, par le moyē de ses chambres de l'Edict, triparties, & miparties establies comme des nouveaux monstres contre l'expériēce de tous les siecles, & notamment cōtre les loix & formes du Royaume, & composees de persōnes triées & choisies pour luy: quelz Iuges pourrōt ils esperer, qu'ils puissent congnoistre de leurs miseres? Se trouueroit il pour lors aucun Catholique, qui ne fust pendu souz la couuerture tissue & ramée de crime de rebellion & sedition?

ou sous vn autre pretexte par gens qu'il establiront en la iustice ennemie de la religion Cath. ou peu zelés à icelle, & faicts à sa guise & cordelle, pour asseruir tous les ordres à sa volonté & tyrannie, & pour nous traicter tous en esclaves?

Si nous auons veu vn Châcellier fauorable aux Huguenots, vn Bailly, vn Cōseiller auoit esté cause de tant de maux, par leur heresie, que deuons nous attendre de la puissance absolue & souueraine d'un Roy heretique? Si l'heresie est le crime des crimes à blasmer & à chastier aigtemēt en chacun particulier que sera elle en vn Roy: veu que la ou la prerogatiue est plus grande (dit Saluian) la coulpe y est aussi plus à blasmer, & la punition y doit estre plus griefue? S'il n'ya aucun si mal aduisé, qui voulsist fier dix escus à distribuer au seruiteur qui l'auoit trompé ou desrobé par deux ou trois fois, cōment fierons nous tous noz biens & tout l'estat de nos affaires à celui & ceux qui les ont si mal mesnagez pas tant de fois? Les Rois sōt pour la cōmodité de leurs suiets, & nous ne serōs que pour assouuir l'ambition & cruauté du R. de N. Si iamais il ne s'est veu Roy ou Prince heret. de quelque bonne nature & ttempe qu'il fut lequel n'aye tasché de tout son pouuoir, à abolir la religiō Catho. Si iamais Roiaume ou estat n'a chagé de religiō, sinon avec extreme violence & grāde effusion de sang, tesmoing de nos iours les Roiaumes de Suede, Escosse, Angleterre, Danemarc, Bearn, & les cantons de Souisses, quel enchantemēt ou folie nous peut faire esperer mieux du R. de N. Ne seroit ce pas vn des pl<sup>r</sup> grāds miracles du mōde, s'il en aduenoit autremēt? Seroit il moīdre

*Vn Roy heretique dāgereux.*

*Seroit miracle si le R. de N. ne estoit contraire à la religion Catholique.*

que ne s'eschauffer poit ou brusler dās vne fornai-  
se ardente, puis qu'il est trescertain au iugemēt des  
Theologiēs, & de tous ministres de quelque secte  
qu'ils soyēt, que la nature du feu, n'est pas plus de  
brusler, de chasser, & estre cōtraire au froit, que la  
nature de l'heresie est de hayr les Catholi. chasser  
& estre cōtraite à sa religion? Pouuons nous faire  
vn plus grand acte de folie, que fonder nos reso-  
lutions sut l'attente de miracle? Quelle apparēce  
y a il d'vn croite de sa part de semblables? quelle  
asseurāce en a on que de paroles contre les effects  
& l'experience de tous les heretiques & siecles?

Sera-il dit que ce Ismael François aye ses mains  
cōtre tous? & que les mains de tous ne soient con-  
tre luy? Sera il dit, que cōtre les vz, coustumes, loix  
& exēples du Royaume & de la Chrestiéte, voire  
contre l'expres commandement de Dieu, nous  
soions si desloiaux, que de receuoir en noz villes,  
& recognoistre en ce royaume vn Roy heretique?  
Sera il dit que nous soyons si desastrés & malheu-  
reux, que de nous precipiter à nostre escient con-  
tre tout droit, sans propos ny raison, ny sans au-  
cune apparence de bien, à tant de dangers, incon-  
ueniens & hazards qu'il y a de perdre entieremēt  
la foy Chrestienne, & que le changemēt d'vn estat  
Chrestien en vn qui est heretique aporte avec foy?  
que nous soyons si ennemis de nous mesmes, que  
de mettre l'espée en la main de nostre ennemi,  
pour se reuancher de nous à sa discretion? que de  
nous plōger à vn abisme de tant de maux & mal-  
heurs, avec lesquels nous perdions tous à coup  
nos biens, nos hōneurs, nostre liberré, nostre vie,  
nostre patrie, nostre renommée, la bonne intel-

ligence des Princes Chrestiens & voisins, nostre  
 religion, nostre consciëce, nostre ame, & l'amour  
 de Dieu? Que nous soyôs si fols, que de preferer,  
 (comme parle Tertullian) l'opiniastrété à nostre *Folie se ha*  
 salut, & de nous exposer au seul doute de pis, sans *zarder à ve*  
 rien qui nous presse, nous en pouuans preferuer? *cenoir un*  
 Sera-il dit que nous perdions honteusement ceste *R. heretiq.*  
 grande loüange, dont toutes les gens & nations  
 du monde ont tant recommandé & celebré no-  
 stre nation d'estre la plus fidele, deuote, amoureu-  
 se, & ialouse de la gloire de Dieu & de la religion  
 Chrestienne, qu'autre que iamais aye esté? Don-  
 nerons nous en proye (dit S. Cyprian) l'ordonâce  
 de l'Euangile au diable? abandonnerôs nous l'in-  
 stitutiô de Iesus Christ? quitterôs nous la majesté  
 de Dieu? romprons nous les sermens que nous a-  
 uons faits en la guerre diuine? Liurerons & trahy-  
 rons nous les enseignes des choses sacrees & cele-  
 stes? Permettrons nous que l'Eglise succombe, &  
 qu'elle cede aux heretiques? la lumiere aux tene-  
 bres? la foy à la desloyauté? l'esperoir au desespoir?  
 raison & droit à erreur? immortalité à la mort?  
 charité à haine? verité à mensonge? Christ à l'An-  
 techrist? Finablement cōment pourrôs nous en sai-  
 ne consciëce crier viue le Roy, à celuy qu'il nous  
 est deffendu de saluër? Et quel assez rigoureux iu-  
 gement de Dieu, pouuons nous nous imaginer  
 pour ce grād nombre d'ames, de la perte desquel-  
 les nous serons cause par vn si lasche consente-  
 ment à telle promotion heretique?

Faute de Prince du sang, qui soit Cath. & de ceste  
 famille de Bourbon, que nos loix & tout le mōde  
 appellët à la courōne, nous pourroit-elle lors faire



reietté entre les bras du R. de N. conuaincu & cō-  
dāné pour heret. & ennemy de l'Eglise de Dieu, &  
de ses enfans, & du roiaume? La crainte basse &  
pufillanime de luy desplaire, pourra-elle plus sur  
nous que celle d'offencer Dieu, & de nous hazar-  
der en vn abisme de miseres & oppressions? Les  
moyens des heret. pour luy aider à y paruenir, peu-  
uent-ils entrer en aucune consideration de con-  
trepoix avec ceux, que les Catholiques ont pour  
l'en empescher? La temeraire hardiesse de l'Hu-  
guenot pourra-elle dauantage que la sage magna-  
nimité ou catholique? La ruse & finesse de l'heret.  
intimidera ou enforcera elle plus de gens, que  
la rondeur & sincerité du Cathol. n'en esueillera  
ou encouragera? La vaine opinion de pouuoir vi-  
ure en paix & repos souz luy nous fera-elle mes-  
priser l'assurance certaine d'une guerre immor-  
telles & intestines & estrāgere? La mine qu'ils font  
meschammēt & fraudeusemēt de tenir le Roy à  
leur deuotion & de l'auoir gaigné contre ceux de  
Guise, & la religion Cathol. trouuera-elle plus de  
croyance, que tant de signales & si continuels ef-  
fects de la pieté de sa Majesté enuers Dieu & l'E-  
glise, & de sa bienueillance & prouidence enuers  
cette maison, & tous les Cath? Le faux & calom-  
nieux pretexte, qu'ils prennent contre ceux de la  
maison de Lorraine, pourra-il plus sur nous, que  
les grands effects de leur anciēne & accoustumee  
fidelité enuers cest estat & affection à l'Eglise Ca-  
thol? Sera-il dit que l'interpretatiō que font leurs  
ennemis de leur volonté & intention, (qui est vne  
piece secrette & du seul ressort du conseil priué  
de Dieu, trouue plus de foy au monde, que la de-

*Le Roy calomnié à tort.*

*Lorraine.  
Fidelité de  
la maison  
de Lorrain.*

claration qu'eux-mesmes en font, ou pour mieux dire leurs propres actions? S'il suffit d'accuser, disoit l'ancien Empereur, qui pourra estre innocent? Finablement sera-il dit que ceux, qui n'ont acquis l'inimitié de l'heretique, que pour la deffence du Cathol. desquels les peres sont morts pour nous faire viure, & qui tous ensemble se sont exposez avec leurs biens & vies pour la tuition des loix du royaume, & manutention de nostre liberté & exercice de nostre religion, soient à present priuez du tesmoignage de la conscience des Catholiques? Qu'ils soient abandonnez de l'assistance de leurs personnes moyens & forces, lors que leur ennemy comun leur veut particulierement rompre la teste d'un pesant sceptre: qu'il les appelle au combat, & les prouoque par des desmentis, pour seruir d'injure irreconciliable, & sachant bien (comme dit l'ancié Apologue Grec,) q<sup>ue</sup> les chiens ostes, il rauira & engloutira bien aisement à son plaisir les aigleaux & moutons. Il est bien seant & raisonnable, dit le Concile 7, de Toled. Que nous donnions repos & tranquillité à la posterité de ceux, par le moyen & gouvernement desquels nous iouyssons de la seüreté, que nous auons. A l'exemple de peres de l'ancienne Eglise, qui ont mieux aimé subir infinis tormes & exils, deuant qu'abandonner la cause & deffence de ce bon Euesque saint Athanase, qui estoit tant hay des Arriens, ou bien consentir à chose quelconque, qui luy fut aucunement preiudiciable, combien qu'il fut si hay de Constantius qu'iceluy souloit dire n'estimer victoire si agreable, que de l'accabler, & quelque commodement que fissent les autres Empereurs à l'in-

*Les Cath.  
sontobligez  
à defendre  
ceux de  
Lorraine.*

*Les anciens  
n'ot iamais  
voulu aban-  
donner la  
defence de  
S. Atha-  
nase.*

stance des heretiques, la poursuite & haine desquels s'affectionnoit d'autâr plus le Cath. qu'elle leur seruiroit de tesmoignage tres-cler, combien sa vie & soustien estoit vrile, & de seruice à tout le corps & communauté de l'Eglise.

*Les her. ne  
se maintien-  
nent que des  
pechez des  
Cathol.*

Sus donc, nous sommes tous certains, que les diuisions, que nous voyons estre pour le fait de la religion, & par consequent pour l'Estat, ne sont qu'autant de tesmoignage de l'ire de Dieu contre nos pechez, lesquels sont à la verité les vrais nourrisiers de nos malheurs, nous disons contre nos pechez, de nous Catholiques, que Dieu par sa grâde misericorde & sainte prouidêce veut par ces chastiemens preseruer des rigoureux iugemens de l'autre du monde, pour lesquels principalement il a reserué & reserue ceux qui sont hors l'Eglise,

*Le vray re-  
mede cōtre  
eux c'est la  
correction  
de vie.*

soient heretiq. ou infideles. C'est pourquoy nous ne pouuôs douter, que le vray remede & preseruatif, pour retenir le cours de tât de miseres & calamitez, qui nous menacent, ne soit d'appaiser Dieu par amendemēt de nos vies, en redoublant nostre zele & deuotiō enuers sa gloire & religion, & tenât pour tres-certain le dire de ce grād Irenée nostre Euesque de Lyon, Que la corruptiō & putrefactiō n'est pas plus l'entretien de la mouche, que nos deffauts & imperfections sont de l'heresie. Cela presuppôsé & allant le premier, cōme nous suppliôs vn chacun s'y disposer de cœur & d'ame, nous deuons esperer que Dieu nous en deliurera du tout: où si pour nos pechez il permet, que l'Apostat & l'hypocrite regne sur nous, cōme parle l'Escripture sainte, qu'il ne le tollera que bien à point, & autant de tēps qu'il ne pourra seruir que  
pour

pour exercice & preuue de nōz vertus, & pour la gloire de la fidelité, seruitude, & obeissance que nous luy deuōs. Que si bien les mouches nous fascchent, au moins nous sōmes assurez, qu'elles ne nous peuuent gueres offencer, moins engloutir, cōme les Lyōs, dragōs, ou tygres: & qu'aucc le moindre esuantail ou festu nous en pouuons defendre.

Si le zele de la religion nous y a poullé autrefois qui l'empeschera de produire maintenant ce mesme effect en la necessité presente? Si la resolution de nostre Clouis, & de noz premiers peres Catholiques pour fonder ce royaume à este telle cōtre les Roys heretiques leurs voisins, sur lesquels, sans leur heresie, ils n'auoient rié que voir (le porte, leur dit Clouis, fort à cōtre-cœur, que les heretiques tiennent vne partie des Gaules: allons souz la faueur de Dieu contr'eux, & mettons souz nostre puissance les terres de leur obeissance) n'auōs nous pas honte de nous laisser aller à toute contraire chance & resolution pour dire, Que nous auons à grand gré & contentemēt que les heretiques tiennēt en la personne d'vn Rōy heretique, non vne partie, mais tout le royaume de Gaules, & que nous pensions que Dieu venille que nous nous ioignōis à eux, & que nous submettions à son regne & dominiō les places & pays qui sont en la puissance des Catholiques? Si les heretiques ont cōbatu pour vne lieēe desbordée de cōscience, & pour leurs folles & enragées opinions contre leur vray Roy, serons nous moins lasches de combattre contre vn vsurpateur, pour la liberré de nostre religion, & pour nostre heritage: pour laquelle nous deuons estre fermes & constans iuf-

*Faut s'op-  
poser à l'he-  
resie.*

*En C  
tenue en  
marche*

ques à la mort, dit l'Escripture? Dieu nous a faict la grace d'y auoir apporté vne si grande constance iusques icy, defaudrons nous à present au besoin? Si nous auons peu nous preseruer de la poincte & de l'esguillon de l'heresie souz les ieunes ans de noz Roys, la craindrons nous maintenât qu'elle a iecté son venin & son feu, & qu'il ne luy reste plus, que le bec, & les aisles, pour nous faire peur, ou nous esueille, principalement ayant vn Roy si sage, si Cathol. de l'affectiō & valeur duquel nous ne pouuons aucunement douter, si nous ne sommes du tout bestes & meschans non plus que de la sage prudence, & prudente sagesse de la Royne mere, laquelle pour le cōtinuel soin qu'elle a eu de nous & de nostre religion, nous pouuons aussi veritablement appeller nostre Mere & du royaume & des trois Estat, que la Mere de noz trois Roys.

Si lors que les Princes & principaux Officiers & Gouverneurs des Prouinces, ie die bonne partie d'iceux comme aussi de la Noblesse, nous ont esté contraires, & que ce qui nous restoit, estoit encores de bien petite intelligence ensemble, nous auons eu le courage de ne nous estonner point, combien nous doit il redoubler en ceste faison, que nous les voyons tous vnis d'une sainte vnion contre l'heresie, borde de ceste belle haye ou tranchee de 24. Princes de la maison de Lorraine? qui tous ensemble ont iuré à Dieu & promis au Roy, & à cest estat, d'exposer leurs biens & vies, plustost que l'heresie nous gourmande, & qu'autre Roy que Catholique nous commande. Finalement, si nous auons faict si bonne garde lors, que l'ennemy ne nous approchoit de

*Les Cath.  
ne doiuent  
craindre.*

si pres, dormirons nous à cest heure, qu'il nous asseure, qu'il a pensé à ses affaires, & qu'il est prest de faire son plus grand effort, & venir aux mains? Si nous deffailions au milieu de la course, pourrions nous cuiter d'estre accusez de tous d'auoir vilainement trahy & Dieu & son Eglise, & d'auoir mis le feu non seulement en nostre patrie, mais par toute la Chrestienté? De quel soing & sollicitude (disoit le cinquiesme Synode general de Cōstantinople) deuons nous embrasser ce, qui concerne nostre salut, quand nous voyōs la meurtriere perdition de l'heresie se vouloir ainsi aduancer? N'aurons nous pas honte (disoit-elle) de nous comporter nonchalamment pour les loix de verité, quand nous voyons que les erreurs sont defendus avec si grande violence, obstination & opiniastrété?

Si pour la moindre offence contre nostre particulier, ou le moindre pas de terre, que l'estranger puisse empieter sur noz limites, nous ne laissons pierre à remuer, y aura-il iniure plus grande, & qui nous touche de plus pres, quel'entreprinse qui est faicte sur noz loix & coustumes & contre l'Eglise de Dieu & à la religion de noz peres & de nostre nation? Aurōs-nous le cœur si failly & effeminé, que d'abiurer nostre religion par vn silence plein de desloyauté, & d'embrasser seruiement & en esclauēs & forçats (comme si nous estions autres, que Francs ou François) toutes sortes d'impietez? Serons nous riedes ou timides en vne cause si commune & de si grand poix? Celly-là (disoit vn ancien) se peut-il dire courageux & fort, à qui le cœur ne croit & redouble sur la difficulté? C'est au Chrestien (disoit à ce mesme

*Combatre  
pour la re-  
ligion.*

propos S. Bernard) d'esperer & se fortifier parmy les dangers.

*Ne se fier  
au Roy de  
Nau. n'y a  
l'Hugue.*

Nous recognoissons tant de meschancetez en l'heresie, & si peu de fidelité és paroles du R. de N. & tant de haine & deffiance contre les bons Catholiques & leur religion que nostre seule esperance apres le Roy & Dieu, & les moyens, qu'il nous a dōnez, doit estre, de ne mettre en luy aucune esperance de repos salut & bonne composition : & ce d'autant plus que les nerfs & arteres de la prudence (disent Cicero & S. Ambroise) consistent à ne se fier point facilement. Et comme dit le Pape Sixte I. Plus vtile de beaucoup est le desespoir, qui nous en mene à vne esperance, que l'esperance, qui se finist en desespoir. Gardons nous seulement de parlementer & composer avec luy ou les siens, en façon quelconque. Car leur langue est sans comparaison plus dangereuse, que leurs canōs, leurs amielemens, que leurs armes, & leur hypocrisie & dissimulation, que leurs raisons.

*Misere des  
Cath. foux  
le R. de N.*

Nous preuoyons vn si grand desordre par son moyen, vne si grāde calamité des Cath. qu'ils sont aussi assurez que ceux de Bearn, de Leitoure, de Nisines, de Mōtauban, de la Rochelle, & d'Angleterre, d'estre priuez en Frāce, s'il est creu, du saint sacrifice de la Messe, de l'administration & vsage des Sacremēs, sans lesquels il est necessaire que l'ame perisse, nō moins que le corps sans nourriture: d'estre poussez à leur Presche à coups de baston, & par la peine de prison, amandes & priuation de leurs biens: d'estre forcez à faire profession d'autre religion contraire à la foy Chrestienne, avec la damnation de leurs amēs: Bref, de viure en mille

dangers, indignitez, oppressions, vexations, terreurs, frayeurs, empoisonnemens, confiscations de biens, inimitiez, calomnies, fauces accusations, & mille haines & menaces : finalement contraincts d'ouir infinis conuices, & blasphemés contre les Saints, cōtre les superieurs Ecclesiastiques, & en derisiō & moquerie de nostre religiō, voir dresser à tout propos des Croix, pour seruir de gibbets & opprobre, sās que nous oziōs en ouurir la bouche.

Mais n'y a-il point de conseil en terre, pour fuir ces dangers extremes ? Tant que Dieu nous con- *Se liguier  
souz le R.*seruera nostre bon & tres-Chrestien Roy, & la tres-Catholique Royne Mere, qui estiment plus d'estre membres de l'Eglise (ainsi que saint Augustin tesmoigne que faisoit Theodose le Grand) que de regner en terre, nous n'auōs point à craindre qu'ils nous iectent, ou abandonnent à la geule du Lyon. C'est de nostre deuoir seulement d'entretenir leur bien-veillance par tres-fidele obeissance, & nous maintenir tous bien serrez, croisez, liguez, affretez, & vnis souz le respect, seruice, fidelité, & subiection, que nous leur deuons tous, & par nature, & par tant de sortes d'obligations, contre le cōmun ennemy de l'estat & de Dieu. Ils cognoissent bien clairement à present le danger, dont la religion & cest estat est menacé. Ils ont donné vn si long temps, & si bō loisir au R. de N. & aux Huguenots de se recognoistre, qu'ils touchēt au doigt, & ont cogneu euidēment, par la negociation de la Royne Mere, que sa conuersiō est du tout desesperē, & qu'il n'a autre intention, que d'installer l'heresie, & s'installer par & avec icelle : & que partāt vne plus grāde douceur, & dilation,



ne sert de rien, qu'à l'enfler & endurcir davantage. En quoy nous deuons aider leurs bonnes volontez de noz biens, moyens & vies : afin qu'ils puissent s'y opposer viuement avec l'assistance des Princes & Seigneurs, que leur Ma. scauēt estre affectionnez à ceste cause, & à leur seruice: confidés de leurs bons subiects. Cath. & y estre obligez de nature, de succession de pere en fils, & par tant de sermens particuliers, intereſts signalez, ou bien receuz de leurs Maieſtez. Lesquels nous supplions tous vouloir continuer de mieux en mieux, sans se laisser gagner à la poison des deffiances mal-fondees, ou d'autres passions, qui ne tendent qu'à vn brigandage, & à la ruine de l'estat, voire meſme à l'aneantissement de la religion Catholique.

*Ne perdre  
cœur.*

Et si Dieu au contraire nous vouloit tant chastier que de nous priuer de ces deux grâdes lumieres & appuis, deuant d'auoir la fin de l'heresie (c'est à la verité vne trop grande perte) mais faut-il pour cela, que nous perdions cœur? Faut-il pour cela, que la peur & apprehension, que nous auons iustement de la domination & tyrannie de l'heresie en la personne du R. de N. nous face entrer en deſeſpoir, pour plier le col souz le coute-lats, & nous soubſmettre & nostre posterité à iamais souz vn ioug insupportable? Faut-il que nous estimions (dit S. Cyprian sur semblable fait) que les efforts humains puissent d'auantage à nous assaillir, que ne peut la protection & sauuegarde de Dieu à defendre les siens? Faut-il tres-cher frere mettre bas la dignité de l'Eglise Cathol. & la Maieſté inuiolable du peuple fidele, qui est en icelle, & l'auctorité & puissance sacerdotale, pour au-

tant que ceux, qui sont hors l'Eglise disent, qu'ils  
 veulēt iuger de celuy, qui est superieur en l'Eglise?  
 les heretiques d'un chrestien: ceux qui sont nautez,  
 de celui qui est sain? les deuoyez de celui qui a esté  
 tousiours ferme? ceux qui sont condānez, du iuge?  
 les sacrileges & Apostats du Prestre & Prelat?

Ne sçauōs nous point que nostre espoux reserue *Dieu aide*  
 le bō vin sur la fin? Ne sçauōs nous pas que la ioye *lors qu'on*  
 de l'enfantement ne vient qu'apres les douleurs & *peut mieux*  
 tranchees? Ne sçauōs nous pas que la vraye lumie- *re*  
 re est apparue, nee & ressuscitee en plain minuit? *recongnoi-*  
 & que lors qu'on cuide que les meschās sont plus *stre son*  
 en grade & force, c'est à l'heure que Dieu ioue ses *aide.*  
 coups de maistre, pour les precipiter en bas? Ne  
 sçauōs nous pas que les grāds biēs n'arriuent iamais  
 qu'apres les grands maux? ny la santé qu'apres la  
 crise & l'apparence de mort? Bref, ne sçauōs nous  
 pas que Dieu parmy son ire n'oublie iamais sa mi-  
 sericorde, & qu'apres le chastiment il met les ver-  
 ges au feu Ne nous rendōs point laschemēt à l'he-  
 resie, comme si nous auions ceste meschante & de-  
 testable opiniō, que Dieu ne nous puisse defendre  
 & conseruer en nous opposans à l'heresie, & nous  
 affectionnans & formalisans pour la verité.

Les autres moyēs, qui nous resterōt lors ne serōt  
 ils pas pl<sup>9</sup> que suffisās pour repousser celuy q nous  
 pouuōs craindre? Faut il pēser que leurs Maiestez  
 preuoyant cest accidēt proche, n'y apportent tout  
 ce que les gens de biē en peuuent desirer? sçachās *Vn bō suc-*  
 biē qu'il n'y a plus beau epitaphe du sepulchre des *cess. ur est*  
 Empereurs ny des Rois. ny qui orne & recōmande *l'epitaphe*  
 plus leur memoire (disoit Tibere 2.) que la pieté *des Roys.*  
 & les vertus de leurs successeurs en l'Empire &

royaume? Faut-il pēser que les Princes, qui auront par le passé monstré teste, se cachent ou calēt voile. Faut-il penser que les Cours de Parlement n'y rapportent leur sagesse & maturité accoustumee? Que tous les ordres s'oublient au besoin, afin de ne donner place à la confusion, & qu'ils ne sçachent pas bien tost en arrester le cours, & se resoudre de celui, qu'on deura tenir & obeyr pour Roy, & lequel nous puisse tous regir par les loix, & defendre par les armes.

Esperons que Dieu leur sçaura tres-bié inspirer & enseigner les remedes d'y pourueoir sans alteration ny changement des loix & formes du royaume ny des grades, droits, & priuileges d'un chacun.

*Employer  
verd et sec  
contre la  
Roy de N.*

Que chacun se resolue dès à present en soy-mesmes d'y apporter tout soudain ce qui despendra de soy, singulierement de s'opposer de tout son zele, de tout soing, de toute son ame, de toute sa puissance, & de toutes ses forces, moyēs & vœux, conformément au zele du Roy, & à l'intention des gens de bien à ce Roy de Nauarre leur aduersaire capital, & leur tres-dangereux ennemy intestin public, & coniuéré par interest, par vœu, par serment & professiō, par heritage & accoustumance, & qui est à tout l'estat, non seulement en desfiāce mais en horreur, pour aimer plustost exposer ce royaume en proye aux Reistres & estrangers, que rien rabatre de ses passions, ny des folies de ses ministres, moins encores de la cruauté de ses sacquemens & piccoreurs, pour nous laisser en repos, & en l'estat que nous estiōs deuāt qu'il fut nay. C'est vne besogne & vn peril singulier, il y faut aussi apporter vne diligence & affection singuliere, puis

qu'il y à du salut commun contre les communs ennemis: il y faut (dict saint Leon) vne commune vigilance. L'on voit que la religion & l'estat menace cheute & ruyne: il y faut courre au deuât, pour l'appuyer par tous efforts & moyes, qui par ardentes oraisons, & prieres continuell s, qui par auctorité, conseil, forces, deniers & autres moyens, que Dieu leur à donné, qui par sermons, qui par escrits, afin de faire cognoistre pour iamais à tout le monde, la malice, l'execration & le danger de l'heresie Caluinienne, & ce que l'on doit & peut attendre particulièrement du R. de N. & afin de remplir de confusion & honte ceux, qui presument par leur beau langage, grands escrits, & fauces couleurs de raison, la tranfigurer en inspiration de Dieu & le R. de N. en ange de lumiere, pensans par là, pouoir combattre & chasser la raison, esblouyr les yeux de gens de bien, & des personnes simples, en leur representant le Roy de Nauarre si fardé, & biē peinct qu'ils le prennēt pour tout autre qu'il n'est, & afin qu'ils ne fassent distinction entre vn estat Chrestien ou infidelle, entre le Royaume de France & celui des Scithes ou des Turcs, entre la poulle & le renard, le loup & la brebis. Estant plus que veritable le dire de saint Paul, Que l'Antechrist sera vaincu, & desfait lors, qu'il sera cogneu & reuelé, & que les heretiques ne peuuent plus profiter à tromper le monde, depuis qu'ils sont descouuers, & que leur naturel, œuures & desfaings sont manifestes.

*Faut tascher de descouuoir à vn chacun le masque & faux visage du R. de N.*

Que chacun se propose de maintenir ceste bonne vniō & intelligēce souz le Roy (que le vulgaire appelle Ligue) & l'auoir aussi recōmandee & che-

re, que sa propre vie, comme estant assuré, que c'est le seul ou principal moyen de conseruer, & l'estat & l'vsage de sa religion & ses propres commoditez. Ne permettons point, que vne commune cause soit hazardee avec vne partie de ses forces.

*La Relig.  
Cath. pre-  
uandra.*

Esperons que la verité, & singulierement celle de la religion Catholique preuandra infalliblement, suiuant l'escriture, par dessus le vin, la femme, & le Roy : Que comme des actions & entreprises iniustes la fin en est tousiours sinistre & miserable : aussy au contraire qu'il ne nous peut que tres-bien succeder de nous affectionner, pour la cause de Dieu & de sa religion : qu'il ne nous peut que bien reussir de nous formaliser contre ses ennemis & ceux qui voudroient bannir sa foy, sa cognoissance, & son seruice de la France: que nous ne nous pouuons repentir de combattre, pour les loix fondamentales du Royaume, pour les coustumes & vsances anciennes de nostre patrie, avec assurance, que Dieu ne sera pas seulement conducteur de noz forces, mais aussi comme vn compagnon combatant avec nous. Si c'est chose verifiee de toute ancienneté en l'Eglise (dict Lyrinensis) que tant plus l'on à de religion, l'on est contraire à l'heresie: si le François à esté tousiours renommé en affection de religion, n'aura-il point en haine & detestation l'heresie? Si Nabot est loué d'auoir mieux aimé s'exposer à tous dangers de la vie, plustost que d'abandonner sa vigne de patrimoine à vn Roy heretique, que deuons nous faire de la vigne de Dieu, & de ce Royaume, lequel à esté ses delices l'exercice de ses misericordes & bien-faits

*Faut hair  
l'heresie.*

par si l'on temps?

Si ceux-la ont tousiours esté estimez dignes d'une  
 extreme loüange, qui ont exposé & leurs biens &  
 leurs vies pour les loix, les coustumes & le salut de  
 leur patrie, que fera ce de ceux, qui dōnent leur vie  
 & leurs biens à la cause de Dieu, lequel leur en rē-  
 dra en chāge vne vie eternelle & des biēs presents  
 & immortels? Les lignees de Zabulō & Nephtaly,  
 ont recommandé leur nom à la posterité, pour a-  
 uoir consacré leurs vies à la deliurance du peuple.  
 Othoniel, Aod, Samg, Debora, Iabel, Cedeō, Ieph-  
 te, Sanfon, Iudith, & les Machabees sont & seront  
 à iamais louez & estimez, pour s'estre employez à  
 la defence de la religion de Dieu. Et au contraire  
 Debora faict donner maledictions à ceux de Ru-  
 ben, de Dan, D'afer & Merob, par ce qu'ils ne s'e-  
 stoient trouuez à l'aide & secours du Seigneur cō-  
 tre ses ennemis. Si le plus grand de noz amis vou-  
 loit empieter vn ponce sur nostre terre, nous n'ou-  
 blierōs rien pour luy resister: & cependant que les  
 ennemis de Dieu fourrageront son Eglise, nous  
 cacherons nous dedans noz maisons, comme si  
 nous estions sans charité, sans Dieu, sans religion,  
 sans cœur, sans mains, sans bras, & sans armes? Si  
 les Huguenots en si petit nombre ont monstré tāt  
 de courage & de perseuerance pour vne singerie  
 & vaine vmbre de religion iusques à y exposer  
 leur propre sang, vie, & biens: que deuons nous  
 faire pour la deffence de la vraye religion Chre-  
 stienne & Catholique? Sus sus donc s'il nous re-  
 ste quelque sentiment de religion, si nous ne som-  
 mes despouillez de toute humanité & pieté, em-  
 brassons la cause de Dieu. Si nous auons aucun ze-

*Louables  
 zelateurs  
 de la relig.  
 Cath.*

*Maudits  
 ceux qui  
 ne aident  
 à la cause  
 de la Reli.*

*Exhorta-  
 tion finale*

le à sa gloire, si la charité nous esmeut, si nous sommes antez & conioincts en vn corps, avec le reste des Catholiques du monde, si nous desirons nostre repos, monstons le par œuvre & par effect. Combatons pour la gloire de Dieu, pour la paix & tranquillité de la France, & de la Chrestienté, pour noz femmes & noz enfâs, pour noz fouiers, & principalement pour noz Autels, nous disons mesmes pour la reputation de nostre France, qui à esté iusques icy, & la loy & l'exemple des autres nations, & au zele de la religion, & en affection de la patrie, & en la conseruation de ses loix & formes. Faisons que noz puisnez & pauures Anglois, & Biarnoïs Catholiques, qui sont si miserablement traictez & priuez des moyens de leur salut, prennent cœur de nostre constance, qu'ils puissent esperer par nostre santé & prosperité de iouyr en brieſ de la liberré de conscience, & de l'exercice de nostre religion. Nous vous prions particulièrement vous autres Anglois Catholiques nous continuer voz bons aduertissemens, & nous departir des ces deuotes prieres, que vous faictes parmy les liens & les prisons, avec assurance, que Dieu ne permettra point, que vostre affliction surpasse voz forces, estans ioincts à luy, ains les vous fera proffiter à la grosse vsure, comme dict saint Paul. Et de nostre part nous ne vous oublierons iamais en tout ce que noz moyens se pourront entendre.

Prions tous ensemble Dieu pour la vraye conuersion à la foy Chrestienne & Catholique & de vostre Royne, & du Roy de Nauarre & de tous heretiques : afin que vous & nous ayons moyen

de les respecter & aimer en saine conscience, & de  
 esperer autant de bienueuillance, & repos de leur  
 conuersion & grandeur, qu'elle nous a esté par le  
 passé en terreur, vexation, defiance, & en haine,  
 comme estant des plus grands ennemis de Dieu,  
 & de son peuple. Et si Dieu cognoist qu'ils soient  
 reprouuez, & s'ils ne se conuertissent, qu'ils soient  
 brisez, comme prioyent les anciens peres, contre  
 les heretiques de leur temps. Supplions tresinstam-  
 ment Dieu, qu'il luy plaise fortifier les saintes in-  
 tentions, & souhaits de leurs maiestez, & des Prin-  
 ces Chrestiens, afin puis que c'est vn mesme affai-  
 re de leur cause, & de celle de Dieu, & de la foy,  
 qu'ils se resoluét vne fois pour toutes, d'auoir vne  
 fin finale de l'heresie, plustost que plus tard, avec  
 son aide & l'assistance qu'il a promise à ceux, qui  
 seront de bonne volonté. Nous n'oblirons point  
 aussi de flechir les genoux de nos cœurs deuant la  
 diuine maiesté: afin qu'elle vueille guider & con-  
 duire tellement les deliberations, les vœux & les  
 opinions de ces Seigneurs Polognois, qui sont à  
 present assemblez pour l'election de leur Roy  
 (ou plustost du Vicaire de nostre Roy & le leur)  
 en faueur desquels nous auons hasté l'enfante-  
 ment de ce discours, que le sort ne tombe que  
 sur vn Prince Catholique, autant d'effect que de  
 nom, selon leur bonne & louable coustume, &  
 conformement à la Tres-chrestienne foy, à la  
 tres-ardante religion, & à la tres-deuoté pieté de  
 nostre commun Henry Tres-chrestien de éternel-  
 le memoire.

Avec assurance que si nous cerchons tous pre-  
 mierement & sur tout la conseruation de la reli-

*Aut con-  
 uertantur  
 aut conte-  
 rantur.*

*Priere aux  
 Polognois.*

*Bon succès  
 si nous cer-  
 chons l'hô-  
 neur de  
 Dieu.*



*Malencō-  
tre si l'on  
reçoit un  
Roy herē-  
tique.*

gion, & la deffence de la cause de Dieu, & à luy  
cōplaire par dessus toutes choses, que c'est le vray  
& vnique chemin pour acquerir & maintenir le  
repos, & la paix de ce Royaume, & de noz villes,  
& de noz familles & de nostre posterité. La seule  
religion & pieté estant celle, disoit Theodoze le  
grand en ses derniers propos à ses enfans, qui con-  
serue la paix & le repos, qui esteinct la guerre, qui  
faict fuir les ennemis, qui erige les trophées, & la-  
quelle apporte la victoire. Autrement ne dou-  
tons point, que si nous receuons vn heretique  
pour Roy, & que si nous auons en ce, plus d'es-  
gard au sang, & à la chair, ( de mesme que nous  
eussions peu faire deuant d'estre Chrestiens ) que  
à Dieu, & aux moyens de nostre salut, ne doutōs  
point, disons nous encores vn coup, que nous ne  
verifions infalliblement sur nous, & à noz despēs,  
ou tost ou tard les deux oracles d'Apollo, l'vn ren-  
du aux Sibarites, qu'ils deuoyent perir & tout leur  
estat, lors qu'ils commanceroyent d'auoir plus  
d'esgard aux hommes, qu'à Dieu : & l'autre aux  
Pheniciens, que leurs affaires iroient mal, lors que  
les corbeaux deuiendroient blancs, qu'est autant  
à dire, que lors que les heretiques enfumez du  
noir à noircy de Sathan (dict saint Basile) seront  
reuestus de la robe blanche de Chrestien, & du  
blanc manteau royal semé & couuert de fleurs de  
lis, conformément à ce que dit saint Augustin des  
Iuifs, lesquels pour crainte qu'ils eurent de trou-  
bler le repos de leur estat renōçerēt à Iesus Christ.  
Ils ont eu crainte (dict-il) de perdre les biens  
temporels, & n'ont pas pensé à la vie eternelle : &  
ainsi ils ont perdu l'vn & l'autre. C'est ce, que vou-

loit dire nostre Seigneur, *Quiconque ayme sa vie,*  
 sa femme, ses enfans, ou ses biens plus que moy,  
 n'est pas digne de moy. Et ailleurs cherchez donc  
 premierement, & sur tout le Royaume de Dieu,  
 & toutes choses vous succederont à souhait.

*Le Seigneur est le commencement  
 & la fin.*



Handwritten text at the top of the page, likely a title or header, written in a cursive script. The text is mirrored across the page.

Handwritten text in the upper middle section of the page, possibly a date or a reference number.

Handwritten text in the center of the page, appearing to be a signature or a name.



Main body of handwritten text, consisting of several lines of cursive script. The text is mirrored across the page.

# MATIERES DE CE LIVRE en particulier.

A

- Abinration des heretiques.* 21.  
117. 393. 304. 422.  
*Ceux qui ont abiuue font contre*  
*le R. de N.* 14. 509  
*Acquisitiō inſte que la deſpouille*  
*d'un heretiq.* 391. 313.  
*Absurilité ſi la foy Catholique*  
*n'eſtoit la principale loy de tous*  
*ceux du Royaume.* 177. 194.  
195. 252.  
*Agem mal traitté du Roy de Na*  
*uarre.* 37.  
*Albigeois eſtoient de l'heresie des*  
*Calumistes combatus avec plus*  
*de 100000. hommes.* 304.  
*S'aydent du ſecours des Sarra-*  
*zins;* 84.  
*Allemands rendus tributaires aux*  
*François.* 433.  
*Ambaſſade a Charles Duc de*  
*Lorraine.* 544.  
*Ambrus commēt ſurpris.* 119.  
*Ambition ne vieillit point.* 116.  
*Admiral de Coligny Roy de le-*  
*dit de Ianuier.* 20.  
*Affricque.*  
*Eueſques d'Affricque ſoppoſent*  
*à l'heresie.* 385.  
*Angleterre.*  
*Pleine de diuerſes ſectes.* 184.  
*S'eſt inſcrite de faux contre la*  
*loy Salique.* 203.  
*Eſt liguee avec le Roy de Nauar-*  
*re.* 80.  
*Anglois anciens ennemis de la*  
*France.* 73.  
*Les Miniſtres d'Angleterre re-*  
*tiennent le nom d'Eueſques.*  
42. 50.  
*Les eſtats demandent declaration*  
*d'un ſucceſſeur à la Royne.* 147.  
*A chāge de religio ſouuēt* 19. 183.  
*Eſt du patrimoine de ſaint Pierre*  
*& rebelle au Pape.* 306. 309.  
*Royne d'Angleterre.*  
*Baſtarde & l'oſtacle qu'elle n'eſt*  
*Catholique.* 50.  
*Ses edicts tyranniques* 25.  
*Surquoy elle fonde ſa tyrannie.*  
191. 307.  
*Mett a mort la Royne d'Eſcoſ-*  
*ſe.* 235.  
*Le clergé d'Angleterre ſoppoſe à*  
*elle.* 42.  
*Apoſtat nul receu a commander*  
*aux Chreſtiens,* 384. 386.  
*Apoſtaſie voy heresie.*  
*Apoſtats Empereurs depoſez,* 397  
*Arabes d'Eſpaigne.* 414.  
*Arriēs.* 133. 202. 256. 400. 431.  
*Arriens quand chaffeux d'Eſpai-*  
*gne.* 415.  
*Les armes ont lieu en matiere de*  
*religion.* 392.  
*Armeniens quittent Maximin*  
*pour eſtre ennemy des Chre-*  
*ſtiens.* 398.  
*Armoiries ſigné de nobleſſe,* 437.  
*Arragon Royaume pour l'inſide-*  
*rité du Seigneur.* 419.

*Assassins seul peuple du monde*  
*qui n'a autre religion que celle*  
*qu'il plaist a leur Roy. 183.*  
*Aspar rebuté d'estre Empereur a*  
*cause d'heresie. 14.*  
*Sainct Athanase maintenu par*  
*les Catholiq. 401.403.*  
*Atheisme en quoy consiste il. 269.*  
*383.*  
*Atheistes de nostre temps. 383.*  
*Sont contre le R. de N. 510.*  
*Avarice d'aucuns est cause de la*  
*longueur de la guerre. 118.*  
*Autheurs du liure nō practiquez*  
*ny passionnez. 381.*

B

*Bayonne refuse l'entree au Roy de*  
*Nauarre. 82.*

Bearn.

*Les estats s'opposent aux edicts de*  
*la Roïne de Nauarre. 40.41.*  
*Forme d'estats corrompue. 41.*  
*Biarnois Catholiques oppressez.*  
*21.31.39.*  
*Carnage des Catholiques faict*  
*par Montgomery. 40.*  
*Catholique cent pour un hugue-*  
*not. 43.*  
*Le clerge & l'Eglise despoillie de*  
*ses biens. 44.45.51.379.*  
*Le Roy de Nauarre promet y re-*  
*mettre la releg. Catho. 22.*  
*Officiers Catholiques desappoin-*  
*tez. 44.51.33.*  
*Officiers contraincts à protester.*  
*54.*  
*L'Euesque Doleron mal traicté.*  
*51.52.*  
*Ministres fraudez de leurs gages.*  
*44.45.*  
*Ministres sinicls aux decimos*

*pour les frais de guerre. 46.*  
*Escolliers despoillez de leurs pen-*  
*sions. 46.*  
*Gibets en forme de croix. 61.*  
*Bearn est des dependences de la*  
*courōne de France. 304.439.*  
*Biarnois faux & courtois. 358.*  
*Belloy aduocat de Tholose est vn*  
*baillibelle, menteur, ignorant.*  
*& escriuain gagé du R. de N.*  
*67.174.320.321.329.337.*  
*338. 387. 398. 399. 410.*  
*4424.53.484.*  
*Biron cheualier sans reproche &*  
*l'Achilles François a merité*  
*beaucoup du roiaume. 127.370*  
*Bulle du Pape contre le R. de N.*  
*295. seqq. 305.*  
*Cardinal de Bourbon.*

*Ses vertus. 122.*  
*Ses bien faicts enuers le Roy de*  
*Nauarre. 15.*  
*Blasmé a tort pour la ligue. 84.*  
*Aiant imité le grand Prestre Io-*  
*iadas, le plus proche de la cou-*  
*ronne. 381.*  
*Seruy par ceux de Guyse. 91.*

Bourbon.

*La maison de Bourbon est la*  
*maison de France fauorisee par*  
*les Lorrains. 91.*  
*Bozo Roy de Prouence eut la teste*  
*tranchee pour auoir baillé vn*  
*soufflet à vn Euesque. 303.*  
*Brocard le Prophete du Roy de*  
*N. 190.211.423.*

C

*Cabades R. des Perses depose pour*  
*le faict de la religion 276.*  
*Cahors mal traictée par le Roy*  
*de Nauarre. 264.*

Caluinistes voy Huguenots.

Inconstans. 30.  
 Plus cruels que tous heretiques. 34  
 Mésdisans. 35.  
 Sont incorrigibles. 353.  
 Caluinisme platé par armes. 252.  
 Tourné en rebellion. 351.

Catholiques.

Receus par tout le monde. 32.  
 Modestes. 34.  
 Estónex de l'hardisse du R. de Navarre. 83.  
 Forcez en leurs persones & religion. 28. 31. 54. 174.  
 Plus sans comparaison que les huguenots. 101. 106.  
 Mourront plustost tous que d'endurer le R. de N. 1. 382.  
 Ils ont des Phinees non des Poltrots. 132.  
 Sont les parties du Roy de Navarre. 100.  
 Ne doiuent estre de pire condition que les huguenots. 101. 174. 191.  
 Sont infailiblement les vrais Chrestiens. 354.  
 Desapointez de leurs estats par le R. de N. 44. 54.  
 Catholique ont resisté a la reception d'un heretique. 387.  
 Catholi. s'opposant a l'Empereur hereti. justifier. 190.  
 Fols & mais de recevoir un Roy heretique. 142. 221. 223.  
 Catholique & Chrestien comment different. 151.  
 Seules Ingues a la question de l'exclusio d'un Roy heretiq. 224.  
 Pourquoi ils ont escrit ce liure.

381.

Tresobéissant sans aîn fait de religion. 405.  
 Peuent reconrir au secours des estrangers. 85. 303. 335. 401. 397. 432.  
 Ne doiuent s'emploier pour heretiques. 407.  
 Haissent la dissimulation. 380. 415.  
 Leur foy est tresueritable. 223.  
 Le nom de Catholi. pourquoy attribué au Roy d'Espa. 415. 419.  
 Le Cath. ne peut douter si le Roy de N. est heretique. 341.  
 Le Cathol. & le huguenot differants des moens de salut. 344  
 Les Catholiques denient secourir l'heretique voire le frere au frere. 407.  
 Ont hay les R. heret. 402. 407.  
 Seqq. 424.  
 Ont esteu des Emperours ou Rous Catholiques contre les heretiques. 409.  
 Catholiques vnis.  
 Sont Cath. de contenance de nom de profession & non de foy. 55. 57. 103. 113. 16. 124. 341. 385. 415.  
 Metus sont vrais Atheistes. 14. 55. 385. 415. 461.  
 Carpuat de Roy d'Angleterre tué pour auoir chagé sa relig. 175.  
 Causemot deshu. chagé en pais. 79  
 Charlemaigne.  
 Empereur 425.  
 Estoit Papiste. 217.  
 Ses fondatiōs & pelerinages. 220  
 Faict la guerre pour la religion. 85.

Charles le Chauue preferé a son aîné.	201.	Sans clergé l'estat est un monstre.	472.
Charles duc de Lorraine.	233.	Contraire au R. de N.	502.
Exclus de la couronne.	201.	Clouis.	
Childeric premier seul Roy François infect d'heresie & tué.	429	Le premier Chrestien de tous les François.	434.
Chrestiens.		Premier Roy de France.	430. 187
Nuls proprement que les Catholiques.	150.	Estant encor Payen descend l'Eglise.	47.
Quand & comment ils peuvent estre suiets a l'infidele.	287. 334.	Conuertý par miracles.	186.
Ne doiuent estre serfs du Iuis.	334.	Fauory & saint Roy par les Catholiques.	430.
Ne doiuent estre iugez par infideles ny heret.	256. 287.	Insignement religieux.	157.
La Chrestienté faisant vn corps se peut defendre cõtre vn mebre pourry de l'here.	337. 361. 265.	A eu le tiltre de Treschrestié.	453.
Christianisme.		Son nom changé à Louys.	430.
Est la loy fondamẽtiale de France.	150. 177. 161	Reçut de Dieu lauriflan.	433.
Planté par miracle.	186.	La sainte ampoule.	434.
Receu autrement en France que en Turquie.	179 191.	Lescu à trois fleurs de lis.	435.
Soustenu par les François.	265.	Et de l'Empereur Anastase de present les marques royaux & la couronne.	438.
Ne destruit la police humaine.	288.	Tresuictorieux.	433.
A pour fin Iesus Christ.	249.	Dilate son royaume insques aux Pirenees.	434.
Royaume Christianisé est d'autres loix d'estat que le Payen qui ne regarde que au sang & a l'homme.	248. Seq. 384.	Fait de belles fõdations.	220. 433.
Christiernus Roy deposé.		Enuoie une couronne d'Or, au Pape.	41. 438.
Clemens maximus Empercur tiran sous pretexte de faire la guerre a l'heresie.		Cloilde femme de Clouis estoit Catholique.	436.
Clergé aduertý.	49.	Autre Royne d'Espaigne.	256.
Ruyné par la reception d'un Roy heretique.	467.	Coligny. 5. 10. Roy de l'Edict de Ianuier.	20.
Ses prerogatiues.	468.	Desaouue le demolition des Eglises.	62.
Il y a deux charges, l'une spirituelle l'autre temporelle.	471.	Conferance de la loy de religion a la Salique.	199.
		Seq.	204.
		D'un Roy & estat Chrestien a un des Payens.	249.
		De la foy de nos Peres avec celle du R. de N.	214.

- Seqq. de l'heretique avec les Iuifs  
 & infideles. 268.  
 Du deuoir du Pape a estre Ca-  
 tholique, & a celui du Roy de  
 France. 239.  
 De Charles de Lorraine avec le  
 R. de N. du Roy de Nauarre &  
 de Iulian l'Apostat. 480.  
 Conciles generaux leur autori-  
 té. 296  
 Seqq. sur les Roys & leurs sub-  
 iectz. 292. 310. 421.  
 Iugent du sens de l'escriture. 315.  
 Quelles personnes y ont entree, voix  
 & opinion. 356. 360.  
 Nul layc soit Empereur ou R. ny  
 peut opiner. 291. 356.  
 Seruent non seulement d'instru-  
 ction mais de loy. 362.  
 Sont dictex par le saint Esprit.  
 295. 297.  
 Obiectex par les heretiques & nō  
 reccus sans grande cōtradiction  
 & longues annees. 346.  
 Les heretiques n'en sont point cō-  
 uertis. 347.  
 Inutiles selon la maxime des Cal-  
 uinistes. 354. 361.  
 Mesmement pour leur regard &  
 le Roy de Nauarre. 357. 353.  
 Leur demande d'un Concile frau-  
 duleuse. 356.  
 Pour pretexte au R. de N. 357.  
 Nul pour l'instruction d'un par-  
 ticulier. 357.  
 Preuillables a accorder deuant d'o-  
 stroier un Concile au Roy de  
 N. difficiles. 359.  
 Concile national inuention nou-  
 uelle des heretiq. 358.  
 Concile prouincial ne peut deci-  
 der la foy Cath. 358.  
 Dict prouincial nō a raison d'une  
 prouince de nation, gent ou se-  
 culiere ains seulement de la me-  
 tropolitaine & ecclesiast. 358.  
 Cōcile de Latran des plus auten-  
 tiques. 297. 316.  
 Ses singularitez. 300.  
 Contre reception d'un Roy here-  
 tique. 295.  
 Concile de Trente defendu contre  
 les nullitez du Roy de Nauar-  
 re. 347. 36. 366.  
 Condé affecte la couronne. 5.  
 Le ieune prince de Condé quitte  
 monsieur. 9.  
 Surprend la Fere. 10.  
 Semble estre poulsé du zele de sa  
 religion. 67.  
 La conclusion des estats de Blois  
 luy est signifiee. 369.  
 Est excommunié par le Pape. 35.  
 Constantius pourquoy appellé  
 grand. 299.  
 Son affigie ibidem.  
 Constantin. 3.  
 Estoit Catholique. 410.  
 Constantius meurt comme desef-  
 peré d'auoir mis pour son suc-  
 cesseur un apostat. 135.  
 Maudit pour tel fait. 142.  
 Conuerty a la foy difficile. 753.  
 Conuerty a la foy dangereux a  
 commander. 244.  
 Couronne de France dediee a Dieu  
 & enuoyee en offrande à S. Pierre  
 de Rome oblige tons nos Roys a  
 la foy Catholique. 438.  
 Coustume fait loy. 203.  
 Mieux que la loy escrite. 199.  
 Celle qui est obseruee en la succes-



fiou de nos Rois sert & se nomme  
loy Salique. 200.

Croix employee en tous les princi-  
paux actes de la France. 162.

Mise sur l'effigie de Costantin. 399

Tournée en Gibet par le Roy de  
Navarre. 61.

Rachaptee des Venitiens. 220.

Marque & les armes des officiers  
de Justice. 500.

D

Depositiō des Papes & Rois. 233.

D'autres. 235.

Par les Papes. 317. Seqq. Par l'E-  
glise. 331. 301. 327.

Depositiō des Empereurs & Rois  
pour l'heresie. 124. 301. 394.

395. 396. Seqq. 412. Seqq.

425. Seqq. Est du commande-  
ment de Dieu. 256. 266. 277.

331.

De l'Eglise. 256. Et seqq. de la  
Chrestiente. 272.

De l'opinion de tous les Canoni-  
stes & Theologiens. 328.

De Calvin. 280.

Le pere depose le fils. 414. 420.

Le fils le pere 427. 420.

Plustost que permettre que Iesus  
Christ fut depose. 457.

Pour avoir laisse la Religion du  
Roiaume. 275.

A esté tousiours practiquee par  
les François & autres Catho-  
liques. 264. Seqq. 30 L.

Par les heretiques. 312. 214.

Cause de l'Origine des Roiaumes  
Chrestiens. 419.

De l'Empire & du leuant & du  
couchant. 397. 413.

Du Roiaume de France. 430.

Seqq.

432.

Deposition & excommunication  
pour heresie sōt inseparables. 326.

Seqq. Les huguenots ont depose les  
Rois autat quilz ont peu. 379.

Authorités sur ce. 318. 390. 391.

428. 393. 402. 405. 410. 429

Aussi indubitable, quil n'est  
qu'un Dieu.

Aussi ancienne que l'apostasie ou  
l'heresie ex Rois ou Empe. 397

Qui tient au contraire est Atheo  
& beste. 295.

Voiez exclusion.

Doulceur des heretiques, n'est que  
cruaulté. 381. 483.

Disimulation de sa religion che-  
min a l'atheisme. 11.

Exemples des Rois qui ont dissi-  
mulé. 275. 431. 386.

Duranty premier President de  
Tholose, grand zelateur de la  
foy. 498.

Duras enuoyé au Pape par le Roy  
de Navarre, pour luy rendre  
l'obedience. 6.

E

Ecclesiastiques peuvent posseder  
des Roiaumes. 308.

Doiuent avoir voix en la recep-  
tion des Rois 421.

Edict de reünio tresiuste. 21. 137.

Conferé avec les Edicts d'Angle-  
terre & Bearn. 25.

Faiet de la franche volonté du  
Roy. 131.

Edicts cōtre les huguenots. 17. 22.

Edicts de pacification cōment per-  
mettent la nouvelle opinion.

95. 373. 375.

Fondé sur la necessité du temps.

372. 460.

- Côté la volé, lib. des R. 126. 374  
 Edicts du Roy & Roine de Na-  
 uarre côté la religio Cath. 31.  
 L'Eglise est dedans la republique  
 & non au contraire. 175.  
 N'est subiecte aux loix civil. 175.  
 L'Eglise Cath. de nostre temps la  
 mesme que l'ancienne. 219.  
 Sur les Rois. 249. 175. 259. 420.  
 Les peut deposer. 259. 298.  
 Ne desroge à la souveraineté des  
 Rois. 262.  
 Ne prie nommement pour Rois  
 heretiques. 281. 297.  
 Peut infliger peines. 290. 326  
 Peut posse. toute sorte de biens. 308.  
 Peut depousseder les Rois. 329. 420  
 Biens Ecclesiastiques sont a la  
 disposition seule du clergé escu  
 des fleurs de lis. 435.  
 Election d'un Roy ou Empereur  
 Catholique contre celluy qui  
 est heretique. 409.  
 Empire transfere aux françois a  
 cause de l'heresie des Emperours  
 364. 13. 425. 431.  
 L'empire n'a que veoir sur la  
 France. 178.  
 Trois Emperours seuls estats her-  
 etiq. lors de leur reception. 386.  
 Empereur iurent la foy Catho-  
 lique. 443.  
 Leur couronnement. 444.  
 Leur sacre 449.  
 L'empereur ne se peut diuiser du  
 corps de l'Eglise. 310.  
 N'est receu sans le profession de la  
 foy Catholique. 443.  
 Ornement imperiaux. 241.  
 Espagne.  
 Espagne chasse luis & Sarra. 53  
 Commēt est occupee par les Mores  
 & Sarrazins. 414.  
 Espagne purgee des sarrazins &  
 Arriens. 57. 85. 256. 416. 419  
 Le R. d'Espagne reffuse de s'en-  
 tendre avec le Roy de N. 87.  
 Baise la main aux Euesques. 291  
 Espagnol hay de l'heretiq. 73.  
 Espagnols meilleurs François que  
 les Anglois. 73.  
 Que les huguenots. 85.  
 L'inquisition ny est cruelle qu'en  
 Angleterre. 28.  
 Le filz d'Espagne mis a mort  
 pour heresie. 460.  
 Cat. natif iadis en Espagne. 415  
 Titre de Cathol. quand & pour-  
 quoy en Espagne. 415.  
 Inquisition d'Espagne contre  
 quelles gens. 418.  
 Zelle du clergé d'Espagne. 319.  
 Roy d'Espagne depoussede. 318.  
 Estats de France bien vnis contre  
 l'heretique. 119.  
 Ont eu en premier lieu soin de la  
 religion. 271.  
 Cōfirmēt le testamēt des Rois. 201  
 Estats generaux en quoy se doiuent  
 opposer au Roy. 241.  
 Subiects aux loix de relig. 257.  
 Estats de Blois tenus à la suscita-  
 tion des heretiques. 168.  
 Condemnent l'heresie & les here-  
 tiques. 368.  
 Approuuez par le Roy de N. 370  
 Ont declairé le R. de Nauarre in-  
 digne de la couronne. 368.  
 Estats d'Angleterre. 42.  
 Estats de Bearn. 40.  
 Escosse.  
 Roine d'Ecosse cruellemēt meurtrie  
 Oo iiii

en Ang'leterre. 312. 235. 461  
 Euesques voyez Eglise.  
 l'Euesque peut & doit excommu-  
 nuer les Princes heretiques. 302.  
 316.  
 Euesques d'Afrique constants cõ-  
 tre la reception d'un Roy here-  
 tique. 385.  
 Euesques de France doivent pren-  
 dre garde à soy. 49. 52.  
 Le Roy iure de prendre leur adun.  
 469.  
 Ont voix deliberatiue aux Par-  
 lements. 470.  
 Les nommez par un Roy heretiq.  
 sont illegitimes. 491.  
 Precedent tous autres. 470.  
 Euesques anciens de la Gaule cõ-  
 tre l'heresie. 431. 441.  
 Euesques d'Angleterre s'opposent  
 à la Roynie. 42.  
 Euesques de Bearn. 40. 51.  
 Euesque d'Acqs mal-traicte. 52.  
 Euesque d'Oleron volé de sa pen-  
 sion, & chassé de sa residence  
 par les gens du Roy de Navar-  
 re. 53.  
 Office des Euesques contre l'Em-  
 pereur ou Roy heret. 385. 386.  
 388. Seq. 394. 402. Seqq.  
 440.  
 Escriuëelles guerries par les seuls  
 Rois Cath. 492.  
 Exclusion d'un Roy ou Seigneur  
 heretiq. ou apostat à este tous-  
 iours pratiquée. 14. 385.  
 Surquoy principalement fondee.  
 224. 285. 462.  
 Eût du commencement de Dieu.  
 238. 256. 283. 294. 243.  
 De la loy de nature,

Des gens ciuile & canonique.  
 208. 295. 177. 187.  
 Suivant l'opinio de tous les Theo-  
 logiens & canonistes. 328.  
 Des vniuersitez. 331.  
 Des estats de Blois. 568.  
 Des Conciles. 296. 420.  
 Des ordonnances & arrests. 460.  
 Des Parlemens. 496.  
 De tous les ordres & estats. 488.  
 Seqq. necessaire pour euter le  
 danger de perdre la foy. 285.  
 Par autres plusieurs raisons. 149.  
 Iusques à. 383.  
 Cõfirmee par les effects de la pro-  
 uidece de Dieu sur le royaume.  
 433. 463  
 Par la Prophetie de samct Remy.  
 465.  
 Par la reigle d'estat du royaume  
 qui est l'utilite d'iceluy. 466.  
 Par le sacre du Roy couronnement  
 & serment. 165. 452.  
 Par la pratique des edicts de Pa-  
 cification. 372.  
 Par l'exemple du Roy de N. & des  
 heretiques. 377.  
 Des Anglois cõtre la Roine d'Es-  
 cosse. 462.  
 Les vrais iuges d'icelle. 224.  
 Autoritez sur ce. 255. 374. 410.  
 421. 443.  
 Est cause de l'Empire occidental.  
 413. 425.  
 Des Royaumes Chrestiens de Na-  
 uarre Arrago & autres. 439.  
 419.  
 De France. 431. 438.  
 D'Espaigne. 414.  
 Le contraire est proposition Da-  
 thee. 234.

- De fol. 273.  
 D'un heretique & d'un enragé. 371. 441.  
 Est monstrueuse. 459.  
 Autrement grands inconueniens aux Catholiques & a tous ordres. 486.  
 Seqq. d'une guerre perpetuelle aux Catholiques voyez deposition.  
 Excommunication est des plus grandes peines entre les Chrestiens. 318.  
 Toute excommunication pour heresie porte deposition. 324. 395.  
 Excommunication & anatheme comme differents. 330.  
 Excommunication comment pratiquée par les saints Euesques. 331.  
 Excommuniez sont sans sepulture. 422. 427.  
 Exercice de religion n'est point necessaire a l'huguenot par leurs propres articles de foy. 18.  
 Exhortation generale contre la reception d'un Roy heretique.  
 Exemples de l'exclusion & deposition des Emperours & Roys heretiques. 383.  
 Jusques a. 439.  
 L'exemple d'un Roy combien est d'importance. 241.  
 Exemples ne preiudicent au droit. 383. 245.  
 L'estranger peut secourir les Catholiques. 85. 265. 303. 335. 401. 397. 398. 432. 248.  
 Appelle contre France par les heretiques & le R. de N. 80.  
 F  
 Le saint ne peut preiudicier au droit. 241. 245. 283. 293.  
 Femelles receues a la succession des Royaumes. 210.  
 Estre femme n'est si grand empeschement par la succession du Royaume que l'her. 209. 229.  
 Femme ne doit obeissance au mary heretique.  
 Fils ne doit obeissance a ses parens heretiques. 282.  
 Fleurs de lys pourquoy les armes de la France & leur signification. 435.  
 Foy Catholique est la loy du Royaume. 147. 177.  
 Cause de son estre. 436.  
 De la grandeur de nos Rois. 437. 255.  
 Le danger de perdre la foy est cause que un heretique ne peut estre Roy. 285.  
 Frere qui. 243.  
 Francois tous les Chrestiens sont compris sous ce nom. 140.  
 Le premier Chrestien de tous les Francois. 434.  
 Francois anciens accusez fausement de bestise. 209. 211.  
 Preferent leur Religion a leur Roy & a toutes choses. 206. 16.  
 193. 432. 534.  
 Jaloux de l'honneur de leur Roy. 133. 393.  
 Obligez a estre Catholiques voire comme bons Francois. 256. 175. 226.  
 N'ont esté iamais ennemis du Christianisme. 163.  
 Ennemis perpetuels des heretiques. 162. 432.  
 Quelle obligation enuers le Roy,

175.456.  
 Ne peuvent obeir à Roy heretique 432.429.  
 Preuient l'Empire d'Occident. 395.413.  
 Qui est le bon François. 227.  
 Roy de France voy R. & E.  
 Iesus Christ le vray Roy & Seigneur souverain de la France. 162.178.  
 Estat & Roiaume de France voy R. son origine 430.187  
 Soustruict de l'Empire a cause de l'heresie de l'Empereur. 430.  
 Gasté par la liberté de conscience 17.500.  
 Ses plus anciens tiltres. 307.  
 Ses armoiries. 435.  
 Leur blason. 436.  
 Fondé sur la foy Cath. 162.429. 228.

Prouient de la despoille des heretiques. 439.

## G

Garsie Ximene fait premier Roy de N. a cause de l'infidelité du Seigneur. 149.  
 Gaulons ont esté tousiours amis des Chrestiens voire durant leur paganisme. 172.47.178.  
 Fort religieux. 162.178.  
 Grandes singularitez. 162.  
 Geneue iniustement occupee par les heretiques. 312.  
 Gibet de Bearn en forme de croix. 61.  
 Guerre iuste pour la foy. 167.363 335.  
 Cause de la Guerre cõtre les Sarrasins. 334.  
 Guisars flatter par le Roy de Na-

uarre. 7.8.12.36.  
 Fideles & sans reproche aux Rois & au Roiaume. 8.90.  
 S'opposent aux rebelles. 36.  
 Hau du R. de N. 36.94.  
 Tendent a l'aduancement de la maison de Bourbon. 91.  
 Par les Guisars signifiez les bons Catholiques. 36.  
 Calomniez par les heretiques. 94 87.98.553.  
 Maison de Lorraine l'appuy de la France. 108.  
 Emploiez aux grandes charges. 130.  
 Honnorez des Catholiques. 132. 138.  
 Ne sont estrangers. 208.227.  
 Accusé a tort de ligue avec l'Espagnol. 87.  
 D'ambition. 90.  
 De rebellion. 94.  
 Pour les villes de seureté. 96.  
 D'auoir rompu la paix. 98.  
 De ne viser qu'a leur interest. 109.

Ne doiuent estre abandonnez par les Catholiques. 132.536.559  
 Meilleurs François que le Roy de Nauarre. 227.  
 Agacez par le Roy de Nauarre affin de nous tenir en troubles perpetuels. 131.

## H

Harangue ou remonstrance du R. de Nauarre contre ses pretentions sur la Roiauté. 544.  
 Henry premier prefere a son aisié la couronne. 201.  
 Héry 8. R. d'Angleterre se reuolte iniustement contre le Pape. 306

Henry 4. Empereur depose par le  
Pape & ses subiects pour here-  
sie. 320. 425.  
Degradé publiquement. 427.  
Henry 3. Roy de France ennemy  
de l'heresie. 125.  
Iure d'observer la paix avec l'he-  
retique. 126.  
D'extirper l'heretique 127. 170  
Il scait qu'il n'a plus grand enne-  
my que le Roy de N. 139. 143.  
Le plus religieux & deuot de tous  
les Rois de France & partant  
du monde. 573. 561.  
Son successeur doit estre de sa reli-  
gion, est bien fol & beste qui  
pese qu'il favorise l'he. 146. 562  
Les Catholiques le doivent servir  
fidellement, & par maniere de  
dire adorer. 30.  
Descrié par le R. de N. & les hu-  
guenots. 133.  
Iustificié contre toutes calomnies.  
126. Seqq. 131. 134.  
Heretiq. perfides & desloiaux. 13.  
Les pacifiques simulez sont les  
pires. 53. 54. 57. 81. 98.  
Ne gardent la foy que en petites  
choses. 54.  
Sont pariures. 59.  
Toller. & pourquoy. 113. 466.  
Ne peuuent estre sacrez ne courö-  
nez Rois. 172.  
N'en veulent pas a l'abus mais  
a la foy. 216.  
Tous taschent de supprimer la foy  
Catholique. 263.  
Principaux eue. des Ca. 367. 163  
Pires & en doctrine & en mœurs  
que les Iuifs & Pa. 268. 377-  
253.

Sont Atheistes. 269.  
Leur douceur dangereuse. 57.  
Cruelle. 481. 483.  
Ne pensent que a mal. 251.  
Leur propre est d'estre ennemy des  
Catholiques. 478.  
Doiuent estre degradez de toute au-  
torité & dominatio. 329. 427  
Perdēt tout cōmandement sur les  
ensans. 282. 427.  
Sur leur femme. 284. 427.  
Sur leur sub. & seruiteurs 284.  
Sur leurs biens. 302.  
S'educissent par les Cōciles. 347.  
Ne disputer avec eux. 348.  
S'y opposer au plustost. 114.  
Pourquoy ils demandent un Cō-  
cile. 349. 361.  
Inconuertibles, 351. 353.  
Heretiques qui. 341. 116.  
Rengés par punition non par pa-  
role. 350. 270.  
Toutes les peines & loix qui sont  
contre les Iuifs & Infideles ont  
lieu contre eulx. 270.  
Peuuent estre tuez. 297. 283. 336.  
Peine de mort contre eulx com-  
mancee en France. 388.  
Exclus & desmis de l'Emp. & roi  
autē cōme indignes. 13. 385. 387  
Seqq. n'ont aulcune excu. & se cō-  
damnent eulx mesmes. 325.  
Ne peuuent cōmāder aux Cat. 408  
Priuez de sepulture S. 422. 427.  
Leurs enfans incapables de toutes  
charges seculiers & Eccl. 427  
Sont Anthechrists. 402.  
Commēt toller. en Fran. 460.  
Heresie malade difficile a guerir.  
58. 115. 170.  
Fort diminuee en France. 117.

So extirpatio est la cause des estats  
 & Roiaumes Chrestiens. 254.  
 Hostaux natif de Orthez et Ad-  
 uocat de Pau autheur de lan-  
tiguissard.  
 Huguenot voy Calvinistes le mot  
 de huguenot qui signifie. 2.  
 Son origine. 18.  
Huguenots ne se soucient de reli-  
 gion. 18.  
 N'ont besoin de l'exercice public  
 de leur religion. 18.  
 Abiurent l'heresie a la soule.  
21. 117.  
 Felons & rebelles. 24.  
 Inconstans. 30.  
 Perfides. 34.  
 Se cōfessēt inutiles a tout bien. 36.  
 Plus ennemis de la France que  
 tous les ennemis passez. 73.  
 Petit troupeau. 101. 117. 4.  
 Semeurs de nouuelles faulses. 133.  
 Ont des poltrots. 132.  
 Se vantent singulierement du  
 saint Esprit. 111.  
 Deprauent l'écriture. 222.  
Huguenots voy Calvinistes.  
 Tiennent des propositions execra-  
 bles. 234.  
 Different d'auec les Cathol. plus  
 que en ceremonies. 344.  
 Huguenotisme non religion, mais  
 opinion d'irreligion. 369.  
 Huguenots exclus des charges du  
 royaume. 376.  
 Bannis a 10. lieues de Paris.  
 Ont disposé les Roys. (376.)  
377. 379.  
 Font guerre cruelle a noz Roys.  
 Impunité des Huguenots.  
95. 115. 132.

Meslisans. 448.  
 Hypocrites. 453.  
 Leurs conferences. 108. 144.  
 Huguenots condānez au feu. 373.  
 Hugues Capet presere a Charles  
 de Lorraine. 201. 233.  
Hugue Capet Roy de France le-  
 gitimement. 343.  
 Louanges de sa famille. 348.  
I  
 Iesus Christ le vray Roy de Frā-  
 ce eternal. 457.  
 Iesuites pourquoy hayz des here-  
 tiques. 328. 231.  
 Ne sont autheur de l'opinion sur  
 l'exclusion ou deposition des  
 Roys pour heresie. 328.  
 Images abbatues par qui. 393.  
 Images brisees cause de l'empire  
 perdu. 413.  
 Infideles ne sont si meschans que  
 les heretiques. 367.  
 Si infidele peut commander aux  
 Chrestiens. 333.  
 Cōmēt & en quel cas ils peuvent  
 cōmander aux Chrestiens. 332.  
 Peuvent estre deposez par l'Egli-  
 se. 333.  
 Instruction du R. de N. ridicule.  
632. 362.  
 Iournee de S. Barthelemy pour-  
 quoy. 3.  
 Italie se cree des Ducs cōtre l'Em-  
 pereur heretique. 413.  
 Iuis voyez Roy.  
 Du Iuis ne peut estre Roy de frā-  
 ce donc n'y vn heretique. 264.  
 Iuis tolleré pourquoy. 487.  
 Le Iuis peut estre plustost Roy que  
 vn heretique. 264. 485.  
 Iulian l'apostat de mandacte me-

- moire. 135. 142. 35. 182.  
 251. 273. 381. 403. 428. 443  
 Hippocrise. 143. 386.  
 Iulian l'apostat & le Roy de N.  
 femblables. 480.  
 Iustice diuine ausy requise en un  
 Royaume que l'humaine. 151.  
 Iustice la seule temporelle n'est la  
 fin du Roy sans celle de la reli-  
 gion 251.  
 Iustinian commence son Code par  
 la loy de religion. 157.  
 S'il fust heretique. 412.  
 L  
 La lepre n'est pas un si grand em-  
 peschement a la Royauté que  
 l'heresie. 130.  
 Laic n'eust iamais voix en Con-  
 cile legitime & Catho. 316.  
 Liberté de conscience est vne grã-  
 de persecution contre les Ca-  
 tholiques. 480.  
 Liberté de conscience a produict  
 tous les maux de France. 17.  
 Est la pire persecution des Ca-  
 tholiques. 480.  
 Tullue en France. 22.  
 Ligue qu'est-ce. 128.  
 Ligue signifie l'union des bons  
 Cat. & seruiteurs du Roy. 36.  
 Fondement de la sainte ligue.  
 77. 34. 98. 101. 105. 89. 102.  
 Faicte par necessité tres-urgen-  
 te. 89. 101.  
 Elle est du commandement du  
 Roy. 120.  
 Remede contre l'heresie. 77.  
 N'a point trouble la paix. 98.  
 N'est point rebelle. 94.  
 A besoin de quelques chef &  
 quels. 103.  
 Se faut ioindre a la ligue ou estre  
 perdus. 104.  
 Ligue Catholique & vniuerselle ne  
 peut estre vicieuse. 106. 118.  
 La sainte ligue fondee sur l'an-  
 cienneté, troques anciennes d'Es-  
 paigne. 414. 420.  
 Ligues d'Espagne blasmees iadis  
 comme auourd'huy celle de  
 France. 416.  
 Ligue ancienne des Gaules con-  
 tre l'heresie. 432.  
 Ligue contre l'heretique doit estre  
 embrassée de tous. 570.  
 Ligue contre les Albigeois. 301.  
 Ligues & cron a des anciennes.  
 334.  
 Lignes de Constantinople.  
 386. 394. 395. 406.  
 Ligues de Picardie approuuees  
 par le Roy. 111. 128.  
 Ligue des heretiques. 76. 74. 81.  
 Ligue des Grecs pour leurs tem-  
 ples & autels. 61.  
 Liurets des heretiques particu-  
 lierement confuttez. 337.  
 344. 349. 353. 362. 365. 367.  
 383. 399. 4. 8. 24. 35. 36. 42.  
 67. 68. 65. 94. 111. 118. 120.  
 173. 174. 185. 202. 213. 217.  
 234. 251. 268. 369. 271.  
 277. 306. 10331. 328.  
 Loy de nature contre la reception  
 du Roy de Navarre. 533.  
 Loix du Royaume inuolables.  
 149.  
 Loix du Roy & du Royaume s'ont  
 deux. 149. 181.  
 Loy Chrestienne est loy de tout le  
 Royaume de France & non  
 seulement du peuple. 149.



177.178.  
 Loy de religion est le commence-  
 ment du Code de Iustinian.  
157.  
 Estant loy au temporel elle con-  
 tient donc peines temporelles.  
254.  
 Loix du Royaume pour toutes  
 manieres de gens. 155.  
 Loy de religion plus inuiola-  
 ble que celle du Roiaume.  
160.  
 Est la loy principale & fonda-  
 mentale du Roiaume. 161.325.  
228.  
 Mere & matrice des autres loix  
189.  
 Loix civiles ne peuuent rien en  
 l'Eglise. 175.  
 Loix Romaines n'ont autorité en  
 France. 178.  
 Loix diuines perfectionnent tou-  
 tes autres loix. 187.  
 Loix necessaires en vn Roiaume.  
195.228.  
 Toutes loys entre les Chrestiens  
 a pur fin Iesus Christ.  
249.  
 Loix n'ont force sans la publica-  
 tion. 446.  
 Loix d'estat autres en vn Roy-  
 aume qui est Christianisé  
 autres en celuy qui est Païen  
338.248.  
 Loy Salique sur la succession  
 du Roiaume, loy Salique sa  
 vraye interpretation. 193.  
169.203.208.266.329.  
545.533.542.  
 Pourquoi faicte. 198.208.  
 Plus nouuelle que la loy de reli-

gion. 159.  
 N'a esté faicte par erreur ou  
 usurpation. 8200.203.  
 Moins certaine & pratiquee  
 que la loy de religion. 200.  
203.  
 N'est escrite mais consiste en cou-  
 stume & tradition. 200.  
201.203.  
 Souuent interrompue. 201.  
 A eu souuent besoin de la force des  
 armes. 201.  
 Loy Salique est à l'aduantage  
 de la maison de Lorraine.  
203.  
 Contre icelle les Anglois se sont  
 inscrits de faux. 203.  
 Son origine. 203.  
 Raisons & exemples contre la loy  
 Salique. 208.  
 N'exclud la regence des Roïnes  
 Meres. 229.  
 Veut que le Roy soit Catholique.  
258.370.452.  
 Atheïstement interpretee.  
266.  
 Interpretee par les Estats.  
370.  
 Mal entendue par les Huguenots.  
170.181.  
 Appelle le plus proche masles  
 Catholique a la couronne.  
381.  
 Commande sur le Roy & sur le  
 peuple. 151.157.  
 Sainct Louys estoit Papiste. 217.  
 Donne en ostage le sainct Sacre-  
 ment. 210.  
 Ses actions & fondations. 220.  
 Faict la guerre contre les Albi-  
 geois. 304.

## M

Maison de Bourbon est la maison  
de France fauorisce par les  
Lorrains. 91.  
Mariage rompu par l'heresie.  
384. 416.  
Saint Martin honoré & seruy  
de l'Imperatrice. 389.  
Mareschaux de la foy caluinienne  
70.  
Massacre sur les Catholiques en  
Bearn. 40.  
Menaces du Roy de Nauarre ne  
sont a craindre. 111.  
Messe en tous actes & charges de  
France. 162.  
Retenue mesme par tous les an-  
ciens heretiques. 216.  
Les Empereurs & Rois y sont  
nommez. 181. 412.  
Mesdisance des Catholiques. 35.  
Meti nom des Catholiques, nom  
xcler. 418.  
Ministres fraudez de leurs gai-  
ges. 44. 45.  
Miracle necessaire pour le chan-  
gement de religion les hereti-  
ques n'en ont point fait.  
499.  
Modestie des Catholiques. 24.  
Mornay auteur de la declara-  
tion du Roy de Nauarre.  
94.  
De la responce a l'aduertissement  
des Catholiques Anglois vn  
des bontefoux & esiruinains  
du Roy de Nauarre.  
Reprins. 328. 306. 371.  
Ridicule. 473.  
Monsieur feu Monsieur mis aux  
champs par le Roy de Na.

uarre.

7.

Moines s'esleuent contre l'Em-  
pereur heretique. 464. 395.  
409. 425.  
Montelmar comment prins.  
116.

## N

Nation aucune ou peuple sans  
religion. 177.  
Excusable aucunement de sui-  
ure la religion de sa nation.  
186.  
Ny lepre, ne folie, ny tyrannie ny  
crime de lexe maicste ny gan-  
grene plus grad crime que l'he-  
resie. 230. 231. 252. 270.  
Nul est Roy de France, et a char-  
ges publiques qui n'est catho-  
lique, et abiure l'heresie. 174.  
229. 376. 257. 391. 398.  
Nulle occasion de craindre que le  
Roy de France Henry 3. fauo-  
rise pour son successeur le R. de  
Nauarre. 135. 141. Seqq. 3-  
558. 465.  
Nulle conuertie sans miracle.  
186.  
Nulle recoit pour Roy celuy qui  
n'est de sa Religion. 384.  
455.  
Peut estre contraincte de re-  
teuer le christianisme de  
mesmes, que vn particulier.  
456.  
Nauarre.  
Basse Nauarre pays Catholi-  
que. 38.  
Premier Roy de Nauarre a l'occa-  
sion que autre que Catholi-  
que ne peut commander aux  
Catholiques. 419.

Premier Roy de Nauarre à l'occa-  
sion que autre Catholique ne  
peut commander aux Catho-  
liques. 419.

Royne de Nauarre.

Se rend Huguenote. 15.

Oste le Christianisme de Bearn.

22.38.37.

Ne le peut oster de Nauarre. 38.

Ses edicts cruels. 31.

Brise les sepulchres de ses ancestres

143.

Roy de Nauarre.

Est heretique notoirement.

2.6.68.340.538. & aussi

certainement que le Roy est

Catholique. 344.

Nul Catholique n'en peut doub-

ter, non plus que si lui mesmes

est Catholique. 341.343.538.

Est chef des rebelles & protecteur

des Eglises heretiques. 10.64.

80.95.173.2.2.

Est sans religion. 4.10.96.5.18.

525.

Ne peut s'excuser de n'auoir esté

instruict en la foy Catholi-

que. 6.325.362. seq.

Relaps deux fois. 6.10.15.344.

Feinct estre forcé en sa religion.

12.173.362.

Feinct desirer vn Concile. 196.

345.

Il le demande sans raison. 256.

362.

Ses heresies sont condamnées de

long temps. 301.

Reproune le Concile de Trente,

par tant se soumet aux au-

tres. 192.

Se diët tenir la doctrine des an-

ciens Rois.

114.

Il est obligé a estre Catholique

aussi bien que le fils du Sarra-

zin baptisé en enfance. 139.

336.456.

Ne faut esperer qu'il soit iamais

Catholique. 49.67.78.

Quelles gens de son Conseil. 16.

37.62.399.

Suuy & conseillé de quelles gens.

5.14.37.62.68.70.71.127.

369.

Flate par feintise ceux de Guise.

7.8.12.36.

Flatte la Sorbonne. 332.

Se deffie du Roy. 120.

Son hipocrisie & dissimulation.

6.11.12.14.22.53.82.139.

S'en fuit de la Cour. 8.140.

174.

Perfide & infidele. 37.58.190.

Lure & pariure pour tromper. 37.

58.173.190.536.

Semeur de faux bruits & dis-

cordes. 7.9.81.94.69.108.

133.138.

Il a ses escriuains publics a ga-

ges. 44.213.337.

Mesdisant en tous propos. 94.139

14.

Mesmes de ceux de son party. 6.

526.

Il appelle les Catholiques,

Atheistes. 55.78.

C'est vn moqueur. 6.366.503.

526.533.

Il desment le Pape. 343.

Il parle en harangier du petit

pont. 343.

Prie les Catholiques de dire ce

qu'ils sentent de luy. 3.

Suppose

- Suppose en leur nom de faus-  
 respouces. 4.  
 Ne pretend que a les diniser.  
 94.  
 Raut & unit les biens de l'E-  
 glise a son demaine. 44. 45.  
 51.  
 Desmolit les Eglises & s'en van-  
 te. 62. 341.  
 Demande la Bretaigne. 515.  
 Surprend & piller les villes. 59.  
 60. 61. 81.  
 Surquoy il fonde la violace qu'il  
 fait. 191.  
 Se veut venger de la saint Bar-  
 thelemy. 144.  
 Il est plus meschant que Coli-  
 gny. 62.  
 Plus que la Roine d'Angleterre.  
 31. 50.  
 Plus sacrilege que Nabuchodo-  
 nosor. 47. 60.  
 Aussi meschant que le Diable.  
 63. 65.  
 Epithetes a luy propres. 67. 133.  
 137.  
 Persecuteur & ennemi mortel  
 des Catholiques. 60. 63. 70.  
 72. 477. 479.  
 Autrement seroit miracle.  
 556.  
 Mesmes des Ecclesiastiques. 9.  
 60. 71. 503.  
 Ennemi de ceux de Guise. 36.  
 81.  
 Ennemi juré de la France. 70.  
 462.  
 De combien de maux il est cau-  
 se. 522.  
 Vient ses biens pour faire la guer-  
 re au Roy. 81.  
 Vent Perigueux pour auoir des  
 Restres. 512.  
 Il est cause des impôts sur le peu-  
 ple. 514.  
 Ne vise que a son profit. 514.  
 Reprend les armes souuent. 10.  
 17. 516.  
 Cruel & meurtrier. 160. 463. 59.  
 Se veut saisir ds la Guenne. 82.  
 Se ligue avec les Anglois & Al-  
 lemans contre la France. 74.  
 544.  
 Sa ligne avec les Catholiques  
 vnu. 81.  
 Recherche l'Espagnol. 74. 86.  
 88.  
 S'entent avec le Turc. 71. 84.  
 Pratique les gentils hommes con-  
 tre le Roy. 81.  
 Pourquoi il se sert des Catholi-  
 ques. 54.  
 La valeur de ses serments. 58.  
 536.  
 Il est contraire a la religion du  
 royaume & de nos Rois. 214.  
 seq 220.  
 Ambitieux de roiauté. 4. 64. 66.  
 90. 140. 515. 525.  
 Se fait appeller Roy de France.  
 14. 515. 140.  
 Il se promet la couronne de Fran-  
 ce prophetiquement. 211. 223.  
 511.  
 Fait imprimer les Almanachs  
 a ces fins. 69. 423.  
 Se veut faire declarer successeur  
 de la couronne. 93.  
 Il se diét Vicaire de Dieu. 21. 61.  
 139. 207. 211.

Impose fausement l'amitié du  
Roi. 84. 131. 133. 134. 145.

558.

Peint refuser le tiltre de Mon-  
sieur. 83. 13. 4.

Edicts de pacification ne sont  
pour luy. 374.

Il est estrangier. 208. 227. 534.  
539.

Ne peut estre Roy ny par rai-  
son, ny par voye de faict.

494.

Son exclusion de la couronné in-  
gee autentiquement. 371. 148

Exclus de toutes charges du roy-  
aume. 379.

Il est exclus de tout droit de la  
Royauté, comme heretique.

148. iusques a la fin.

Par l'Edict de la reunion. 148.

Par la religio Catholique. 149.  
seq. 159. 174.

Par ce qu'elle est la seule &  
vraie religion. 190. 207. 219

seq. 224. 225. seq. 311.

De noz Rois & du Roiaume.  
214. 216. seqq. 220. seqq.

223. seqq.

Parce qu'elle est la loy princi-  
pale du Roiaume. 161. seqq.

277. 182. 189. 191. 196. 128.

234. 265.

Par la forme de reception de noz  
Rois. 165. seqq. 444. seqq.

Par ce quil sest obligé a cela  
mesmes de pouuoir estre ex-  
clus au cas quil se departit de  
la religion Catholique. 189.

Par sa propre bouche. 214. 217.

121. 577.

Par ses actions & des heretiques  
12. seq. 377. seq.

Par la loy Salique. 195. seq. 204.  
286. 212. 4358. 266. 274.

452. 534. 542. 547. 545.

Par la nature & conditio essen-  
tielle de la couronne de Fran-  
ce. 226. seqq. 242. iusques a

254. 451. 454.

Par le priuilege de la Frâce. 265.  
seq. 305. 321. Voiez priuilege.

Par l'arrest de saint Gregoire.  
255.

Par la sainte escriture. 256. seq.  
243. 277. seq.

Par les saints Decrets & Coci-  
les. 333. 259. 295. seqq. 304.

Par la tradition de l'Eglise. 428  
336.

Par la commune obseruance de  
toutes les nations Paiennes ou

Chrestiennes. 274. 455. 438.  
384.

Par l'opinion de Caluin. 280.

Par le dire & exemples des he-  
retiques. 311. seqq. 315. seqq.

462. 377.

Des Anglois contre la Roynne  
d'Escoffe. 462.

De la Flandre. 508.

De Charles de Lorraine. 533. seq.

Par le danger de perdre Dieu &  
la foy. 285. 462.

Et le Clergé. 467. 501.

Et l'Estat. 466. seqq. 472. 486

Et la Noblesse. 472.

Et la Iustice & les Parlements.

493. 466.

Et la liberté des villes. 490.

Et les prerogatives de noz Rois

du Roiaume. 491.  
 Il est exclus par le Pape. 295. seq.  
 iusques a 332.  
 Par les Estats generaux de France. 329.  
 Par la generale pratique & usance de la Chrestienté. 383  
 seqq. iusques a 440.  
 Par les anciennes Ordonnances  
 & Edicts Roiaux. 490.  
 Voir par la pratique des Edicts  
 de pacification. 475.  
 Et par leur occasi<sup>o</sup> violente. 460.  
 Par les Arrests anciens. 460. 232  
 Par la consideration des effets  
 de la prouidence de Dieu sur  
 ce Roiaume. 464.  
 Pour la predicti<sup>o</sup> de saint Remy. 465. 473.  
 Par son impuissance. 464. seq.  
 Aussi comme estranger. 208. 273.  
 227. 539.  
 Comme rebelle criminel de l'ex  
 maiesté, & aiat fait la guer  
 re au Roy. 95. 232. 543.  
 Comme inhabile du sacre & couronnement. 172. seqq. 448.  
 seqq.  
 Comme estant ligué avec l'An  
 glois & l'Alemant. 74. 541.  
 Comme ennemy des Prestres. 303  
 544.  
 Et estant cōtraire a leur celibat. 318. 425.  
 Comme tenant l'opinion des Al  
 bigeois. 301.  
 Comme destructeur de saintes  
 Images. 413.  
 Des Eglises & Temples. 62.  
 Con. me n'estant si proche que le

Cardinal de Bourbon. 385.  
 Voir exclus de la seule preten  
 tion à la Couronne. 541.  
 Et beaucoup plustost que le moi  
 dre roturree. 206. 272.  
 Qu'un bastard. 357. seq.  
 Que ceux de l'estoc femuin. 204  
 seqq. 229. 447.  
 Qu'un luif Turc ou infidele. 264  
 .. 298. 485. 507. 535. 538.  
 Qu'un lepreux. 230.  
 Qu'un foux. 231.  
 Qu'un tyrā & tout autre usur  
 pateur de l'estat. 232  
 Ses menaces ne font à craindre.  
 111. 535.  
 Il est excommunié. 35. 295.  
 Il est condamné par tous les Do  
 cteurs. 328.  
 Par toutes les facultez des Uni  
 uersitez. 331.  
 Il luy faut resister. 79.  
 Les maux qu'il seroit s'il estoit  
 Roy. 477. 487.  
 Bastira Cytadelles par tout. 491  
 Fera iusticier tous les Catholi  
 ques. 463.  
 Les Huguenots sont las de luy.  
 512.  
 D'où a-il droit au roiaume de  
 Nauarre. 419.  
 Noblesse.  
 Hait le R. de Nauarre. 501.  
 Affoiblie par la reception du R.  
 de N. 472.

O

Obeissance deuë aux Rois quant  
 & en quoy. 280. 338. 286. 294

Ne leur est deuë quant ils per-  
secutent la religion. 335.  
Quant ils sont heretiques. 404.

409.

Est deuë aux Ecclesiastiques aus-  
si tost qu'aux Rois Et/ Sei-  
gneurs temporels. 309. 336.  
Occasion de ce liure. 208.  
Officiers de France. 164.  
Doibuent estre Catholiques.

164.

Non exempts d'excommunica-  
tion en cas d'heresie. 223.  
Oraisons publiques ne se doiuent  
faire pour un Roy heretique.  
281. 397. seq. 412.

P

Paix.

Paix & pacification fausse avec  
l'heretique. 99. 406. 414.  
420. 519.

N'est qu'une cruelle persecution.  
482.

Paix desesperée avec le R. de N.  
107.

Petites paix Et/ petites guerres  
propre au renuersement d'un  
estat. 520.

Pape.

Il iugent les Rois. 235. 240.  
Decident les differens d'entre  
les Princes Chrestiens. 107.  
240.

Il peut excommunier & deposer  
les Rois. 35. 235. 259. 317. 395.  
410. 422. 411.

Peut absoudre le subiet du ser-  
ment enuers le Prince. 212

250. 296.

Peut mettre ou declarer en proye  
les biens des heretiques. 302.  
317.

Se mesle du temporel des Rois  
mais indirectement. 259.

Nier sa puissance & le fait d'un  
ignorant malicieux. 311.

Sa grandeur se monstre par les  
priuileges de l'Eglise Gallica-  
ne. 321.

Il iuge du sens de l'Escripture.  
315.

Sottement appelé Antechrist.  
311.

Inurié par les heret. 428.

Pourquoy hay en l'Orient. 425.

Pape est nom honorable. 322.

De qui est iugé le Pape. 240

S'il estoit heretique il pourroit  
estre depose. 232. 256. 339.

Sa Thiare pourquoy appelle Re-  
gnum. 114.

Comparaison du Pape Et/ du  
Roy. 239.

Donation de Constantin au Pa-  
pe. 307.

Patrimoine du Pape bien fondé.  
307. 316.

Le Pape Sixte cinquieme reser-  
ue quatre millions contre les  
heretiques. 527.

Parlemens.

Sont un abbrege d'Estats gene-  
raux. 469.

Partant les Prelats y ont tous-  
iours eu voix. 470.

Se doiuent opposer au Roy de N.  
estant heretique. 318. 386.

422. 496.

Leurs armoiries sont l'image de  
la Passion figuree. 500  
Pource leurs boismets sont en fi-  
gure de croix. 500.  
Ont receu grand iniure par les  
Châbres miparties & tripar-  
ties. 500.  
Pour estre monstrueuses. 514.  
Politiques fauorisans ou n'estans  
contraires à l'heresie.  
Sont vrayes atheistes. 14.  
Temporiseurs & de maudite  
memoire. 105. 418.  
Producteur de leur patrie. 118.  
474.  
Se trouueront trompez par le R.  
de N. 49, 118. 474.  
Prelats.  
Se doiuent reposer au Roy here-  
tique. 261.  
Leur puissance & autorité. 504.  
546.  
Depossedez pour l'heresie. 410.  
Seq.  
Ne doiuent consentir à l'election  
d'un heretique. 506.  
Ont grandes occasions de ne fa-  
uorir le R. de Nauarre. 502.  
Privilege de la France sont tes-  
moignages de l'auctorité de  
l'Eglise Romaine & des Pa-  
pes. 371.  
Le premier & principal prius-  
lege de la France & des Fran-  
çois est de ne pouuoir estre cõ-  
mandez par un Roy hereti-  
que. 165. 165. 207. 226. 228.  
236. 264. seq. 272. 288. 305.  
321. 429. 437. 450. Seqq.  
454. seqq. 457. seqq. 466.

534. 492.  
Autrement ce seroit un mon-  
stre. 455. 230. 464. 459.  
457. seq. 466. 492. 534.  
Processions suiues du Magistrat  
à quelle occasion. 409.  
Protestation des autheurs de ce  
liure. 381.

## Q.

Questions entre les Catholiques  
& Huguenots decidees cy de-  
uant. 353.  
Saint Quintian Euesque de  
Rodes fauorit Clouin contre  
un Roy heretique. 432.

## R.

Reception d'un Roy heretique  
est differente de la tolerance.  
241. voiez exclusion.  
Regale, droit incommunicable  
au Roy de Nauarre. 491.  
Rebellion ne se guerit que par ar-  
mes. 351.  
Reistres haïs en France. 544.  
Relaps à quelle peine subiets. 16.  
427.  
Responces aux heretiques, voiez  
Liurets.

## Religion.

Est guide de toute vertu. 57.  
Est cause d'union & liaison &  
avec Dieu & ensemble. 86.  
180. 275.  
Est la forme de l'homme & l'a-  
me des Roiaumes & Republi-  
ques, donnât l'estre, vie, mon-



- nement, & sentiment des loix  
 & reglement de l'estat. 455.  
 228. 252. 274.  
 D'où elle doit estre prinse.  
 185.  
 N'est sujette à la volonté des  
 Rois ains leur commande. 181.  
 seq. 265. 251. seq. 259. 289.  
 seq. ; 29. à peine de deposition  
 275. voyez Deposition.  
 Est cause iuste de Ligue & guer-  
 re. 85.  
 Qui suit la religion de sa na-  
 tion, est aucunemēt excusable.  
 186.  
 Les seuls Payens endurent diuer-  
 ses Religions comme diuers  
 Dieux. 474. 719.  
 Religion dissimulee pour estre  
 Roy. 275. 286. 431.  
 Religion Chrestienne & Catho-  
 lique.  
 Merite seule le nom de religion,  
 comme la seule vraye. 272.  
 354. 539. 223. 538.  
 Inviolable & indisputable. 60.  
 194.  
 Elle est la loy principale de Frā-  
 ce. 191. 179. 191. 225.  
 Elle est incorporee & inseparable  
 du royaume & des Rois. 156.  
 176. 473. 475. non moins que  
 du Papat. 238.  
 A engendré, conserué & aug-  
 menté le royaume de France.  
 439. 463. 473.  
 Elle veut estre seule comme elle  
 n'a qu'un seul Dieu. 479  
 Tollere la Iudaïque seulement Et  
 avec moderation. 484.  
 Est la fin principale des Rois.  
 253.  
 Est cause de l'installation & re-  
 ception des Rois. 384.  
 Elle est plus considerable en tou-  
 tes choses de l'estat, Et mes-  
 me pour la succession des ro-  
 aumes, que le sang, ny toute  
 autre chose. 198. 206. 226.  
 393. 458. 248. 272. 252.  
 274. seqq. 185. 420. 441.  
 447. 458. 462. 510. 540.  
 545. 551.  
 Religion nouvelle, voyez Hugue-  
 nots.  
 Elle n'est pas religion mais opiniā  
 nouvelle. 569.  
 L'antiquité ne l'a cognue. 221.  
 N'est pas approuuee par les E-  
 dictz de Pacification. 373.  
 Elle est seulement tolleree com-  
 me les bourdeaux iadu. 373.  
 460.  
 Est fondee sur la propre fantasie  
 Et volonté d'un chacun.  
 222.  
 Elle sert seulement de masque.  
 18. 20. 518.  
 C'est la plus turbulente secte qui  
 fut iamau. 528.  
 Rois.  
 Seruent d'exemple a leurs roiau-  
 mes. 56.  
 Ne peuuent faire loy de religion.  
 181. 184. 289.  
 Tous s'ohligent à la religion du  
 Royaume. 180. 184.  
 Rois de nouveaux conuertis dan-  
 gereux. 244.  
 Distrayant souuent leurs subiects

- de l'obeissance de Dieu. 247.  
 Vaut mieue quitter la roiauté  
 que la religion. 135.  
 Quels vices empeschent d'estre  
 Roy. 230. 384. 387.  
 Rois sont destituables. 235. 256.  
 256.  
 Rois destituez pour diuersité de  
 religion. 275. 301. 303. 313.  
 395. 413. 419. 421. 426.  
 Rois disciples comment doiuent  
 estre obeis. 258. 277. 289.  
 338.  
 En quels cas peut-on leur deso-  
 beir. 238. 258. 277. 288. 294.  
 401. 417. 286.  
 Qui les doit controoller Et iuger.  
 240. 259. 420.  
 D'où ils tiennent leur puissance.  
 240. 290.  
 Sont enfans, non Seigneurs de  
 l'Eglise. 105. 249. 159. 280.  
 420.  
 Subiects aux loix de l'Eglise. 175.  
 249. 263. 420.  
 Leur souveraineté ne s'estent sur  
 la religion. 195. 185. 188. 262.  
 290.  
 Sont subiects a l'excommunica-  
 tion. 155. 195. 408. 422. 426.  
 Excommuniex Et deposez est  
 tout un. 318.  
 Subiects aux loix de leur roiaum-  
 me. 155. 176.  
 Non seulement par l'irection mau-  
 par correction. 157.  
 Ne peuvent changer l'estat de  
 leur royaume. 156.  
 Ny les loix fondamentales d'ice-  
 luy. 148.
- Ont quelquefois nommé leurs suc-  
 cesseurs. 147.  
 Le Roy & ses subiects en quoy  
 esgaux. 291.  
 Sont obligez à defendre l'Eglise.  
 254. 421.  
 Et à s'opposer à l'heresie. 295.  
 A auoir le sacrilege en horreur.  
 47.  
 Sont du corps de l'Eglise. 310.  
 338.  
 Comment ils entrent aux Con-  
 ciles. 291.  
 Baissent une Croix sur le soulier  
 du Pape. 292.  
 Souuent choisis de l'ordre Eccle-  
 siastique. 308.  
 Leur succession interrompue par  
 heresie. 319. voyez Religion.  
 Ne sont exempts du crime d'A-  
 postasie. 402.  
 Rien n'est plus dangereux qu'un  
 Roy heretique. 224. 247. 285.  
 329. 331. 374. 487. 463.  
 473. 493. 550. 550. 555. 557.  
 Rois heretiques subiects a quelles  
 maledictions. 404.  
 Peuvent estre iniuriex sans char-  
 ge de conscience. 35. 394. seq.  
 402. 404. seqq. 407. 409.  
 423. 450.  
 Roy heretique combat tousiours.  
 la foy & les Cathol. 56. 63.  
 270. 326. 477. 478. seqq.  
 549. 555. 551. 538. 395.  
 Le contraire seroit un miracle.  
 556.  
 Priuez de sepulture. 396. 427.  
 422.  
 Leur estat est à celuy des Catho-

liques qui le peut occuper. 265  
 seq. 302. 391.  
 Leur reception est de grand dan-  
 ger. 247. 285. 462. 486.  
 490.  
 Est l'exercion de la Monarchie.  
 160. 473.  
 Cause de trouble. 474.  
 De tous malheurs. 475. 493.  
 Contraire aux Privilèges du  
 Roiaume de France. 491.  
 Permis de recourir au secours  
 de l'estranger contre un Roy  
 heretique. 208. 302. seq.  
 383. 333. 335. 397. 401.  
 seq. 531.  
 Rois Paiens & Chrestiens com-  
 mient different. 249. 151.  
 Rois Paiens sont tirés. 250. 417.  
 Rois de Iudee ne pouuoient estre  
 que Catholiques. 243.  
 Roiaume Chrestianisé differe du  
 Païen. 248. seq. 384. 338. 336  
 seq. 387. 471. 274. 292. 310.  
 332.  
 Roiaume de France, voir France.  
 506.  
 Est saint & sacré. 493.  
 Est le carquois de l'Eglise. 365.  
 Ne peut estre mi-partie de religion.  
 104. 149.  
 Sa loy principale est la Loy Chre-  
 stienne.  
 Est obligé à estre Catholique. 53.  
 Un Dieu, un Roy, une Foy est  
 sa devise. 159.  
 Ennemi perpetuel des heretiques.  
 163.  
 Le premier qui a condamné les  
 heretiques à mort. 162.

Ce Roiaume & la religion Ca-  
 tholique courent mesme for-  
 tune. 473.  
 Et dicit Treschrestien. 175.  
 Ses Officiers doivent estre Ca-  
 tholiques. 163.  
 Ne peuvent estre estrangers. 273.  
 S'il est hereditaire ou electif. 198.  
 255. 318. 133.  
 N'est gouverné par femmes. 230.  
 236.  
 Et a presēt en debat à qui l'aure  
 ou l'heretique, ou le Catholi-  
 que. 104.  
 Roys de France.  
 Nom de Roy est propre aux seuls  
 Rois de France. 130.  
 Leur a este donné à cause de la  
 foy Catholique. 437.  
 Pourquoy ils surpassēt les autres  
 Rois. 141. 255. 321. 453  
 Leur office propre est de mainte-  
 nir la foy Catholique. 141.  
 185. 239. 251. 454.  
 Vn seul Roy visible & externe.  
 140. 159.  
 Iesus Christ est le Roy inuisible  
 propre & souverain de Fran-  
 ce, non moins que le vray Pa-  
 pe & chef interne de l'Eglise.  
 417.  
 Nul ne peut estre Roy de France  
 s'il n'est Catholique. 156. 165.  
 170. 171. 189. 196. 197.  
 204. 236. 239. 243. 272.  
 452. 458. 169.  
 Rois Catholiques & Treschre-  
 stiens. 255. 429. 453.  
 Ont deffendu & estendu la foy  
 au touchant & leuant. 265.

- Tous Catholiques. 429. 464.  
 Un Roy heretique seroit un mō-  
 stre. 230. 435. seq.  
 Outragez par les Hug. 378.  
 Treschrestien tiltre de noz Rois.  
 454.  
 Sont Lieutenants de Iesus Christ.  
 457.  
 Subiects a la loy de Religion.  
 155. 179.  
 Dicts Rois par la grace de Dieu.  
 197.  
 Tiennent le Roiaume de Dieu  
 & de la foy plus que de l'es-  
 pee. 197. 433.  
 Plus Rois par la coustume que  
 par la nature. 198.  
 Rois anciens estoient tous Papi-  
 stes & Catholiques. 216.  
 218.  
 Sont Chanoines & Beneficiars  
 en plusieurs Eglises. 239.  
 Chantent l'Euangile a la Messe  
 du Pape. 239.  
 Fils aînez de l'Eglise. 239.  
 S'ils sont heretiques ne sont plus  
 Rois. 241. 256. 264. 429.  
 Roines de France doivent aussi  
 estre Catholiques. 256.  
 S'ils peuuent estre excommuniez.  
 323.  
 Leurs priuileges montrent la  
 puissance du Pape. 321.  
 Voy priuileges.  
 Guarissement des escroüelles.  
 450. 491.  
 Plus tost receuz aux Eglises  
 qu'aux Palais. 165.  
 Leur installation par les cere-  
 monies de l'Eglise. 165.  
 Iurent qu'ils prendront conseil  
 des Euesques. 469.  
 Leur sacre avec saintes ceremo-  
 nies. 165. 167. 240. 430.  
 447.  
 Occasion de leur sacre. 434.  
 451.  
 Sans le sacre ne sont comptez au  
 nombre des Rois. 448. 450.  
 358. 435.  
 Leur serment auant que recevoir  
 la couronne. 166. 466.  
 Iurent en parole de Roy & pour-  
 quoy. 167. 450.  
 Leur serment surquoy il est fon-  
 dé. 170.  
 Leur couronnement. 168. 446.  
 Leurs accoustremens Royaux.  
 239.  
 Leurs armoiries. 435.  
 Comparaison du Roy & du  
 Pape quant aux ceremonies.  
 239.  
 Ont deux propres Epithetes.  
 197.  
 Leur obligation enuers leurs su-  
 iects. 171.  
 Comment ils ont receu l'Empire.  
 395.  
 Estoient anciennement Ducs.  
 187.  
 Rois de France deposez. 233. 256.  
 318. 429.  
 Roine mere.  
 Ne fauorise point le Roy de Na-  
 uarre. 144.  
 A fondé moyens d'accord. 108.  
 A taché a conuertir le Roy de  
 Navarre. 364.  
 Quelles indignitez elle a endurez

de luy. 144.  
 Regente en France selon la loy  
 Salique. 229.  
 Roynes de France par necessité  
 Catholiques. 256.  
 Roines Catholiques quittent leur  
 mary pour heresie. 248.  
 Roine d'Escoffe, voyez Escoffe.  
 Roine d'Angleterre, voyez An-  
 gleterre.

### S

Sacrilege est en horreur à tous  
 Rois. 47.  
 Sepulchres violez par les hereti-  
 ques. 145.  
 Senat s'oppose aux Emperours  
 heretiques. 318. 386. 408.  
 422.

### Serment.

Serment Roial. 170. 453.  
 Dispence de serment. 262.  
 Sermens du R. de Nauarre quels.  
 58.

Subiects d'un heretique absous  
 de tout deuoir & obissance.  
 262. 182. 284. 286. 295.  
 302. 315. 330. 332. seq. 399.  
 426.

### Succession.

Succession des Rois par qui dispu-  
 tee. 280. 241.  
 Successeurs quels doiuent estre  
 choisis. 135. 136. 280. 443.  
 Successeurs sont cause que leurs  
 deuanciers sont honnorez.  
 135. 142.  
 Doiuent estre de mesme religion  
 que le predecesseur. 136.

Nomination de successeur non  
 necessaire. 147.  
 Succession seule ne fait les Rois.  
 448. Voy religion.  
 Souueraineté des Rois. 175. 185.  
 188. 260. 263. 289. 331.

### T.

Temples & Autels inuiolables.  
 61. 62.

Tiers estat est contre la reception  
 du R. de N. 506.

Tiltre de Tres-chrestien ne peut  
 conuenir au Roy de Nauarre.  
 453. 455.

Trente, voyez Conciles.

Trusches Archeuesque de Colo-  
 gne depose. 340.

Thoulouse vny à la couronne de  
 France, à cause de l'heresie des  
 Comtes. 304. 439.

Thoulouse se plaint à cause des  
 impôts pour le Roy de Na-  
 uarre. 515.

### Turc.

Endure toute religion. 34. 53.  
 Maintient les Catholiques.  
 507.

Plus tollerable à estre Roy qu'un  
 heretique. 271. 272. 507.

S'entend avec le Roy de Nauarre.  
 Estat des Turcs comment compo-  
 se. 471.

La guerre contre luy est iuste.  
 267. 239.

Tyrans punis de Dieu. 396.

Tyrannie cause de l'expulsion  
 des Rois. 232.

V.

Vniuersité contre la reception du  
R. de N.

331.

Valentinian 2. ne peut estre re-  
mis en l'Empire sans l'ab-  
iuration de son heresie.

Vsfance sert de Loy.

199.

Z.

393.

Villes de seureté comment proro-  
gees aux Huguenots. 96.Zacharie Pape depose le Roy  
Childeric.

319.

Vitiza Roy d'Espaigne depose  
par le Pape, à cause de sa vio-  
lasciue & de l'heresie. 318.

Zeles des Catholiques. 78.

Zenon temporizeur. 387. rebute  
de l'Empire pour ceste cause.

412.

13.294.

F I N.



Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, possibly a signature or a date, located in the center of the page.













F.S.

PANDIMIGLIO

APR. 1971

LEGATOIA - ROMA

